

৮৫-৮৬ দুই খণ্ড একত্রে

বাংলাপিডিএফ



নীল সাগর + হত্যা রহস্য

(হত্যাকাণ্ড)

রোমেনা আফাজ



৯৯

দস্যু বনছর সিরিজ
দুই খণ্ড একত্রে

হত্যা রহস্য-৮৫ নীল সাগর-৮৬

রোমেনা আফাজ



সালমা বুক ডিপো

৩৮/২ বাংলাবাজার, ঢাকা-১১০০



প্রকাশক :

মোঃ মোকসেদ আলী
সালমা বুক ডিপো
৩৮/২ বাংলাবাজার,
ঢাকা-১১০০

গ্রন্থস্বত্ব সংরক্ষণে প্রকাশক

প্রচ্ছদ : সুখেন দাস

নতুন সংস্করণ : সেপ্টেম্বর, ১৯৯৮ ইং

পরিবেশনায় :

বাদল ব্রাদার্স
৩৮/২ বাংলাবাজার
ঢাকা-১১০০

কম্পিউটার কম্পোজ :

বিশ্বাস কম্পিউটার্স
৩৮/২-খ, বাংলাবাজার,
ঢাকা-১১০০

মুদ্রণে :

সালমা আর্ট প্রেস
৭১/১ বি. কে. দাস রোড
ফরাশগঞ্জ, ঢাকা-১১০০

দাম : ত্রিশ টাকা মাত্র

উৎসর্গ

আমার প্রাণ প্রিয় স্বামী, যিনি আমার লেখনীর উৎসাহ ও
প্রেরণা জুগিয়েছেন আল্লাহ রাব্বিল আলামিনের কাছে
তার রুহের মাগফেরাত কামনা করছি।

রোমেনা আফাজ
জলেশ্বরী তলা
বগুড়া

সত্য ও ন্যায়ের প্রতীক
দস্যু বনহর



গম্ভীর কণ্ঠে বললো বনহর— ডাক্তার, যদি মৃত্যুর কবল থেকে রক্ষা পেতে চাও তবে রোগিনীকে ভালোভাবে পরীক্ষা করে ওষুধ দাও। রোগিনীর যদি কোনো ক্ষতি হয় তাহলে মৃত্যু তোমার অনিবার্য।

ডাক্তার রোগিনীর পাশে এসে দাঁড়ালেন, রোগিনীর মুখে দৃষ্টি নিক্ষেপ করে ঢোক গিলে ফিরে তাকালেন বনহরের মুখে, বনহরের কথাগুলো ভীষণভাবে তাকে ভীত করে তুলেছে।

আশাকে এখন শয়্যায় শোয়ানো হয়েছে।

শিয়রে দাঁড়িয়ে আছে রঘু আর নিয়ং।

বাঘা দু'পায়ের মাঝামাঝি মুখ রেখে বসে আছে, তাকাচ্ছে সে সবার মুখের দিকে। বাঘা যেন সবার কথাবার্তা বুঝতে পারছে, সব যেন জানে সে। এক একবার কটমট করে তাকাচ্ছে সে ডাক্তারের দিকে।

ডাক্তার ভয়বিহবল দৃষ্টি নিয়ে আড়চোখে দেখছেন বাঘাকে। বাঘার বিরাট দেহটা এবং লাল টকটকে চোখ দুটো লক্ষ্য করে শিউরে উঠলেন তিনি। কিন্তু ভয় পেয়ে কোনো ফল হবে না, পালানো সম্ভব নয়, যেমন বনহর তেমনি বাঘা—ডাক্তারের ফাঁকি দেওয়া চলবে না এখানে।

ডাক্তার তাঁর ওষুধের বাস্ক খুলে রোগী পরীক্ষার যন্ত্রপাতি বের করে রোগিনীকে পরীক্ষা করে চললেন। ভালভাবেই পরীক্ষা কাজ শেষ করে বললেন— রোগিনীর অবস্থা মোটেই ভাল নয়, প্রচুর রক্তের প্রয়োজন।

লিয়ং বলে উঠলো—সর্দার, আমি দেবো রক্ত। আশা আমার বড় বোন, তার জন্য আমি জীবন দিতে পারি।

রঘুও বললো—সর্দার, আশার জন্য আমিও রক্ত দেবো, যত রক্ত লাগুক বোন আশাকে বাঁচাতেই হবে.....

বনহর খুশিভরা কণ্ঠে বললো— তোমাদের কথায় আমি আনন্দিত। ডাক্তার, আপনি ইচ্ছামত এদের রক্ত ব্যবহার করতে পারেন।

ডাক্তার বললেন—কিন্তু রক্ত পরীক্ষা করে দেখতে হবে রোগিনীর দেহের রক্তের সঙ্গে এদের রক্ত চলবে কিনা। যদি চলে তাহলে ভাল, নাহলে রক্তের ব্যবস্থা করতে হবে।

বনহর বললো—ব্লাডের জন্য যে ভাবে ব্যবস্থা করতে হয় করুন। যদি আমার ব্লাড চলে তাতেও রাজি আছি ডাক্তার।

রঘু আর লিয়ং তাকালো সর্দারের মুখের দিকে। তারা অবাক হলো, সর্দার নিজের রক্ত দিতে রাজি আছেন আশার জন্য!



ডাক্তার এবং বনহরের চেষ্টায় আশা এবারের মত জীবন রক্ষা পেলো। এত বেশি রক্তের প্রয়োজন হলো যার জন্য রঘু আর বনহর উভয়কে রক্ত দিতে হলো।

যতদিন আশা সম্পূর্ণ সুস্থ না হলো ততদিন বনহর হিন্দল ছেড়ে গেলো না, সর্বক্ষণ আশার পাশে থাকতো বনহর! বাঘাও একদণ্ড ছেড়ে যেতো না আশা ও বনহরকে।

নীরব প্রহরীর মত বাঘা বসে থাকতো শিয়রে।

ধীরে ধীরে সুস্থ হয়ে উঠলো আশা।

মৃত্যুর মুখ থেকে ফিরে এলো আশা, কেউ ভাবতেও পারেনি এ অবস্থা থেকে রেহাই পাবে সে। নবজীবন লাভ করে আশা বনহরকে দেখলো তার পাশে—আনন্দে মুখ ওর দীপ্ত হয়ে উঠলো, বনহরকে পাশে পাওয়া তার পরম আনন্দের কথা। আশা বললো—সত্যি তুমি আমার জন্য এত করবে ভাবতেও পারিনি। বনহর, আমি এবার তোমার জন্যই জীবন ফিরে পেলাম।

বনহর বললো—না, আমার জন্য নয়, বাঘার জন্য। বাঘা যদি তোমার সন্ধান না দিতো তাহলে তোমাকে খুঁজে বের করা আমার পক্ষে সম্ভব হতো না, সেই রহস্যময় সন্ধ্যাসীরা তোমাকে অগ্নিদগ্ধ করে খেতো।

কি দারুণ মুহূর্ত হতে তুমি সেদিন আমাকে বাঁচিয়েছিলে বনহর জানো সব আমি শুনেছি লিয়ংয়ের মুখে। তুমি আমার জন্য কত কষ্টই না করেছো।

বনহর বললো—আর তুমি আমার জন্য কতবার। নিজের জীবন বিপন্ন করে মৃত্যুর সঙ্গে মোকাবেলা করেছো আশা। আমি তার প্রতিদানে তোমাকে কিছু দিতে পারিনি। আশা, এখন তুমি সুস্থ হয়ে উঠেছো, এবার আমাকে যেতে হবে।

তুমি এত তাড়াতাড়ি চলে যাবে বনহর?

একটা কথা তুমি হয়তো শোনোনি—ফাংহার নৃশংস হত্যাকাণ্ডের কথা।

না তো, আমি ফাংহার হত্যাকাণ্ডের কথা কিছুই শুনিনি!

শুনলে তুমি দুঃখ পাবে আশা। এখন না শোনাই তোমার ভালো।

না, তুমি বসো বনহর। আর একটু সরে এসো না আমার পাশে। আশা বনহরের দিকে হাত বাড়িয়ে দিলো। বিছানায় শুয়ে ছিলো আশা, কারণ সে সুস্থ হলেও অত্যন্ত দুর্বল ছিলো।

বনহর একটু সরে এলো কাছে।

যদিও বনহর সব সময় প্রায় আশার কাছাকাছি থাকতো তবু আশা ওকে একেবারে নিবিড় করে পেতো না, কারণ বনহর সব সময় দূরত্ব বজায় রাখতো, যতদূর সম্ভব সরে থাকতো সে আশার পাশ থেকে।

আশার সাধ মিটতো না, বনহরকে আরও কাছে পাবার জন্য ব্যাকুল হয়ে উঠতো সে। বনহর সরে এলে ওর হাতের মধ্যে হাত রাখলো আশা, বললো—বলো বনহর, বলো ফাংহার সংবাদ বলো, ফাংহার কথা জানার জন্য আমি উৎসুক—জানো বনহর, এককালে আমি নিজেও ফাংহায় ছিলাম।

তুমি ফাংহায় ছিলে?

হাঁ, শিশুকালে একবার আমি আমার পিতার সঙ্গে ফাংহায় যাই।

তখন আমার বাবা ঐ দেশে ব্যবসা করতেন। আমার মা ফাংহার অধিবাসিনী ছিলেন কিনা তাই.....

এবার বুঝেছি কেন তোমার এত সখ ফাংহার সংবাদ জানার জন্য? তোমার মা ফাংহার অধিবাসিনী, এ কথা জানতাম না তো?

হাঁ, তবে আমার আপন মা নন, বাবা দ্বিতীয় বিয়ে করেছিলেন ফাংহায়। বলো বনহর, ফাংহার সংবাদ কি?

বনহর বললো—ফাংহায় অদ্ভুত এক হত্যাকাণ্ড সংঘটিত হয়ে চলেছে। প্রায় রাতেই পথেঘাটে পড়ে থাকতে দেখা যায় কোনো না কোনো যুবকের মৃতদেহ। মৃতদেহের বুকের পাশে থাকে একটা অপারেশনের দাগ। কে বা কারা তাদের বুক চিরে বের করে নেয় হৃৎপিণ্ড।

হৃৎপিণ্ড! নিহত যুবকদের বুক চিরে খুঁচী বের করে নেয় তাদের হৃৎপিণ্ড?

হাঁ, নিশ্চয়ই এটা কোনো নরপশু বৈজ্ঞানিকের কাজ, হয়তো সে হৃৎপিণ্ড দিয়ে নতুন কোনো গবেষণা চালিয়ে চলেছে।

আশ্চর্য বটে!

হাঁ, বড় আশ্চর্য! শুনেছিলাম বিদেশে হৃৎপিণ্ড নিয়ে নানাভাবে গবেষণা চলছে। হয়তো কোনো ব্যক্তির সতেজ হৃৎপিণ্ড নিয়ে কোনো নষ্ট হৃৎপিণ্ড মানুষের বুক সংযোজন করে সেই মৃতপ্রায় ব্যক্তিকে সতেজ করে তোলার

চেপ্টা চলছে। জানি না ফাংহায় কোনো ব্যক্তি সেই সাধনায় লিপ্ত হয়েছে কিনা। আমাকে অচিরেই ফাংহায় যেতে হবে। শত শত ফাংহা অধিবাসী আজ এই নৃশংস হত্যাকাণ্ডের জন্য সদা আশঙ্কিত।

আশা বললো—আমাকে সুস্থ হতে দাও বনহর, তারপর আমিও যাবো তোমার সঙ্গে।

আশা, তোমার জন্য অপেক্ষা করছে রহস্যময়ী। ওর বৃদ্ধ পিতাও রয়েছে, তারা তোমাকে না পেলে পুনরায় জঙ্গলে ফিরে যাবে। আবার তারা অমানুষ হবে, তুমি কি তাই চাও?

না, আমি তা চাই না। আর চাই না বলেই তো ওদের আমি হিন্দল থেকে ঝামে পাঠিয়ে দিয়েছি।

আশা ওদের তুমি ঝামে পাঠিয়ে ভাল করোনি, কারণ তুমি সেখানে নেই—তাদের তো অসুবিধা হতে পারে।

আমি জানি তাদের কোনো অসুবিধা হবে না। বনরাণী আর তার পিতা আমার আস্তানায় চিরকাল আশ্রয় পাবে।

সত্যি আশা, তুমি বড় মহৎ। রহস্যময়ী নারীকে তুমি মানবী আকারে তৈরি করেছো—তারপর তুমি আশ্রয় দিয়েছো নিজ আস্তানায়, তোমার মত হৃদয়বান মহিলা হওয়া বড় কঠিন.....

তুমি বেশি বাড়িয়ে বলছো বনহর! জীবনে কারও কোনো উপকার করেছি বলে আমার মনে হয় না। এবার ফাংহায় তোমার সঙ্গে যাবো এবং তোমার পাশে থেকে তোমাকে সাহায্য করতে চেপ্টা করবো।

তা হয় না আশা, কারণ ফাংহায় আমি আত্মগোপন করে কাজ করবো তাছাড়া তুমি এত বেশি অসুস্থ.....

আমি মোটেই অসুস্থ নই বনহর। তোমার অক্লান্ত চেপ্টায় আমি সম্পূর্ণ সুস্থ হয়ে উঠেছি কথার ফাঁকে আশা বনহরের দক্ষিণ হাতখানা মুঠায় চেপে ধরে—বলো ফাংহায় যাবার সময় সঙ্গে নিয়ে যাবে? বড় সাধ তোমার সঙ্গে থেকে কাজ করি।

বনহর কোনো কথা বলে না।

আশা বলে উঠে—বাঘাও যাবে তোমার সঙ্গে। তারপর বাঘার দিকে তাকিয়ে বলে... কিরে বাঘা, যাবি না?

বাঘা বসেছিলো—আশার কথা যেন সে বুঝতে পারে, উঠে দাঁড়িয়ে হাই তুলে লেজ নেড়ে যেন সম্মতি জানায় সে।

আরও দু'দিন কেটে গেলো।

আশা আরও সুস্থ হয়ে উঠলো! একদিন হঠাৎ ডাক এলো ঝাম থেকে আশার। ঝাম জঙ্গলে আশার যে গোপন ঘাটি ছিলো, সেখান থেকে একজন অনুচর এসে হাজির হলো। দীর্ঘদিন আস্তানায় আশা না থাকায় বিশেষভাবে ক্ষতি সাধন হচ্ছে, অচিরে না গেলেই নয়।

বাধ্য হলো আশা আস্তানায় যেতে। অবশ্য বনহর তাকে বোঝালো সে না গেলে তার বহু কাজ বিনষ্ট হয়ে যাবে।

আশা ঝাম জঙ্গলে তার আস্তানায় যাবে বলে রাজি হলো কিন্তু বাঘাকে সে সঙ্গে নিয়ে যাবে।

বনহর তাতেই সম্মতি দিলো।

আশা বাঘাকে পাবে, এ জন্য আনন্দের সীমা রইলো না তার। তবে কথা দিলো আশা, যখন বাঘাকে বনহরের প্রয়োজন হবে তখন ফিরিয়ে দেবে তাকে।

কিন্তু আশা এখন দুর্বল সে পৌছবে, এ নিয়ে চিন্তায় পড়লো বনহর।

আশা নিজেও ভাবছে কিভাবে যাওয়া যায়—বাঘাও যাবে তার সঙ্গে, কাজেই চিন্তার কারণ বটে।

আশা ধরে বসলো বনহরকে, তাকে পৌছে দিতে হবে। কিন্তু বনহরের এখন ঝামে যাওয়া সম্ভব নয়—তাকে ফাংহায় যেতে হবে, সেখানে প্রতিটি রাতে নৃশংস হত্যাকাণ্ড ঘটে চলেছে।

সেদিন বনহর নির্জনে বসেছিলো—হয়তো ফাংহার হত্যাকাণ্ড নিয়েই ভাবছে কিংবা ভাবছে কান্দাই আস্তানার কথা, এমন সময় আশা এসে দাঁড়ালো তার পাশে, চোখমুখ তার ক্লান্ত ম্লান।

পদশব্দে মুখ তুলে তাকালো বনহর, আশাকে দেখে বললো—বসো।

আশা বসলো।

বনহর বললো— তোমার এ ভাবে শয্যা ত্যাগ করে উঠে আসা ঠিক হয়নি।

কাল আমাকে ঝামের উদ্দেশ্যে বিদায় দিচ্ছে অথচ বলছো শয্যা ত্যাগ করা উচিত হয়নি।

হাঁ, সত্য আশা। ঝামে যাবার সময় তোমাকে শয্যা ত্যাগ করতে হবে সত্য কিন্তু.....

বলো, থামলে কেন?

না ত্যাগ করে উপায় নেই, তাই।

বনহর, তুমি আমার জন্য ভাবো? সত্যিই কি আমি মরলে তুমি ব্যথা পাবে?

বনহর চোখ দুটো মেলে ধরলো সম্মুখের সীমাহীন আকাশের দিকে, দূরে হাল্কা মেঘগুলো যেখানে ভেসে বেড়াচ্ছিলো সেইদিকে। আশা পুনরায় প্রশ্ন করলো—আমি মরলে তুমি ব্যথা পাবে?

জানি না!

তোমাকে বলতে হবে।

আশা, পৃথিবীর প্রতিটি মানুষের জন্য আমার মন কাঁদে। সবাইকে আমি ভালবাসি, তবে যারা অন্যায় কাজ করে তাদের আমি ঘৃণা করি। একটু থেমে বললো—তুমি তো প্রথম পর্যায়ে পড়ছো, কাজেই তোমার জন্য মন আমার কাঁদবেই।

তুমি আমাকে ঝামে রেখে আসবে না বনহর?

কিন্তু আমাকে যে ফাংহায় যেতে হবে, কারণ আমি চাই ফাংহার হত্যাকাণ্ড যথাসীঘ্র বন্ধ হয়। জানো আশা, প্রতিদিন হত্যাকারী কত নিরীহ মানুষের প্রাণনাশ করে চলেছে। এ মুহূর্তে ঝামে তোমাকে পৌছে দিতে গেলে বেশ বিলম্ব হবে। তোমার সঙ্গে থাকবে বাঘা আর রঘু.....

অভিমানভরা কণ্ঠে বললো আশা—ফিরে এসে যাবে তুমি আমার আস্তানায়, কথা দাও?

হেসে বললো বনহর—আচ্ছা দিলাম।

বললো আশা—একটা কথা!

বলো?

তুমি ভুলে গেলেও আমি ভুলে যাইনি। মনে আছে বন্ধ্যা জঙ্গলে আমি তোমার হাতে পরিয়ে দিয়েছিলাম একটা রক্ষাকবচ?

আছে।

সে কবচ তুমি কি করেছো বনহর?

আমার আস্তানায় খুলে রেখেছি।

তুমি ভুল করেছো।

কবচ খুলে রেখেছি বলে?

হ্যাঁ, ঐ কবজ তোমার সঙ্গে থাকলে কোনো বিপদ তোমাকে স্পর্শ করতে পারতো না।

ও কবচ তুমি কোথায় পেয়েছিলে?

সে এক অদ্ভুত কাহিনী, কিন্তু আজ তোমাকে সে কাহিনী বলবো না, কারণ কবচটি যখন তুমি বাজুতে ধারণ করবে তখন সময়মত বলবো।

বললো বনহর—বেশ তাই বলো। আর যদি কবজটি বাজুতে ধারণ না করি?

তাহলে আমি সে কাহিনী কোনোদিনই তোমার কাছে ব্যক্ত করবো না, তাছাড়া আমি বড় দুঃখ পাবো। জানো বনহর, তুমি আমার কত সাধনার সম্পদ..... যদিও তুমি আমাকে অবহেলা করো। তবুও.....

বনহরের কথায় আশা আরও দু'দিন অপেক্ষা করলো, তারপর একদিন বিদায় গ্রহণ করলো ঝামের উদ্দেশ্যে।

বনহর অবশ্য আশাকে বিমানবন্দর পর্যন্ত পৌঁছে দিলো, না দিয়ে কোনো উপায় ছিলো না তাই।

আশা যখন বাঘাকে নিয়ে বিমানে উঠলো তখনও বাঘা জানালাপথে তাকিয়েছিলো তার প্রভুও যাবে তাদের সঙ্গে, তাই সে খুশিতে লেজ নাড়ছিলো বারবার কিন্তু যখন বনহর বিমানে উঠলো না তখন বাঘার মুখখানা ম্লান হলো। অবশ্য সে পশু তাই তার মুখোভাবে মনের ভাব প্রকাশ না পেলেও চোখ দুটো ছলছল করছিলো।

আশা বারবার রুমালে চোখ মুছলো।

বনহর এরোড্রামের বাইরে বেরিয়ে এলো যখন তখন আশাকে নিয়ে বিমানখানা দৃষ্টির আড়ালে চলে গেছে।

গাড়িতে চেপে বসলো বনহর।

ড্রাইভার বললো—সর্দার, কোথায় যাবো?

বনহর বললো—আস্তানায় চলো।



ফাংহার হত্যাকাণ্ড ভীষণভাবে ভাবিয়ে তুলেছে দেশবাসীকে, কারণ প্রতিদিন একটা না একটা যুবক নিহত হচ্ছে! প্রতিটি মানুষের মনে দেখা দিয়েছে ভীষণ এক আতঙ্ক, না জানি কোন্ মুহূর্তে কার ভাগ্যে কি ঘটে বসে!

ফাংহার এই অদ্ভুত হত্যাকাণ্ড নিয়ে পুলিশবাহিনী নানাভাবে তদন্ত চালিয়ে চলেছেন তবু কোনো কিনারা করতে পারেননি ওই হত্যা রহস্যের। কে এই

হত্যাকাণ্ড সংঘটিত করে চলেছে, তাকে খুঁজে বের করার জন্য শুধু পুলিশ বাহিনী নয়, ফাংহাবাসী সবাই সজাগ হয়ে উঠেছে।

অনেক চেষ্টা করেও যখন এই হত্যাকাণ্ডের কোনো হদিস পাওয়া গেলো না তখন দস্যু বনহর স্বয়ং এসে উপস্থিত হলো ফাংহা শহরে।

ফাংহার অদূরে এক ডাকবাংলো, সেখানেই উঠলো বনহর—সঙ্গে তার রহমান ও একটা ছোট চাকর আরজু।

বনহর বিদেশী নাগরিক হিসেবেই এই ডাকবাংলোয় আশ্রয় নিলো।

উঁচু একটা টিলার উপরে সুন্দর পরিচ্ছন্ন এই বাংলো। বাংলোটা খুব বড় না হলেও মনোরম—পাশাপাশি দুটি কামরা, একটাতে বনহর ও রহমান, অপরটাতে আগে হ'তেই এক ভদ্রলোক থাকেন নাম তার মিঃ ইবন। অবশ্য প্রথম দিনই ভদ্রলোক বনহরের সাথে গায়ে পড়ে আলাপ করে নিয়েছিলেন।

চাকর ছোকরা আর রহমান এসে বাংলোর জিনিসপত্র গুছিয়ে নিচ্ছিলো, বনহর বেলকুনির ধারে দাঁড়িয়ে সিগারেট পান করছিলো আর উপভোগ করছিলো সম্মুখস্থ পাহাড়িয়া অঞ্চলের সৌন্দর্য।

জায়গাটা পাহাড়িয়া অঞ্চল! উচুনিচু অনেক টিলা, অসমতল বিস্তৃত এলাকা আর সবুজ তৃণরাশি। মাঝে মাঝে নাম না জানা ছোটবড় গাছ। গাছে গাছে নানা বর্ণের ফুলের সমারোহ।

অপূর্ব সৌন্দর্য বলা যায়।

বনহর এসেছে খুনির সন্ধান করতে এবং ফাংহার জনসাধারণকে মৃত্যুভয়াল অবস্থা থেকে উদ্ধার করতে কিন্তু ফাংহার ডাকবাংলো তাকে মুগ্ধ করে ফেলেছে, করেছে অভিভূত, ভারী সুন্দর লাগছে তার কাছে জায়গাটা।

ডাকবাংলোর অদূরে একটা মহুয়া গাছ। মহুয়া ফুলের গন্ধে মাতোয়ারা গোটা বাংলো অঞ্চলটা। বনহর দাঁড়িয়ে দাঁড়িয়ে উপভোগ করছিলো নতুন জায়গার নতুন মধুময় সৌন্দর্য। মাঝে মাঝে সিগারেট থেকে ধূয়া নির্গত করে চলেছিলো সে।

অবশ্য বনহর প্রাকৃতিক সৌন্দর্য উপভোগ করলেও মন ছিলো তার গভীর এক চিন্তায় আচ্ছন্ন। ফাংহার জনসাধারণ আজ ভীষণ এক অবস্থার সম্মুখীন হয়েছে। প্রতি রাতে একটা না একটা লোক জীবন হারাচ্ছে। শুধু মৃত্যুই তারা বরণ করছে না, এক ভয়ঙ্কর বিতীষিকাময় অবস্থার মধ্যে প্রতি মুহূর্ত তারা কালতিপাত করছে।

বনহর এই চিন্তায় মগ্ন ছিলো, ঠিক ঐ সময় তার পিছনে এসে দাঁড়ালেন পাশের কামরার ভদ্রলোক। মুখে তাঁর পরিচ্ছন্ন হাসির আভাস, বললেন তিনি—শুভ হোক আপনার জীবন।

চমকে ফিরে তাকালো বনহর, অবশ্য আশ্চর্য হলো না, কারণ যেদিন সে এ বাংলায় এসেছে ঐ দিনই সে তাঁকে লক্ষ্য করেছে হাসি-খুশি ভরা একটা মুখ, তবে আলাপ করার সময় বা সুযোগ হয়নি তখন। তারপর এক সময় প্রায় ভুলেই গিয়েছিলো বনহর তাঁর কথা।

এখন তাঁকে দেখে বিস্মিত না হলেও কিছুটা অবাক হলো, কারণ লোকটা আপনা আপনিই এসেছেন গায়ে পড়ে আলাপ করতে।

ভদ্রলোক বললেন—আমার পাশের কামরায় এসেছেন—কাজেই পরিচয় থাকা ভাল, এলাম আলাপ করতে। আমার নাম ইবন চামড়ার ব্যবসা করি।

এক নিঃশ্বাসে ভদ্রলোক কথাগুলো বলে থামলেন।

বনহর প্যান্টের পকেট থেকে সিগারেট কেসটা বের করে বাড়িয়ে ধরলো ভদ্রলোকের দিকে—নির্ন।

ভদ্রলোক বললেন—আমি সিগারেট পান করি না, কারণ আমার ছোটবেলায় কোনো এক অসুখ হওয়ায় ডাক্তার ধূমপান নিষিদ্ধ করে দিয়েছিলেন তাই হাসলেন ভদ্রলোক, তারপর জিজ্ঞাস করলেন—আপনি... মানে আপনার আগমন এখানে কোন্ উদ্দেশ্যে জানতে পারি কি?

বনহর হেসে বললো নিশ্চয়ই পারেন। আমি একটু থেমে কিছু ভাবলো বনহর, তারপর বললো—আমি কাঠের ব্যবসা করি।

হঠাৎ ভদ্রলোক এমন একটা প্রশ্ন করবেন ভাবতেই পারেনি বনহর। একটু বিব্রত বোধ করলেও চট করে ভেবে নিতে পেরেছিলো সে, তাই জবাব দিলো আমি কাঠের ব্যবসা করি।

ভদ্রলোক বনহরের কথায় মোটেই অবিশ্বাস করতে পারেননি, তিনি খুশি হয়ে বললেন—ভালই হলো, আপনি কাঠের সন্ধানে এসেছেন আর আমি এসেছি চামড়ার সন্ধানে। হাঁ, কাঠ কোথায়?

বনহর হঠাৎ বলে বসেছে কাঠের ব্যবসা করি কিন্তু কাঠ কোথায়? ঘাবড়ে যাবার লোক বনহর নয়, চট করে সে বললো—কাঠের ব্যবসা করি তাই এখানে এসেছি গাছের খোঁজখবর নিতে... জঙ্গলে খোঁজ করলে ভাল কাঠের সন্ধান পাবো।

হাসলেন ভদ্রলোক— বেশ বেশ, শুভ সংবাদ। আমিও জঙ্গলে যাই চামড়ার খোঁজে, ভাল জীবজন্তু, আছে কিনা। এ জঙ্গলে তারই সন্ধান করে চলেছি। যদি কিছু মনে না করেন তবে আপনার নামটা জানতে পারি কি?

বনহর শান্ত স্বাভাবিক গলায় বললো—নাম আলম চৌধুরী।

ভদ্রলোক খুশি হয়ে বললেন—বাঃ ভারী সুন্দর নাম তো....মিঃ আলম চৌধুরী। আপনি বুঝি বাঙ্গালি?

ঠিক বাঙ্গালি নই, কারণ আমার বাবা-মা বাঙ্গালি ছিলেন বটে কিন্তু আমার জন্ম বাংলাদেশে নয়।

আপনার জন্মভূমি তাহলে?

কান্দাই।

আপনার জন্মভূমি তাহলে কান্দাই শহরে?

শহরে নয়, কান্দাইয়ের নিভৃত কোনো এক পল্লীতে। কান্দাই আমার মাতৃভূমি, তাই বাঙ্গালির সন্তান হয়েও ঠিক বাঙ্গালি হতে পারিনি।

সে কথা মিথ্যা নয় মিঃ আলম, কারণ আপনার চেহারাটা ঠিক বাঙ্গালির মত নয় কিনা.....

হাসলো বনহর—তাই নাকি?

হাঁ, কারণ আপনার মত সুন্দর সুপুরুষ বাঙ্গালিদের মধ্যে কম দেখা যায়, তাছাড়া আপনার চোখ দুটো বিশেষ আকর্ষণীয়....

বনহর সিগারেট কেসটা বের করে আরেকটা সিগারেটে অগ্নিসংযোগ করলো। কোনো জবাব দিলো না সে ভদ্রলোকটার কথায়।

মিঃ ইবন বলেই চলেছেন—আমার স্ত্রী আপনাকে দেখলে মুগ্ধ হবে, খুশিও হবে যথেষ্ট।

বনহর অবাক কণ্ঠে বললো—আপনার স্ত্রী! কোথায় তিনি, তাকে তো দেখলাম না?

ওঃ তাকে আপনি দেখেননি, সে তার ভাই মিঃ হাবনী মিলনের সঙ্গে মেলায় বেড়াতে গেছে

মেলা! কোথায় মেলা?

কেন, ফাংহার দক্ষিণে পানথা মেলা! আপনি বুঝি এ মেলায় যাননি কোনোদিন?

না।

আপনি বুঝি ফাংহায় নতুন এসেছেন?

একেবারে নয়, এর পূর্বেও কাঠের সন্ধানে একবার এসেছিলাম ফাংহায়। তবে বেশিদিন থাকা হয়নি বুঝি, তাই ফাংহার সব জায়গা চেনেন না? ঠিক তা নয়, ছিলাম বেশ কিছুদিন কিন্তু সব জায়গা দেখে উঠা সম্ভব হয়নি।

সেদিন আর বেশি আলাপ হয় না মিঃ ইবনের সঙ্গে, তিনি হাত বাড়িয়ে হ্যাণ্ডসেক করে বিদায় নিলেন তখনকার মত।

বনহর তার নিজের কামরায় প্রবেশ করলো।

ততক্ষণে রহমান ও আরজু কক্ষটা সুন্দর করে গুছিয়ে নিয়েছে।

রহমান বললো—সর্দার, এবার খাওয়া-দাওয়ার ব্যবস্থা করতে হয়।

বনহর বললো—নিকটেই একটা সরাইখানা আছে, সেখান থেকে খাবারের ব্যবস্থা করো।

রহমান তখন হাতের পিঠে ললাটের ঘাম মুছে নিয়ে আরজুর দিকে তাকালো, কারণ রহমান আরজু সহ যাবে খাবার আনতে।

আরজু বনহরের পুরোন অনুচর নয়, তাকে সংগ্রহ করেছে রহমান নতুন। তবে ছেলেটা ভাল এবং সরল ও বিশ্বাসী। রহমান ওর ব্যবহারে খুশি হয়েই ওকে নিয়েছিলো নিজেদের সহায়তার জন্য।

রহমান আরজুকে লক্ষ্য করে বললো—চলো যাই, সরাইখানা থেকে কিছু খাবার নিয়ে আসি।

আরজু কোনো জবাব না দিয়ে অনুসরণ করলো রহমানকে।

বনহর বিছানায় দেহটা এলিয়ে দিলো। এতক্ষণ নানারকম কথাবার্তায় ক্ষণিকের জন্য সে ভুলেই গিয়েছিলো ফাংহার অদ্ভুত হত্যাকাণ্ডের কথা। পাশের কামরার মিঃ ইবনের কথাগুলো মনে পড়ছিলো বারবার। লোকটা চামড়ার ব্যবসা করেন, তাই তিনি এসেছেন নিভৃত এই ডাকবাংলোয়। মুখে পরিচ্ছন্ন হাসির আভাস, লোকটা গায়ে পড়ে আলাপ করতে এসেছিলেন, মন্দ না ভদ্রলোক—যাক, এই নির্জন বাংলায় তবু একজন সঙ্গী পাওয়া গেলো। হঠাৎ চিন্তাধারা বিচ্ছিন্ন হলো বনহরের, পদ শব্দে মুখ তুলে তাকালো সে, দেখলো একটা বয় খাবারের ট্রে হাতে কক্ষমধ্যে প্রবেশ করছে।

সে কোনো কথা না বলে স্থির হয়ে দাঁড়িয়ে রইলো খাবারের ট্রে হাতে নিয়ে।

বনহর ভাবলো, রহমান ও আরজু না এসে শুধু বয়কে পাঠালো কেন? হয়তো বা ওরা খেয়ে নিয়ে আসবে, সন্ধ্যাখানা থেকে বয়কে পাঠিয়েছে তার খাবার নিয়ে। বনহর বললো—রেখে যাও ঐ টেবিলে।

বয় নীরবে খাবারের ট্রে ঢাকা দিয়ে রেখে বেরিয়ে গেলো নিঃশব্দে।

বনহর পুনরায় তলিয়ে গেলো গভীর চিন্তায়।

আজই তারা প্রথম এসেছে ফাংহায়। রহমান আর আরজু তার সঙ্গী আরজু ছেলেটা মন্দ নয়, সে বেশ কাজের। বয়স তার বাইশ কিংবা চব্বিশ হবে, স্বাস্থ্য ভাল, সুন্দর চেহারা। হয়তো বা কোনো ভদ্রঘরের ছেলে সে, তাই তার চেহারায়া বোঝা যায় তার বংশ পরিচয়। বনহর অবশ্য ওর ব্যাপারে বেশি করে জিজ্ঞাসাবাদ করেনি কোনোদিন রহমানের কাছে। অবশ্য বনহর জানতো, রহমান এমন লোককে রাখবে না যার মধ্যে কোনোরকম সন্দেহের ছোঁয়াচ আছে।

এখানে আসার পর তারা প্রথম উঠেছিলো ফাংহার বিমান ঘাটির অদূরে বড় একটা হোটেলে। সেখানে অবশ্য ঘন্টাকয়েক ছিলো তারা, তারপর সেখান থেকে সোজা একটা ট্যাক্সি করে এসেছে এই নির্জন ডাকবাংলোয়। ভেবেছিলো বনহর, এ ডাক বাংলোয় সে একাই উঠেছে কিন্তু তা নয়, অপর এক ব্যক্তি পূর্ব হতেই ডাকবাংলোয় আস্তানা গেড়ে বসে আছেন—তিনি হলেন মিঃ ইবন। পরে অবশ্য বনহর জানতে পারলো শুধু ইবন নন, এই ডাকবাংলোয় মিঃ ইবনের সঙ্গে থাকে আরও দু'জন, তাঁরা হলেন ইবনের স্ত্রী ও স্ত্রীর সহোদর মিঃ হাবসী মিলন—তাঁরা তখন গেছেন কোনো এক মেলায় বেড়াতে। অদ্ভুত এক পরিবারের সঙ্গে পরিচয় হয়েছে তার, মন্দ নয়— মিঃ ইবন.....

কিন্তু রাত বাড়ছে, রহমান আর আরজু এতক্ষণও ফিরে এলো না, ব্যাপার কি?

বনহর ভাবছে ওরা এলেই সে হাতমুখ ধুয়ে খেতে বসবে কিন্তু ওদের ফিরবার কোনো নাম নেই যেন। বনহর একটা সিগারেটে অগ্নিসংযোগ করে। আবার সে তলিয়ে যায় গভীর চিন্তায়। একটার পর একটা পত্রিকা মেলে ধরে সে চোখের সম্মুখে।

এগুলো ফাংহার দৈনিক সংবাদপত্র। প্রথম পৃষ্ঠায় রয়েছে ফাংহার নৃশংস হত্যাকাণ্ডের আলোকচিত্র। বনহর সংবাদপত্রগুলো মেলে ধরে সূক্ষ্মভাবে পরীক্ষা করে চলে। প্রতিটি আলোকচিত্রে রয়েছে নিহত যুবকের মৃতদেহ,

সমস্ত দেহ অক্ষত কিন্তু বুকের একপাশে একটা ক্ষতচিহ্ন দেখা যাচ্ছে, ঠিক বুকের মাঝামাঝি, তবে কতকগুলো নিহত যুবকের দেহ থেকে মাথাটা যেন আলগোছে বিছিন্ন করে নেওয়া হয়েছে। দু'চারটে পত্রিকায় মস্তকবিহীন লাশ দেখা যাচ্ছে।

রহমান এই সংবাদপত্রগুলো সংগ্রহ করেছিলো বেশ কিছুদিন থেকে, অবশ্য বনহরের নির্দেশমতই এগুলো সংগ্রহ করেছিলো সে।

বনহর পত্রিকাগুলো দেখা শেষ করে যখন এক একটা ভাঁজ করে রাখছিলো তখন রাত প্রায় বারোটা বেজে গেছে। বনহর যেন চমকে গেছে অথচ রহমান ও আরজু ফিরে আসেনি এখনও ব্যাপার কি! এতক্ষণ বনহর তন্ময় হয়ে সংবাদপত্রগুলো দেখছিলো, এতক্ষণে হুশ হলো তার। হাতঘড়িটার দিকে পুনরায় লক্ষ্য করে তাড়াতাড়ি শয্যা ত্যাগ করে নেমে দাঁড়ালো মেঝেতে। তারপর দ্রুত দরজা খুলে বাইরে বেরিয়ে এলো, অদূরে সরাইখানার দিকে দৃষ্টি নিক্ষেপ করে ভালো রহমান আর আরজু এতক্ষণ এলো না কেন? দূরত্ব তো আর বেশি নয়, মাত্র কয়েক মিনিটের পথ।

বনহর পায়চারী করে চললো বাংলোর বারান্দায়। ও ঘরে তখন আলোটা অল্পসল্প জ্বলছিলো, মনে হলো মিঃ ইবন রাতের আহার সমাধা করে শয্যা গ্রহণ করেছেন এবং সে কারণেই আলোটা ডিম করে রাখা হয়েছে।

ক্রমে অর্ধৈষ হয়ে উঠলো বনহর

পায়চারী বন্ধ করে কক্ষমধ্যে প্রবেশ করলো, সে, টেবিলে খাবার ঢাকা দেওয়া আছে, সেদিকে একবার তাকিয়ে দেখে নিলো। হঠাৎ তার মনে একটা চিন্তার উদ্ভব হলো—রহমান বা আরজু না এসে বয়কে পাঠালো কেন? খাবার নিয়ে তাদেরই তো আসার কথা ছিলো। তা ছাড়া রহমান তো জানে আজ সর্দার অত্যন্ত ক্লান্ত আছেন, কারণ বনহর প্লেনে বা জাহাজে আসেনি, সে এসেছে তার অশ্ব তাজের পিঠে।

কান্দাই থেকে ফাংহা আসা কম কথা নয়, হাজার হাজার মাইল পথ অতিক্রম করে এসেছে বনহর। অবশ্য দুঃসাহসী বনহর বলেই এতটা পথ অশ্বযোগে আসতে সক্ষম হয়েছে, নাহলে হয়তো এত পথ কেউ অশ্বপৃষ্ঠে আসতে সক্ষম হতো না!

বনহর তাজকে ফাংহার বাইরে তার নিজস্ব আস্তানায় রেখে এসেছে। প্রয়োজনবোধে তাজকে কাছে নিয়ে আসবে সে। রহমান আর আরজু

এসেছিলো জাহাজে, তারা এক সপ্তাহ পূর্বে রওনা দিয়েছিলো কান্দাই থেকে। সর্দার পৌছবার মাত্র একদিন পূর্বে তারা পৌছে গিয়েছিলো ফাংহায়।

বনহর ক্ষুধা অনুভব করে।

বাথরুম থেকে হাতমুখ ধুয়ে বেরিয়ে আসে, তারপর চেয়ার টেনে খাবার টেবিলে বসে যেমন সে খাবারের ঢাকনা খুলে ফেলে অমনি ভীষণভাবে চমকে উঠে—খাবারের ট্রে উপরে রেকাবিতে একটা নরমুণ্ড। জমাট তাজা রক্তে রেকাবিটা ভরে আছে। বনহর ভালভাবে লক্ষ্য করতেই শিউরে উঠলো—এ যে আরজুর মাথা!

বনহরের দেহের রক্ত উষ্ণ হয়ে উঠলো। সমস্ত শিরাগুলো শক্ত হয়ে উঠলো দড়ির মত করে। যে কারণে, যে হত্যারহস্য উদঘাটন ব্যাপারে তার ফাংহায় পদক্ষেপ, সেই হত্যারহস্যই তাকে অভিবাদন জানালো প্রথম রাতে। বনহরের মুখমণ্ডল কঠিন হয়ে উঠলো—খুনী ফাংহায় তার আগমন ও উদ্দেশ্য জানতে পেরেছে। প্রথম দিনই সে তার শক্তি ও বুদ্ধির পরিচয় দিলো। এটা তার প্রতি খুনীর বিরাট একটা চ্যালেঞ্জ।

কিছুক্ষণ বনহর স্তব্ধ হয়ে বসে রইলো ছিন্ন মস্তকটার দিকে তাকিয়ে। একটা ব্যথা খচ খচ করে উঠলো তার মনের গহনে, কিছু পূর্বেই এই যুবক তার সম্মুখে দাঁড়িয়ে ছিলো নত মস্তকে। রহমানের কথায় সে তাকে অনুসরণ করে সরাইখানায় গিয়েছিলো! তারপর রহমান বা সে ফিরে আসেনি, এখন প্রায় রাত একটা বেজে বিশ মিনিট অতিক্রম করেছে। বনহরের ক্ষুধা-পিপাসা উবে গেলো মুহূর্তে। কে এসেছিলো খাবার নিয়ে, তবে কি সরাইখানার লোক নয় সে? কিন্তু রহমান গেলো কোথায়, তার হলো কি?

বনহর উঠে জানালার পাশে গিয়ে দাঁড়ালো, সেখান থেকে দেখা যায় অদূরস্ত সরাইখানায় স্বল্প আলোকরশ্মি।

বনহর কিছুক্ষণ তাকিয়ে রইলো, তারপর ফিরে এলো টেবিলের পাশে, আলগোছে ঢেকে রাখলো আরজুর ছিন্ন মস্তকখানা। পাশের কামরায় ঘুমিয়ে পড়েছিলেন মিঃ ইবন, তাঁকে জাগানো সমীচীন মনে করলো না বনহর।

বনহরের ললাটে ফুটে উঠেছে গভীর চিন্তারেখা, আরজু নিহত হলো—খুনীর সন্ধানে এসেছে তারা অথচ প্রথমেই হলো খুন তারই একজন বিশ্বস্ত লোক। কিন্তু রহমান গেলো কোথায়? আরজু তো রহমানের সঙ্গেই গিয়েছিলো সরাইখানায়। তবে কি রহমানকেও হত্যা করেছে খুনী? কে সে খুনী যার এত সাহস তারই অনুচরকে নিহত করে?

বনহর পায়চারী করতে লাগলো, ক্ষুধা-পিপাসা অন্তর্হিত হয়েছে কখন সে নিজেও টের পেলো না। রাত বাড়ছে, বনহর টেবিলের পাশে ফিরে গেলো, রেকাবির ঢাকনা সরিয়ে নিলো আলগোছে। সদ্য দেহ থেকে বিচ্ছিন্ন একটা মাথা! সূতীক্ষ্ণ ছোরা দিয়ে নিপুণভাবে দেহ থেকে মাথাটাকে বিচ্ছিন্ন করে নেওয়া হয়েছে। চোখ দুটো অর্ধমেলিত, ঠোট দু'খানা ঈষৎ স্ফীত-গলাটার চারপাশে চাক করে কেটে ফেলা হয়েছে, লাল টকটক করছে বিচ্ছিন্ন অংশটা। বেচারার আরজু.....বনহর রেকাবি সহ আরজুর মাথাটা তুলে নিলো হাতের উপর, তারপর বাংলোর বাইরে বেরিয়ে এলো সে।

রেকাবি সহ মাথাটা নিয়ে সে সোজা চলে গেলো মহুয়াতলায়। অন্ধকার রাত, মহুয়া তলায় জোনাকির আলো পিট পিট করে জ্বলছে। বনহর তার ছোরাখানা বের করে দ্রুতহস্তে কিছুটা মাটি সরিয়ে ফেললো, তারপর রেকাবিসহ মাথাটা গর্তে রেখে মাটি চাপা দিলো।

অন্ধকার হলেও তেমন অসুবিধা হলো না বনহরের, আরজুর ছিন্ন মাথাটা গর্তে চাপা দিয়ে ফিরে এলো সে ডাকবাংলোয়।

বনহর পোশাক পরিবর্তন করে নিলো, তারপর বাংলোর দরজায় তালা বন্ধ করে সরাইখানার দিকে পা বাড়ালো।

আধ ঘন্টার মধ্যেই বনহর পৌছে গেলো সরাইখানায়। ডাকবাংলো থেকে যে সরাইখানার আলোকরশ্মি স্ফীণ এবং ক্ষুদ্র লাগছিলো এখন তা তীব্র আর স্পষ্ট লাগছে।

সরাইখানা এখনও বন্ধ হয়নি, দুচারজন লোক টেবিলে বসে খানাপিনা খাচ্ছে। তবে যারা এখনও খানাপিনা করে চলেছে তারা শ্রমিক কিংবা পথচারী হবে।

কয়েকজন বয় ওধারে খালি টুলে বসে বসে ঝিমুচ্ছে। সরাইখানায় মালিক সমস্ত দিনের হিসেব-নিকেশ করা নিয়ে ব্যস্ত।

বনহরকে দেখতে পেয়ে মাথা তুললো সরাইখানার মালিক এবং বয়দের লক্ষ্য করে বললো—এই, খদ্দের এসেছে, দেখ্ কি লাগবে।

বনহর ততক্ষণে বসে পড়েছে একটা চেয়ার টেনে নিয়ে একটা টেবিলের পাশে। চোখ দুটো যেন তার ঘূমে ঢুলু ঢুলু করছে, এমন ভাব নিয়ে বারবার হাই তুলে বললো—খানা নিয়ে এসো।

খাবার এলো।

বনহর তৃপ্তিসহকারে খেলো, তারপর বললো—কত বিল হয়েছে?

বয় হাঁকলো খাবারের বিলের হিসাব।

বনহর পকেট থেকে টাকা বের করে দিলো, তারপর বখশিস হিসেবে দু'খানা দশ টাকার নোট রাখলো বিলের রেকাবিতে।

বয়ের চোখ দুটো খুশিতে দীপ্ত হয়ে উঠলো, সে আলগোছে তুলে নিলো নোট দু'খানা।

বনহর বললো—রাতের জন্য একটা কামরার দরকার-বন্দোবস্ত হবে কি?

বয় মালিককে জানালো।

মালিক বললো—ব্যবস্থা করে দাও, এত রাতে ভদ্রলোক না হলে যাবেন কোথায়?

বয় বললো—আসুন।

বনহর হাই তুলে উঠে দাঁড়ালো, কোটটা খুলে কাঁধে নিয়েছে সে। এগুলো বনহর বয়টার সঙ্গে। ছোট্ট কাঠের সিঁড়ি, ঐ সিঁড়ি বেয়ে উঠে গেলো বয় উপরের দিকে।

বনহর গুকে অনুসরণ করছে।

বয়ের সঙ্গে বনহর যখন কাঠের সিঁড়ি বেয়ে উপরে উঠে যাচ্ছিলো তখন সরাইখানার মালিক কেমন যেন বাঁকা চোখে তাকাচ্ছিলো তার দিকে। বনহর একটা সিগারেট ধরানোর জন্য একটু থেমে আড়চোখে দেখে নিলো মালিক। কেমন যেন বিদঘুটে চেহারা—মাথার চুলগুলো সজারুর কাঁটার মত খাড়া, গোফ দুটো ঝুলে পড়েছে দু'পাশে, চোখ দুটো দেহের আকারে অতি ক্ষুদ্র এবং তীব্র লালচে....বনহর সন্দেহভরা দৃষ্টি নিয়ে তাকালো ম্যানেজারের দিকে। এক পলক দেখে নিয়ে উপরে উঠে গেলো সে।

কাঠের দোতলা।

ছোট্ট ছোট্ট কয়েকখানা কুঠরি। সবগুলোতে লোক আছে কিনা বোঝা গেলো না। বনহরকে একটা কুঠরি দেখিয়ে দিয়ে বললো—যান, আপনি এই কুঠরির মধ্যে ঘুমান। এক রাত দশ টাকা দিতে হবে কিন্তু।

বনহর বললো—আচ্ছা।

বয় চলে গেলো।

বনহর কক্ষমধ্যে প্রবেশ করলো।

ছোট্ট কুঠরির মধ্যে একপাশে একটা চৌকি, চৌকির উপর সামান্য বিছানা পাতা রয়েছে আধময়লা একটা বালিশ এবং মশারীও আছে।

বনহর কুঠরির মধ্যে প্রবেশ করে বিছানায় বসলো।



গভীর রাত ।

নিশ্চল হোটেল । সমস্ত ফাংহা শহর যেন নিদ্রার কোলে ঢলে পড়েছে । কোথাও কোনো সাড়াশব্দ নেই । বনহর উঠে দাঁড়ালো, ওপাশে মুক্ত জানালা, বনহর সেই জানালার পাশে এসে দৃষ্টি নিক্ষেপ করলো ঘুমন্ত নগরীর উপর । দূর থেকে লাইটপোস্টের আলোগুলো কেমন যেন মিটমিটে লাগছে, যেন এক একটি প্রদীপ সাজিয়ে রাখা হয়েছে প্রদীপদানির উপর ।

বনহর কিছুক্ষণ স্থির নয়নে দেখলো ঘুমন্ত নগরীটা, তারপর ফিরে এলো দরজার পাশে । যেমনি সে দরজাটা খুলতে যাবে অমনি কে যেন সরে গেলো দরজার পাশ থেকে । সিঁড়িতে স্পষ্ট শোনা গেলো জুতোর শব্দ ।

বনহর দ্রুত দরজা খুলে তাকালো বাইরের দিকে । সিঁড়ির ধাপে কোনো এক লোক নিচে নেমে গেলো, তা বেশ বুঝতে পারলো সে । তবে লোকটা পুরুষ না নারী তা বোঝা গেলো না । বনহর ভাবতে লাগলো, তবে কি কেউ তাকে দরজার ফাঁক দিয়ে লক্ষ্য করছিলো, লক্ষ্য করছিলো তার কার্যকলাপ?

বনহর সেদিন এর বেশি কোনো সূত্র আবিষ্কারে সক্ষম হলো না । বিছানায় দেহটা এলিয়ে দিয়ে নিদ্রায় ঢলে পড়লো ।

পরদিন যখন বনহরের ঘুম ভাঙলো তখন অনেকটা বেলা হয়ে গেছে ।

হাই তুলে বিছানায় উঠে বসলো বনহর । ওদিকে খোলা জানালা দিয়ে দৃষ্টি চলে গেলো তার নীল আকাশে, প্রথমেই মনে পড়লো হতভাগ্য আরজুর কথা । বেচারার আরজু এসেছিলো তাদের সঙ্গে তাদের কাজে সহায়তা করবে বলে, কিন্তু একদিন যেতে না যেতেই তাকে চিরতরে বিদায় নিতে হলো পৃথিবী থেকে । রহমান সেও যে উবে গেলো আরজুর সঙ্গে.....তবে কি রহমানও নিহত হয়েছে?

কিন্তু এই মুহূর্তে বসে বসে ভাববার সময় নেই । বনহর উঠে দাঁড়ালো, তারপর চৌকির পাশে থেকে কোটটা তুলে নিয়ে সিঁড়ি বেয়ে নেমে এলো নিচে ।

নিচে নেমে আসতেই প্রথমে নজর পড়লো সরাইখানার দক্ষিণের কোণে টেবিলের পাশে চেয়ারটায় । দিনের আলোতে দেখলো এক বিদঘুটে শয়তান মুখ, চিনতে বিলম্ব হলো না বনহরের—এই সেই সরাইখানার মালিক যাকে গত রাতে দেখেছিলো সে দু'চোখে কেমন শাদুলের চাউনি ।

বনহর বেরিয়ে যাবার সময় টাকাটা যখন মালিকের টেবিলে রাখলো তখন তীব্র কটাক্ষে মালিক তাকালো বনহরের মুখের দিকে।

বনহর কিছু না বলে টাকাটা রেখে চলে যাচ্ছিলো, মালিক বললো—রাতে কোনো অসুবিধা হয়নি তো?

বনহর ছোট্ট একটু শব্দ করলো না। তারপর নিঃশব্দে বেরিয়ে গেলো।

গভীর চিন্তায় আচ্ছন্ন তার মন। আরজুর ছিন্ন মস্তক মহুয়া তলায় চাপা দিয়ে রাখলেও তার কথা একদণ্ড ভুলতে পারছে না বনহর, কারণ তার ফাংহা অভিযানের প্রথম শিকার হলো সে, রহমান কোথায় কে জানে— কে জানে তার ভাগ্যে কি ঘটেছে। খুনী বুঝতে পেরেছে তাদের আগমন এবং সে কারণেই খুনী তার অনুচরদ্বয়কে প্রথমেই উধাও করে তাকে জানিয়ে দিলো সে অত্যন্ত চতুর। বনহরের চিন্তাধারা হঠাৎ বিচ্ছিন্ন হয়ে গেলো, সাদর সম্ভাষণ জানালো এক মহিলা।

চমকে চোখ তুললো বনহর। এতক্ষণ গভীর চিন্তায় মগ্ন থাকায় বুঝতেই পারেনি কখন সে ডাকবাংলোর কাছাকাছি এসে পড়েছে। মহিলা তাকে সম্ভাষণ জানালো—হ্যালো মিঃ আলম!

বনহর প্রথমে অবাক হলেও পর মুহূর্তে বুঝতে পারলো নিশ্চয়ই এই মহিলা মিঃ ইবনের পত্নী হবে, নাহলে তার নামটা জানলো কি করে। এ নাম তো সে এখানে আসার পর একমাত্র মিঃ ইবনের কাছেই বলেছিলো।

বনহর থমকে দাঁড়িয়ে চোখ তুললো, সহসা দৃষ্টি ফিরিয়ে নিতে পারলো না সে-মহিলাটাকে একেবারে বিদেশিনী বলা চলে। মাথায় বব্ কাটা চুল, মুখে প্রসাধনীর প্রলেপ, চোখে তীব্র চাউনি—বনহর ওর পা থেকে মাথা পর্যন্ত লক্ষ্য করে দেখছিলো।

মহিলা হেসে বললো—আশ্চর্য হচ্ছেন, না?

বললো বনহর—কেন?

এই ধরুন আমাকে দেখে।

না।

তবে আমি আপনার নাম কেমন করে জানলাম তাই শুনে।

তাও না, কারণ আমি জানি আপনি কে।

বলুন তো আমি কে?

আপনি মিসেস ইবন।

হাঁ, ঠিকই ধরেছেন, আসুন ভিতরে আসুন। আমি আমার স্বামীর কাছ থেকেই আপনার নাম ও বর্ণনা শুনেছি। উনি বলেছিলেন, আপনাকে দেখলে আমি নাকি অভিভূত হয়ে পড়বো। সত্যি, আপনার সৌন্দর্যের তিনি যা বর্ণনা দিয়েছিলেন, আপনি কিন্তু তার চেয়ে অনেক বেশি..... আসুন ভিতরে আসুন।

বনছর একবার নিজ কামরায় দিকে তাকালো। দরজায় যে তালা লাগিয়ে গিয়েছিলো সে, তেমনিই আছে। সে মিসেস ইবনের পিছনে তার কামরায় প্রবেশ করলো।

কামরায় প্রবেশ করে কিছুটা অবাক হলো, কারণ কামরার মধ্যে সামান্য কয়েকটা সরঞ্জাম ছাড়াও একটা অদ্ভুত জিনিস সে দেখতে পেলো, তা হলো একটা বড় বাঘের মূর্তি। একটা টেবিলে বিরাট একটা বাঘের মূর্তি হা করে দাঁড়িয়ে আছে। বাঘের মূর্তিটার চোখ দুটো যেন জ্বলছে।

মিসেস ইবন বনছরকে বসার জন্য অনুরোধ জানালো।

বনছর না বসে পারলো না, অদ্ভুত এক শক্তি যেন রয়েছে তার কণ্ঠস্বরে।
বসলো বনছর।

মিসেস ইবন কোনো দ্বিধা না করে বনছরের আসনের হাতলে বসে টেবিল থেকে একটা সিগারেট তুলে নিয়ে বনছরের মুখে গুঁজে দিলো, তারপর নিজের ঠোঁটে চেপে ধরলো একটা, যেন সে ওর কত পরিচিত, এমনি ভাব দেখালো মহিলা।

মহিলা এরপর নিজেই অগ্নিসংযোগ করলো বনছরের সিগারেটে, তারপর নিজের সিগারেট ধরালো। একমুখ ধোঁয়া ছুঁড়ে বললো মহিলা—আমার স্বামী কিন্তু মোটেই ধূমপান করেন না, তবে আমি করি। সত্যি কি বলবো, আপনাকে দেখে আমার খুব ভাল লাগছে। আমার স্বামী বড্ড সেকেলে ধরনের, শুধু পয়সা ছাড়া কিছু বোঝেন না। চামড়ার ব্যবসা করেন, মনটা ঠিক কশাইয়ের মত.....

বনছর যেন এতক্ষণে একটা কথা বলার সুযোগ পেলো, বললো সে—
আপনি ভুল বলছেন মিসেস ইবন, কারণ আপনার স্বামীর সঙ্গে যদিও আমার বেশিক্ষণ আলাপ হয়নি, তবু তাঁর কথাবার্তায় অনুভব করেছি তিনি বড় অমায়িক, মহৎ চরিত্রের হৃদলোক।

নো নো, আপনি যা দেখেছেন তা তাঁর আসল রূপ নয় মিঃ আলম...
মহিলাটা যেন একরকম প্রায় চিৎকার করেই কথা ক'টি বললো। মুহূর্তে

গলার স্বর বাষ্পরুদ্ধ হয়ে এলো, ধরা গলায় বললো মহিলা—আপনি তাঁর হাসিভরা মুখ দেখে মনে করেছেন তিনি মহৎ ব্যক্তি, তাই না? কিন্তু আসলে তিনি বড় অসৎ, কারণ আমার প্রতি তাঁর কোনো ভালবাসা নেই।

বনহরের দ্রুত কুণ্ঠিত হয়ে উঠলো, এসব কথা শুনতে সে আসেনি। মহিলার ডাকে সে এসেছিলো মিঃ ইবনের সঙ্গে আলাপ করতে কিন্তু একা মহিলাই শুধু রয়েছেন তা ভাবতে পারেনি সে।

বনহর বললো—প্রতিটি স্ত্রীই মনে করেন তাঁর স্বামী তাঁকে ঠিকমত ভালবাসেন না কিংবা তাঁর ভালবাসায় ত্রুটি আছে কিন্তু আসলে এটা ভুল মিসেস ইবন। যাক সে সব কথা, এখন উঠি, কারণ রাতে আমি বাংলায় ছিলাম না।

বিশ্ময়ভরা কণ্ঠে বললো মিসেস ইবন—বলেন কি, রাতে আপনি ডাকবাংলায় ছিলেন না?

না।

কেন, কেন আপনি ডাকবাংলা ছেড়ে গিয়েছিলেন?

ক্ষুধার তাড়নায়।

তার মানে?

মানে সরাইখানায় ক্ষুধা নিবারণ করতে গিয়েছিলাম, রাত বেশি হওয়ায় সেখানেই ছিলাম।

ও বুঝেছি, নতুন এসেছেন কিনা, পথ চলতে ভয় পান।

উঠি মিসেস ইবন?

আবার আসছেন তো? আমি কিন্তু চুপচাপ থাকার মেয়ে নই, আপনাকে সময়ে অসময়ে বিরক্ত করবো। এজন্য আগে থেকেই বলে রাখছি কিন্তু.....

হেসে উঠে দাঁড়ালো বনহর, ছোট করে বললো— বেশ, তাই করবেন।

বনহর বেরিয়ে গেলো।



বনহর তার ঘরের দরজা খুলতেই নজর পড়লো মেঝেতে একটা চিঠি পড়ে আছে, ঠিক পায়ের কাছে। বনহর উবু হয়ে চিঠিখানা তুলে নিলো, তারপর ছিঁড়ে নিয়ে পড়তে শুরু করলো, চিঠিতে লেখা আছে—

মহাত্মন,

যে উদ্দেশ্য নিয়ে আপনি ফাংহায় এসেছেন তা কোনোদিনই সফল হবে না। প্রথম দিনই বুঝতে পেরেছেন এবং অনুভব করেছেন। আপনার বিশ্বস্ত চাকর আরজু তার নিজের মাথাটা আপনাকে উপহার দিয়ে তার প্রমাণ দিয়ে গেছে। আপনার সহচর রহমান এখন কোথায় তাও জানেন না, কিন্তু অচিরেই জানতে পারবেন তার পরিণতির কথা। তারপর শুরু হবে আপনার সঙ্গে মোকাবেলা।

—টাইগার

বনহর একবার নয়, দু'তিনবার চিঠিখানা পড়লো। তার জীবনে এমন মুহূর্ত আজ নতুন নয়, বহুবার এসেছে। তবু আজ কেমন যেন লাগলো— আরজুর কচি মুখখানা ভেসে উঠলো বনহরের চোখের সামনে, সঙ্গে সঙ্গে কঠিন হয়ে উঠলো তার মুখমণ্ডল, অসহায় আরজুকে যে হত্যা করেছে তার প্রতিশোধ সে নেবেই। হঠাৎ আপন মনে হেসে উঠলো বনহর, তারপর দাঁতে দাঁত পিষে বললো—খুদী, তুমি যেখানেই আত্মগোপন করে থাকো না কেন, আমি তোমাকে খুঁজে বের করবোই...

কার সঙ্গে কথা বলছেন? কাউকে তো দেখছি না মিঃ আলম? কথাগুলো বলতে বলতে কক্ষ প্রবেশ করলেন মিঃ ইবন।

বনহর চিঠিখানা পকেটে রেখে ফিরে তাকালো। মিঃ ইবন একমুখ হাসি হেসে বললেন—অসময়ে এলাম কিছু মনে করেননি তো? বাইরে গিয়েছিলাম, ফিরে এসে শুনলাম আপনি আমার কক্ষে পদার্পণ করেছিলেন, পরম সৌভাগ্য আমার!

এ আর এমন কি! বললো বনহর এবং আলগোছে চিঠিখানা লুকিয়ে ফেললো সে জামার পকেটে। মিঃ ইবনের কথাগুলো তাকে খুশি না করে বিরক্তই করলো। তবু বিরক্তিতাব মুখে না টেনে বললো—বসুন, আপনার কথাই ভাবছিলাম।

মিঃ ইবন বলে উঠলেন—আমার কথা না আমার স্ত্রীর কথা? আপনি যতই ঢাকতে চেষ্টা করুন না কেন, আপনি আমার স্ত্রীর কথাই ভাবছিলেন এখন আমি তা হলফ করে বলতে পারি কারণ আমার স্ত্রীর মুখে যা শুনলাম তা অতি সহজ—এসে আপনার সৌন্দর্যে মুগ্ধই শুধু হয়নি, একেবারে ভালবেসে ফেলেছে আপনাকে।

কোনো স্ত্রীর স্বামী যে এমন করে বলতে পারে এই যেন প্রথম শুনলো বনহর। বিরক্তি বোধ করলেও মুখোভাব প্রসন্ন রেখে বললো—মিসেস ইবনের সঙ্গে আমার বেশিক্ষণের পরিচয় নয়....

তবু সে আপনার ব্যবহারে মুগ্ধ, অভিভূত মিঃ আলম। আমি প্রথমেই বলেছিলাম না আমার স্ত্রী আপনাকে দেখলে মুগ্ধ হবে। একটু থেমে বললেন—সে বড় রিক্তা, বড় ব্যথিতা—জানেন মিঃ আলম, আমার ভালবাসায় সে ভুগ্ন নয়।

বনহর অবাক হয়ে তাকালো মিঃ ইবনের মুখের দিকে।

ইবন তখনও বলে চলেছেন—আমার সঙ্গে বিয়ে হয়ে সুখী হতে পারেনি বেচারী। সব সময় কেমন উচ্ছ্বল মনে হয় ওকে। কেমন যেন এড়িয়ে চলতে চায় আমাকে সে। কথাগুলো বলে একটা দীর্ঘশ্বাস ত্যাগ করলেন মিঃ ইবন।

বনহর মিঃ ইবনকে একটা সোফায় বসার জন্য অনুরোধ জানিয়ে নিজে বসে পড়লো, তারপর বললো সে—বলুন?

হাঁ, কিছু কথা বলবো বলেই এসেছি মিঃ আলম। কথাটা বলে মিঃ ইবন আসন গ্রহণ করলেন।

বনহর সিগারেটে আগ্নিসংযোগ করলো, তারপর একমুখ ধূঁয়া উপরের দিকে ছুঁড়ে দিয়ে তাকালো মিঃ ইবনের দিকে, ভাবলো লোকটা পাগল না মাতাল, এ কেমন লোক নিজের স্ত্রীর বিষয় নিয়ে এমন ধরনের আলাপ করে? যেমন স্বামী তেমনি অদ্ভুত মহিলা তাঁর স্ত্রী।

বনহরের চিন্তাধারা বিচ্ছিন্ন করে বললেন মিঃ ইবন—বিয়ে হয়েছে আমাদের দশ বছর হলো কিন্তু দশ দিনও আমরা শান্তিতে সংসার করিনি।

এবার বনহরের সহ্যের সীমা অতিক্রম হলো এতক্ষণ নিশ্চুপ শুনে গেলেও আর পারলো না সে, উঠে দাঁড়িয়ে বললো—আপনি এক্ষুণি বাইরে থেকে ক্লান্ত অবস্থায় ফিরে এসেছেন, বিশ্রামের প্রয়োজন।

হাঁ, ঠিক বলেছেন মিঃ আলম, আমি এক্ষুণি বাইরে থেকে ফিরে এসেছি, বড় ক্লান্ত.... সেই সকাল থেকে এই দ্বিপ্রহর পর্যন্ত একটানা বনে বনে ঘুরেছি।

বিশ্রয়ভরা কণ্ঠে বললো বনহর—বনে বনে ঘুরেছেন মানে? আপনি তো আর কাঠের ব্যবসা করেন না যে বনে বনে ঘুরবেন? আপনি কি জন্যে....

হাঁ, আমি চামড়ার ব্যবসা করি এবং সে কারণেই আমি বনে গিয়েছিলাম জীবজন্তুর সন্ধানে।

জীবজন্তুর সন্ধানে?

হাঁ, আপনি যেমন কাঠের সন্ধানে বনে যান, আমিও ঠিক তেমনি....

টোক গিলে বললো বনহুর—ঠিক বলছেন। আপনিও তাহলে আমারই মত বনে বনে চামড়ার সন্ধান করেন?

করি মানে না করে কোনো উপায় নেই। দেখছেন না এত টাকা-পয়সা উপার্জন করেও আমার স্ত্রীকে সুখী করতে পারিনি...

দেখুন মিঃ ইবন, আপনিও ক্লান্ত আমিও ক্লান্ত, তাই বলছিলাম কি...

ও আপনিও বুঝি কাঠের সন্ধানে বাইরে গিয়েছিলেন?

হাঁ, না গিয়ে কি উপায় আছে, গিয়েছিলাম কিন্তু পাইনি তবে পাবো বলে আশা করছি। কিন্তু আপনার যা বলবার আছে আমি পরে মনোযোগ সহকারে শুনবো, এখন যদি আপনি...

ও যাচ্ছি... বেশ বেশ, আপনিই না হয় সময় করে নিয়ে আসবেন। এখন যাই কেমন?

আচ্ছা আসুন।

মিঃ ইবন বেরিয়ে গেলেন।

বনহুর যেন হাঁফ ছেড়ে বাঁচলো। মুক্ত জানালা দিয়ে দৃষ্টি নিক্ষেপ করলো মহুয়া তলায়, যেখানে বেচারী আরজুর মাথাটা পুঁতে রাখা হয়েছে। হঠাৎ বনহুরের চোখ দুটো ছলছল করে উঠলো, আংগুলের অর্ধদণ্ড সিগারেটটা নিক্ষেপ করলো মেঝের একপাশে—ভুলে গেলো বনহুর টেবিলে রাখা গ্র্যাসটের কথা।

বড় একা লাগছে আজ বনহুরের, যদিও সে ইচ্ছা করাই মিঃ ইবনকে বিদায় করে দিয়েছেন একটু পূর্বে—একা একা চিন্তার সুযোগ পাবে বলে।

বনহুর ভাবছে সেই সরাইখানার মালিকটায় কথা, একটা নর শয়তানের মুখ সে দেখতে পেয়েছে। সরাইখানা থেকেই বয় এসে খাবার রেখে যাবার অভিনয় করে রেখে গেছে নরমুণ্ড, বেচারী আরজুর ছিন্নমস্তক। আরজু আর রহমান গিয়েছিলো সরাইখানায় তার জন্য খাবার আনতে কিন্তু খাবার আনা তাদের হয়নি, হয়েছে চরম শাস্তি। তবে কি ফাংহার হত্যাকাণ্ড এই সরাইখানা থেকেই সংঘটিত হয়ে চলেছে.....

বনহুরের দ্রুত কুণ্ঠিত হয়ে উঠে।

এমন সময় দরজায় ছায়ামূর্তির মত কাউকে দেখা যায়, ফিরে তাকাতেই অবাক হয় বনছুর, সেই বিদঘুটে মুখ, সরাইখানার মালিক। বনছুর ফিরে তাকাতেই মালিক ভারী গলায় সম্বোধন জানিয়ে বললো—আপনি ভুল করে আমাকে একশত টাকার নোট দিয়ে এসেছেন। আমি তখন ভালভাবে লক্ষ্য না করেই ভাঁজকরা নোটখানা ক্যাশবাক্সে রাখি, তারপর যখন পুনরায় ক্যাশবাক্স খুলি, তখন দেখতে পাই সেটা দশ টাকার নোট নয়, একশত টাকার নোট সেটা, তাই ছুটে এলাম দিতে।

বনছুরের সম্মুখে একশত টাকার নোট সহ হাতখানা বাড়িয়ে ধরে সরাইখানার মালিক।

বনছুরের দু'চোখে বিস্ময়, সে ওর পা থেকে মাথা পর্যন্ত লক্ষ্য করে একটু হেসে ধন্যবাদ জানিয়ে টাকাটা হাতে তুলে নিলো, তারপর পকেট থেকে দশ টাকার একখানা নোট বের করে সরাইখানার মালিকের হাতে দিলো।

সরাইখানার মালিক মুহূর্ত বিলম্ব না করে বিদায় গ্রহণ করলো, যাবার সময় একটা কথাও সে বললো না তবে তীব্র কটাক্ষে একবার দেখে নিলো বনছুরের মুখখানা।

বনছুর আরেকটা সিগারেটে অগ্নিসংযোগ করে বাংলোর বারান্দায় এসে দাঁড়ালো। আশ্চর্য, লোকটা যেন হাওয়ায় উবে গেছে। এইমাত্র সে ডাকবাংলো থেকে বেরিয়ে এলো, শুধু একটা সিগারেটে অগ্নিসংযোগ করতে যে সময়টুকু লেগেছে তারই মধ্যে লোকটা চলে গেলো এতটা পথ! বনছুর ভালোভাবে তাকাতেই দেখতে পেলো, সরাইখানার মালিক সবেমাত্র ডাকবাংলোর পিছন থেকে সম্মুখভাগে এগিয়ে আসছে। আড়চোখে একবার বনছুরকে দেখে নিলো, তারপর দ্রুত পা বাড়ালো সরাইখানার দিকে।

বনছুরের মনে আরও বেশি করে সন্দেহ দানা-বাঁধলো, তবে কি লোকটা তার কক্ষে পিছন দিকে আত্মগোপন করে এতক্ষণ তাকে লক্ষ্য করছিলো? নিশ্চয়ই তাই হবে। বনছুর ফিরে এলো কক্ষমধ্যে।

পকেট থেকে বের করলো চিঠিখানা, আবার পড়লো সে মনোযোগ দিয়ে, তারপর অটুহাসি হেসে উঠলো।

হয়তো সেই হাসির শব্দ পাশের কক্ষে গিয়ে পৌছেছিলো। ছুটে এলেন ইবন—তাঁর সঙ্গে এক ভদ্রলোক, ওরা এসে দরজার পাশে দাঁড়িয়ে শব্দ করলেন।

মিঃ ইবন বললেন—ভিতরে আসতে পারি?

বনহরের হাসি তখন থেমে গেছে, চোখেমুখে ফুটে উঠলো ক্রুদ্ধভাব। মিঃ ইবনের কথায় কোনো জবাব না দিয়ে বেরিয়ে এলো বাইরে, গম্ভীর গলায় বললো—হঠাৎ কি মনে করে? পরমুহূর্তে সঙ্গেই ভদ্রলোকটার মুখে নজর পড়তেই অবাক হয়ে তাকালো বনহর।

মিঃ ইবন বললেন—ইনি আমার শ্যালক মিঃ আর্ম। এলাম আপনার হাসির শব্দ শুনে, একা একা বড় হাসছিলেন যে? তাছাড়া আপনাকে একা একা কথা বলতেও শুনেছি, আপনি কি কোনো ভৌতিক সাধনা করেন?

বলতে ভুলেই গেছি মিঃ ইবন। হাতের মধ্যে হাত কচলে বললো বনহর—দেখুন, আপনি যখন জানতেই পেরেছেন তখন না বলে পারছি না, আমি ভৌতিক সাধনা করি।

চমৎকার! তবে..... বলে একটু ভাবলেন মিঃ ইবন, তারপর বললেন—আমার স্ত্রী কিন্তু ভৌতিক সাধনাকে বড় ভয় করে। যদি জানতে পারে আপনি ভৌতিক সাধনা করেন তাহলে হয়েছে, সে আপনার ছায়াও মাড়াবে না।

তাই নাকি? বলে হাসলো বনহর।

মিঃ ইবন বললেন—আমার শ্যালক বোনের খুব ভক্ত। সব সময় বোন বোন করে পাগল, একদণ্ড ওরা কেউ কাউকে ছেড়ে থাকতে চায় না। জানেন মিঃ আলম ওর সখ কি? ওর সখ হিংস্র জীবজন্তুর সন্ধান করা। তাই ভাই-বোন মিলে সমস্ত দিন বনে বনে ঘুরে বেড়ায়.....

হিংস্র জীবজন্তুর সন্ধান, কেমন?

ঠিক তাই। বললেন মিঃ ইবন।

বনহর তাকালো মিঃ আর্মের মুখের দিকে। ভাবগম্ভীর শান্ত ভদ্রলোক, বয়স চল্লিশের কাছাকাছি। বোনের বয়সের চেয়ে বড়তো বটেই তবে বেশ বড় বলে মনে হলো। মাথার চুলে টাক পড়েছে, চোখের চাউনি তীব্র-তীক্ষ্ণ, সুচতুর ব্যক্তি বলে মনে হলো। মিসেস ইবনের বয়স ভাইয়ের চেয়ে কম পক্ষে দশ বছর কম হবে।

এতক্ষণ মিঃ আর্ম একটি কথাও বলেননি, এবার তিনি বললেন—হিংস্র জীবজন্তুর নেশা আমার নয়, বোন এ্যামের।

এতক্ষণে মিঃ ইবনের বোনের নাম জানতে পারলো বনহর—মিসেস ইবনের নাম তাহলে মিসেস এ্যাম। আপন মনেই দু'একবার নামটা স্মরণ

করে নিলো সে। বসতে বলার সাহস হলো না বনহরের—একবার বসলে হয়তো উঠতেই চাইবে না, অযথা সময় নষ্ট হবে।

ভাগ্য ভাল বলতে হবে, ওরা যেভাবে এসেছিলো ঐ ভাবে চলে গেলো। বনহর যেন হাঁফ ছেড়ে বাঁচলো। তাড়াতাড়ি দরজা বন্ধ করে বিছানায় দেহটা এলিয়ে দিলো। রহমান কোথায়, এখন সে কি অবস্থায় আছে কে জানে।

এরপর থেকে শুরু হলো বনহরের হত্যারহস্য অভিযানের সঙ্গে রহমানের সন্ধান অভিযান।

বনহর যখন এসব নিয়ে ভাবছে তখন ফাংহার এক গুপ্তকক্ষে একটা আলোকস্তম্ভের সম্মুখে দাঁড়িয়ে আছে তিনজন পুরুষ। সবার মুখেই মুখোস, পায়ে ভারী বুট সবাই তাকিয়ে আছে সম্মুখে।

ধীরে ধীরে কক্ষ অন্ধকার হলো।

আলোকস্তম্ভের আলো স্তিমিত হলো, স্তম্ভের ভিতরে ভেসে উঠলো একটা ছায়ামূর্তি। ছায়ামূর্তি নারী কি পুরুষ বোঝা যাচ্ছে না, শুধু একটা মানুষের মূর্তি বলেই বোঝা যাচ্ছে।

তিনজন ব্যক্তি উশ্মুখ হয়ে তাকিয়ে আছে, তার কোনো নির্দেশের অপেক্ষা করছে যেন।

ছায়ামূর্তি ধীরে ধীরে স্পষ্ট হয়ে উঠলো, একটা অদ্ভুত শব্দ বেরিয়ে এলো আলোকস্তম্ভের ভিতর থেকে, কোনো আদেশ বলেই মনে হলো।

একবার দু'বার তিনবার।

দু'জন লোক একটা যুবককে চোখবাঁধা অবস্থায় নিয়ে এলো সেই কক্ষে।

যুবকের পিছন হাত দু'খানা বাঁধা, চুলগুলো রুক্ষ, মুখ শুকনো। যুবককে কক্ষমধ্যে নিয়ে আসার পর তার চোখের বাঁধন খোলা হলো, দু'জন লোক ওকে ধরে রাখলো মজবুত করে।

যুবক ভয়ানক দৃষ্টি নিয়ে তাকালো সম্মুখে, আলোকস্তম্ভের ভিতরে অদ্ভুত এবং ভয়ঙ্কর মূর্তি দেখে শিউরে উঠলো সে, চোখেমুখে ফুটে উঠলো একটা ভয়বিহবল ভাব, বললো সে—আমাকে তোমরা কোথায় নিয়ে এসেছো?

যে দু'জন লোক যুবকটিকে ধরে নিয়ে এসেছিলো, তারা বললো—তোমার আকাঙ্ক্ষিত স্থানে। তুমি না বলেছো চিরশান্তি চাও?

হাঁ, আমি শান্তি চাই, আমি শান্তি চাই। আমার জীবন বড় ব্যথার, বড় দুঃখের.....

তাই তো তোমাকে আমরা এনেছি, চিরশান্তি চিরতৃপ্তির সাগরে ডুবিয়ে দেবো।

আলোকস্তুম্ভের মধ্যে শোনা গেলো অদ্ভুত হাসির শব্দ। ততক্ষণে যুবকটাকে এনে ওরা দু'জন বসিয়ে দিয়েছে একটা চেয়ারে।

তিনজন মুখোশধারী তখন সজাগ হয়ে উঠেছে, তারা হাতে গ্লাবস পরে নিচ্ছে দ্রুত। মুখের মুখোশগুলো তাদের অদ্ভুত ধরনের—কতকটা ডুবুরিদের মত দেখতে।

ওরা তিনজন একটা টেবিলের পাশে গিয়ে দাঁড়ালো।

একজন একটা সিরিঞ্জে কিছু ওষুধ ভরে প্রস্তুত হয়ে দাঁড়ালো।

দু'জন যুবকটাকে এবার ধরে জোরপূর্বক শুইয়ে দিলো টেবিলের উপর।

যুবকটা চিৎকার করে উঠলো—না না, আমি শান্তি চাই না। আমাকে তোমরা রেখে এসো, যেখানে ছিলাম সেখানেই রেখে এসো...

ততক্ষণে তৃতীয় ব্যক্তি তার হাতের সিরিঞ্জের ওষুধ পুশ্ করে দিয়েছে যুবকের দেহে।

যুবক মুহূর্তে নীরব হয়ে গেলো, টু শব্দ আর বের হলো না তার মুখ দিয়ে।

এবার আলোকস্তুম্ভের মধ্য থেকে শব্দ হলো—ডক্টর, বৈজ্ঞানিক, সার্জন—আপনারা তিনজনই মহৎ ব্যক্তি। আমাদের উদ্দেশ্য অসৎ বা দোষণীয় নয়, যদিও আমরা প্রতি রাতে একটা করে নরহত্যা করতে বাধ্য হচ্ছি..... এবার আপনারা ঈশ্বরের নাম স্মরণ করে কাজ সমাধা করুন।

আলোকস্তুম্ভের মধ্যে মূর্তিটা ধীরে ধীরে নিচে নেমে যাচ্ছে বলে মনে হলো।

এদিকে ডক্টর, বৈজ্ঞানিক, সার্জন এরা তিনজন দ্রুত তাদের কাজ সমাধান করে ফেললো।

টেবিলে পড়ে রইলো একটা অসহায় যুবকের প্রাণহীন দেহ।

ডক্টর, বৈজ্ঞানিক ও সার্জন কাজ সমাধা করে সরে গেলো পাশের কামরায়। সে কামরায় রয়েছে নানা প্রকার বৈজ্ঞানিক যন্ত্রপাতি।

একটা মাঝারি ধরনের পাত্র থেকে বের করলো সার্জন একটা রক্তাক্ত হৃৎপিণ্ড, তারপর সেটা বৈজ্ঞানিকের সম্মুখে তুলে ধরলো, তখনও হৃৎপিণ্ডটা কেমন থরথর করে কাঁপছিলো।

ডক্টর হাতের গ্লাবস্ খুলে ফেলতে ফেলতে বললো—দ্রুত অক্সিজেন পাত্রে ভরে রাখুন।

একটা পাত্র সম্মুখে ছিলো, তার মধ্যে ছিলো তরল পদার্থ। সার্জন হৃৎপিণ্ডটা তুলে নিয়ে সেই পাত্রমধ্যে ছেড়ে দিলো, তারপর একটা লম্বা যন্ত্রের দ্বারা হৃৎপিণ্ডটা তুলে নিয়ে অক্সিজেন বাস্কে ভরে ফেললো। তারপর চললো বৈজ্ঞানিক সাধনা, তিনজন মিলে নানাভাবে হৃৎপিণ্ডটার উপর পরীক্ষা চালালো।

পরদিন দেখা গেলো রাজপথে পড়ে আছে একটা যুবকের মৃতদেহ।

ফাংহা পুলিশমহলে আলোড়ন শুরু হলো। আজও আবার হত্যাকাণ্ড, এক অসহায় যুবকের মৃতদেহ পড়ে থাকতে দেখা গেলো।

পুলিশমহল লাশ সনাক্ত করার জন্য নিয়ে এলো পুলিশ অফিসে কিন্তু কেউ যুবকটাকে সনাক্ত করতে সক্ষম হলো না। যুবকের পরিচয় কেউ জানে না— কে এই যুবক এবং কোথা থেকে সে ফাংহায় এসেছিলো। লাশ পরীক্ষা করে দেখা গেলো তার বুকের একপাশে একটা বিরাট অপারেশনের দাগ। সূক্ষ্মভাবে সূতীক্ষ্ণধার অস্ত্রের দ্বারা যুবকের বুকে চিরে ফেলা হয়েছে এবং তার হৃৎপিণ্ডটা যত্নসহকারে বের করে নেওয়া হয়েছে।

যুবকের দেহে আর কোনো স্থানে ক্ষতচিহ্ন নেই

লাশ পোস্টমর্টেম করার জন্য মর্গে পাঠানো হলো।

যখন লাশটা নিয়ে পুলিশমহল গবেষণা করে চলেছে তখন একটা পাগল ভিড় ঠেলে প্রবেশ করলো সেখানে। লাশটা সে পরীক্ষা করে দেখে বিড়বিড় করে কিছু বললো—তারপর বেরিয়ে গেলো নিঃশব্দে।



এক সপ্তাহ কেটে গেলো, সমস্ত ফাংহা শহর চষে ফিরলো বনহর— কখনও দিনের আলায়, কখনও বা রাতের অন্ধকারে। সরাইখানাতে সে প্রতিদিন কমপক্ষে দু'বার যেতো খাবার উদ্দেশ্যে। এ ছাড়াও সে ঐ সরাইখানায় যেতো রাতের অন্ধকারে যখন সমস্ত পৃথিবী ঘুমিয়ে পড়তো আকাশের গায়ে হেলান দিয়ে তখন ছদ্মবেশে—কোনোদিন ভিখারীর বেশে, কোনোদিন সন্ন্যাসির রূপ ধরে, কোনোদিন অন্ধ হয়ে।

সরাইখানার মালিক ইমরান খাঁকে লক্ষ্য করতো বনহর নানাভাবে। লোকটার চালচলন শুধু সন্দেহজনকই নয়, কেমন যেন বিদঘুটে। অবশ্য বনহরের সঙ্গে সে অত্যন্ত সৎভাব পোষণ করে চলতো। তবে কোনো ভিখারী বা দুঃস্থ লোককে সে দেখতেই পারতো না। বনহর যখন অন্ধ বা ভিখারীর বেশে যেতো, তখন ক্রুদ্ধ হয়ে গালাগালি করতো ইমরান খাঁ, যা তার মুখে আসতো তাই বলে। এমনকি গালমন্দের সঙ্গে গলা ধাক্কাও দিয়েছে ক'দিন। বনহর তবু নাছোড়বান্দা রাতে একটু আশ্রয় তার চাইই। হয়তো সরাইখানার বারান্দায় অথবা দোতলার বেলকুনিতে কিংবা রান্নাবান্নার চতুরে।

গভীর রাতে সরাইখানা যখন নিঝুম নিষ্পন্দ, তখন বনহর অন্ধকারে আত্মগোপন করে সন্ধান করতো। এমনি একদিন—বনহর সেদিন একখানা চৌকির উপর কঞ্চলমুড়ি দিয়ে শুয়েছিলো। বাইরে ঝুপঝাপ বৃষ্টি হচ্ছে। হঠাৎ বনহরের মনে হলো কেউ যেন তার শিয়রে এসে দাঁড়ালো।

কঞ্চলের তলা থেকে চোখ মেললো বনহর, সে স্পষ্ট দেখতে পেলো তার শিয়রে দাঁড়িয়ে সরাইখানার মালিক। কেমন যেন কটমট করে তাকিয়ে আছে সে, বনহর একটু নড়ে উঠতেই মালিক দ্রুত সরে গেলো।

বনহরের মনে সন্দেহের দোলা আরও গভীর হলো, ম্যানেজারটা তাহলে তাকে চিনতে পেরেছে। বনহরের মনে পড়লো সেই চিঠিখানার কথা। খুনী তার আগমন উদ্দেশ্য জানতে পেরেছে এবং তাকে সব সময় অনুসরণ করে চলেছে—লক্ষ্য করে চলেছে তার কার্যকলাপ—চিঠিখানাই হলো তার প্রমাণ। সে যে ভিখারীর বেশে সরাইখানায় এসেছে তাও বুঝতে বাকি নেই খুনীর। খুনী অত্যন্ত বুদ্ধিমান। আরজুর মাথাটা যে মহুয়া তলায় চাপা দিয়ে রেখেছে সে তাও খুনীর অজানা নেই, কিন্তু কে সে খুনী.....

এক সময় সবার অলক্ষ্যে ফিরে এলো বনহর ডাকবাংলোয়।

তালা খুলে কক্ষ প্রবেশ করে একটা ইজিচেয়ারে গা এলিয়ে দিলো সে। পলাটে ফুটে উঠেছে বিন্দু বিন্দু ঘাম, একটা সিগারেটে অগ্নিসংযোগ করতেই পদশব্দ শোনা গেলো বারান্দায়।

বনহর ফিরে না তাকিয়ে ভালোভাবে ইজিচেয়ারে হেলান দিলো, তারপর শ্রীক্ষা করতে লাগলো সে কারুর।

মাত্র কয়েক মিনিট।

পিছনে এসে দাঁড়ালো কেউ।

একটা কোমল কণ্ঠস্বর কানে এলো তার—মিঃ আলম, আপনাকে মোটেই পাই না, কোথায় থাকেন বলুন তো?

সোজা হয়ে বসলো বনহর, তারপর হেসে বললো—কাজ নিয়ে বাইরে যেতে হয়, তাই....

কিন্তু এমনভাবে সারাটা দিন কাজ করা কি উচিত—নিশ্চয়ই কাঠের সন্ধানে যান?

হাঁ, আপনার অনুমান সত্য মিসেস ইবন।

দেখুন, আপনি এতক্ষণ আমাকে বসতে বলেননি কিন্তু?

ওঃ মনে নেই-বড় ভোলা আমি কিনা তাই, বসুন মিসেস ইবন।

মিসেস ইবন বসে পড়লো এবং শান্তকণ্ঠে বললো—আমাকে মিসেস ইবন না বলে মিসেস এঁয়াম বলেই ডাকবেন।

আস্থা তাই ডাকবো।

দেখুন, প্রতিদিন আমি তিনবার আপনার খোঁজে এসেছি। যখনই এসেছি তখনই দেখেছি দরজায় তালা বন্ধ। আমার ভাই মিঃ আর্ম আপনার অনেক সুনাম করলেন।

বললো বনহর—তাই নাকি?

হাঁ, ভাইয়া আর্মের বড় পছন্দ হয়েছে আপনাকে, আমি নিজেও আপনার একজন বিশেষ....

বনহর ওকে কথা শেষ করতে না দিয়ে সিগারেট কেসটা এগিয়ে ধরে বলে—নি।

মিসেস ইবন খুশি হয়ে একটা সিগারেট তুলে নেয় হাতে,—তারপর ঠোটে গুঁজে মুখখানা বাড়িয়ে ধরে বনহরের সামনে।

বনহর ম্যাচ জ্বেলে ওর সিগারেটে আগুন ধরিয়ে দেয়, তারপর বলে—মিঃ ইবন বুঝি চামড়ার সন্ধানে গেছেন?

হাঁ, তিনি সব সময় কাজ নিয়ে ব্যস্ত থাকেন, কোনো সময় আমার মন নিয়ে চিন্তা করেন না, এমন কি তিনি সিগারেট পান করার সময়টুকু পান না। ভাগ্যি আমার ভাই মিঃ আর্ম আমার সঙ্গে থাকেন, তাই আমি আমার সাধনা চালিয়ে যেতে.....

সাধনা! আপনি কোনো সাধনা করেন নাকি?

সাধনা মানে, আপনি যেমন ভূতের সাধনা করেন, আমি তেমনি.....কথা শেষ না করেই হাসে মিসেস ইবন।

আমি ভূতের সাধনা করি, একথা আপনি কেমন করে জানলেন মিসেস এ্যাম?

আমার স্বামী এবং ভাইয়ের মুখে শুনেছি। তবে যেদিন প্রথম আপনাকে দেখেছি সেদিনই কিছুটা আঁচ করে নিতে পেরেছিলাম আপনি সাধারণ লোক নন।

তাই নাকি?

হ্যাঁ মিঃ আলম, বিশ্বাস করুন আপনাকে দেখার পর থেকে আমার মনে বারবার একটা প্রশ্ন জেগেছে—আপনি সাধারণ মানুষ নন.....

আপনার মনে এ ধরনের ধারণা হওয়ার কারণ কি মিসেস এ্যাম?

আমি নিজেই জানি না। আপনাকে দেখার পর আমার মনে হয়েছে আপনি আমার অনেক পরিচিত—বড় আপনজন.... জানেন মিঃ আলম, আমি বড় অসহায়, বড় নিঃস্ব..... এ পৃথিবীতে আমার কেউ নেই, কিছু নেই—একটা দীর্ঘশ্বাস বেরিয়ে এলো মিসেস ইবনের বুক চিরে।

বনহর তাকিয়ে দেখলো মিসেস ইবনের মুখমণ্ডল করুণ ব্যথা কাতর হয়ে উঠেছে। তার আংগুলের ফাঁকে সিগারেটটা জ্বলে নিঃশেষ হয়ে আসছে।

বনহর বললো—আপনার স্বামী আমাকে সব বলেছেন। বলেছেন আপনাকে তিনি কিছুই দিতে পারেননি....

হাঁ, তিনি সেজন্য দুঃখিত ও অনুতপ্ত বটে, কিন্তু.....

বলুন?

না থাক, আজ আর বেশি জানতে চাইবেন না। আমার ভাইয়া মিঃ আর্মের সঙ্গে আলাপ করলে অনেক কিছু জানতে পারবেন। একটু থেমে বললো মিসেস ইবন—পাশের কামরাতেই থাকেন অথচ আপনি বড় দূরে থাকেন। সন্ধ্যা অসময়ে পাশে বসে দুটো গল্পসল্প করবো তাও হয় না। আসুননা মিঃ আলম, আমার কামরায় কেউ নেই, বসে বসে গল্পসল্প করা যাবে। ভাইয়াও বেরিয়ে গেছেন....

বনহর বললো—আমি এখন বড় ক্লান্ত, একটু বিশ্রাম করতে চাই।

মিসেস ইবনের মুখমণ্ডল ম্লান বিষণ্ণ হলো, সে উঠে দাঁড়ালো এবং কোনো কথা না বলে বেরিয়ে গেলো।

বনহর কোনো কথা বললো না, বরং সে মনে মনে খুশি হলো। অসময়ে বিরক্তি বোধ হচ্ছিলো তার।

মিসেস ইবন চলে যেতেই বনহর উঠে দাঁড়ালো। যেমনি সে বাথরুমের দিকে পা বাড়াতে যাবে, অমনি তার দৃষ্টি গিয়ে পড়লো যে আসনে মিসেস

ইবন বসেছিলো সেই আসনে! দেখলো একটা ছোট্ট হাত ব্যাগ পড়ে আছে আসনের উপরে।

বনছুরের ঠোঁটের কোণে মৃদু হাসির রেখা ফুটে উঠলো, সে বুঝতে পারলো মিসেস ইবন ইচ্ছা করেই তার হাতব্যাগটা ছেড়ে গেছে। সে মনে করেছে মিঃ আলম তার হাতব্যাগটা দেখলে নিশ্চয়ই সেটা ফেরত দেবার জন্য পাশের কামরায় যাবে।

বনছুর ইচ্ছা করেই ব্যাগটা হাতে তুলে না নিয়ে বাথরুমে প্রবেশ করলো, তারপর বাথরুম থেকে বেরিয়ে হাতমুখ তোয়ালে দিয়ে মুছে নিয়ে দুশ্শফেনিল শুভ্র বিছানায় দেহটা এলিয়ে দিলো।

নিঝুম দুপুর।

সমস্ত অঞ্চলটা খাঁ খাঁ করছে।

পথে লোকজন নেই বললেই চলে। ডাকবাংলোর পাশে শুধু ছোটবড় টিলা আর অসমতল জায়গা। মাঝে মাঝে অজানা গাছপালার ঝোপঝাড়। একটা সরু পথ আঁকাবাঁকা হয়ে উঠে এসেছে ডাকবাংলোর দিকে।

একটা পথ ডাকবাংলোর অদূর দিয়ে চলে গেছে সরাইখানার দিকে। সেই পথখানা শুধু সরাইখানাতেই শেষ হয়নি, সরাইখানা হয়ে চলে গেছে দূরে অনেক দূরে ফাংহা শহরের দিকে।

শহর ছেড়ে বেশ দূরে এই ডাকবাংলো। যেসব ভদ্রলোক বনাঞ্চলের কাজকর্ম নিয়ে আসেন তারাই আশ্রয় নেন এই বাংলায়। এছাড়া যাদের শিকারের নেশা আছে তারাও এসে মাঝেসাঝে ভিড় জমান এই নির্জন ডাকবাংলো।

সাধারণ পথচারীরা বড় একটা এদিকে আসে না, ডাকবাংলোয় যারা থাকেন তারা সরাইখানায় গিয়ে ভোজন করে আসেন কিংবা বয় পাঠিয়ে খাবার অর্ডার দেন। খাবার দিয়ে যায় সরাইখানার লোক।

ডাকবাংলোর চৌকিদার বিহাগী বৃদ্ধ, সে দিনে কোনোরকমে কাজকর্ম কিছু কিছু করে, রাতে সে সম্পূর্ণ অক্ষম, তাই সে ডাকবাংলোয় বড় একটা আসে না।

বিহাগী এখন অত্যন্ত অসুস্থ, তাই সে ডাকবাংলোয় আসে না, মাঝে মাঝে ওর মেয়ে ঝুমা এসে ডাকবাংলো পরিষ্কার করে যায়। ঝুমা ক’দিন আসেনি—তার বাবার অসুখ আরও বেড়ে গেছে, ঝুমাকে সদাসর্বদা বাবার পাশে থাকতে হয়।

সেদিন বনহর দ্বিপ্রহরে কক্ষে বসে বসে হাঁপিয়ে উঠেছিলো, তাই সে আলগোছে বেরিয়ে এলো ডাকবাংলোর বাইরে। হাতে তার বন্দুক, কোনো শিকার পেলে শিকার করবে সে। ডাকবাংলোর কিছু দূরে কিছুটা হাঙ্কা বন, নানারকম পাখি আছে এ বনে। বনের ওপাশে ছোট্ট একটা পাথুরে নদী। সরু নদীর বুক বেয়ে চলেছে সচ্ছ জলধারা, নদীর জলে সাদা সাদা পাথরের নুড়িগুলো বড় সুন্দর লাগে।

বনহর বন্দুক হাতে এসে দাঁড়ালো একটা টিলার উপর। আশেপাশে হাঙ্কা বন, নানা ধরনের গাছপালা রয়েছে বনে। গাছের ডালে ডালে নানা ধরনের পাখি।

শিকার করা নেশা বা পেশা নয়। কঠিনপ্রাণ বনহর যত নিষ্ঠুরই হোক শিকার করা সে পছন্দ করে না। তবু আজ সে বন্দুক হাতে শিকারের আশায় এসেছে বনের ধারে।

একটা টিলার উপর দাঁড়িয়ে যখন বনহর সম্মুখে লক্ষ্য করলো তখন হঠাৎ তার নজরে পড়লো একটা মাঝারি ধরনের গাছের ডালে বসে আছে একটা পাখি। বনহর পাখিটাকে লক্ষ্য করে বন্দুক উঁচু করে ধরলো, যেমন সে গুলী ছুড়বে অমনি কে যেন তার কানের কাছে মুখ নিয়ে বললো—মারিস্ না বাবু!

চমকে ফিরে তাকালো বনহর, একটা সাঁওতাল মেয়ে দাঁড়িয়ে আছে ঠিক তার পিছনে। ঠিক জংলীরানীর মত—ডাগর ডাগর দু'টি চোখে রাজ্যের মিনতিভরা।

বনহর বন্দুক নামিয়ে নিলো।

মেয়েটা ছুটে পালাতে যাচ্ছিলো।

বনহর বললো—এই শোন!

থমকে দাঁড়ালো মেয়েটা, ডাগর ডাগর চোখ দুটো মেলে তাকালো সে বনহরের দিকে।

বনহর বললো—কে তুমি? কি নাম তোমার?

মেয়েটা বললো—আমি এই ডাকবাংলোর চৌকিদারের মেয়ে। আমার নাম ঝুমা....বলেই সে আংগুল দিয়ে দেখিয়ে দিলো—ঐ যে আমার ঘর। ওখানে আমার বাবু থাকে। জানিস বাবু, আমার বাবুর খুব অসুখ।

বনহর ওর ব্যাথাভরা কথায় ব্যথিত হলো, সে কোনো জবাব দিলো না, শুধু নীরবে তাকালো দূরে বস্তিখানার দিকে।

ঝুমা বললো—যাবি বাবু আমার বাপুকে দেখতে?

যাবো, আজ নয়—আর একদিন।

ঝুমা একমুখ হাসি হেসে চলে গেলো।

বনহরের চোখের সামনে ভেসে উঠলো জংলীরানীর মুখখানা, আনমনা হয়ে গেলো সে মুহূর্তের জন্য।

হঠাৎ কে যেন কাঁধে হাত রাখলো বনহরের।

ফিরে তাকাতেই আশ্চর্য হলো, তার কাঁধে হাত রেখে দাঁড়িয়ে আছেন মিঃ আর্ম। মুখে তাঁর হাসির আভাস, বললেন তিনি—মেয়েটি কে মিঃ আলম?

বনহর হাতের বন্ধুকটার দিকে তাকিয়ে বললো—ডাকবাংলোর বৃদ্ধ চৌকিদারের মেয়ে ঝুমা।

ঝুমা! চমৎকার নাম। আপনার সঙ্গে বেশ আলাপ জমিয়ে নিয়েছে দেখলাম।

ওঃ, আপনি তাহলে....

হাঁ, আমি বেশ কিছুক্ষণ হলো এদিকে এসেছি। দাঁড়িয়েছিলাম আমি টিলার আড়ালে, কারণ আমি এলে আপনাদের আলাপে যদি ব্যাঘাত ঘটে তাই!

বনহর মিঃ আর্মের পা থেকে মাথা পর্যন্ত তাকিয়ে দেখলো, তারপর পা বাড়ালো বাংলোর দিকে।

মিঃ আর্ম বললেন—শিকার করা আর হলো না বুঝি?

শিকার করার জন্য আসিনি, এসেছিলাম এদিকটা দেখতে, দেখা হয়ে গেছে।

চলুন ফেরা যাক। বনহরের সঙ্গে পা মিলিয়ে চলতে শুরু করলেন আর্ম।

চলতে চলতে বললেন মিঃ আর্ম—আমার বোন এ্যামের মুখে আপনার প্রশংসা শুনে শুনে কান ঝালাপালা হয়ে গেছে! আপনার সঙ্গে এলাম তাই আলাপ করতে।

বনহর হেসে বললো—প্রশংসা করার মত আমার কিছু নেই। আর কিই বা করেছি তাঁর যে প্রশংসা করবেন তিনি।

দেখুন আমার বোন বড় খেয়ালী, যাকে ওর ভাল লাগবে তাকে ও একেবারে মনের মনিকোঠায় বসিয়ে তার সাধনা করবে। আপনার সৌন্দর্য ওকে অভিভূত করেছে, সব সময় ও আপনার কথা বলে।

চলুন না মিঃ আলম, একদিন আমরা জলবিহারে যাই?

জলবিহার?

বুঝতে পারলেন না, জলবিহার কাকে বলে?

ঠিক পারছি না, কারণ নিকটে কোথাও সমুদ্র বা সাগর নেই কিনা?

ও, জলবিহার বলতে আপনি সমুদ্র ভ্রমণ কিংবা সাগরাভিযান মনে করেছেন বুঝি?

তবে?

জলবিহার বলে এখানে একটা জায়গা আছে—অতি চমৎকার জায়গা, চলুন না একদিন আমরা সেখানে যাই?

আচ্ছা, সময় হলে যাবো।

বনহর কথাটা বলে এড়িয়ে গেলো এবং অন্য পথে পা বাড়ালো। যাবার সময় হাত বাড়িয়ে হ্যাণ্ডসেক করলো মিঃ আর্মের।



অন্ধকার কুঠরির মধ্যে রহমান মুতের মত পড়ে আছে। তার চারপাশে পাথুরে দেয়াল, কোথাও একটু ফাঁক নেই যে বাইরের আলো কুঠরির ভিতরে প্রবেশ করবে। সমস্ত শরীরে তার চাবুকের আঘাতের চিহ্ন। প্রতিদিন তাকে কশাঘাত করা হয় এবং কিছু জ্ঞানার জন্য জিজ্ঞাসাবাদ করা হয়।

রহমানের গোটা মুখে খোঁচা খোঁচা দাঁড়ি জন্মেছে, চোখ বসে গেছে, চুল রক্ষ এলোমেলো। তার হাত এবং পা মজবুত দড়ি দিয়ে বাঁধা।

দারুণ পিপাসায় কষ্টনালী শুকিয়ে কাঠ হয়ে গেছে। আজ সপ্তাহ দুই হলো তাকে বন্দী করা হয়েছে, তারপর থেকে তাকে নির্মম যন্ত্রণা দেওয়া হচ্ছে। আরজু কোথায় কে জানে, আরজুকে ধরে আনার পর তার সঙ্গে আর সাক্ষাৎ হয়নি। রহমান জানে না এরা কারা, তবে যে এরা ফাঁংহা হত্যা রহস্যের মূল স্তম্ভ এটা মিথ্যা নয়।

প্রতিদিন যখন রহমানকে এই অন্ধকারময় কুঠরি থেকে বের করে নিয়ে যাওয়া হয় তখন তার চোখ বাঁধা থাকলেও অনুমানে বুঝতে পারে তাকে কোনো গোপন সুড়ঙ্গপথে নিয়ে যাওয়া হচ্ছে। সে পথ ভূগর্ভে তাতে কোনো সন্দেহ নেই। যখন চোখের পট্টি খুলে দেওয়া হয় তখন রহমান দেখতে পায় একটা অদ্ভুত কক্ষে তাকে আনা হয়েছে। কক্ষটা বিরাট অথচ আধো অন্ধকার—একটা লালচে আলোর আভাস কক্ষটাকে আরও ভয়ঙ্কর করে

তুলেছে। সম্মুখে কয়েকজন লোক দাঁড়িয়ে—তাদের চেহারা ভয়ঙ্কর, যেন এক একটা জানোয়ার।

রহমান তাকিয়ে দেখলো আরও একটা অদ্ভুত জিনিস, সে হলো একটা স্তম্ভ। স্তম্ভের দিকে তাকিয়ে আছে সবাই একদৃষ্টে। রহমানও তাকালো সেই স্তম্ভটার দিকে। কয়েক মিনিট কেটে গেলো, স্তম্ভটার মধ্যে জ্বলে উঠলো একটা আলোকরশ্মি—অদ্ভুত সে আলোকরশ্মি, লালচে কক্ষটা আরও লালচে হয়ে উঠলো।

যমদূতের মত লোকগুলোকে এক একটা প্রেতাশ্বার মত মনে হতে লাগলো।

রহমান আশ্চর্য হয়ে দেখলো আলোকস্তম্ভটার মধ্যে ধীরে ধীরে একটা ছায়ামূর্তি ভেসে উঠলো—কেমন যেন একটা অদ্ভুত মানুষ। চোখমুখ বা দেহ কিছুই স্পষ্ট বোঝা যাচ্ছে না, ছায়ামূর্তি নারী না পুরুষ তাও বোঝার উপায় নেই। এবার আওয়াজ হলো—এর হৃৎপিণ্ড যখন আমরা বের করে নেবো তখন এর কাজ শেষ হবে। তার পূর্বে এর কাছে জেনে নিতে হবে কি কারণে তারা ফাংহায় পদার্পণ করেছে। যদি সহজে আসল কথা ব্যক্ত করতে না চায় তবে যেভাবে ব্যক্ত করে তাই করতে হবে। যাও ওকে অন্ধকার কক্ষে আটক করে রাখো।

সেই থেকে রহমান অন্ধকার কারাকক্ষে বন্দী আছে। প্রতিদিন তার উপর চলে জঘন্য অত্যাচার। চাবুকের আঘাতে ক্ষতবিক্ষত করে ফেলে সমত দেহ। তারা জানতে চায় কে ঐ ব্যক্তি যে ফাংহার নির্জন ডাকবাংলোয় আশ্রয় নিয়েছে এবং কেনো সে ফাংহায়— এসেছে।

রহমান বুঝতে পারে, শুধু তাকেই নয়, আরজুকেও ওরা তারই মত বন্দী করেছে এবং তার কাছেও আসল কথা জেনে নেওয়ার চেষ্টা চলছে। রহমান তবু কতকটা নিশ্চিত, কারণ আরজু তাদের ফাংহা আগমনের আসল উদ্দেশ্য জানে না। তাকে হত্যা করলেও সে সঠিক কথা বলতে পারবে না এমন কি সর্দারের পরিচয়ও আরজু জানে না। রহমান তাই এ যন্ত্রণার মধ্যেও নিশ্চিত আছে।

প্রতিদিন যখন রহমানকে ঐ বিরাট কক্ষে নিয়ে যাওয়া হতো তখনই সে দেখতো একটা মৃতদেহ কক্ষের মেঝের টেবিলে ঢাকা দেওয়া রয়েছে। আরও দেখতো কিছু তাজা রক্তের ছাপ টেবিলের পাশে।

অন্যান্য দিনের মত আজও রহমান অন্ধকার কক্ষে বসে বসে ভাবছে, ঐ মুহূর্তে দরজা খুলে গেলো, ভিতরে প্রবেশ করলো দু'জন বলিষ্ঠ লোক একজনের হাতে মশাল। মশালের আলোতে অন্ধকার কক্ষ আলোকিত হয়ে উঠলো।

রহমান সজাগ হয়ে তাকালো লোক দু'টির দিকে।

ওরা ততক্ষণে একেবারে এগিয়ে এসেছে নিকটে কর্কশ কণ্ঠে বললো একজন—ওঠো, যেতে হবে।

রহমান জানে, এখানে তার কোনো আপত্তি টিকবে না তাই সে তৎক্ষণাৎ উঠে দাঁড়ালো। যদিও তার কষ্ট হচ্ছিলো উঠে দাঁড়াতে, কারণ তাদের দেহে ছিলো নানারকম আঘাতের চিহ্ন। হাঁটুর একপাশে কেটে গিয়ে গভীর ক্ষত সৃষ্টি হয়েছিলো, ব্যথায় পা খানা বেশ ফুলে গিয়েছিলো তার।

লোক দু'জন রহমানকে পিছমোড়া করে বেঁধে ফেললো, তারপর নিয়ে চললো টেনে হিচড়ে। মৃত্যুকে ভয় করে না রহমান, তবু কষ্ট যা হচ্ছিলো তা তো সে অস্বীকার করতে পারে না। খুঁজিয়ে খুঁজিয়ে চললো রহমান ওদের দু'জনকে অনুসরণ করে।

আবার সেই কক্ষ।

সেই আলোকস্তম্ভ, লালচে আলোতে গোটা কক্ষ লাল রক্তাভ। রহমানকে ওরা দাঁড় করালো সেই কক্ষের মেঝেতে, তারপর কোনো নির্দেশের অপেক্ষা করতে লাগলো তারা।

ধীরে ধীরে আলোকস্তম্ভের রং পরিবর্তন হলো, একটা ছায়ামূর্তি ভেসে উঠলো সেই আলোকস্তম্ভের মধ্যে, সেই অদ্ভুত আওয়াজ—নারী নারী কিংবা পুরুষের কণ্ঠ বোঝা গেলো না, নির্দেশ হলো এই যুবকের হৃৎপিণ্ড দরকার, এর বুক চিরে হৃৎপিণ্ড বের করে নেবে এবং আমাদের হৃৎপিণ্ড সংরক্ষিত পাত্রে জমা করে রাখবে। আমার মনে হয় এর হৃৎপিণ্ড কোনো মৃত ব্যক্তির হৃৎপিণ্ডের পরিবর্তে সংযোজন করলে আমাদের সাধনা জয়যুক্ত হবে। এত নির্যাতনের পরও যে হৃৎপিণ্ড নষ্ট হয়ে যায়নি, নিশ্চয়ই তার বলিষ্ঠতা এবং কর্মশক্তি তীব্র রয়েছে। যাও, নিয়ে যাও, এর প্রতি নির্যাতন কমিয়ে দাও এবং একে সবল করে তোলার চেষ্টা করো—কিন্তু মনে রেখো, অন্ধকার কারাকক্ষ থেকে যেন ও বের হতে না পারে।

লোক দু'জন আলোকস্তম্ভের দিকে তাকিয়েছিলো, কথা শেষ হবার সঙ্গে সঙ্গে রহমানকে নিয়ে বেরিয়ে এলো কক্ষ থেকে, কিন্তু তার পূর্বেরি চোখ বেঁধে দিলো ওরা রহমানের।

আবার সেই সুড়ঙ্গপথ।

রহমান এবার বুঝতে পেরেছে সে একেবারে ঠিক জায়গায় এসে পৌছেছে। তাকে যারা পাকড়াও করে এনেছে তারাই হলো ফাংহা হত্যা রহস্যের মূল ব্যক্তি। এতদিন যতটুকু বুঝতে পেরেছিলো, আজ আরও পরিষ্কার হয়ে গেলো সবকিছু।

ওরা রহমানকে নিয়ে এলো পুনরায় সেই কক্ষে। হাতের বাঁধন খুলে দিলো তারপর ওরা বেরিয়ে গেলো। আজ নতুন করে কোনো নির্যাতন হলো না রহমানের উপর।

রহমান যেন হাঁফ ছেড়ে বাঁচলো, যাক দু'চার দিন তবু নির্মম কশাঘাত থেকে রক্ষা পাবে। একটু পরেই দরজা খুলে গেলো, পূর্বের সেই ব্যক্তিদ্বয় টের উপরে স্তূপাকার খাদ্যসম্ভার নিয়ে প্রবেশ করলো!

এখানে আসার পর এককানা রুটি আর এক গেলাস পানি ছাড়া কিছু সে খেতে পায়নি। আজ এত খাবার দেখে ক্ষুধা যেন বেড়ে গেলো দ্বিগুণ।

লোক দু'জন খাবারের ট্রে রহমানের সম্মুখে রেখে দিলো। যেমনি রহমান খাবারের দিকে হাত বাড়িয়েছে, অমনি যারা খাবার বহন করে এনেছিলো তারাই খেতে শুরু করলো।

রহমানকে একটুও ওরা খেতে দিলো না।

অবাক হলো না রহমান, কারণ সে জানে চাকর বা অনুচরের এমনি হয়। তারা বন্দীর জন্য খাবার এনে নিজেরাই খায়। মনে পড়লো আজ কান্দাইয়ের কথা। কান্দাই দুঃস্থ নগরবাসীর জন্য যখন সরকার কোনো খাদ্য সরবরাহ করতো কিংবা বিদেশ থেকে কোনো রিলিফ বস্তু আসতো তখন সরকারের অনুচরদের হতো জয় জয়কার। তারা দুঃস্থ-জনগণের মুখের গ্রাস নিয়ে নিজেরাই গোথ্রাসে খেতো, করতো—গুদামজাত, করতো নিজেদের। দুঃস্থ জনগণের আহার নিয়ে জ্ঞানী বুদ্ধিমান ব্যক্তিগণই হিনিমিনি খেলে, আর এরা তো গওমূর্খ নির্বোধ দুষ্টলোক।

রহমান কোনো চেষ্টাই চালালো না খাবারের দ্বারা উদর পূরণের জন্য।

প্রতিদিন এই অন্যায্য অনাচার চললো।

রহমান শুধু নীরবে দেখতো ভাবতো সমস্ত দুনিয়াটার কথা। শুধু বন্দী সেই নয়, আরও অনেক বন্দী আছে যারা দুর্বল অসহায়—যারা কোনো প্রতিবাদ করতে পারে না তাদের খাবারগুলো রোজ ওরা খায়, সবল দেহগুলোকে আরও সবল করে তোলে।

রহমান ভাবে, এখন সে কোথায় নিজেই জানে না। হয়তো সর্দার তাকে সন্ধান করে ফিরছে, হয়তো বা শত্রু তারও ক্ষতি সাধন করার জন্য উঠে পড়ে লেগেছে। এটুকু বিশ্বাস রহমানের আছে যে তার সর্দারের কোনো ক্ষতি সাধন কেউ করতে পারবে না।

এখানে রহমান যখন সর্দারের কথা ভাবচে তখন সর্দার সন্ধান করে ফিরছে রহমানের। সরাইখানার ভিতরে তন্ন তন্ন করে সন্ধান করেছে সে কিন্তু আজ পর্যন্ত কোন কিছু আবিষ্কার করতে সক্ষম হয়নি। বনহর গভীর রাতে বিচরণ করে বেড়ায়—যখন সমস্ত পৃথিবী নিদ্রার কোলে ঢলে পড়ে তখন ডাকবাংলোর অভ্যন্তর থেকে বেরিয়ে আসে সে।

অন্যান্য দিনের মত বনহর বেরিয়ে এলো বাইরে। দরজা বন্ধ করে ফিরে দাঁড়াতেই চমকে উঠলো সে, অন্ধকারে ছায়ামূর্তির মত দাঁড়িয়ে আছে কেউ যেন দেখতে পেলো।

বনহর বললো—কে?

পরিচিত কণ্ঠস্বর—আমি মিঃ ইবন।

বনহর বিস্ময়ভরা কণ্ঠে বললো—আপনি!

হাঁ আমি।

এত রাতে আপনি....

আমি এসেছিলাম আপনার সঙ্গে আলাপ করতে। এগিয়ে এলেন মিঃ ইবন।

বনহর অন্ধকারে তীক্ষ্ণ দৃষ্টি নিক্ষেপ করলো মিঃ ইবনের মুখে। যদিও তাঁকে স্পষ্ট দেখা যাচ্ছিলো না তবু বেশ বুঝতে পারলো মিঃ ইবনের শরীরে নাইটড্রেস রয়েছে।

ততক্ষণে ইবন আরও সরে এসেছে বনহরের পাশে..... বললেন আপনার সঙ্গে কিছু কথা আছে। যদি দয়া করে ভিতরে চলেন তবে বসে বসে আলাপ করবো।

বনহর একটু হকচকিয়ে গেলো, কারণ এতরাতে সে অতি সন্তর্পণে বাইরে যাচ্ছিলো। মিঃ ইবন যে তার পথ রোধ করে এসে দাঁড়াবেন এটা সে

ভাবতে পারেনি। বললো বনহর—ঘরে বেশ গরম তাই বাইরে এলাম ঠাণ্ডা হাওয়া সেবন উদ্দেশ্যে। চলুন ঐ টিলাটার উপরে গিয়ে বসি।

না তা হয় না, আপনার ঘরে বসেই আলাপ করবো, কারণ আমার জী এবং আমার শ্যালক এরা আমাদের আলাপ আলোচনা শুনে ফেলতে পারে। চলুন না ভিতরে গিয়ে বসি।

ভিতরে যা অন্ধকার।

কেন লাইট নেই?

আজ ঘরের আলোটা নষ্ট হয়ে গেছে

তাহলে তো বড় অসুবিধা! একটু ভাবলেন মিঃ ইবন—তারপর বললেন—অন্ধকার হোক তবু ভাল, কারণ বাইরেও অন্ধকার ভিতরেও অন্ধকার। তবে ভিতরের অন্ধকার পবিত্র, কারণ সেখানে কোনো ভয় নেই।

বনহর মিঃ ইবনের কথায় বিরক্ত হচ্ছিলো তবু সে বাধ্য হলো দরজা খুলে ভিতরে প্রবেশ করতে। মিঃ ইবন তার পিছনে তাকে অনুসরণ করলেন।

বনহর পকেট থেকে ম্যাচ বের করে একটা মোমবাতি ধরালো।

মোমবাতির ক্ষীণালোকে বনহর তাকালো মিঃ ইবনের মুখের দিকে, সঙ্গে সঙ্গে চমকে উঠলো সে। মিঃ ইবনের মুখমণ্ডল কেমন যেন ফ্যাকাশে বলে মনে হলো তার কাছে। বনহর একটা আসন এগিয়ে দিয়ে বললো—বসুন।

মিঃ ইবন বসলেন, তারপর চাপা গলায় বললেন—আপনি রাতে ঘুমান না বুঝি?

হঠাৎ এ ধরনের প্রশ্ন বনহরকে বিব্রত করলো, তবু সে নিজেকে সামলে নিয়ে বললো—ঘুম তেমন হয় না, কারণ আমার ব্যবসা বড় মন্দা চলছে কিনা—তাই বড় দুঃশ্চিন্তায় আছি।

উৎসাহভরে মিঃ ইবন বলে উঠেন—ঠিক আমারও তাই। আজ ক’দিন ধরে কি যে চলছে—কোন কাজকর্ম হচ্ছে না—সবদিকে বিফল...একটু ভাবগভীর হয়ে পড়লেন মিঃ ইবন।

বনহর বললো—দেখছি আমার অবস্থাই আপনাকে ফলো করে চলেছে.. বলে হাসলো বনহর।

মিঃ ইবন কিছু হাসলেন না, তিনি ব্যথাভরাকণ্ঠে বললেন—বড় আফসোস, এমন অবস্থা হবে পূর্বে ভাবতে পারিনি—এসেছিলাম অনেক আশা নিয়ে।

বনহর মোমের আলোতে ভালভাবে তাকালো মিঃ ইবনের মুখের দিকে। সত্যিই একটা ব্যথাকাতার ভাব ফুটে উঠেছে তাঁর মুখমণ্ডলে।

বনহর পকেট থেকে সিগারেট কেসটা বের করে একটা সিগারেটে অগ্নিসংযোগ করলো তারপর একরাশ ধোঁয়া নির্গত করে বললো— আপনার স্ত্রী মিসেস এ্যাম এখন কি ঘুমাচ্ছেন?

হাঁ কিন্তু আসল ঘুম কিনা তা জানি না।

তার মানে?

মানে আমি যতক্ষণ তার বিছানায় থাকি ততক্ষণ সে ঘুমের ভান করে চুপচাপ পড়ে থাকে। আমি বিছানা ত্যাগ করলে সে আরামে ঘুমায় কিংবা বিছানা ত্যাগ করে বেরিয়ে আসে তার ভাই মিঃ আর্মের পাশে। দু' ভাই-বোন মিলে চলে গোপন শলা-পরামর্শ। জানেন মিঃ আলম, আমি ওসব ভালবাসিনা কিনা, তাই ও আমাকে পছন্দ করে না—মানে আমি মিসেস এ্যামের উপযুক্ত স্বামী হতে পারিনি—একটা দীর্ঘশ্বাস ত্যাগ করে মিঃ ইবন।

গভীর রাতে এই ভদ্রলোকটাকে মোটেই বরদাস্ত করতে পারছে না বনহর। সে আপন মনে সিগারেট টেনে চলেছে। মিঃ ইবন আরও কিছুক্ষণ আপন মনে বক বক করে এক সময় উঠে দাঁড়ালেন, বনহরের দিক থেকে তেমন কোনো আগ্রহভরা প্রশ্ন বা উত্তর না পেয়ে নীরব হলেন তিনি।

বনহর বললো—রাত এখন চারটে, কাজেই আমার নিদ্রার সময় নষ্ট হয়ে যাচ্ছে।

এতক্ষণে যেন হুশ হলো মিঃ ইবনের, তিনি উঠে দাঁড়ালেন—তাহলে চলি মিঃ আলম?

আচ্ছা আসুন।

মিঃ ইবন বেরিয়ে যান।

বনহর সেদিনের মত ঘরের বাইরে যাওয়া থেকে ক্ষান্ত হলো এবং শয্যা গ্রহণ করলো।

কখন যে ঘুমিয়ে পড়েছে বনহর বুঝতেই পারেনি। ঘুমিয়ে পড়তেই তার চোখের সামনে ভেসে উঠলো মনিরার মুখ খানা। বহুদিন পর সে যেন মনিরার পাশে গিয়ে হাজির হয়েছে, হাসিভরা মুখে মনিরা তাকে জানাচ্ছে সাদর সম্ভাষণ। বলছে মনিরা, তুমি বড় দুষ্ট, এতদিন কোথায় ছিলে বলো তো? বনহর জবাব দিলো দুষ্ট আমি মোটেই নই মনিরা। আমি সব সময় তো তোমার পাশেই আছি। তুমি আমাকে দেখতে পাও না। মনিরা অভিমানভরা গলায় বললো—মিথ্যে কথা, তুমি চলে গেছো দূরে অনেক দূরে। নিজের কাজ নিয়ে মেতে আছো, একটি বার আমার কথা মনে করো

না। নূর বিদেশ যাওয়ার পর আমি যে বড় একা, তুমি কি তা জানো না। বৃদ্ধা মামীমা তিনিও সব সময় বিষণ্ণ মনে দিন কাটান। তুমি বড় নিষ্ঠুর নাহলে এমন করে ভুলে থাকো। বনহর ওর অভিমানভরা মুখখানা তুলে ধরে বলে—লক্ষীটি রাগ করোনা, যতদূরেই থাকি না কেন, তোমাদের কথা সবসময় আমার মনে হয়, জানো, নূর বিদেশ থেকে যখন ফিরে আসবে সে তখন অনেক বড় স্বনামধন্য একজন.....

বললো মনিরা, বলো থামলে কেন?

সে হবে মস্তবড় বিশ্ববিখ্যাত ডিটেকটিভ....

এ তুমি কি বলছো?

হাঁ, আমি জানি সে সাধারণ মানুষ হবে না।

ওগো, আমি চাই না নূর বিশ্ববিখ্যাত ডিটেকটিভ হোক। আমি চাই না, আমি চাই না....

চুপ করো মনিরা, চুপ করো। তুমি যতই বলো নূর ডিটেকটিভ হবেই। ছোটবেলা থেকেই ওর মধ্যে আমি দেখেছি সে এক অদ্ভুত প্রতিভা....

না না, আমি তা চাই না।

মনিরা, তুমি না চাইলেও সে হবে এবং তোমার স্বামীকে সে....

চুপ করো, আর বলো না, আমি সে কথা ভাবতে পারি না।

মনিরা, মিছেমিছি তুমি দুঃখ পাচ্ছে, তুমি কি জানো না দুনিয়ার যে নিয়ম তার ব্যতিক্রম হবে না কোনোদিনই। শিশুকাল থেকে নূরের সাধনা সে ডিটেকটিভ হবে, তারপর সে খুঁজে বের করবে দস্যু বনহরকে।

না না, আমি সে কথা বিশ্বাস করি না, দস্যু বনহরকে কোনো ডিটেকটিভ বা কোনো পুলিশবাহিনী কোনোদিন খেঁজার করতে পারেনি, পারবেও না। মনিরা স্বামীর বুকে মুখে গুঁজলো।

বনহর মনিরাকে গভীর আলিঙ্গনে আবদ্ধ করলো। ঠিক ঐ মুহূর্তে ঘুম ভেঙ্গে যায় বনহরের।

জেগে উঠতেই মনটা কেমন যেন খাঁ খাঁ করে উঠলো—কই, পাশে মনিরা কই, এইতো একটু পূর্বেই তার বুকে মুখ গুঁজে শুয়েছিলো সে। বনহর চোখ মেলতে দেখলো বেলা হয়ে গেছে। মুক্ত জানালা দিয়ে এক ঝলক সোনালি রোদ এসে ছড়িয়ে পড়েছে মেঝেতে।

বনহর পাশ ফিরে শুয়ে স্বপ্নদৃশ্যটা স্মরণ করে চললো। ঠিক ঐ সময় দরজায় মৃদু আঘাত পড়লো।

রাতে মিঃ ইবন বেরিয়ে যেতেই বনহর দরজায় খিল বন্ধ করে দিয়ে তারপর শয্যা গ্রহণ করেছিলো। এই মুহূর্তে দরজায় মৃদু করাঘাতের আঘাতে বনহর বিরক্তি বোধ করলো তবু বাধ্য হলো সে দরজা খুলতে।

দরজা খুলতেই অবাক হলো বনহর—এ যে বাংলোর চৌকিদার বিহাগীর মেয়ে ঝুমা। হাতে তার একটা ঝাকা, ঝাকাভর্তি ফল। দরজা খুলে বনহর কোনো কথা বললো না, সে নীরবে তাকালো ঝুমার দিকে।

ঝুমা বললো—বাবুজী, তোর জন্য ফল এনেছি। খাবি বাবু?

বনহরের মনে তখনও মনিরার ছবি ভাসছে; মনিরার কঠোর প্রতিধ্বনি সে শুনতে পাচ্ছে কানে। ঝুমার কণ্ঠ যেন ওর কাছে মনিরার কণ্ঠ বলে মনে হলো, বললো—এসো ভিতরে এসো।

ঝুমা উচ্ছল ঝরণার মত প্রবেশ করলো সেই কক্ষে, ফলের ঝুড়িটা টেবিলে রেখে বললো—এসব তোর জন্য এনেছি বাবু, খাস্—আমি যাই....

বললো বনহর—না, বসো ঝুমা।

বাবু!

হাঁ বসো।

ঝুমা বনহরের মুখের দিকে তাকিয়ে ফিক করে একটু হেসে বসে পড়লো একটা চেয়ারে।

চেয়ারে সে কোনোদিন বসেছে কিনা সন্দেহ। চেয়ারে বসে ছোট্ট শিশুর মত পা দোলাতে লাগলো সে।

বনহর বললো—ঝুমা, এত সুন্দর ফল তুমি কোথায় পেল?

বললো ঝুমা—আমার দাদা আছে, বড় ভাই—সে-ই এ ফল আমাকে খাওয়ার জন্য এনে দিয়েছিলো।

তা তুমি আমার জন্য আনলে কেন?

বাবু, কাল তোকে টিলার উপর দেখেছিলাম না? সত্যি বাবু, তোকে আমার খুব ভাল লেগেছে। আর ভাল লেগেছে বলেই তোর জন্য এ ফলগুলো নিয়ে এলাম।

বনহর ঝুড়ি থেকে একটা ফল তুলে নিলো হাতে, তারপর নেড়েচেড়ে দেখে ফলটা ঝুড়িতে রাখলো।

ঝুমা বললো—খেয়ে নে বাবু।

আচ্ছা খাবো।

না বাবু, এক্ষুণি খেয়ে নে! ঝুমা কথাটা বলে একটা ফল নিয়ে বনহরের মুখের কাছে ধরলো— নে বাবু, খেয়ে নে ফলটা ।

ঝুমা বনহরের মুখের কাছে ফলটা চেপে ধরলো—ঠিক ঐ মুহূর্তে দরজার ওপাশে এসে দাঁড়ালেন মিসেস ইবন। ঝুমাকে মিঃ আলমের কক্ষে দেখে এবং ঝুমা আলমকে ফল তুলে খাওয়াচ্ছে দেখে ক্রুদ্ধ হয়ে উঠলো । কিন্তু সে বেশিক্ষণ দাঁড়ালো না, সরে গেলো নিঃশব্দে ।

নিজের ঘরে প্রবেশ না করে এগিয়ে গেলো পাশের ছোট্ট কামরাটার দিকে । ঐ কামরায় তার ভাই ঘুমায় ।

মিসেস ইবন ভাইয়ের বিছানার পাশে গিয়ে ওর গায়ে হাত রেখে ডাকলো—আর্ম, আর্ম উঠো, উঠো দেখবে চলো.....

চোখ রগড়ে উঠে বসলো আর্ম—এঁ্যা, এঁয়ামি কি বলছো ।

বলছি সেই মেয়েটা এসেছে যার কথা তুমি কাল রাতে আমার কাছে বলেছিলে?

ও, সেই সাঁওতাল মেয়েটার কথা বলছো এঁয়াম?

হাঁ, সে মিঃ আলমের কক্ষে এসেছে ।

বলো কি এঁয়াম ।

হাঁ, দেখবে এসো ।

মিঃ আর্ম উঠে দাঁড়ালেন এবং বোনকে অনুসরণ করে বেরিয়ে এলেন বাইরে । তাঁর চোখেমুখে একটা অস্বাভাবিক ভাব পরিলক্ষিত হলো ।

ভাইবোন মিলে এসে দাঁড়ালেন দরজার আড়ালে আত্মগোপন করে । এঁয়াম বললো—ঐ দেখো আর্ম, মেয়েটা নিজ হাতে মিঃ আলমের মুখে ফল তুলে দিচ্ছে ।

আর্ম একটুখানি শব্দ করলো—হুঁ!

ঝুমার কণ্ঠ শোনা গেলো—বাবুজী, তোকে আমার খুব ভাল লাগে ।

মিঃ আলম কি বললো শোনা গেলো না ।

মিঃ আর্ম এবং মিসেস ইবন দরজার আড়াল থেকে সরে গেলো । একটা হিংস্রভাবে ফুটে উঠলো মিঃ আর্মের মুখে, সে মিসেস ইবনের কানে মুখ নিয়ে কি যেন ফিস ফিস করে বললো ।

বনহর তখন ফল খাচ্ছে, তার পাশে বসে ঝুমা ওর মুখে ফল তুলে দিচ্ছে ।

বনহরের চোখের সামনে তখন ভাসছে মনিরার মুখখানা। ঝুমার কথাগুলো বনহরের হৃদয় স্পর্শ করে। এই নির্জন নিঃসঙ্গ অবস্থায় ঝুমাকে ওর ভাল লাগে, মনে হয় ঝুমা এসে ভালই করেছে।

বনহর কতদিন পর আজ পেট পুরে অনেকগুলো ফল খেলো। তৃপ্তি ভরে খেলো সে, কান্দাই থেকে আসার পর এত ফল সে এক সঙ্গে খায়নি।

বললো ঝুমা—বাবু, তুই ফল খুব ভালবাসিস, না?

হঁ ঝুমা।

বাবু, রোজ আমি তোমার জন্য ফল নিয়ে আসবো। ঝুমার দু'চোখে খুশির উৎস।

ঝুমা বেরিয়ে গেলো ডাকবাংলো থেকে।

বনহর তাকিয়ে রইলো ওর চলে যাওয়া পথের দিকে।

ঝুমা এগুতেই পথরোধ করে দাঁড়ালেন আর্ম—এই তোর বাবার অসুখ কেমন হলো?

ঝুমা থেমে পড়লো, চোখ তুলে তাকালো মিঃ আর্মের মুখের দিকে।

মিঃ আর্ম বললেন—তোমার বাবার অসুখ কেমন হলো?

ঝুমা বললো— ভাল হয়নি, বাবা আরও দুর্বল হয়েছে।

তোর বাবা কাজে আসতে পারে না, তুই তো কাজ করতে পারিস? বাংলা ঝাড় দেওয়া, পরিষ্কার করা এ সব তো তোকেই করতে হবে। আজ থেকে তুই করবি, বুঝলি?

ঝুমা বললো— আচ্ছা বাবু, আমিই করবো। চলে যায় ঝুমা।

মিঃ আর্ম ফিরে আসেন নিজের ছোট্ট কামরাটার মধ্যে। একটা মৃদু হাসির আভাস ফুটে উঠে তার ঠোঁটের কোণে।

ঝুমা ওর বাপের কাছে বিদায় নিয়ে এলো ডাকবাংলায়, আসার সময় বাপকে বলে এলো— তুই কাজে যেতে পারিস্না, বাবুরা রাগ করে— কাল থেকে আমিই কাজে যাবো।

ঝুমার চোখেমুখে আনন্দোচ্ছ্বাস, কাল থেকে সে ডাকবাংলায় কাজে যাবে। ঝুমার মনটা কেমন যেন চঞ্চল হয়ে উঠে। তার বড় সাধ বাবুকে দেখা, তারসঙ্গে একটু কথা বলা।

ঝুমার বাবা বললো— হাঁ মা, কথাটা আমিই তোকে ক'দিন থেকে বলবো বলবো করছি কিন্তু বলতে সাহস পাইনি, কেনো জানিস্ মা?

কেন তুই সাহস পাসনা বাপু?

এখন বড় হয়েছিস, জোয়ান হয়েছিস, মা, কে কি বলবে তাই

ওসব তুই কিছু ভাবিস না বাপু, আমি তোর বদলে কাজ করবো।

পরদিন থেকে বুমা যায় ডাকবাংলোয়, ঘরগুলো সব পরিষ্কার করে ঝাড়ু দেয়, তারপর আঁচল দিয়ে মোছে আসবাবগুলো।

বুমা তেমন করে আয়নায় মুখ দেখেনি। তার বাপু মেলা থেকে ছোট্ট একটা আয়না এনে দিয়েছিলো, সে আয়নায় বুমার গোটা মুখ পরিষ্কারভাবে দেখা যেতো না। আজ বুমা বাবুজীর ঘরে প্রবেশ করে বড় আয়নাখানার পাশে দাঁড়ালো। গোটা ঘর সে বেশ করে ঝাড়ু দিয়েছে, এবার সে আঁচল দিয়ে আয়নাখানা মুছতে গেলো। বুমা আঁচল খুলে যেমনি আয়নায় আঁচলখানা বুলোতে গেলো অমনি তার নিজের প্রতিচ্ছবির উপরে নজর পড়লো। নিজের সমস্ত দেহের প্রতিবিম্ব সে এমন করে দেখেনি কোনোদিন, বুমার দু'চোখে রাজ্যের বিম্বয়, সে এত সুন্দর তা ভাবতে পারেনি কোনোদিন।

অবাক হয়ে বুমা দেখছিলো নিজের রূপ।

এমন সময় কক্ষ প্রবেশ করে বনহর, আলগোছে সে সরে দাঁড়ায় আড়ালে। আড়ালে দাঁড়িয়ে লক্ষ্য করে বুমার কার্যকলাপ। যেমন কোন পায়রা আয়নায় নিজের চেহারা দেখে নানারকম শব্দ করে নিজের মনোভাব প্রকাশ করে তেমনি বুমা ঘুরে ফিরে আয়নায় নিজেকে লক্ষ্য করছিলো আর মুখে একরকম অদ্ভুত শব্দ করছিলো।

আড়ালে আত্মগোপন করে বনহর মৃদু মৃদু হাসছিলো। বুমার চঞ্চলতাপূর্ণ কার্যকলাপ তার কাছে বেশ লাগছিলো।

হঠাৎ বেরিয়ে পড়লো বনহর।

বুমা তাড়াতাড়ি আঁচল দিয়ে আয়নাখানা পরিষ্কার করতে লেগে গেলো।

হেসে বললো বনহর— কি করছো বুমা?

বুমা আয়নাখানা মোছা শেষ করে ততক্ষণে সোজা হয়ে দাঁড়িয়েছে, বললো —বাবু, আজ থেকে আমিই ডাকবাংলোয় সব কাজ করবো— বাপুর অসুখ কিনা, তাই সে আসতে পারে না।

বললো বনহর— বেশ তো তাই করো।

বাবু, আমি খুব ভাল করে কাজ করবো, বখশিস দিবি না?

দেবো।

কি দিবি বাবু?

তুই যা চাইবি।

সত্যি তাই দিবি বাবু?

হাঁ বল কি চাস?

আজ না বাবু, যেদিন চাইবো, তুই দিবি তো?

দেবো। বললো বনহর।

ঝুমা তখন বেরিয়ে গেলো পাশের কামরায়।

এরপর থেকে রোজই আসতো ঝুমা ডাকবাংলার কাজে। সুন্দর করে পরিষ্কার করতো সে গোটা বাংলা। কাজ শেষ করেই ঝুমা চলে আসতো বনহরের কক্ষে। আঁচলে আয়নাখানা মুছতে মুছতে দেখতো নিজের চেহারাখানা। পুলকিত হয়ে উঠতো ঝুমা নিজের সৌন্দর্য দেখে।

একদিন বনহর শুয়েছিলো বিছানায়।

ঝুমা ঘর পরিষ্কার শেষ করে উঠে এলো আয়নার পাশে, নিজের মুখখানা সে দেখতে লাগলো বারবার ফিক করে একটু হেসে বললো ঝুমা— বাবু, আজ বাইরে যাবি না?

বনহর বললো— হাঁ, যাবো।

বাবু, রোজ কোথায় যাস্ তুই?

কাজে।

হাঁ।

কি কাজ করিস্ বাবু?

তুমি বুঝবে না।

বল্ বাবু, ঠিক বুঝবো?

রোজ যে মানুষগুলো খুন হচ্ছে, আমি সেই ...

তুই খুনী? বাবু বাবু, তুই সেই খুনী?

ঝুমা, তোমার কি মনে হয় আমি সেই খুনী?

তা আমি কেমন করে বলবো বাবু! তুই না কে তা জানে— ঐ ঈশ্বর ... বাবু, জানিস্ আজ রাতে আমার এক চাচার ছেলে খুন হয়েছে?

তোমার চাচার ছেলে?

হাঁ, বড় ভাল ছিলো সে। আজ রাতে সে আর কাজ থেকে ফিরে আসেনি ... গলাটা ধরে আসে ঝুমার।

বনহর আনমনা হয়ে যায়, একটু ভেবে নিয়ে বলে— ঝুমা, তোমার চাচাতো ভাইয়ের লাশ পেয়েছো?

বাবু, আমরা পাইনি, শুনলাম পুলিশ লাশ উদ্ধার করেছে।

বনহুর একটা অস্ফুট শব্দ করলো—হু।

ঝুমা তাকালো বনহুরের মুখের দিকে, কারণ তার কানে বনহুরের কণ্ঠ কেমন যেন অদ্ভুত লাগলো। বললো ঝুমা— বাবু, আমার চাচাতো ভাই রুহিয়ার জন্য তোর খুব কষ্ট লাগছে, না?

বনহুরের অন্যমনস্ক ভাব কেটে গেলো, বললো— হাঁ, খুব কষ্ট লাগছে। রুহিয়ার লাশ তুই দেখেছিস্ ঝুমা?

না, আমার বড় ভয় লাগে, আমি মরামানুষ দেখতে পারি না বাবু। তুই যখন মরবি তখন কথাটা বলতে বলতে ঘরে প্রবেশ করে সরাইখানার মালিক, চোখ দুটো দিয়ে যেন তার আগুন ঠিকরে বের হচ্ছে।

এক সঙ্গে ফিরে তাকালো বনহুর আর ঝুমা।

বনহুরের দু'চোখে বিষ্ময় ফুটে উঠলো।

ঝুমার মুখখানাও ফ্যাকাশে হলো মুহূর্তের জন্য, একটা ঢোক গিলে বললো ঝুমা— বাবুজী, আমি এখন যাই।

বনহুর কোনো জবাব দেবার পূর্বেই বেরিয়ে গেলো ঝুমা।

বনহুর উঠে দাঁড়ালো, তারপর গম্ভীর কণ্ঠে বললো— আপনি এভাবে আমার কামরায় প্রবেশ করলেন কেন? বলুন, কেন আপনি প্রবেশ করলেন?

একমুখ হাসি হেসে বললো সবাইখানার মালিক— আমি পুরোন মানুষ, তাই কোনো অনুমতি নেবার প্রয়োজন আমার হয় না। চমৎকার লোক তো আপনি!

এ ডাকবাংলার জন্য হবার পর থেকেই আমি এখানে বিনাদ্বিধায় আসা-যাওয়া করে থাকি, কেউ কোনোদিন আমার উপর বিরক্ত হয় না, আর আপনি

মালিকের কথাগুলো বনহুরের মনে আরও ত্রুদ্রভাব সৃষ্টি করলো। মালিককে লক্ষ্য করে বললো বনহুর— তবু আপনি বিনা অনুমতিতে আমার কামরায় প্রবেশ করে ভাল করেননি, কারণ আমি এমন লোককে পছন্দ করি না।

বেশ, তাহলে আর আসবো না, তবে আজ কেন এসেছিলাম বলি?

বলুন?

একদিন রাতে আপনি আমার সরাইখানায় গিয়েছিলেন, তখন আপনার কামালখানা আপনি ভুল করে ফেলে এসেছিলেন। একটু থেমে পকেট

হাতড়ে বের করলো সে একটা রুমাল। রুমালখানা মালিক এগিয়ে ধরলো বনহুরের দিকে— এই নিন।

বনহুর অবাক হলো, কোন মুহূর্তে তার পকেট থেকে রুমালখানা পড়ে গিয়েছিলো সে বুঝতেই পারেনি। একটু হকচকিয়ে গিয়ে হাত বাড়ালো বনহুর।

রুমালখানা হাতে নিয়ে বনহুর নেড়েচেড়ে দেখলো, একটু লজ্জিতও হলো সে কারণ এ রুমালখানা যখন তার পকেট থেকে পড়ে গিয়েছিলো তখন তার ড্রেস স্বাভাবিক ছিলো না— সে তখন ছদ্মবেশে ছিলো, এক সন্ন্যাসীর পরিচ্ছদে আচ্ছাদিত ছিলো তার দেহ। ভ্রুকুণ্ঠিত হয়ে উঠলো বনহুরের, তবে কি মালিক তার ছদ্মবেশ অবস্থা জেনে গিয়েছিলো? নিশ্চয়ই তাই হবে, নাহলে কেমন করে সে জানতে পারলো এ রুমালখানা তার।

বনহুরের চিন্তাযুক্ত মনোভাব লক্ষ্য করছিলো মালিক, সে বললো—আপনি রুমালখানা ফেরত পেয়েও একবার ধন্যবাদ জানালেন না।

ধন্যবাদ জানানোর মত আমার এ রুমালখানার কোনো মূল্য নেই।

ও, তাই নাকি? বললো মালিক।

বনহুর তাকালো মালিকের মুখের দিকে।

মালিক পকেট থেকে একটা সিগারেটের প্যাকেট বের করে এগিয়ে ধরলো বনহুরের দিকে—নিন।

বনহুর একটা সিগারেট তুলে নিলো হাতে।

মালিক এবার ম্যাচ বের করে বাড়িয়ে ধরলো।

বনহুর সিগারেটে অগ্নিসংযোগ করে একমুখ ধূয়া ছেড়ে বললো—বসুন।

মালিক যেন আঁতকে উঠলো—সর্বনাশ, এই সময় আমি বসতে পারি! আবার দেখা হবে। বলে দ্রুত বেরিয়ে গেলো মালিক।

একটু হাসির আভাস ফুটে উঠলো বনহুরের মুখে।

মালিক বেরিয়ে যাবার পর পরই বনহুর তাঁর ছোট্ট ব্যাগটা নিয়ে বাথরুমে প্রবেশ করলো।

বনহুর যখন বাথরুম থেকে বের হলো, তখন তাকে চিনবার জো নেই, সম্পূর্ণ পাল্টে গেছে সে—ঠিক একটি সাঁওতাল যুবক বলেই তাকে মনে হচ্ছিলো।

বনহুর বারান্দায় এসে দাঁড়াতেই পিছন থেকে কেউ যেন তার কাঁধে হাত রাখলো।

চমকে ফিরে তাকালো বনহর।

সঙ্গে সঙ্গে কাঁধ থেকে হাত নামিয়ে নিলো মিঃ আর্ম—কাকে খুঁজছি?

বনহর নিজকে সামলে নিলো মুহূর্তে, স্বাভাবিক কণ্ঠে বললো—
বাবুজীকে!

বাবুজী! কোন্ বাবুজীকে খুঁজছি? তুই?

এই যে এ ঘরে থাকে তাকেই খুঁজছি, তিনি ভিতরে আছেন কি?

মিঃ আর্ম বললেন—কি জন্য তাকে খুঁজছি? কি দরকার আমাকে বল—
আমি বাবুজীকে বলবো।

ঝুমা আমার বোন, বাপুর অসুখ, তাই সে এখানে কাজ করে। ও কাজে এসেছিলো, এখনও ফিরে যায়নি, তাই এসেছি খোঁজ করতে।

মিঃ আর্মের ললাট কুঁচকে গেলো, চিন্তার ছাপ পড়লো তাঁর চোখেমুখে, বললেন—তাই নাকি, তোর বোন এখনও ফিরে যায়নি, বলিস কি!

হাঁ বাবু, তাই তো এলাম।

যায়নি তাহলে ঝুমা? দাঁড়া, আমি ভিতরে দেখে আসি, নিশ্চয়ই সে এই কক্ষের মধ্যে আছে। মিঃ আর্ম ডাকলেন—ভিতরে আছেন মিঃ আলম, আসতে পারি? কথা কয়টা বলে বিনাধিধায় প্রবেশ করলেন তিনি।

কক্ষে প্রবেশ করে অবাক হলেন মিঃ আর্ম, কারণ কক্ষে তখন কেউ ছিলো না। মিঃ আর্ম কক্ষে ভালভাবে সন্ধান চালিয়ে ফিরে এলেন বাইরে।

সাওতাল যুবকের বেশে দস্যু বনহর তখনও দাঁড়িয়ে আছে বারান্দায়, সে আর্মের মনোভাব জানার জন্যই অপেক্ষা করছিলো।

মিঃ আর্ম কক্ষ থেকে বেরিয়ে এলেন মুখ কালো করে, তিনি ভেবেছিলেন নিশ্চয়ই কক্ষমধ্যে মিঃ আলম ও ঝুমাকে পাবেন। ওদের দু'জনকে একত্রে পেলে মিঃ আর্ম খানিকটা অপমান করতেন। মিঃ আর্ম এসে বললেন—তোর বোন কিছু পূর্বে মিঃ আলমের কক্ষে ছিলো, আমি নিজের চোখে দেখেছি। জানিস্ তোর বোনকে হাত করার চেষ্টায় আছে এই কক্ষে যিনি থাকেন তিনি.....একটু থেমে বললো, ঝুমাকে বলে দিস্, সে যেন মিঃ আলমের কাছে না যায়, বা তার কোন কথা না শোনে। আমি যা বলবো, সব কথা মেনে নিতে বলিস্, বুঝলি?

বুঝেছি বাবুজী! এখন তাহলে যাই?

যা, কিন্তু যাবার পূর্বে শুনে যা, তোর বোন ঝুমা যেন ভুল করেও মিঃ আলমের সঙ্গে কথা না বলে।

আচ্ছা বাবুজী, আপনার কথা মনে থাকবে। কথাটা শেষ করেই নেমে যায় সাঁওতাল যুবকবেশী স্বয়ং দস্যু বনছর।

মিঃ আর্ম ফিরে যান নিজের ঘরে। কোনো জায়গায় ফোন করার জন্য রিসিভার তুলে নেন হাতে।

ঠিক ঐ সময় একটা ছায়ামূর্তি এসে দাঁড়ায় তার পাশে।

মিঃ আর্ম উঠে দাঁড়ান, মুখখানা তাঁর ফ্যাকাশে হয়ে উঠে, রিসিভার রেখে সোজা হয়ে দাঁড়ান।

ছায়ামূর্তি গম্ভীরকণ্ঠে বলে উঠলো—সাবধান, কেউ যেন জানতে না পারে, তুমি কি করছো—পাশের কক্ষে যিনি থাকেন, তিনি সাধারণ ব্যক্তি নন।

কথাগুলো যদিও গম্ভীর ছিলো, তবু মিঃ আর্ম বুঝতে পারে এ কণ্ঠ পুরুষের নয়, নারীর।

বিস্মিত হলেন মিঃ আর্ম, রিসিভার রেখে দিলেন তিনি আলগোছে।



অট্টহাসিতে ফেটে পড়ে বনছর।

একটু পূর্বে সে নিজ দেহ থেকে সাঁওতালী ড্রেস খুলে ফেলেছে। আজ তার মুখোভাব প্রসন্ন, অনেকটা স্বাভাবিক। বিছানায় দেহটা এলিয়ে দেয় সে নিশ্চিন্ত মনে।

ছোট্ট একটু কাশির শব্দ কানে আসতেই চোখ তুলে তাকায় বনছর, সঙ্গে সঙ্গে সোজা হয়ে বসে সে।

কক্ষে প্রবেশ করে মিসেস ইবন—হঠাৎ হাসির শব্দ শুনে থাকতে পারলাম না। ব্যাপার কি মিঃ আলম?

বনছর বললো ও, আপনি তাহলে এখনও শোনে ননি? আপনার স্বামী জানেন, কারণ তিনি আমার সম্বন্ধে অবগত আছেন।

হাঁ, শুনেছি আপনি নাকি ভৌতিক সাধনা করেন?

সেই সাধনাবলেই আমি বেঁচে আছি মিসেস ইবন। বসুন!

মিসেস ইবন অদ্ভুত দেহভঙ্গিমায় বসে পড়ে বললেন—আমি ভূতের ভয় করি সত্য, তাই বলে মানুষ ভূতকে আমি ভয় করি না মিঃ আলম। আপনি তো মানুষ ভূতের সাধনা করেন?

বনহর তীক্ষ্ণচোখে তাকালো মিসেস ইবনের দিকে, হেসে বললো—
অদৃশ্য ভূতের চেয়ে মানুষ ভূত বেশি মারাত্মক, তাই আমি মানুষ ভূতের
সাধনা করি।

মিসেস ইবন বললেন—তাহলে আমার সাধনা মিথ্যা নয় মিঃ আলম?

আপনি যা বলেছেন সত্য কথাই বলেছেন, মিসেস ইবন।

মিসেস ইবন বলে উঠলো—আমাকে আপনি মিসেস ইবন না বলে এ্যামি
বলেই ডাকবেন, কারণ আমি ইবনের স্ত্রী বটে কিন্তু তা আমি স্বীকার করি
না। একটা দীর্ঘশ্বাস ত্যাগ করে বলে আবার মিসেস ইবন—মিঃ আলম,
আপনি বড় স্বার্থপর, নিজকে ছাড়া কিছু বোঝেন না। একা থাকি, মাঝে
মাঝে আমার কামরায় আসবেন, তা নয়—কোনো সময় আপনার দেখাই
মেলে না।

মিসেস ইবন আসন ত্যাগ করে বনহরের শয্যার পাশে এসে বসে,
এমনভাবে বসলো যেন তার দেহের ছোয়া মিঃ আলমের গায়ে স্পর্শ করে।

বনহর বিব্রত বোধ করলো, একটু সরে বসলো সে। এমনি ঘটনা আরও
একদিন ঘটেছিলো ফাংহার ডাকবাংলোয়।

বনহর সরে বসলেও রেহাই পেলো না সে মিসেস ইবনের কাছ থেকে,
সে নিজের দেহটা এলিয়ে দিলো বনহরের কোলে।

ভীষণ অপ্রস্তুত হলো বনহর, খুব অস্বস্তি বোধ করতে লাগলো। সে
নড়তেও পারে না, সরতেও পারে না। মিসেস ইবন যে এমনভাবে তার
কোলের উপর দেহটা আচঞ্চিতে এলিয়ে দেবে, ভাবতেও পারে নি সে।

মিসেস ইবন দক্ষিণ হাতে বনহরের গলা জড়িয়ে ধরলো, মুখের কাছে
মুখ নিয়ে বললো—মিঃ আলম, আপনি...আপনি আমাকে যত দূরেই সরিয়ে
রাখেন না কেন, আমি কোনোদিন আপনাকে দূরে সরে যেতে দেবো না।

বনহর শান্তকণ্ঠে বললো—মিসেস এ্যামি, আপনি অসংযত হয়ে
পড়েছেন।

না, আমি ঠিক আছি।

আপনার মুখ দিয়ে সুরার গন্ধ আসছে। মিসেস এ্যামি, আপনি ফিরে যান
আপনার কক্ষে। আপনার স্বামী যদি আপনাকে এ অবস্থায় দেখেন
তাহলে.....

অবহেলা ভরা কণ্ঠে বললো, মিসেস ইবন—আমি আমার স্বামীকে কমই
গ্রাহ্য করি। তাছাড়া আমার স্বামী জানেন, আমি যা চাই বা কামনা করি,

তাতে বাধা দেবার সাধ্য তাঁর নেই। মিঃ আলম, আমি তো প্রথমে আপনাকে চোখেই দেখিনি, দেখেছিলেন আমার স্বামী। হাঁ, আপনার সঙ্গে তাঁরই পরিচয় হয়েছিলো সর্বপ্রথম। তিনিই আমাকে বলেছিলেন আপনার কথা—আপনার সৌন্দর্যের কথা। বলেছিলেন অপূর্ব এক মানুষ আপনি.....

বনহর বললো—আপনি একটু সোজা হয়ে বসুন, আমি আপনার কথাগুলো মনোযোগ সহকারে শুনছি।

এ ভাবে কি আপনার অসুবিধা হচ্ছে?

না, তবে হাঁও বটে, কারণ আপনি মোটেই হাক্কা নন.....

আমি, আমি তবে?

বলুন, থামলেন কেন?

আমার ওজন আপনি সহ্য করতে পারছেন না?

ঠিক তা নয়, কারণ আপনার ওজন তেমন কোনো বেশি বলে মনে হয় না। আপনি পরিত্রী, আর আমি.....

পর পুরুষ, এই বলতে চান?

ঠিক তাই, এবার বলুন এটা শোভনীয় কিনা?

আমার কাছে অশোভনীয় বলে কিছু নেই। আমি যা ভালবাসি তা অপরের কাছে যাই হোক, আমার কাছে শোভনীয়। আপনার সঙ্গ আমার ভাল লাগে, আর ভাল লাগে বলেই তো আমি সব গ্রাহ্যের সীমা অতিক্রম করে ছুটে আসি। মিঃ আলম, আপনি কেন আমাকে সহ্য করতে পারেন না, বলুন তো?

কে বললো আমি আপনাকে সহ্য করতে পারি না?

আমি নিজেই জানি, আর তার প্রমাণ হলো আপনি এই মুহূর্তে যা বললেন। যাক সে সব কথা, একটা কথা সঠিক করে বলুন তো?

কি সঠিক করে বলবো?

আমি কক্ষে প্রবেশ করবার পূর্বে আপনি কেন হেসেছিলেন? যে হাসির শব্দে আমার ঘুম ভেঙে গিয়েছিলো? আমি ছুটে এসেছিলাম এ কক্ষে? বলুন, বলুন কেন আপনি অমন করে অট্টহাসি হাসলেন?

বনহর নিজেকে যতই সংযত করে রাখুক না কেন, সে তো মানুষ, তাই এক অপরিচিতা নারীর এমন ঘনিষ্ঠতায় সে বিব্রত বোধ করছিলো, তবু মুখোভাবকে সংযত রাখতে চেষ্টা করে বললো—জানেন তো আমি ভূতের সাধনা করি।

হাঁ, জানি।

তাই আমার মধ্যে যা দেখেন সবই অস্বাভাবিক লাগে আপনাদের কাছে। যেমন আমি হাসলেও তা আপনাদের কাছে প্রশ্ন হয়ে দাঁড়ায়।

সত্যি, আপনি কেমন যেন অদ্ভুত মানুষ। আচ্ছা মিঃ আলম, আপনি কি ভূতের সাধনা ত্যাগ করতে পারেন না?

মৃদু হেসে বললো বনহর—না, কারণ এটা আমার জন্মগত দোষ। তারপর গম্ভীর কণ্ঠে বললো সে—ভূতের সাধনা করি বলেই তো আমি বেঁচে আছি.. নাহলে কবে মরে আমিও ভূত বনে যেতাম।

মিসেস ইবন এবার সোজা হয়ে বসে, তীক্ষ্ণদৃষ্টি নিক্ষেপ করে বনহরের মুখের দিকে, তারপর বলে—মিঃ আলম, আমাকে ভূতের সাধনা শেখাবেন? আমিও ভূত দেখতে চাই।

বেশ, শেখাবো যদি আপনি আমার সঙ্গে একমতে আসেন। জানেন তো ভূতের সাধনা বড় কঠিন।

হাঁ, আমি আমার স্বামীর মুখে কিছু কিছু শুনেছি। সত্যি ভূতের সাধনা বড় কঠিন...কিছুটা আনমনা হয়ে যায় মিসেস ইবন। পুনরায় সে বনহরের গায়ের উপর ঢলে পড়ে অসংযতভাবে।

বনহর ওকে ধরে ফেলে হাত দু'খানা দিয়ে, ওর মুখ থেকে তখন কেমন যেন একটা বিশ্রি গন্ধ বের হচ্ছিলো বুঝতে পারে বনহর মিসেস ইবন আজ বেশিমাত্ৰায় সুরা পান করেছে। বললো বনহর—চলুন, আপনাকে আপনার কক্ষে পৌছে দিয়ে আসি!

না, আমি যাবো না। আমার স্বামী সুবিধার লোক নয়, এ কথা আপনি হয়তো জানেন না।

জানি, আপনার স্বামী নিজেই এ কথা আমাকে বলেছেন, তিনি নাকি আপনার যোগ্য স্বামী নন।

বলেছিলেন তিনি?

হাঁ বলেছিলেন।

একটু আনমনা হয়ে যায় মিসেস ইবন, বললো সে—জানেন মিঃ আলম, মিঃ ইবনের সঙ্গে বিয়ে হয়ে আমার জীবনটা সম্পূর্ণ বিফল হয়ে গেছে। হাঁ জানেন...আর জানেন বলেই তিনি সবার কাছে বলেন। লোকটা আমাকে কষ্ট দিতে চান না, কিন্তু...

থামলো মিসেস ইবন। তার চোখেমুখে একটা চিন্তার ছাপ ফুটে উঠলো।

এমন সময় ডাকবাংলোর পিয়ন এসে একখানা চিঠি দিয়ে যায় বনহরের হাতে।

মিসেস ইবন চিঠিখানা নিতে যায় বনহরের হাত থেকে।

বনহর উঠে দাঁড়ায়, চিঠিখানা হাতে নিয়ে মুক্ত জানালার পাশে এসে দাঁড়ায়, খুলে ফেলে সে দ্রুতহস্তে, চিঠিতে লেখা আছে মাত্র দুটো কথা.....

খুনীর সন্ধান করতে এসে নিজেই

খুন হতে চলেছো। সাবধান, আর

একটা দিনও তুমি ফাংহায় অবস্থান

করবে না। ফিরে যাও নিজের দেশে।

—টাইগার

চিঠির শেষ অংশে একটা বাঘের ছবি আঁকা রয়েছে। বনহর মৃদু হেসে চিঠিখানা ভাঁজ করে রাখলো নিজের পকেটে।

মিসেস ইবন উঠে এলো নিজের আসন থেকে, বললো—কার চিঠি মিঃ আলম?

বনহর স্বাভাবিক কণ্ঠে বললো—আমার এক বন্ধুর চিঠি।

কি লিখেছে বললেন না তো?

নিমন্ত্রণপত্র বলতে পারেন, কারণ বন্ধু আমাকে তার আবাসে যাবার জন্য অনুরোধ জানিয়েছেন।

মিসেস ইবন খিল খিল করে হেসে উঠলেন, তারপর হাসি থামিয়ে বললেন—আপনি বড় সৌভাগ্যবান, তাই আপনার জন্য.....

বলুন, থামলেন কেন?

নিমন্ত্রণপত্র।

হাঁ মিসেস ইবন, আপনি যা বলেছেন সত্য আমি সৌভাগ্যবানই বটে।

এমন সময় বাইরে পদশব্দ শোনা গেলো, কেউ যেন ব্যস্তভাবে এই কক্ষের দিকে এগিয়ে আসছে।

অলক্ষণের মধ্যেই কক্ষে প্রবেশ করলেন মিঃ আর্ম, চোখেমুখে তার উদ্বেগতা ব্যস্তকণ্ঠে বললো সে—এ্যামি, এ্যামি, সর্বনাশ হয়েছে, মিঃ ইবন নিহত হয়েছেন।

মিঃ ইবন অর্ধশায়িতভাবে সোফায় হেলান দিয়ে বসেছিলো, সে সোজা হয়ে বসে বললো—অসময়ে এমন ঠাট্টা না করলেই কি নয়?

ঠাট্টা! কে তোমার সঙ্গে ঠাট্টা করছে এ্যামি। এসো নিজের চোখে দেখবে এসো....

মিঃ আর্ম এ্যামির হাত ধরে টেনে তুলে দাঁড় করিয়ে দিলেন।

বনহর মিঃ আর্মের কথা অবিশ্বাস করতে পারলো না, কারণ মিঃ ইবন সম্বন্ধে সে এমন ধরণের ঠাট্টা করতে পারে না, আর ঠাট্টা করার সময় এটা নয়। তবুও বলা যায় না, বোনকে সে সচেতন করার জন্য এ ধরণের কথা বলতেও পারে।

বললো বনহর—মিসেস এ্যামি, আপনি মুহূর্ত বিলম্ব না করে নিজ কামরায় চলে যান, দেখুন আপনার ভাই আপনার সঙ্গে ঠাট্টা করছে না সত্য বলছে।

মিসেস এ্যামি এবার বললো—হাঁ, দেখি আর্ম তুমি সত্য বলছো কিনা? মিঃ আলম, দয়া করে আপনিও আসুন।

বনহর বললো—আমাকে যাবার জন্য অনুরোধ করতে হবে না, মিসেস এ্যামি!

মিঃ আর্ম বললেন—তবে চলুন।

পাশের কামরায় প্রবেশ করে স্তব্ধ হয়ে গেলো বনহর। মেঝের মাঝখানে চিৎ হয়ে পড়ে আছেন মিঃ ইবন, তাঁর চারপাশে রক্তের বন্যা বয়ে চলেছে। বুকের মাঝখানে লম্বালম্বিভাবে চিরে ফেলা হয়েছে। এখনও তাজা রক্তের ঢেউ গড়িয়ে যাচ্ছে মেঝের নিম্নস্তরের দিকে।

বনহর বিশ্বয়ভরা দৃষ্টি নিয়ে তাকিয়ে আছে মিঃ ইবনের মৃত দেহের দিকে।

মিসেস এ্যামি স্বামীকে লক্ষ্য করে চিৎকার করে কেঁদে উঠলো, মুহূর্তের জন্য ভাই আর্মকে জড়িয়ে ধরে পুনরায় ছেড়ে দিয়ে বললো—আর্ম, কেন তুমি আজ ইবনকে একা রেখে পাশের কামরায় ঘুমিয়েছিলে? বলো, কেন তুমি আজ ইবনের পাশে শোওনি? বলো জবাব দাও?

আর্ম বারবার রুমালে চোখ মুছেছিলো, সে বললো—আমি কিছু পূর্বে তোমাদের কক্ষে প্রবেশ করতে যাচ্ছিলাম, কারণ আমার কক্ষ খুব ছোট, তাছাড়া আমার কক্ষে কোন ইলেকট্রিক পাখা ছিলো না, তাই বড় গরম বোধ করছিলাম।

বুঝেছি, গরম বোধ হওয়ায় আমার কামরায় আসছিলে।

হাঁ বোন ঠিক তাই, কিন্তু দরজার পাশে এসে দেখলাম কক্ষ অন্ধকার, কক্ষে কেউ যেন পায়চারী করছে। আমি মনে করলাম তুমি কক্ষে আছো, হয়তো ইবন পায়চারী করছেন। তোমরা প্রায়ই রাগারাগি করো কিনা, তাই আমার মনে এমনি একটা ধারণা হয়েছিলো। দরজা খোলা থাকলেও আমি ভিতরে প্রবেশ না করে ফিরে গেলাম নিজের কামরায়।

তারপর, তারপর কি করলে আর্ম? কখন তুমি ইবনকে এ অবস্থায় দেখলে?

গিয়ে যখন শয্যা গ্রহণ করতে যাবো তখন একটা শব্দ আমার কানে এলো।

কি ধরণের শব্দ তোমার কানে এলো আর্ম?

সে এক অদ্ভুত শব্দ, ঠিক যেন একটা গোঙ্গানি শব্দ বলে মনে হলো আমার। আমি তখন লাব্ধ দিয়ে শয্যা ত্যাগ করলাম এবং দ্রুত তোমাদের কামরার দিকে গেলাম।

মিসেস ইবন তখন আর্মের জামার আস্তিন এটে ধরে ব্যাকুলভাবে প্রশ্ন করে চললো—কি দেখলে তারপর, বলো কি দেখলে?

আর্ম শেষবারের মত রুমালে চোখ মুছে রুমালখানা পকেটে রাখলো, তারপর বললো—কক্ষের দরজা খোলা, কক্ষে নজর পড়তেই চমকে উঠলাম—মিঃ ইবন মেঝেতে পড়ে আছেন, তাঁর পাশে খানিকটা রক্ত গড়িয়ে পড়েছে। আমি দেখামাত্র তোমার সন্ধান করলাম। তুমি কক্ষে নেই, তাই আমি ছুটে গেলাম মিঃ আলমের কক্ষের দিকে। বাইরে পৌছতেই গুনতে পেলাম তোমার গলার আওয়াজ, তাই ভিতরে প্রবেশ করলাম।

মিঃ আর্মকে ছেড়ে দিয়ে স্বামীর বুকে আছড়ে পড়লো মিসেস ইবন, বিলাপ করে চললো সে কচি খুকীর মত।

বনহর স্তব্ধ হয়ে দাঁড়িয়ে আছে। কখন যে তার পিছনে একদল পুলিশ এসে দাঁড়িয়েছে, বনহর বুঝতেই পারেনি।

ফিরে তাকাতেই আশ্চর্য হলো বনহর, পুলিশ ইন্সপেক্টর মিঃ হাসেম রিজভী, যিনি তাকে হীরাঝিলে গ্রেপ্তার করেছিলেন। সেদিন বনহর হীরাঝিলে গিয়েছিলো কোনো এক উৎসবে। নাচগানে ভরেছিলো সেদিন হীরাঝিল, রংমহলে উৎসব চলেছিলো। শহরের গণ্যমান্য বহু অতিথি এসেছিলেন, এসেছিলেন হীরাঝিলের রাজকুমারী মীরা। মীরার গলায় একটা

লকেটে ছিলো মূল্যবান একটা পাথর। ঐ পাথরখানাই ছিলো বনহুরের লক্ষ্য এবং সেই কারণেই সে গিয়েছিলো হীরাঝিলে। অন্যান্য অতিথির সঙ্গে সেও বসেছিলো। সম্মুখের টেবিলে নানাবিধ খাস্যসম্ভার, নানা ধরনের ফলমূলে পরিপূর্ণ টেবিলের পাত্রগুলো। রাজকুমারী মীরার পাশের টেবিলেই বসেছিলো বনহুর। এমন সময় পুলিশ ইন্সপেক্টর রিজভী দলবলসহ এসে আসন গ্রহণ করলেন। রিজভী বনহুরকে চিনতে না, তাই তিনি পুলিশ প্রধান মিঃ রাব্বিকে সঙ্গে এনেছিলেন। রাব্বিও বনহুরকে প্রকাশ্যে দেখেননি, তিনি দেখেছিলেন তার একটা ছবি। যে মুহূর্তে পুলিশমহল হীরাঝিলের উৎসবে যোগ দিয়েছিলেন, সে সময় রাব্বির পকেটে ছিলো বনহুরের ছবি। তাই তিনি উৎসবে যোগ দেবার পর পরেই চতুর্দিকে তীক্ষ্ণদৃষ্টি নিক্ষেপ করছিলেন। বনহুর তখন রাজকুমারী মীরার দিকে লক্ষ্য রেখে একটা ফল সবেমাত্র তুলে নিয়েছে হাতে, ঠিক ঐ মুহূর্তে পিছনে একটা শক্ত বস্তুর অস্তিত্ব অনুভব করে সে। বনহুর ফিরে তাকান্বেই চমকে উঠে, কারণ তার পিঠে রিভলবার চেপে ধরে দাঁড়িয়ে আছেন মিঃ রাব্বি। আশেপাশে আরও কয়েকজন পুলিশ অফিসার তাকে ঘিরে দাঁড়িয়েছেন। বনহুর একটুও বিব্রত বোধ করলো না বা কিছুমাত্র ঘাবড়ে গেলো না, ধীরে ধীরে উঠে দাঁড়িয়েছিলেন সেদিন। মিঃ রিজভী তার হাতে হাতকড়া পরিয়ে দিয়েছিলেন। উৎসব মঞ্চ থ' হয়ে পড়েছিলো, একটা ভয়ঙ্কর কিছু হঠাৎ যেন ঘটে গেলো। সবার মুখমণ্ডল বিবর্ণ ফ্যাকাশে হয়ে উঠেছিলো। বনহুর হাসিমুখে বেরিয়ে এসেছিলো সেদিন মিঃ রিজভী আর মিঃ রাব্বির সঙ্গে উৎসবমঞ্চ থেকে। সেদিন বনহুর গ্রেপ্তার হয়েছিলো কতকটা নিঃশব্দে। শহরের কেউ তেমন করে জানতে পারেনি এই সংবাদখানা।

কিন্তু পুলিশমহল বেশিক্ষণ সেদিন আটকে রাখতে পারেনি বনহুরকে। বনহুর পুলিশবাহিনীর দৃষ্টি এড়িয়ে সরে পড়েছিলো গাড়ি থেকে। এ ব্যাপারে পুলিশমহলের কম শাস্তি হয়নি, নাকানিচুবানি খেয়েছিলেন পুলিশ অফিসারগণ।

সংবাদটা অবশ্য পৌছেছিলো চৌধুরীবাড়িতে। মা এবং মনিরা কেঁদেকেটে অস্থির হয়ে পড়েছিলেন। এরপর পরই বনহুর পুনরায় বন্দী হয় নাহার মঞ্জিলে। হঠাৎ বনহুরের চিন্তাধারা বিচ্ছিন্ন হয়ে যায়, মিঃ রিজভী নিহত মিঃ ইবনের দিকে ঝুকে পড়ে বলেন—আশ্চর্য, এ হত্যাকাণ্ডও দেখছি প্রতিদিনের নিহত ব্যক্তিদের মত একইভাবে সংঘটিত হয়েছে।

বনহর নিজেও লক্ষ্য করেছিলো এটা, মিঃ ইবনকে যারা হত্যা করেছে, তারাই ফাংহার হত্যাকাণ্ডের অধিনায়ক, তাতে কোনো সন্দেহ নেই।

মিঃ রিজভী যখন নিহত মিঃ ইবনকে নিয়ে ব্যস্ত, তখন বনহর আলগোছে পিছন থেকে সরে গেলো এবং অল্পক্ষণেই সে ফিরে এলো সেখানে, কিন্তু কেউ তাকে চিনতে পারলো না।

মিঃ আর্ম একটু পরে যখন মিঃ আলমের সন্ধান করলেন তখন তাকে আর খুঁজে পেলো না। আশ্চর্য হলেন আর্ম, মিঃ আরম গেলো কোথায় মিঃ আলম তাদেরই পাশে দাঁড়িয়ে হাস্যোজ্জ্বল মুখে কথাবার্তা বলছে।

বনহর এখন একজন পুলিশ বনে গেছে। খান দেওয়ানের রূপ নিয়েছে সে সকলের অলক্ষ্যে। খান দেওয়ান পুরাতন পুলিশ, বয়স তার পঞ্চাশের কাছাকাছি। মুখভরা দাঁড়ি-গোঁফ, জাতিতে সে শিখ।

বয়স হলেও তার দেহের গঠন বলিষ্ঠ, মাংসপেশীগুলো মজবুত, লম্বা দেহ, মাথায় পাগড়ি, চোখে কালো চশমা।

অবশ্য ফাংহা পুলিশবাহিনীর যে ড্রেস, সেই ড্রেসই দেওয়ানবীর দেহে রয়েছে। সূতীক্ষ্ম নাসিকা যেন রক্তে রাঙা মনে হয়। কালো কাঁচের চশমার নিচে নীল দুটি চোখ।

মিঃ ইবনের লাশ পরীক্ষা শেষ করে মিঃ রিজভী ও তাঁর সহকারীরা লাশ মর্গে পাঠানোর ব্যবস্থা করলেন, তারপর বিদায় গ্রহণ করলেন তাঁরা।

মিসেস ইবন কেঁদেকেটে আকুল হলেন।

ভাই মিঃ আর্মও তাঁর ভগ্নিপতির জন্য মাথা ঠুঁকে বিলাপ করতে লাগলেন।

মিঃ রিজভী সহকারীদের সঙ্গে নিয়ে বিদায় গ্রহণ করার সময় দু'জন পুলিশ ডাকবাংলোয় প্রহরায় রেখে গেলেন, তাদের মধ্যে একজন দেওয়ানজী অপরজন মহাতক সিপাই। দু'জনই বয়সী এবং বুদ্ধিমান, তাই রিজভী সাহেব রেখে গেলেন ওদের দু'জনকে। যাবার সময় বলে গেলেন খুব সজাগভাবে পাহারা দিবে, যাতে এই ডাকবাংলোয় নতুন কোনো অঘটন না ঘটে। বিশেষ করে মিসেস ইবনের জন্যই মিঃ রিজভী এমন সতর্কতার ব্যবস্থা করলেন।



এক সময় ড্রেসিংরুমে প্রবেশ করে বনহর। হাত-পা-মুখ বাঁধা অবস্থায় আসল দেওয়ানজী পড়ে আছে এক পাশে। দেহে তার শুধু গেঞ্জি আর আগুরওয়্যার। বনহর দ্বিতীয় দেওয়ানজী বনে বসে আছে, সে ঐ কক্ষে প্রবেশ করে হাঁটু গেড়ে বসলো প্রথম দেওয়ানজীর পাশে। বললো—কোনো কষ্ট হচ্ছে তোমার?

গোঁ গোঁ করে কিছু বললো দেওয়ানজী, অবশ্য তার মুখ বাঁধা থাকায় এমন শব্দ হচ্ছে বুঝতে পারলো বনহর। সে মুখের রুমাল খুলে ফেলে বললো—কোনোরকম চিৎকার করার চেষ্টা করো না..... কথা বলার সঙ্গে সঙ্গে রিভলবার বের করে চেপে ধরলো দেওয়ানজীর বুকে।

দেওয়ানজী কোনো জবাব দিলো না বা দেবার সাহস সে পেলো না। দ্বিতীয় দেওয়ানজীর মুখের দিকে তাকিয়ে ফিরে তাকালো বুকের রিভলবারের দিকে। *

বনহর বললো—ভয় নেই, আমি তোমাকে হত্যা করবো না, যতদিন আমার কাজ সমাধা না হবে ততদিন তোমাকে এ অবস্থায় থাকতে হবে। কোনো কষ্ট আমি তোমাকে দিবো না।

দেওয়ানজী দ্বিতীয় দেওয়ানজীর কথায় কতকটা আশ্বস্ত হলো, যা হোক প্রাণে বাঁচলেও বাপের নাম রক্ষা পাবে। বললো দেওয়ানজী—আমাকে আপনি হত্যা করবেন না তো?

বললাম তো তোমাকে আমি হত্যা করবো না। যতদিন আমার কাজ সমাধা না হবে.....

তারপর কি করবেন?

মুক্তি দেবো।

আপনি আমার বেশ ধারণ করেছেন কোন্ উদ্দেশ্যে?

উদ্দেশ্য আছে, তবে এখন তুমি জানতে পারবে না দেওয়ানজী, পরে জানাবো। বনহর বেরিয়ে গেলো, একটু পরে ফিরে এলো—হাতে তার কয়েকখানা রুটি আর কিছু মাংস।

দেওয়ানজীর সম্মুখে রুটি আর মাংস রেখে বললো বনহর—নাও, এবার খেয়ে নাও।

দেওয়ানজী ক্ষুধার্ত ছিলো, সে খাবার সম্মুখে পেয়ে গোথ্রাসে খেতে শুরু করলো।

যতক্ষণ দেওয়ানজীর খাওয়া শেষ না হলো ততক্ষণ বনহর বসে রইলো তার পাশে। খাওয়া শেষ হলে বললো বনহর—এবার তোমাকে পূর্বের অবস্থায় ফিরে আসতে হবে। বনহর কথা শেষ করেই দ্রুতহস্তে দেওয়ানজীর মুখ এবং হাত-পা শক্ত দড়ি দিয়ে পিছমোড়া করে বেঁধে ফেললো, তারপর ড্রেসিংরুমের দরজায় তালা বন্ধ করে বেরিয়ে গেলো সে।

বাইরে বসে বসে ঝিমুচ্ছিলো মহাতক সিপাই, বনহর এসে দাঁড়ালো তার পাশে। কাঁধে হাত রাখতেই চমকে উঠলো সে ভীষণভাবে। অপরাধীর মত মুখ ফ্যাকাশে করে তাকালো সে দেওয়ানজীর মুখের দিকে, তারপর বললো—মাফ করো ভাই, আমি ঘুমাইনি।

বনহর মনে মনে খুশিই হলো, যাক বিলম্বের জন্য মহাতক তাহলে কোনো প্রশ্ন করবে না। দেওয়ানজী এবার বসলো তার পাশে—তুমি আর আমি ভাই ভাই, তুমি ঘুমাবে আমি পাহারা দেবো, আর আমি ঘুমাবো তুমি পাহারা দিবে। নাও, এবার ঘুমাও.....

বলো কি ভাই, আমি ঘুমাবো?

হাঁ, তুমি ঘুমাও আমি সজাগ আছি। তারপর আমি ঘুমাবো তুমি সজাগ থেকে।

সত্যি বলছো?

মিথ্যে আমি বলেছি কোনোদিন?

আচ্ছা দেওয়ানজী, তোমার গলার আওয়াজ কেমন যেন আলাদা মনে হচ্ছে।

একটু কেশে বলে বনহর—নতুন জায়গার নতুন পানি আমার সহ্য হচ্ছে না, তাই কেমন গলাটা বসে গেছে, তুমি ঘুমাও.....

কিন্তু.....

কোন কিন্তু নয় মহাতক, তুমি ঘুমাও।

মহাতক দেয়ালে হেলান দিয়ে বসে পড়লো বন্দুকটা পাশে রেখে।

রাত তখন বারোটা।

দূরে কোনো গীর্জায় ঢং ঢং করে বারোটা বাজার সংকেতধ্বনি হলো।

বনহর দেওয়ানজীর বেশে ডাকবাংলোর বারান্দায় পায়চারী করে চলেছে—তার জুতোর আওয়াজ হচ্ছে খট্ খট্ খট্.....

রাত বাড়ছে।

আকাশ আজ মেঘাচ্ছন্ন।

বিদ্যুৎ চমকাচ্ছে, মাঝে মাঝে মেঘের গুরু গুরু শব্দ হচ্ছে। চারিদিকে থমথমে ভাব বিরাজ করছে। ডাকবাংলোর ভিতর থেকে ভেসে আসছে মিসেস ইবনের কান্নার ক্ষীণ শব্দ।

মিঃ আর্ম তাকে সান্ত্বনা দিচ্ছে বলে মনে হলো, কারণ তাঁর কণ্ঠস্বরও ভেসে আসছে কক্ষ হতে।

এক সময় বৃষ্টি শুরু হলো।

ডাকবাংলোর ছাদে টুপটাপ শব্দ হচ্ছে। যেন একটা তীর এসে পড়ছে ছাদের উপর। সঙ্গে সঙ্গে মেঘের গর্জন আরও বাড়ছে বিদ্যুৎ চমকাচ্ছে।

বিদ্যুতের আলোতে বাংলোর জানালার শাশীগুলো ঠক ঠক করে উঠছে।

মহাতকের নাসিকাধ্বনি হচ্ছে।

বনহর থামলো, হঠাৎ মনে পড়লো আসল দেওয়ানজীর কথা। বেচারী সম্পূর্ণ নির্দোষ, তবু তাকে প্রয়োজনে কষ্ট দিতে হচ্ছে, হয়তো দেওয়ানজী ও ঘুমিয়ে পড়েছে এতক্ষণ।

বনহর বাংলোর কক্ষে প্রবেশ করলো, দ্রুত দেওয়ানজীর পোশাক খুলে ফেললো এবং নিজের ড্রেস পরে নিলো, তারপর বেরিয়ে এলো বাইরে।

কক্ষের বাইরে এসে দাঁড়ালো, তখনও মিসেস ইবনের কান্নার শব্দ শোনা যাচ্ছে।

বনহর সেই কক্ষের দরজায় দাঁড়িয়ে বললো—মিসেস এ্যামি, ভিতরে আসতে পারি?

মিসেস ইবনের পরিবর্তে শোনা গেলো মিঃ আর্মের গলা—আসুন।

বনহর ভিতরে প্রবেশ করলো এবং মিসেস ইবনের শয্যার পাশে এসে দাঁড়ালো।

মিঃ আর্ম মিসেস ইবনকে সান্ত্বনা দিয়ে চলেছেন।

বনহর বললো—বিশেষ জরুরি কাজে বাইরে যেতে হয়েছিলো ফিরতে রাত হলো। মিঃ আর্ম, আমি দুঃখিত যে আজ আপনাদের বিপদ মুহূর্তে আপনাদের সান্ত্বনা দেবার সুযোগটুকুও পেলাম না।

মিসেস ইবন আরও ফুঁপিয়ে ফুঁপিয়ে কাঁদতে লাগলেন।

মিঃ আর্ম কোনো জবাব দিলো না।

মিসেস ইবন বললেন—আমি আজ থেকে সব হারালাম মিঃ আর্ম। আমার স্বামী একজন মহৎ ব্যক্তি ছিলেন। তাঁর ব্যবহারে আমি সন্তুষ্ট না

হলেও তিনি আমার ইচ্ছার বিরুদ্ধে কোনো কিছু করেননি। বিশেষ করে তাঁর ব্যবসা সমূলে নষ্ট হয়ে গেলো.....

নানারকম উক্তি উচ্চারণ করে চললো মিসেস ইবন।

মিঃ আর্ম বললেন—বসুন মিঃ আর্ম, দেখুন আপনি যদি বোন গ্র্যামিকে কিছু সাহায্য দিতে পারেন।

কথাটা বলে মিঃ আর্ম বেরিয়ে গেলেন সেই কক্ষ থেকে।

মিসেস ইবনকে লক্ষ্য করে বললো বনহর—মিছামিছি কাঁদছেন কেন মিসেস ইবন। মৃত্যু এমন একটা জিনিস, যা থেকে কেউ পরিত্রাণ পাবে না। মৃত্যুর আশ্বাদ সবাইকে গ্রহণ করতেই হবে। এমন কি আপনি, আমি কেউ রেহাই পাবো না এই অবস্থা থেকে।

ঠিক বলেছেন মিঃ আলম—আপনি, আমি, কেউ এই অবস্থা থেকে রেহাই পাবো না। ঠিক বলেছেন কিন্তু.....

বলুন কিন্তু কি?

এ মৃত্যু কি সবার জন্য কাম্য?

হাঁ, এ কথা অবশ্য সত্য, মৃত্যু হবেই কিন্তু এক একজনের এক এক রকম অবস্থায়। যাক, রাত বেশি হলো, আপনি এবার ঘুমিয়ে পড়ুন.....

বনহর পা বাড়াতেই মিসেস ইবন তাকে ধরে ফেললো—আপনি যাবেন না মিঃ আর্ম, আপনি যাবেন না, জানেন আমি আজ কত একা?

মিসেস ইবন বনহরের জামার আস্তিন চেপে ধরে বুকে মাথা রাখলো নিবিড়ভাবে?

বনহর হঠাৎ এমন অবস্থার জন্য প্রস্তুত ছিলো না, সে বললো—আমি আজ বড় ক্লান্ত, একটু ঘুমোতে চাই মিসেস ইবন। আপনি নিজেও ঘুমাননি একটু ঘুমান। মিসেস ইবনকে একরকম প্রায় জোরপূর্বক বিছানায় বসিয়ে ফিরে আসে বনহর নিজে কামরায়। তখন বাইরে বেশ বৃষ্টি।

বাংলোর বারান্দায় দেয়ালে ঠেঁশ দিয়ে নাক ডাকাচ্ছে মহাতক সিপাই।

বনহর বাংলোর মধ্যে প্রবেশ করে দরজা বন্ধ করে দিলো—তারপর ড্রেসিংরুমের তালা খুলে ফেললো, দেখলো মেঝেতে গুটিসুটি মেরে ঘুমিয়ে আছে দেওয়ানজী।

বনহর দরজা বন্ধ করে ফিরে এলো শয্যার পাশে।

শয্যা দেহটা এলিয়ে দিয়ে ভাবছে বনহর হতভাগ্য মিঃ ইবনের কথা—
কি মর্মান্তিক নির্মম মৃত্যু ঘটেছে তাঁর। লোকটা বড় সরল ও সোজা ছিলেন,

মিসেস ইবন এ কারণে সুখী হতে পারেননি স্বামীর আচরণে। কিন্তু তাঁকে এভাবে হত্যা করার পিছনে কি উদ্দেশ্য ছিলো হত্যাকারীর? ফাংহা হত্যাকাণ্ডের সঙ্গে যদিও মিঃ ইবনের হত্যাকাণ্ডের মিল পাওয়া যাচ্ছে কিন্তু আসলে এটা নির্ঘাত মিথ্যা। মিঃ ইবনকে হত্যাকারী হত্যা করেছে বিরাট কোনো উদ্দেশ্য সাধনে।

হঠাৎ দরজায় ধাক্কা পড়লো।

বনহরের চিন্তাধারা বিচ্ছিন্ন হয়ে গেলো, শয্যা ত্যাগ করে উঠে এলো দরজার পাশে, বললো—কে?

বাইরে থেকে কোনো জবাব এলো না, আরও জোরে ধাক্কা পড়লো।

বনহর খুলে দিলো দরজা, কোথাও কেউ নেই। বাইরে এসে দাঁড়ালো। তাকালো সে নিপুণ দৃষ্টি মেলে, কিন্তু কাউকে দেখা গেলো না। বনহর এগিয়ে এলো, মহাতক সিপাই তখনও দেয়ালে হেলান দিয়ে গভীরভাবে ঘুমাচ্ছে।

বনহর ফিরে গেলো কামরায়।



সেই আলোকসুষ্ঠ।

পিশাচের মত কয়েকটা লোক দাঁড়িয়ে আছে স্থির হয়ে মেঝের মাঝখানে। এক একজন যেন এক একটা জীবন্ত যমদূত। নরপশুর মত তাদের মুখোভাব, চোখগুলো যেন শার্দূলের মত।

আলোকসুষ্ঠটা ধীরে ধীরে উপরে উঠছে।

কেমন একটা লালচে আলো বের হচ্ছে আলোকসুষ্ঠের মধ্য হতে।

তিনজন এপ্রোনপরা লোক দাঁড়িয়ে আছে। তারা একজন ডাক্তার, একজন বৈজ্ঞানিক, অপরজন হলো সার্জন। তাদের মুখে মাস্ক, হাতে গ্লাব্‌স্, চোখে কালো কাঁচের চশমা।

সবাই উন্মুখ হয়ে তাকিয়ে আছে আলোকসুষ্ঠটার দিকে।

কক্ষমধ্যে আধো অন্ধকার।

আলোকসুষ্ঠ থেকে একটা লালচে আলোকরশ্মি বের হচ্ছে। অদ্ভুত সে আলোকরশ্মি, কেমন যেন বিশ্বয়কর লাগছে।

একটা শব্দ হলো আলোকস্তম্ভের ভিতরে তারপর স্বাভাবিক কণ্ঠস্বর—
তোমরা ঠিক মত কাজ করে চলেছ, এ কারণে আমি যথেষ্ট খুশি
হয়েছি.....তোমাদের সতর্কতা ফাংহা পুলিশবাহিনীকেও হার
মানিয়েছে.....হার মানিয়েছে যিনি বিদেশ থেকে এসেছেন ফাংহা হত্যাকাণ্ড
রহস্য উদঘাটনে তাকেও.....হাঃ হাঃ হাঃ, সত্যি আমি না হেসে পারছি না,
কারণ লোকটাকে আমি এখনও জীবিত রেখেছি.....জানো, আমি ইচ্ছা
করলে তাকে যে কোনো মুহূর্তে তার অনুচর আরজুর অবস্থায় পরিণত
করতে পারি.....

আলোকস্তম্ভ থেকে কথাগুলো থেমে থেমে বের হচ্ছিলো, যেন কোনো
এক পর্বতের গুহা থেকে কণ্ঠস্বর ভেসে আসছে। কণ্ঠস্বর নারী না পুরুষের
বুঝবার কোনো উপায় নেই। সে এক বিস্ময়কর আলোকস্তম্ভের ভিতরে
মানুষের অবস্থান।

কক্ষটি ভূগর্ভে তাতে কোনো সন্দেহ নেই।

পুনরায় আলোকস্তম্ভ হতে আওয়াজ এলো—আমি তা করবো না, আমি
তাকে ফিরে যাবার জন্য নির্দেশ দিয়েছি...যদি সে আমার নির্দেশ না মানেন
তবে আমি বাধ্য হবো তাকেও ইবন কিংবা আরজুর অবস্থায় পরিণত
করতে.....

একজন বলে উঠলো—তাকে হত্যা করা ছাড়া কোনো পথ নেই কারণ
সে কোনোক্রমে ফিরে যাবে না, যতদিন ফাংহা হত্যাকাণ্ডের মূল স্তম্ভ ভেঙ্গে
ফেলতে সে সক্ষম না হয়েছে।

একটা অদ্ভুত হাসির শব্দ হলো আলোকস্তম্ভের মধ্যে...ফাংহা হত্যাকাণ্ডের
পিছনে রয়েছে বিরাট এক উদ্দেশ্য...সেই উদ্দেশ্য সে নস্যাৎ করে দিতে
চায়...ওকে আর সুযোগ দেওয়া উচিত হবে না... অচিরেই ওকে দুনিয়া
থেকে সরে ফেলতে হবে, যেমন প্রতিরাতে এক একজনকে দুনিয়া থেকে
সরিয়ে ফেলছি...কিন্তু যেদিন আমার উদ্দেশ্যে সফলতা আসবে সেদিন নতুন
এক জগত সৃষ্টি হবে.....

ঠিক ঐ সময় পিছমোড়া অবস্থায় সেখানে নিয়ে আসা হলো রহমানকে।
আজ তারই উপর চলবে অস্ত্রোপচার। রহমানের বুক চিরে বের করে নেওয়া
হবে তার হৃৎপিণ্ড। প্রায় সপ্তাহ হলো তাকে সজীব করে তোলার জন্য
চলেছিলো চরম প্রচেষ্টা। আজ রহমানের শেষদিন।

চোখ দুটো ওর কালো কাপড়ে বাঁধা।

কক্ষমধ্যে নিয়ে এসে মেঝের মাঝখানে দাঁড় করানো হলো তাকে। দু'জন শক্তভাবে ধরে রয়েছে তাকে দু'পাশ থেকে।

স্তম্ভের ভিতর থেকে আওয়াজ এলো—ওর চোখের আবরণ খুলে দাও।

একজন খুলে দিলো রহমানের চোখের বাঁধন।

রহমানের চোখ দুটো মুক্ত হওয়ায় সে তাকালো সম্মুখে। আজ ক'দিন ধরে তাকে বন্দী অবস্থায় অন্ধকার কক্ষে রাখা হয়েছিলো, তাকে যে খাবার দেওয়ার কথা ছিলো তা দেওয়া হয়নি। যা দেওয়া হতো তা পাহারাদারগণ ভাগাভাগি করে ভক্ষণ করতো, যৎসামান্য ভক্ষণ করতে দিতো রহমানকে।

রহমান সম্মুখে তাকিয়ে আশ্চর্য হলো না কারণ এ দৃশ্য তার পরিচিত। আলোকস্তম্ভ মধ্যে যাকে সে এখন দেখতে পাচ্ছে এবং যার কণ্ঠস্বর শুনতে পাচ্ছে সেই হলো ফাংহা হত্যাকাণ্ডের একচ্ছত্র অধিপতি। রহমান রাগে ক্ষোভে ফেটে পড়ছিলো, কিন্তু কোনো উপায় ছিলো না তার, কারণ এমন সতর্কতাপূর্ণ পাহারা পরিবেষ্টিত অবস্থায় তার কাটেনি কোনোদিন। এ ছাড়াও দরজা-জানালা-বিহীন লৌহ কারাগার।

রহমানের চিন্তায় বাধা পড়লো, আলোকস্তম্ভের ভিতর থেকে শব্দ বেরিয়ে এলো—আজ এই যুবকের বুক চিরে বের করে নাও ওর হৃৎপিণ্ড, তারপর ইবনের বকের মধ্যে তা বসিয়ে দাও যেমন করে ইবনের হৃদপিণ্ড তুলে নিয়েছে। ইবনের লাশ নিয়ে এসো এখানে।

রহমান বিস্ময়ভরা চোখে দেখলো, দু'জন লোক বেরিয়ে গেলো—অগ্নিক্ষণ পরই একটা শবাধার নিয়ে প্রবেশ করলো তারা। মেঝের মাঝখানে একটা টেবিল ছিলো, ঐ টেবিলে রাখলো শবাধারটা।

শবাধারের মধ্য থেকে বের করলো মিঃ ইবনের লাশ।

রহমান দু'চোখে রাজ্যের বিস্ময় নিয়ে তাকিয়ে আছে। পাশে আরও একটা টেবিল ছিলো, শবাধার থেকে মিঃ ইবনের লাশ নিয়ে গুইয়ে দিলো সেই টেবিলটার একপাশে।

টেবিলের পাশে ইবনের মৃতদেহের ধারে কিছুটা জায়গা খালি রাখা হলো। রহমান বুঝতে পারলো, ঐ খালি জায়গাটুকুতে তাকে শোয়ানো হবে এবং তার হৃৎপিণ্ড কেটে বের করে নিয়ে বসিয়ে দেওয়া হবে মৃত ইবনের দেহে।

টেবিলের চারপাশে নানারকম বৈজ্ঞানিক যন্ত্রপাতি এবং নানা ধরনের সার্চ লাইট।

টেবিলে মিঃ ইবনের মৃতদেহ শোয়ানোর সঙ্গে সঙ্গে টেবিলে আলো জ্বলে উঠলো।

কক্ষমধ্যে সার্চ লাইট জ্বলে উঠার সঙ্গে সঙ্গেই সার্জন, ডাক্তার এবং বৈজ্ঞানিকের মধ্যে ব্যস্ততা পরিলক্ষিত হলো। তাছাড়াও অন্যান্য সবাই ব্যস্তভাবে এ ওর দিকে তাকাতে লাগলো।

দু'জন এসে দাঁড়ালো রহমানের দু'পাশে।

রহমানের চোখ দুটো বন্ধনমুক্ত হলেও এখনও তার হাতে দু'খানা পিছমোড়া করে বাঁধা। কক্ষের লালচে আলোক রশ্মি ক্রমে হাল্কা হয়ে সাদা আকার ধারণ করলো।

রহমান তখন ভাবছে আজ তার জীবনের শেষ দিন। সে জানে না সর্দার কোথায় এবং সে কেমন আছে।

আলোকস্তম্ভের মধ্যে অদ্ভুত একটা মূর্তি, যেন একটা পাথরের পুতুল ধীরে ধীরে মুখ নেড়ে কথা বলছে। কতকটা ছায়ামূর্তির মত আবছা।

মূর্তি বলে উঠলো—তোমরা দ্রুত কাজ সমাধা করে নাও, বিলম্বে অঘটন ঘটতে পারে। যেমন করে হোক ইবনকে বাঁচাতেই হবে।

ডাক্তার, বৈজ্ঞানিক লক্ষ্য করে বললো—ইবনের মৃতদেহ সজীব রাখার জন্য ইনজেকশান করা হয়েছে কি?

বৈজ্ঞানিক বললো—হ্যাঁ, ঐ ইনজেকশান তক্ষুণি করা হয়েছে, যখন তাকে হত্যা করা হয়। সেই মুহূর্তে।

রহমানের কানে কথাগুলো বিশ্বয়পূর্ণভাবে প্রবেশ করে। সে বুঝতে পারে হত্যাকারী অত্যন্ত সজাগ, হত্যা করার পর মৃত ব্যক্তির দেহ সজীব রাখার জন্যও ইনজেকশান করে নেয়। তবে কি তাকেও হত্যা করার পর সজীব রাখার জন্য ব্যবস্থা নেওয়া হবে? কে জানে কি করবে ওরা, তবে এটা ঠিক যে, তার হৃৎপিণ্ড নিয়ে টেবিলে রক্ষিত মৃতদেহটার বুকে সংযোগ করা হবে। তারপর তার দেহ নিঃশেষ হয়ে যাবে, পচেগলে হয়তো শিয়াল কুকুরের ভোগ্য হবে—আর নয় তো সজীব রাখার ইনজেকশান দিয়ে তার দেহটাকে সজীব রাখা হবে, হয়তো অপর কোনো ব্যক্তির হৃৎপিণ্ড কেটে বের করে নিয়ে পুনরায় তার বুকে বসিয়ে দেওয়া হবে। চলবে শুধু এই গবেষণা—খুনী তার কাজ করেই যাবে, যতদিন না তার উদ্দেশ্য সফল হয়। তার মুখমণ্ডল মৃত্যুভয়ে ভীত না হলেও কেমন যেন ভাবগম্ভীর মনে হচ্ছিলো, নানারকম চিন্তার উদ্ভব হচ্ছিলো তার মনে। রহমান ভাবছে একটু পরই তার জীবন

প্রদীপ নিভে যাবে। একটিবার সর্দারের সঙ্গে তার সাক্ষাৎ ঘটলো না, সর্দার কেমন আছে কে জানে.....

রহমান যখন নানা ধরনের চিন্তা করে চলেছে, তখন আলোকসুস্তের মধ্যে ছায়ামূর্তির চোখ দুটো দিয়ে যেন বিদ্যুৎ চমকাচ্ছে। একটা রশ্মি বেরিয়ে আসছে আলোকসুস্ত থেকে।

ডাক্তার, বৈজ্ঞানিক এবং সার্জন ব্যস্তভাবে বৈজ্ঞানিক যন্ত্রপাতিগুলো নিয়ে নাড়াচাড়া করছে। সবার মুখেই একটা ভীত ভাব ছড়িয়ে পড়েছে। এমন হচ্ছে কেন, আলোকসুস্ত হতে এ ধরনের আলোকরশ্মি বের হচ্ছে কেন।

হঠাৎ সব নিভে গেলো।

এমন কি সে ভূগর্ভ কক্ষটা অন্ধকারে আচ্ছন্ন হলো। ডাক্তার, সার্জন, বৈজ্ঞানিক এবং তাদের অনুচরবৃন্দ ভীত আতঙ্কিতভাবে কক্ষদৌড়াদৌড়ি শুরু করে দিলো।

ঠিক ঐ মুহূর্তে জ্বলে উঠলো সার্চলাইট, পুলিশবাহিনীর সন্ধানী আলো। একদল পুলিশ ফোর্সসহ দেওয়ানজী প্রবেশ করেছে সেখানে।

রহমানের হাত দু'খানা তখনও পিছমোড়া অবস্থায় বাধা রয়েছে, তার চোখেমুখে বিস্ময় ঝরে পড়ছে। রহমান হতভম্ব হয়ে গেছে একেবারে, হঠাৎ পুলিশ ফোর্স এখানে এলো কি করে! এদের মধ্যে কেউ তার পরিচিতজন নেই। দু'জন পুলিশ অফিসারের সঙ্গে একদল সশস্ত্র পুলিশ ফোর্স।

পুলিশ ফোর্স সেখানে প্রবেশ করতেই ডাক্তার, সার্জন এবং বৈজ্ঞানিক ও তাদের সহকারীরা পালানোর জন্য বিক্ষিপ্তভাবে ছড়িয়ে পড়লো।

কিন্তু দেওয়ানজী নিজে পুলিশ ফোর্সকে পরিচালনা করত্রে লাগলো দেওয়ানজী নির্দেশ দিলো—সবাইকে ঐ মুহূর্তে গ্রেপ্তার করে ফেলো তোমরা! নিজে কক্ষের গোপন দরজায় রাইফেল হাতে সতর্কভাবে দাঁড়িয়ে রইলো, যেন একজনও দৃষ্টির আড়ালে পালিয়ে যেতে না পারে।

দেওয়ানজী যে জায়গায় দাঁড়িয়ে ছিলো, এ জায়গায় তখন কোনো দরজার মুখ ছিলো না, শুধু একটা দেয়াল এবং দেয়ালে একটা চক্রাকারের যন্ত্র ছিলো।

পুলিশ অফিসারগণ পুলিশবাহিনীর কয়েকজনকে খোলা দরজায় রাইফেল হাতে দাঁড় করিয়ে রেখেছিলেন যাতে কেউ পালাতে না পারে। কিন্তু আসলে, প্রকাশ্য দরজার দিকে ওরা কেউ অগ্রসর হলো না। দেওয়ানজী জানতো, আসল দরজা রয়েছে কোথায়—তাই সে এ জায়গায় রাইফেল বাগিয়ে

দাঁড়িয়েছিলো যাতে একটা প্রাণীও পালাতে না পারে। দেওয়ানজীর সূতীক্ষ্ণ বুদ্ধিবলের কাছে পরাজিত হলো ফাংহা হত্যারহস্যের অধিনায়ক।

ফাংহা পুলিশ ফোর্স গুপ্তকক্ষের সবাইকে এক এক করে বন্দী করে ফেললো।

দেওয়ানজী তখনও ঠিক ঐ জায়গায় দাঁড়িয়ে আছে, হাতে তার, উদ্যত রাইফেল।

ডাক্তার, সার্জন, বৈজ্ঞানিক সবার হাতেই হাতকড়া। অন্যান্য যারা ঐ কক্ষে ছিলো হত্যাকারীর অনুচরবৃন্দ, তাদের সবার হাতেই বেড়ি পড়েছে।

রহমান এখনও নির্বাক, সে শবাধারের পাশে দাঁড়িয়ে আছে কতকটা চিত্তার্পিতের মত। টেবিলে মৃত মিঃ ইবন।

সবাইকে বন্দী করার পর দৃষ্টি গিয়ে পড়লো টেবিলে শায়িত মিঃ ইবনের মৃতদেহের উপর। চমকে উঠলেন মিঃ রিজভী এবং অন্যান্য পুলিশ অফিসার।

মিঃ রিজভী বলে উঠলেন—আশ্চর্য, মিঃ ইবনের মৃতদেহ এখানে দেখছি! লাশ মর্গের টেবিল থেকে পূর্বেই উধাও হয়েছিলো কিন্তু.....

মিঃ বিজভীর কথায় পুলিশ অফিসারগণ সবাই এগিয়ে গেলেন, ঝুঁকে পড়ে দেখলেন মিঃ ইবনের মৃতদেহ।

পুলিশ ফোর্স তখন বন্দীদের নিয়ে একদিকে ঘেরাও করে রেখেছে, কেউ যেন নড়াচড়া করতে না পারে সেদিকে পুলিশ বাহিনীর সতর্ক দৃষ্টি আছে।

পুলিশ অফিসারগণ মিঃ ইবনের লাশ দেখে শুধু বিস্মিতই হলেন না। তারা একেবারে স্তম্ভিত হতবাক হয়ে পড়েছেন, কারণ মর্গের টেবিল থেকে মিঃ ইবনের লাশ উধাও হবার ব্যাপারটা এখন সবার কাছে খোলাসা হয়ে গেলো।

অন্যান্য বন্দীর সঙ্গে রহমানকেও বেঁধে ফেলতে যাচ্ছিলো পুলিশ ফোর্স।

দেওয়ানজী বললো—ওর হাত পিছমোড়া অবস্থায় বাঁধা দেখা যাচ্ছে, কাজেই আমরা বুঝতে পারছি ঐ ব্যক্তি এই হত্যারহস্যের সঙ্গে জড়িত নেই।

দেওয়ানজীর কথাটা সবার কানে গেলো, মিঃ রিজভী বললেন—হাঁ সত্য কথা, ঐ ব্যক্তি নিশ্চয়ই এদের লোক নয়। ওকেও হত্যার জন্য বন্দী করে আনা হয়েছে।

রহমান তখন বললো—হাঁ সাহেব, আমি এদের লোক নই। আমাকে এরা ধরে এনেছিলো।

রহমান এখানে আসার পর যা যা সে দেখেছিলো এবং যা যা ঘটেছিলো সব কথা সে সংক্ষেপে পুলিশ ইন্সপেক্টার এবং তাঁর দলবলের কাছে বললো।

সব শুনে হতবাক বিস্মিত হলেন সবাই, তাঁরা বুঝতে পারলেন হত্যাকাণ্ডের মূল জায়গাই হলো এই ভূতলগর্ভের গোপন কক্ষ এবং এই কক্ষে যারা ছিলো তারা সবাই হত্যাকাণ্ডের অধিনায়ক।

পিঠ চাপড়ে দিলেন ইন্সপেক্টার মিঃ রিজভী দেওয়ানজীর, বললেন—ভাগ্যিস তোমাকে ডাকবাংলায় পাহারায় রেখেছিলাম, তাই তুমি খুনী বা হত্যাকারীদের আসল ঘাটির সন্ধান দিতে পারলে। মোটা বখশীস দেওয়া হবে তোমাকে।

দেওয়ানজী কোনো কথা বললো না, সে চুপ রইলো কিছুক্ষণ তারপর আলোকস্তম্ভের দিকে আগুল দিয়ে দেখিয়ে বললো—স্যার, আমরা হত্যাকারীর অনুচর বা সহকারীদের গ্রেপ্তার করতে সক্ষম হয়েছি আসল হত্যাকারীকে গ্রেপ্তার করতে পারি নি।

তার মানে? বললেন মিঃ রিজভী।

দেওয়ানজী বললো, আমরা যখন ভূগর্ভের সুড়ঙ্গপথে অগ্রসর হচ্ছিলাম তখন আপনারা লক্ষ্য করেছেন এক জায়গায় সুড়ঙ্গপথ রুদ্ধ ছিলো।

বললেন মিঃ রিজভী—হাঁ, কিছুটা আসার পর সুড়ঙ্গমুখ বন্ধ দেখতে পেয়েছিলাম।

তখন আমি একটা সুইচে চাপ দিয়েছিলাম কিন্তু পরক্ষণেই পুনরায় অপর এক সুইচে চাপ দেই, নিশ্চয়ই মনে আছে আপনাদের?

হাঁ আছে। বললেন অপর এক অফিসার।

মিঃ রিজভীও বললেন—হাঁ, আমিও লক্ষ্য করেছি। দেওয়ানজী তুমি প্রথম সুইচে চাপ দিতেই অদ্ভুত এক শব্দ আমরা শুনতে পেয়েছিলাম।

দেওয়ানজীও বললো—স্যার, আপনারা আরও লক্ষ্য করেছেন প্রথম সুইচটা ছিলো একটা কাচের বেটনীর মধ্যে।

হাঁ, ছিলো। বললেন মিঃ রিজভী।

দেওয়ানজী বললো—ঐ সুইচে চাপ না দিলে আমরা ফাংহা হত্যাকারী কিংবা তার সহকারীদের কাউকেই গ্রেপ্তার করতে পারতাম না। স্যার, যদিও আসল হত্যাকারী যে তাকে আমরা পাকড়াও করতে পারলাম না—তবু, যে অদ্ভুত স্তম্ভ দেখেছেন, ওর মধ্যেই আছে আসল হত্যাকারী.....

একসঙ্গে বিষয়ভরা কণ্ঠে বললেন পুলিশ অধিনায়কগণ—বলো কি দেওয়ানজী!

মিঃ রিজভী বললেন—তবে যে তুমি বললে হত্যাকারীর মূল অধিনায়ককে আমরা গ্রেপ্তার করতে সক্ষম হলাম না।

তা অবশ্যি সত্য স্যার, হত্যাকারীদের অধিনায়ককে আমরা জীবন্ত অবস্থায় পাকড়াও করতে সক্ষম হইনি। ঐ স্তম্ভের অভ্যন্তরে আছে তার মৃতদেহ...

কি বলছো দেওয়ানজী! বলে উঠেন মিঃ রিজভী।

তার সঙ্গে অন্যান্য পুলিশ অফিসার সবাই আশ্চর্য হয়ে নানারকম উক্তি উচ্চারণ করেন।

পুলিশ ফোর্সও বিশ্বয়ে হতবাক হয়ে গেছে। তারা উদ্যত রাইফেল এবং মেশিনগান হাতে বন্দীদের সবাইকে বেষ্টন করে দাঁড়িয়ে আছে। এতটুকু অসতর্ক হলে যদি কোনো অঘটন ঘটে তাই সবাই সজাগ আছে।

দেওয়ানজী বললেন—আরও একটা কথা স্যার, ফাংহা হত্যাকাণ্ডের অধিনায়ক পুরুষ নয়—নারী!

বলো কি দেওয়ানজী, ফাংহা হত্যারহস্যের অধিনায়ক পুরুষ নয় নারী?

হাঁ স্যার, এক্ষুণি আপনারা তাঁর প্রমাণ পাবেন, আসুন আমার সঙ্গে.....

সবাই দেওয়ানজীকে অনুসরণ করে সেই অদ্ভুত আলোকস্তম্ভের, দিকে অগ্রসর হলেন। যদিও আলোকস্তম্ভটা তখন আলোকরশ্মি বিকিরণ করছিলো না, কেমন যেন নিষ্প্রভভাবে দাঁড়িয়েছিলো মৃত জীবের মত।

দেওয়ানজী অদ্ভুত স্তম্ভের পাশে দাঁড়িয়ে একটা চক্রাকার সুইচের হ্যাণ্ডেল ঘুরাতে লাগলো। মাত্র এক মিনিট, সঙ্গে সঙ্গে স্তম্ভটির মুখ খুলে গেলো, সেইদিক দিয়ে বেরিয়ে এলো ভিতর থেকে সেই ছায়ামূর্তি।

হতবাক বিস্মিত সবাই, কারও মুখে কোনো কথা সরছে না। দেওয়ানজী যেন কোনো যাদুকর, তাই সে যাদুর খেলা দেখাচ্ছে।

স্তম্ভের ভিতর থেকে বের হলো একটা রবার আচ্ছাদিত মনুষ্য দেহ! তখন মনুষ্য দেহটাকে দেখা যাচ্ছেনা বা তাকে চিনবার কোনো জো নেই। রবার আচ্ছাদিত মনুষ্যদেহটা ছিলো আরও একটা কাঁচ আচ্ছাদিত পাত্রের অভ্যন্তরে। কাঁচ পাত্রটাসহ বেরিয়ে এলো।

দেওয়ানজী একটা বস্তু হাতে নিয়ে আঘাত করলো কাঁচপাত্রের উপর। সঙ্গে সঙ্গে কাঁচপাত্র চারপাশে খসে পড়লো। এবার রাবার আচ্ছাদিত মনুষ্যদেহটা পড়ে রইলো।

দেওয়ানজী পকেট থেকে চাকু বের করে চিরে ফেললো রাবার আচ্ছাদিত আবরণটা।

আশ্চর্য দৃষ্টি মেলে সবাই দেখলো একটা নারীদেহ বেরিয়ে এসেছে। দেওয়ানজী তার মুখের আবরণ উন্মোচন করে ফেললো।

একি, এ যে মিসেস ইবন!

মিসেস ইবন তাহলে ফাংহা হত্যাকাণ্ডের অধিনায়িকা!

মিঃ রিজভী এবং অন্যান্য পুলিশ অফিসার থ' হয়ে গেছেন একেবারে, সবার চোখেমুখেই রাজ্যের বিস্ময়।

এমন কি রহমানও একেবারে অবাক হয়ে গেছে। মিসেস ইবনকে সে ডাকবাংলোয় দেখেছিলো এক সময়, অবশ্য যেদিন তারা সর্বপ্রথম ডাকবাংলোয় আস্তানা নিয়েছিলো, সেইদিন দেখেছিলো সে অল্পক্ষণের জন্য।

মিঃ ইবনের হত্যাকারী তাহলে তারই স্ত্রী মিসেস ইবন? কথাটা রললেন মিঃ রিজভী।

মিঃ রিজভী, কেন সবাই বিস্মিত হয়েছেন? ফাংহা হত্যারহস্যের অধিনায়ক একজন নারী—এ কথা বড়ই আশ্চর্য! এমন কি হত্যাকারিণীর অনুচরবৃন্দও জানতে পারেনি তাদের অধিনায়ক বা নায়িকাকে।

মিঃ রিজভী ফাংহা হত্যাকাণ্ডের মূল নায়িকা মিসেস ইবনের মৃতদেহ ও তার সহচরদের বন্দী করে নিয়ে রওনা দিলেন। সঙ্গে নিলেন রহমান ও ইবনের লাশটা।

ফিরে এলো সবাই ফাংহা শহরে।

পরদিন ফাংহা শহরময় ছড়িয়ে পড়লো কথাটা। সংবাদপত্রে ঘটনাটা বিস্তারিত প্রকাশ পেলো নানাভাবে।

পুলিশ অফিসে লোকে লোকারণ্য হলো। ফাংহা হত্যাকাণ্ডের মূল নায়িকাকে দেখার জন্য জনশ্রোত বইলো ফাংহার রাজপথে।

সবার মুখেই দেওয়ানজীর প্রশংসা। একজন সাধারণ শিখ পুলিশ সেই কিনা ফাংহা হত্যা রহস্যের মূল উদঘাটন করতে সক্ষম হয়েছে!

কথাটা একসময় আসল দেওয়ানজীর কানে এসে পৌছলো অবশ্য দ্বিতীয় দেওয়ানজীর মুখেই সে শুনলো নিজের কৃতিত্বের কথা।

দ্বিতীয় দেওয়ানজী প্রথম দেওয়ানজীকে সব খুলে বললো—কি কারণে তাকে এভাবে আটক করে সে তারই বেশ ধারণ করে রাতের পর রাত সন্ধান করে ফিরছে ফাংহা হত্যা রহস্যের।

সব শুনে বিস্মিত হলো আসল দেওয়ানজী। তাকে বললো দ্বিতীয় দেওয়ানজী, তোমাকে ঠিকমত অভিনয় করতে হবে, পুলিশ অফিসারগণ যেন বুঝতে না পারে তুমি নও। মোটা বখশিস পাবে, আমিও তোমাকে মোটা অংক দেবো, কিন্তু সাবধান কোনো সময় আসল কথা বলবে না।

প্রথম দেওয়ানজী কান নাক মলে বললো—না না, এমন ভুল কোনো সময় হবে না, আপনি আমাকে জীবনে না মেরে জীবন দান করেছেন, এ কথা আমি ভুলবো না।

দ্বিতীয় দেওয়ানজী নিজের পোশাক খুলে সরিয়ে দিলো প্রথম দেওয়ানজীকে, তারপর মুক্ত করে দিয়ে বললো—যাও এবার, তোমার ছুটি।

দেওয়ানজী বেরিয়ে গেলো।

বনহর বাথরুমে প্রবেশ করলো। আজ বনহর নিজকে অনেকটা হাল্কা মনে করছে, কারণ ফাংহা হত্যা রহস্য উদ্ঘাটন করতে সক্ষম হয়েছে সে, অনেকক্ষণ আরামে বসে রইলো পানির ঝরণার নিচে।

ঠাণ্ডা পানির ঝাপটায় দেহটা শান্ত হলো, বেশ ভাল লাগছে তার। অবশ্য রহমান এখনও পুলিশ অফিস থেকে ছাড়া পেয়ে ডাকবাংলোয় ফিরে আসেনি। হয়তো একটু পরেই এসে যাবে.....তোয়ালে দিয়ে মাথাটা মুছতে মুছতে বেরিয়ে এলো বনহর।

যেমনি সে মুখ থেকে তোয়ালে সরিয়ে নিয়েছে, অমনি সম্মুখে দেখলো জমকালো একটা রিভলবারের হিম শীতল নয়। মুহূর্তে সে সজাগ হয়ে দাঁড়ালো।

পরবর্তী বই
নীল সাগর

নীল সাগর—৮৬

সত্য ও ন্যায়ের প্রতীক
দস্যু বনহর



আর্ম দাঁতে দাঁত পিষে বললো—এবার তোমার পালা মিঃ আলম। তোমার হৃৎপিণ্ড খুলে নেবো না, তোমার বুকের পাঁজর খুলে নেবো শয়তান.....

বনহরের এলোমেলো চুল দিয়ে তখনও পানি ঝরে পড়ছিলো, তোয়ালেটা হাতে নিয়ে সোজা হয়ে দাঁড়ালো। আর্মের পা থেকে মাথা পর্যন্ত একনজরে দেখে নিলো সে। আর্মের হাতে আগ্নেয়াস্ত্র, এই মুহূর্তে সে গুলী ছুড়বে।

বনহরের মুখমণ্ডল কঠিন হয়ে উঠলো, উপরের দাঁতগুলো দিয়ে নিচের ঠোঁটখানাকে কামড়ে ধরলো শক্ত করে। একদণ্ড ভেবে নিলো, হত্যাকাণ্ডের যজ্ঞমঞ্চের আর্ম ছিলো কিনা। মনে পড়লো আর্মের টিকিও সেখানে দেখা যায়নি। তাহলে আর্ম সরে পড়েছিলো তারা সেখানে পৌঁছবার পূর্বেই। কিন্তু বেশিক্ষণ চিন্তা করবার সময় নেই বনহরের, সে বিলম্ব না করে সহসা তোয়ালেটা ছুড়ে দিলো আর্মের ডান হাতের রিভলবারটার উপর।

সঙ্গে সঙ্গে আর্ম গুলী ছুড়লো।

কিন্তু রিভলবারের মুখে তোয়ালে পড়ায় লক্ষ্যভ্রষ্ট হলো, রিভলবারের গুলী গিয়ে বিদ্ধ হলো দেয়ালে। সঙ্গে সঙ্গে বনহর ঝাঁপিয়ে পড়লো আর্মের উপর।

হুমড়ি খেয়ে পড়ে গেলো আর্ম ভূতলে।

গুরু হলো ভীষণ ধস্তাধস্তি।

আর্মের হাত থেকে রিভলবারখানা ছিটকে পড়লো দূরে।

আর্ম রিভলবার তুলে নেবার জন্য ভীষণভাবে প্রচেষ্টা চালালো কিন্তু বনহরের শক্তির কাছে পরাজয় ঘটলো তার।

অবশ্য আর্মের দেহেও কম শক্তি ছিলো না। তবে বনহরের শক্তিও কৌশলের কাছে তার শক্তি ও কৌশল টিকলো না। বনহর চেপে ধরলো আর্মের গলা।

আর্মের চোখ দুটো বেরিয়ে এলো যেন, মুখ দিয়ে ফেনাযুক্ত লাল গড়িয়ে পড়লো, একটা গড় গড় শব্দ শোনা গেলো। আর্মের দেহটা শিথিল হয়ে আসছে, ঠিক ঐ মুহূর্তে বুমা এসে দাঁড়ালো দরজায়—বাবুজী, এ তুই কি করছিস্?

সঙ্গে সঙ্গে বনহরের হাত দু'খানা হাক্কা হয়ে এলো, মুহূর্তে আর্ম বনহরকে ধাক্কা দিয়ে সরিয়ে দিলো, তারপর দ্রুত পালিয়ে গেলো পিছন জানালা দিয়ে।

ঝুমা ছুটে গেলো বনহরের পাশে—বাবু বাবু, কি হয়েছে তোদের? সিংহ আর বাঘে লড়াই শুরু করেছিলি যে বড়!

বনহরের ত্রুন্ধ ভাব তখনও কাটেনি। সে রাগে অধরদংশন করছিলো।

বনহর বাথরুম থেকে বেরিয়েছিলো, তাই তখন তার গায়ে জামা ছিলো না। ঝুমার আগমনে সে কতকটা ইচ্ছা করেই আর্মকে মুক্তি দিয়েছে, নাহলে ওকে খতম না করে ছাড়তো না সে।

ঝুমা বললো—বাবু, তোদের বুঝি ঝগড়া হয়েছিলো, বল্ বল্ বাবু, কেন ঐ বাবুর গলা অমন করে টিপে ধরেছিলি? জানিস্ বাবু, জঙ্গলে যখন বাঘ আর ভালুকে লড়াই লাগে তখন কি মজা হয়? ঝুমা হাতে তালি দিয়ে বলে—আমরা দূর থেকে তামাসা দেখি, জানিস্ বাবু তখন কি মজা হয়.....

বনহর রাগ করে বললো—আমরা বুঝি বাঘ আর ভালুক?

বাবু, তুই বাঘ আর ঐ বাবু ভালুক। সত্যি, ঐ বাবু বড় মন্দ লোক, তুই ঠিক করেছিলি বাবু। কেমন মজা, দেখলি না কেমন ভীরা কাপুরুষ লোকটা। এই দেখ বাবু, তোর জন্য আজ নতুন ফল এনেছি।

ঝুমা কোঁচড় থেকে কিছু ফল বের করে বাড়িয়ে ধরে—নে বাবু, ফল খেয়ে নে।

বনহর তখনও ফুলছিলো, তার রাগ কমেনি—চোখেমুখে ফুটে উঠেছিলো একটা ভীষণ ত্রুন্ধ ভাব কিন্তু উচ্ছল মেয়ে ঝুমা একটা ফল নিয়ে বনহরের মুখে গুঁজে দিলো—নে বাবু, খেয়ে নে, খুব মিঠা ফল।

বনহর বাধ্য হলো ফল খেতে।

ঝুমা বললো—ওকে মেরেছিস্ আমি খুব খুশি হয়েছি বাবু!

বললো বনহর—কেন তুই খুশি হলি?

বড় বদমাইস, বড় মন্দ লোক ছিলো। জানিস্ বাবু, অই মন্দ লোকটা আমার দিকে কেমন কটমট করে তাকাতো। আমার মনে হতো ও আমাকে কামড়ে দেবে।

ঝুমার কথায় হাসি পাচ্ছিলো বনহরের, তবু সে হাসতে পারলো না, গভীর গলায় বললো—ওকে আমি শায়েস্তা করে দিয়েছি, ও বাবু আর ফিরে আসবে না।

সত্যি বাবু?

হঁ।

বড় ভাল কাজ করেছি বাবু।

আচ্ছা ঝুমা, তোর বাপু কেমন হলো?

ভাল না, বাপুর অসুখ আরও বেড়েছে। বাবু, তুই বড় ভাল লোক, আমার বাপুর কথা জিজ্ঞাসা করিস, ঐ বাবু কোনোদিন বাপুর কথা জিজ্ঞাসা করে না।

বললো বনহর—একদিন যাবো তোদের বাড়ি তোর বাপুকে দেখতে।

সত্যি যাবি বাবু?

হঁ যাবো। তুই এখন যা ঝুমা।

বাবু, আমি কাজ করতে এসেছি। ঝাড়ু দেবো, জিনিসপত্র পরিষ্কার করবো, বাগান সাফ করবো, ফুলগাছগুলোতে পানি দেবো, তারপর বাড়ি যাবো, বুঝলি বাবু? কথাটা বলে ঝুমা ফলগুলো টেবিলে রেখে বেরিয়ে গেলো।

বনহর এবার তলিয়ে গেলো গভীর চিন্তায়.....ঝুমাও নারী আর মিসেস এ্যামিও নারী কিন্তু দু'জনার মধ্যে আকাশ-পাতল প্রভেদ। এ্যামির আচরণ মনে পড়লো, কি জঘন্য নারী ছিলো সে— শুধু পাপ বাসনাই তার অন্তরে ছিলো না, তার অন্তরে ছিলো নানারকম কুৎসিত অভিসন্ধি। প্রতিদিন তার নির্দেশমত হত্যা করা হতো কত নিরীহ লোককে। যার শিকারে পরিণত হয়েছে বেচারার আরজু, যার শিকারে পরিণত হলেন তারই স্বামী মিঃ ইবন। নারী নয় পিশাচী। বনহর তার সমস্ত সাধনা, সমস্ত ইচ্ছাকে বিনষ্ট করতে সক্ষম হয়েছে। শুধু কি তাই, ধ্বংস করে দিতে সক্ষম হয়েছে সে তার অদ্ভুত আলোকসুপ্ত, যার ভিতরে প্রবেশ করে সে অনুচরদের কাছে আত্মগোপন করে কাজ সমাধা করতো। বনহর তার সবকিছু নির্মূল করে দিয়েছে, নিঃশেষ করে দিয়েছে, এবার আর্মের পালা.....

হঠাৎ চোখ তোলে বনহর, তার চিন্তাধারা বিচ্ছিন্ন হয়ে যায়।

রহমান এসে দাঁড়িয়েছে তার পাশে, বনহরকে কুর্ণিশ জানায়। চেহারাখানা তার জীর্ণশীর্ণ হয়ে গেছে—মুখে একমুখ দাড়িগোফ, চোখ দুটো নিস্প্রভ।

বনহর সোজা হয়ে দাঁড়ালো—রহমান এসেছো? ছাড়া পেয়েছো তুমি?

হাঁ সর্দার।

পুলিশ মহল তোমাকে খুব জেরা করেছিলো বুঝি?

হাঁ, করেছিলো, আমি যা ঘটেছিলো সব বলেছি। বেশ করেছো! বনহর একটা সিগারেটে অগ্নিসংযোগ করে একমুখ ধোঁয়া ছেড়ে বললো—একটু পূর্বে আর্ম এসেছিলো।

আর্ম!

হাঁ, তোমার সঙ্গে এখানে তার পরিচয় ঘটেনি বা ঘটবার সুযোগ আসেনি, তার পূর্বেই তোমরা নিখোঁজ হয়েছিলে।

আর্ম!

হাঁ, তোমার সঙ্গে এখানে তার পরিচয় ঘটেনি বা ঘটবার সুযোগ আসেনি, তার পূর্বেই তোমরা নিখোঁজ হয়েছিলে।

সর্দার, কে সে—কি তার পরিচয় আর কেনই বা সে এখানে এসেছিলো? সর্দার, আর্ম নামটা আমার কাছে মোটেই সুবিধার মনে হচ্ছে না।

ঠিকই বলেছো রহমান! বসো, অনেক কথা আছে। ফাংহা হত্যারহস্য উদ্ঘাটিত হয়েছে সত্য কিন্তু সমাধান হয়নি এখনও, কারণ এ্যামির ডান হাত তার সহোদর আর্ম এখনও জীবিত।

রহমান বলে উঠলো—মিসেস ইবন যে ফাংহা হত্যা রহস্যের মূল তা আগে জানতাম না সর্দার। আলোকসুস্তের মধ্যে তার আবির্ভাব ঘটতো, আলোকসুস্তের মধ্য হতে সে নির্দেশ দিতো তার অনুচর বা সহকারীদেরকে। সহকারীরা জানতো না তাদের পরিচালক কে। সে নারী না পুরুষ তাও জানতো না।

হাঁ, তুমি ঠিক বলেছো, মিসেস ইবন এত চতুর ছিলো—নিজ কু'কর্ম সমাধা করার জন্য সে তার সহকারীদের কাছে নিজের পরিচয় গোপন করে রেখেছিলো—সে কে এটা জানতো না তার দলের লোকজন।

সর্দার, আমিও জানতাম না, কতদিন আমাকে সেই আলোকসুস্তের সম্মুখে আনা হয়েছে, তবু আমি বুঝতে পারিনি সুস্তের ভিতরে ছিলো মিসেস ইবন। কণ্ঠস্বর শুনেও বোঝা যায়নি কিছু। সর্দার, আশনি দেওয়ানজীর বেশে

গিয়েছিলেন, আমি আপনাকে প্রথমে চিনতেই পারিনি, একেবারে নিখুঁত হয়েছিলো আপনার ছদ্মবেশ। আপনি যখন আলোকসুন্দর থেকে মিসেস ইবনের মৃতদেহ বের করে আনলেন এবং বুঝিয়ে বলছিলেন কেমন করে তার মৃত্যু ঘটেছে তখন আমি আপনার কণ্ঠস্বরে বুঝতে পারি। সব আমার কাছে বিস্ময়কর মনে হলেও আমি জানতাম আপনি হত্যারহস্য উদ্ঘাটন না করে ছাড়বেন না। অঙ্ককার কারাকক্ষে বসে আমি প্রতীক্ষা করতাম আপনার, নিশ্চয়ই আপনি আসবেন.....

বলে উঠলো বনহর—কিন্তু ফাংহা হত্যারহস্য উদ্ঘাটন করেও আমি নিশ্চিত হতে পারলাম না, কারণ হত্যাকারিণী মিসেস ইবনের ডান হাত আর্ম জীবিত এবং একটু পূর্বে সে এসেছিলো আমার সঙ্গে মোকাবেলা করতে!

সর্দার!

হাঁ, তারই কথা বললাম।

কোথায় সে, আর কি করেই বা এমন সাহস সে পেলো?

আর্মকে তুমি জানো না রহমান, আমি জানি তার আসল পরিচয়। ফাংহার অধিবাসী সে বা মিসেস ইবন নয়।

তাহলে তারা কোথাকার লোক সর্দার?

হাঁ, সব বলবো, তাছাড়া ফাংহার কাজ এখনও আমাদের শেষ হয়নি, যদিও ফাংহা হত্যারহস্যের চাবিকাঠি ভেঙ্গে দিয়েছি।

সর্দার!

বসো, আর্ম তুমি আজ স্বাভাবিক নও, কারণ দীর্ঘদিন ধরে তোমার উপর চলেছে নির্মম অত্যাচার এবং অবিচার!

হাঁ সর্দার।

তবু তোমাকে জীবিত পেয়েছি, এটাই আমার বড় পাওয়া, কারণ এখন তোমাকে আমার নিতান্ত প্রয়োজন। রহমান আজ তুমি বিশ্রাম করে নাও।

ক্লান্ত বা অবসন্ন হবার বান্দা আমি নই, যদিও আপনি কিছুটা দুর্বল দেখছেন। আমি জানতে চাই সর্দার এ ব্যক্তি কে যার নাম আর্ম।

বলবো.....হতঘড়িটার দিকে একবার তাকিয়ে দেখে নিলো বনহর, বললো—সন্ধ্যা হতে এখনও বেশ সময় বাকি আছে তবু দরজাটা আটকে দাও, কারণ পুলিশ মহল এখনও আমাদের ফলো করছে। কারণ এই বাংলাতেই বাস করতো হত্যারহস্যের নেত্রী.....

ঠিক বলছেন সর্দার। আমি দরজা বন্ধ করে আসছি। শুনতে চাই কে এই মিঃ আর্ম যে আপনার সঙ্গে মোকাবেলা করতে এসেছিলো।

রহমান উঠে গিয়ে দরজা বন্ধ করে ফিরে এলো সর্দারের পাশে।

বনহুর তখন সোফায় হেলান দিয়ে সিগারেট পান করতে করতে গভীরভাবে কিছু চিন্তা করছিলো। রাশিকৃত ধোয়া ছড়িয়ে পড়েছিলো তার চারপাশে।

রহমান এসে বসলো নিকটে একটা টুলে।

বনহুর বললো—কিছু খেয়েছে রহমান?

হাঁ সর্দার, পুলিশ অফিসে আমার খাওয়ার ব্যবস্থা করা হয়েছিলো, কাজেই আমি এখন ক্ষুধার্ত নই।

বেশ তাহলে শোন মনোযোগ দিয়ে।

বলুন সর্দার?

এ্যামি এবং আর্ম আপন সহোদর। আসলে তারা ফাংহাবাসী নয়, তারা হলো সিংহা দেশের অধিবাসী। দীর্ঘকাল ধরে এই ভাইবোন বিদেশ থেকে ফাংহায় এসেছে এক উদ্দেশ্য চরিতার্থ করতে। তাদের মূল উদ্দেশ্য হলো ফাংহায় হার্ট বা হৃৎপিণ্ড সংগ্রহ করা। সিংহায় একটা হাসপিটাল আছে, যেখানে প্রতিমাসে কমপক্ষে বিশ জন রোগীর হৃৎপিণ্ড বদলানো হয়ে থাকে।

সর্দার, হৃদপিণ্ড কি বদলানো যায় বা সম্ভব?

সবই সম্ভব রহমান, আজকাল সবই সম্ভব, তবে এ কাজ যত মহৎ হোক তবু অন্যায়, কারণ হৃৎপিণ্ড সংগ্রহে প্রতিদিন এ্যামি একটা করে লোককে হত্যা করতো। তার দলবল একাজে অবিরত নিয়োজিত ছিলো। এজন্য তাদের মোটা অংক দেওয়া হতো।

রহমান বললো—সর্দার, মাঝে মাঝে দেখেছি সেই ভূগর্ভ কক্ষে কারও না কারও বুক চিরে হৃৎপিণ্ড তুলে নিয়ে পুনরায় বদলানো হচ্ছে.....কিন্তু কোনোদিন দেখিনি কেউ জীবিত হলো।

অহেতুক এই চরম সাধনা! এ্যামি এ সাধনায় সফলকাম হতো কিনা সন্দেহ। তাহাড়া তার এ সাধনা ছিলো অদ্ভুত। প্রতিদিন একটা নিরীহ মানুষ প্রাণ হারাতো তার এ সাধনার শিকার হিসেবে। একটু থেমে বললো বনহুর শুধু তাই নয়, নিজ স্বামীকে এ্যামি হত্যা করেছে। জানো রহমান, ঐ মুহূর্তে সে আমার কক্ষে উপস্থিত ছিলো যাতে আমি তাকে কোনো রকম সন্দেহ করে না বসি।

তার মানে—সে যদি আপনার কক্ষেই ছিলো তবে কি করে সে তার স্বামীকে হত্যা করলো?

সেটা আশ্চর্যের কিছু নয়, কারণ সে নিজ হাতে কোনো সময় হত্যা করতো না, হত্যা কাজ সমাধা করতো সে তার অনুচরদের দ্বারা। আর্ম এ ব্যাপারে বোনকে সহায়তা করতো। মিঃ ইবনকে হত্যা করেছে স্বয়ং আর্ম। বনহর আপন মনেই একটু হেসে নিলো, তারপর বললো—অদ্ভুত অভিনয় অভিজ্ঞতা ছিলো এ্যামির—স্বামীর মৃত্যুশোকে যেভাবে সে কাতর হয়ে পড়েছিলো তাতে কেউ বিশ্বাসই করতে পারবে না যে, সেই হত্যা কারিণী.....একটু থেমে পুনরায় বললো বনহর—রহমান, এবার আসল কথায় আসা যাক।

বলুন সর্দার?

আর্ম এবং এ্যামি শুধু হুৎপিও সংগ্রহ ব্যবসাই করতো না, তাদের আরও এক ব্যবসা ছিলো বা আছে যা ফাংহারই শুধু নয়, সমগ্র বিশ্বের ক্ষতি সাধন করছে। পৃথিবীর বিভিন্ন দেশ থেকে তারা সোনা সংগ্রহ কাজেও লিপ্ত আছে। তারা বিভিন্ন দেশ থেকে সোনা ক্রয় করে পাচার করছে এবং এ ব্যবসায় তারা লাখ লাখ টাকা উপার্জন করছে। আমি এ সংবাদ জানতাম না, জানতে পেরেছি অতি অল্পদিন হলো। রহমান, ভেবেছিলাম ফাংহা হত্যারহস্যের সমাধান করে ফিরে যাবো কান্দাই কিন্তু তা হলো না, এর একটা নতুন সমস্যা আমাকে ভাবিয়ে তুললো। যেমন করে হোক সিংহাদেশের কুচক্রীদের সোনা সংগ্রহ অভিযান নস্যাৎ করে দিতেই হবে, না হলে শুধু ফাংহা নয়, বহু দেশ নিঃশ্ব হয়ে যাবে।

সর্দার, কেমন করে এদের সোনা সংগ্রহ অভিযান বন্ধ করবেন?

বনহর সে কথায় শুধু হাসলো মাত্র, কোনো জবাব দিলো না। হেলান দিলো সে সোফায় ভালভাবে, তারপর নতুন একটা সিগারেটে আগ্নি সংযোগ করলো।

রহমান তাকিয়ে ছিলো আড়নয়নে সর্দারের মুখের দিকে। কতদিন পর সে ফিরে এসেছে সর্দারের পাশে। ভরসা ছিলো না রহমানের যে ফিরে আসবে সে আবার সেই বাংলায়। আরও মনে পড়ে সেদিনের কথা, যেদিন রহমান আর আরজু বেরিয়ে গিয়েছিলো সরাইখানার উদ্দেশ্যে।

বনহর যেন রহমানের মনের কথা বুঝতে পারে। সে কয়েকমুখ ধোঁয়া ছেড়ে একটু সোজা হয়ে বসে, তারপর বলে—রহমান, তোমাদের নিখোঁজ

হবার কাহিনী আমি আমি এখনও জানি না, কিভাবে তুমি আর আরজু উধাও হলে? গিয়েছিলে তো সরাইখানার উদ্দেশ্যে?

হাঁ সর্দার, কিন্তু সরাইখানা অবধি পৌছতে পারিনি আমরা।

কারণ?

সর্দার, আমি আর আরজু সরাইখানার পথে রওনা দিয়ে যখন অর্ধেক পথ এসে পড়েছি তখন দেখলাম পথের মাঝখানে পড়ে আছে এক বৃদ্ধ—তার শরীর ঠকঠক করে কাঁপছে। বৃদ্ধ আমাদের দেখে হাউমাউ করে কেঁদে উঠলো।

আমি আর আরজু এগিয়ে গেলাম, বৃদ্ধের অবস্থা দেখে দয়া হলো, আমি জিজ্ঞাসা করলাম—তুমি কে? কি জন্য এখানে পথের মধ্যে পড়ে আছো?

লোকটা আমার কথায় আরও বেশি জোরে কেঁদে উঠলো—এবং বললো—আমার কেউ নেই, আমাকে নিয়ে চলো।

আমি জিজ্ঞাসা করলাম—কোথায় তোমাকে নিয়ে যাবো?

বললো লোকটা—ঐ যে টিলাটা দেখছো, ওখানে আমি থাকি। আমার ঘরবাড়ি কিছু নেই। আমি বড় অসহায়, নিয়ে চলো বাবা।

সর্দার, আমরা তখন পারলাম না তার কথা অবহেলা করতে। বিশেষ করে আরজু বেশি ব্যস্ত হলো লোকটাকে তার আশ্রয়স্থলে পৌছে দেবার জন্য।

বনহর সিগারেট পান করতে করতে শুনছিলো রহমানের কথা।

রহমান বলে চলেছে—আমি বৃদ্ধটাকে কাঁধে তুলে নিলাম, তারপর এগিয়ে চললাম সেই টিলার দিকে, যে টিলার দিকে বৃদ্ধ আংগুল দিয়ে দেখিয়ে বলেছিলো, ঐ ওখানে আমার আশ্রয়স্থল।

তারপর?

সর্দার, বৃদ্ধটাকে বহন করে যখন ঠিক টিলাটার পাশে গিয়ে পৌছেছি অমনি দু'পাশ থেকে দু'জন লোক পিস্তল হাতে এসে দাঁড়ালো, বৃদ্ধটা তখন আমাদের পাশে থেকে সরে দাঁড়িয়েছে—সে আসলে বৃদ্ধ নয়, বৃদ্ধের ছদ্মবেশের ছিলো। সেও একটা পিস্তল বের করে কঠিন কণ্ঠে বললো—খবরদার, একচুল নড়বে না, নড়লেই গুলী ছুড়বো। সর্দার, যদিও আমার কাছে অস্ত্র ছিলো কিন্তু অস্ত্র বের করার সুযোগ পেলাম না। ইতিমধ্যে আরও চারজন অস্ত্রধারী লোক আমাদের ঘিরে দাঁড়িয়েছে।

একসঙ্গে তাহলে সাতজন হলো, কি বলো রহমান?

হাঁ সর্দার। সাতজনকে আমরা সেখানে তখন দেখতে পাচ্ছিলাম। ওরা আমাকে এবং আরজুকে রশি দিয়ে, চোখমুখ, হাত-পা সব মজবুত করে বাঁধলো। আমরা তখন তাদের কাজে কোনো রকম বাঁধা দিতে সক্ষম হলাম না, কারণ আমাদের কোনো উপায় ছিলো না। আমরা উভয়ে উভয়কে দেখতে পাচ্ছি না। আমাকে ওরা কোথায় নিয়ে চললো তাও বুঝতে পারলাম না। তবে পিঠে ঠাণ্ডা এবং শক্ত কোনো একটা কিছু অস্তিত্ব অনুভব করছিলাম। আমি বুঝতে পারছি আমার পিঠে পিস্তলের নল ঠেকে আছে, যে কোনো মুহূর্তে সেই নল থেকে গুলী বের হতে পারে।

যখন আমার চোখ খোলা হলো তখন আমি আর আরজুকে দেখতে পেলাম না। আমি চারদিকে তাকিয়ে দেখছি, এমন সময় আমাকে যারা ধরে নিয়ে গিয়েছিলো তারা বললো, কাকে খুঁজছো? তোমার সঙ্গীটিকে বুঝি, কিন্তু সে আর তোমার সঙ্গে মিলিত হবে না, কারণ তাকে তোমার মালিকের কাছে পাঠিয়ে দেওয়া হয়েছে। সর্দার, তার কিছু পর পরপরই একটা লোক একখানা বিরাট আকার ছোরা রক্তমাখা অবস্থায় নিয়ে এলো আমার সম্মুখে, সেই লোকটা শুধু বললো, পাঠিয়ে দেওয়া হয়েছে। সর্দার, তারপর আরজুর আর কোনো সন্ধান পাইনি।

থামলো রহমান।

বনহুর বললো—ওরা তোমাকে ঠিকই বলেছিলো, আরজুকে আমার নিকটেই পাঠিয়ে দিয়েছে।

বনহুরের কথাটা শুনে খুশি হয়ে উঠলো রহমান—সত্যি, সর্দার আরজুকে ওরা আপনার কাছে পাঠিয়ে দিয়েছিলো?

হাঁ সত্যি, তবে আরজু আসেনি, আরজুর মাথাটা সে উপহার স্বরূপ পাঠিয়ে দিয়েছিলো.....

সর্দার! তাহলে আরজু আর জীবিত নেই?

না, সে ফাংহা হত্যারহস্য উদঘাটনে প্রথম আত্মহুতি দিয়েছে! তারপর একটু অন্যমনস্ক হয়ে যায়, বলে—রহমান, আরজুর মাথাটা আমি ঐ ওখানে মন্ড্রা তলায় পুঁতে রেখেছি!

সর্দার, এ আপনি কি বলছেন!

সত্যি, আরজুর মাথাটা আমাকে উপহার পাঠানো হয়েছিলো, কারণ হত্যারহস্যের নায়িকা এ্যানি জানতে পেরেছিলো আমি তোমাদের দু'জনকে নিয়ে ফাংহায় এসেছি ফাংহা হত্যারহস্যের সমাধান করতে।

ঠিক বলেছেন সর্দার, হত্যাকারিণী টের পেয়েছিলো আমাদের উদ্দেশ্য, নাহলে আমাদের দু'জনকে ওভাবে পথের মধ্যে পাকড়াও করতো না এবং আরজুও জীবন হারাতো না।

হাঁ, বেচারী আরজুর জন্য দুঃখ হয়.....একটা দীর্ঘশ্বাস ত্যাগ করলো বনহর।

ঠিক ঐ মুহূর্তে একটা ছায়া এসে পড়লো বনহরের সম্মুখে দেয়ালে।

চমকে উঠলো রহমান।

বনহর সোজা হয়ে বসলো।

মুহূর্তে ছায়া সরে গেলো।

বনহর বললো—আর্ম অথবা আর্মের লোক আড়াল থেকে আমাদের কথাবার্তা শুনছিলো।

সর্দার, আমাদের এ বাংলোয় থাকা আর ঠিক হবে না।

কারণ?

কারণ শয়তানদল আমাদের গতিবিধি সর্বক্ষণ লক্ষ্য করে চলেছে।

রহমান, তুমি কি মনে করো আমি তাদের গতিবিধি লক্ষ্য রাখিনি? জানো আমি তাদের সব খবর রেখেছি। নাহলে হত্যারহস্যের মূল শিকড় উপড়ে ফেলতে পারতাম না। ফাংহা হত্যাকাণ্ড শেষ হয়েছে, এবার শয়তানদল তাদের পুরোন ব্যবসা সোনা সংগ্রহ অভিযানে আত্মনিয়োগ করেছে। স্বর্ণ অভিযানের অধিনায়ক হলেন একজন স্বনামধন্য ব্যক্তি। রহমান, এর বেশি আজ জানতে চেও না, কারণ ছায়া আমাদের পিছনেই আছে।

বনহর নিঃশেষ হওয়া সিগারেটটা এ্যাসট্রের মধ্যে গুঁজে রেখে উঠে দাঁড়ালো, তারপর একটু হেসে বললো—আমি প্রথম থেকেই একটা ভুলপথে অগ্রসর হচ্ছিলাম। আমার সন্দেহ হচ্ছিলো সরাইখানার ম্যানেজারকে, কারণ আরজু এবং তুমি সরাইখানার উদ্দেশ্যেই গিয়েছিলে, আর কিছু পর আরজুর মাথাটা কোনো এক বয় খাবার টেবিলেই রেখে যায়। তাই সরাইখানাকেই আমি হত্যাকাণ্ডের স্থান বলে মনে করি কিন্তু পরে জানতে পারি সরাইখানার ম্যানেজার যিনি তিনি অত্যন্ত মহৎ এবং সৎ ব্যক্তি, যদিও তার চেহারা বড় কুৎসিত কদাকার। একদিন আমি ভুল করে কিছু পয়সা তাঁকে বেশি দিয়ে আসি কিন্তু তিনি ঐ পয়সা নিজে এসে ডাকবাংলোয় আমাকে দিয়ে যান। অবশ্য আমি তখন তাঁকে বেশি সন্দেহ করি। এরপর আমি একদিন ছদ্মবেশে

সরাইখানাতে যাই এবং ইচ্ছা করেই আমার রুমালখানা ফেলে আসি। আশ্চর্য, ম্যানেজার রুমালখানা নিয়ে ডাকবাংলোয় হাজির হলেন এবং রুমালখানা আমাকে দিলেন।

সর্দার, আশ্চর্যই বটে, তিনি কি করে আপনার ছদ্মবেশ থাকা সত্ত্বেও আপনাকে চিনতে পারলেন!

আমি সেটা পরীক্ষা করার জন্যই ইচ্ছা করে আমার রুমাল সরাইখানায় ম্যানেজারের সম্মুখের পথে ফেলে রেখে চলে আসি। একটু থেমে বললো বনছর—লোকটা অদ্ভুতও বটে.....

এমন সময় বাইরে পদশব্দ শোনা গেলো।

রহমান ও বনছর সজাগ হয়ে উঠলো।

দরজা খুলে দিলো বনছর।

ভিতরে প্রবেশ করলো ডাকবাংলোর বয়, সেলাম জানিয়ে বললো—এক বাবু আপনাকে চিঠি দিয়েছে।

বনছর চিঠিখানা হাতে নিয়ে বললো—আচ্ছা, তুমি যাও।

বয় চলে গেলো!

রহমান উন্মুখ হয়ে তাকালো বনছরের হাতের চিঠিখানার দিকে।

বনছর চিঠির খাম ছিড়ে শব্দ করে পড়লো—চিঠিতে লিখা আছে—

হত্যাকাণ্ডের মূল স্তম্ভ ভেঙে
দিয়েছো। বিদায় নাও, নইলে
তোমার জীবনলীলাও সাক্ষ
হবে। মনে রেখো, আমি
তোমাকে ক্ষমা করবো না।
তোমার দেহের শক্তি আমার
বুদ্ধিশক্তির কাছে কিছু না।

—আর্ম

বনছর চিঠি পড়া শেষ করে হেসে উঠলো হাঃ হাঃ করে। তারপর বললো—আর্ম তাহলে পালায়নি, আশেপাশেই আছে।

রহমান বললো—হাঁ সর্দার, সে ছায়ামূর্তি ধরে.....

পিছনেই আছে কি বলো? বনছর রহমানের কথাটা শেষ করলো।



জাহাজের একটা ক্যাবিনে পায়চারী করছিলো হিরন্ময়। লোকটা বাঙ্গালি তবে বহুদিন সে ফাংহায় অবস্থান করেছে। এ জাহাজটা হিরন্ময়ের নিজস্ব জাহাজ। হিরন্ময় কোনো ব্যক্তির প্রতীক্ষা করেছে তাতে কোনো সন্দেহ নেই। হঠাৎ পিছনে কেউ যেন এসে দাঁড়ালো।

ফিরে তাকালো হিরন্ময়।

এলোমেলো বেশে দাঁড়িয়ে আছে আর্ম। মাথাটা সে নিচু করে আছে, কোনো কথা বললো না।

আর্মকে লক্ষ্য করে বললো হিরন্ময়—কি হলো, মিঃ আলমকে খতম করে এসেছো তো?

চোখ তুললো আর্ম, বললো—না, তাকে খতম করতে পারিনি।

তবে কি করেছো তুমি?

আচমকা আক্রমণ করেও তাকে কাবু করতে পারিনি। অসীম শক্তি ওর দেহে, তাছাড়া ভীষণ বুদ্ধি রাখে.....

আর তোমার মাথায় সব বুদ্ধি গোবর?

না, তাকে আমি শেষবারের মত চিঠি দিয়ে এসেছি।

কি চিঠি? কিসের চিঠি?

লিখেছি এদেশ ছেড়ে চলে না গেলে মৃত্যু তার অনিবার্য।

এ ধরনের চিঠি তুমি তো এর পূর্বেও দিয়েছিলে। তবুও সে তোমাদের সব সাধনা, সব চেষ্টা ব্যর্থ করে দিয়েছে। শুধু তাই নয়, তোমার বোন এ্যানিকে জীবন্ত হত্যা করেছে তারই আলোকসুস্তেব সুইচ টিপে।

আমি এর প্রতিশোধ না নিয়ে ছাড়বো না স্যার।

কিন্তু সে সুযোগ তোমার আসবে তো?

স্যার, আমি মিঃ আলমকে হত্যা না করে ছাড়বো না এবং তার মাথাটা আমি উপহার স্বরূপ নিয়ে আসবো এখানে।

ধন্যবাদ, কিন্তু মনে রেখো, সে কম ঘুষু নয়। যে ব্যক্তি তোমার বোন এ্যানির মত চতুর মেয়েকে শেষ করে ফেললো, তাকে কাবু করা কম কঠিন নয়।

দাঁতে দাঁত পিষে বললো আর্ম—স্যার, সে যতবড় ঘুষুই হোক আমি তাকে ছাড়ছি না। শুধু আমার বোন নয়, আমাদের দলবলকে সে গ্রেপ্তার

করিয়ে পুলিশের হাতে তুলে দিয়েছে দেওয়ানজীর বেশে। সে যেমন চালাক আমিও তেমনি কম চালাক নই।

হাঃ হাঃ করে হেসে উঠলো হিরন্ময়, তারপর হাসি থামিয়ে বললো—তুমি যদি চালাকই হবে তাহলে তার কাছে নাকানি চুবানি খেতে না। তোমার বোনের সব সাধনা সে নস্যাৎ করে দিতে পারতো না। শোন আর্ম, আমি যা বলি সেইমত কাজ করো, যদি আমাদের ব্যবসা ঠিকমত চালিয়ে যেতে চাও।

বলুন স্যার।

আমাদের সোনা সংগ্রহ অভিযানের কথা সে জানতে পেরেছে, একথা কি সত্যি?

হাঁ সত্যি! আর সত্যি বলেই তো আমি কথাটা আপনাকে জানিয়েছি। সে শুধু আমাদের সাধনাই নস্যাৎ করেনি, আমাদের দ্বিতীয় প্রচেষ্টাও নষ্ট করে দেবার ব্রত নিয়েছে। যেমন করে হোক আমি তার সব ব্যর্থ করে দেবোই।

শুধু তুমি নও, আমরা যারা এই স্বর্ণ অভিযানে লিপ্ত আছি, তারা সবাই মিলে ঐ দুষ্ট নরাধমকে নিঃশেষ করে দেবো। শুধু একজন হয়ে এতবড় একটা প্রচেষ্টা নস্যাৎ করে দেবে! আমাদের স্বর্ণ অভিযান শুধু ফাংহাতেই নয়, সমস্ত বিশ্বে আমাদের কারবার চলেছে। আর্ম?

বলুন স্যার।

তোমার আলোকসুপ্ত সাধনা নিঃশেষ হয়ে গেছে। এবার তুমি একান্ত মনে আমাদের কাজে সহায়তা করে যাও। দেখবে তোমার মত ধনকুবের ফাংহায় দ্বিতীয় ব্যক্তি থাকবে না।

জানি স্যার। আর জানি বলেই তো আমি এসেছি আপনাদের সঙ্গে।

তোমার বোন এ্যানিকেও আমি আমাদের কাজে সহায়তা করার জন্য অনুরোধ জানিয়েছিলাম কিন্তু সে রাজি হয়নি এবং সে কারণেই তাকে আজ মৃত্যুবরণ করতে হলো। কাজেই তুমি আমার কথার কোনো সময় অন্যথা করো না।

স্যার, আমি তো আপনার বাধ্যগত দাস। তাছাড়া আমাদের যে ক'জন লোক আছে, সবাই আপনাদের সঙ্গে একমত। কিন্তু.....

বলো কিন্তু কি?

আমি আজও আপনাদের মূল আস্তানার সন্ধান জানি না। স্যার, আমাকে আপনারা যদি বিশ্বাসই করেন, তাহলে কেন আপনাদের আস্তানায় নিয়ে যান না! আমি শপথ করছি, চিরদিন আপনাদের ব্যবসায় সহায়তা করে যাবো।

এবার হিরন্ময় আসন গ্রহণ করলো। চোখেমুখে তার ফুটে উঠেছে এক পৈশাচিক হাসির আভাস, বললো সে—আর্ম, তুমি দীর্ঘদিন ধরে আমাদের সঙ্গে কাজ করছো, তাই না?

হাঁ স্যার।

তবু আমাদের আসল আস্তানার সন্ধান তুমি জানতে পারোনি।

হাঁ।

তাহলে বুঝতেই পারছো এখনও তুমি আমাদের বিশ্বস্ত অনুচর হতে পারোনি।

কেন, কেন স্যার? কেন আমাকে আপনারা এখনও বিশ্বাস করতে পারছেন না?

তার কারণ তোমার মনের দুর্বলতা। তোমাকে আরও কর্মদক্ষ হতে হবে, তোমাকে আরও চতুর হতে হবে.....

স্যার...

হাঁ, জানি তুমি নিজেকে একজন দক্ষ কর্মী মনে করো এবং আরও মনে করো তোমার মত চতুর বুঝি আর কেউ নেই।

স্যার, আমি মানে আমার মধ্যে কোনো ক্রটি আপনারা দেখতে পেয়েছেন কি?

ক্রটি মানে—বিরাট ক্রটি আছে তোমার মধ্যে, যার জন্য তোমার বোন এ্যানির সব সাধনা সমূলে বিনষ্ট হলো। জানো আর্ম, ডাকবাংলোয় তোমাদের পাশের কামরায় কে থাকে?

মিঃ আলম থাকেন।

হাঃ হাঃ হাঃ...হেসে উঠলো হিরন্ময়। বয়স তার কম নয়, দু'চারটে দাঁতও খসে পড়েছে তার শক্ত চোয়াল থেকে তবু তার হাসির আওয়াজে জাহাজখানা যেন দুলে উঠলো।

আর্ম আশ্চর্য দৃষ্টি মেলে তাকিয়ে রইলো হিরন্ময়ের মুখের দিকে।

হিরন্ময় বলে চললো—যে তোমাদের পাশের কামরায় থাকে তার আসল পরিচয় তোমরা কেউ জানো না। মিঃ আলম নয় নয়, এটা তার ছদ্মনাম।

ছদ্মনাম!

হাঁ।

তবে কে সে আর কি তার আসল পরিচয়?

এখন না জানাই ভাল।

কেন স্যার?

ওর পরিচয় জানতে পারলে তোমরা আরও দুর্বল হয়ে পড়বে ওর কাছে, কাজেই পরে জানানাবো। হাঁ, আরও একটা কথা শোন আর্ম, মনে রেখো ঐ ব্যক্তি সাধারণ লোক নয়। তোমার বোন এ্যানির সাধনা নস্যাৎ করে দিয়েই সে ক্ষান্ত হয়নি; তার সংগ্রাম এবার আমাদের স্বর্ণ অভিযান ধ্বংস করে দেওয়ার। যেদিন তোমার সঙ্গে তার মল্লযুদ্ধ হয়, তুমি পালালে, তার পরপরই গিয়ে হাজির হলাম আমি। আমি একটু ভুল করে ফেলেছিলাম যার জন্য আমার ছায়া গিয়ে পড়েছিলো তার সম্মুখের দেয়ালে! কিন্তু আশ্চর্য, আমার ছায়া লক্ষ্য করেও লোকটা এতটুকু সতর্ক হলো না বা ঘাবড়ে গেলো না, সে তার সঙ্গীকে যা বললো তা অতি ভয়ঙ্কর কথা, স্বর্ণ অভিযান বিরুদ্ধে এবার তার সংগ্রাম.....

স্যার, আপনি নিজ কানে শুনেছেন?

হাঁ আর্ম, আমি নিজ কানে শুনেছি এবং সে কারণেই আমার জাহাজখানা নিয়ে এসেছি নীল সাগরে। নীল সাগরতলেই আছে আমার ঘাটি বা আস্তানা। সাধ্য নেই কারও আমাদের ঘাটির সন্ধান পায়, যেমন আজও তুমি জানো না ঘাটি কোথায়।

স্যার, আমাকে বলতে হবে—বলতে হবে আপনার আস্তানা কোথায়, নাহলে কাজ করে তৃপ্তি পাবো না। যে সোনা এবার চালান এসেছে তা আমার কাছেই আছে।

সে সোনা কি তুমি সঙ্গে এনেছো আর্ম?

না।

কেন?

সুযোগ পাইনি।

কোথায় রেখেছো সে সোনা?

আমাদের গোপন ঘাটিতে।

সেখানে তো ও গিয়ে হাজির হবেনা?

না স্যার, আমাদের সেই ঘাটির সন্ধান ও পাবে না।

তুমি তার পরিচয় জানো না বলেই ও কথা বলছে—জানলে বলতে না। একটু থেমে বললো হিরন্ময়—নীল সাগরতলের আস্তানা নিয়েই আমার দৃষ্টিভঙ্গি আছে, কখন কিভাবে সে সন্ধান করে নেবে তা বলা যায় না। তবে হ্যাঁ, সে কিছুতেই আমার নীল সাগরতলের ঘাটির খোঁজ পাবে না। আর্ম, তুমি যাও এবং যে সোনা তোমরা সংগ্রহ করেছো তা নিয়ে এসো, কিন্তু সাবধান ও যেন টের না পায়!



ফাংহা সাগরতীরে দাঁড়িয়ে ছিলো এক ভদ্রলোক। সঙ্গে এক তরুণী। উভয়কেই বেশ উদ্ভিগ্ন মনে হচ্ছিলো। তারা যেন কারও প্রতীক্ষা করছে।

সন্ধ্যার অন্ধকার তখনও ঘনীভূত হয়নি।

সাগরতীর নির্জন হলেও মাঝে মাঝে দু'একটা স্পীড বোট দু'একজন তরুণী-তরুণীকে নিয়ে ভেসে বেড়াচ্ছে এদিক থেকে সেদিকে।

ভদ্রলোকের চোখে কালো চশমা, সঙ্গে তরুণীর চোখে গাঢ় নীল কাঁচের চশমা।

ভদ্রলোক তরুণীকে লক্ষ্য করে বললো—ওঁরা কখন আসবে বলেছিলো মিস রীণা?

মিস রীণা হাতঘড়ির দিকে তাকিয়ে বললো—সন্ধ্যা ছয়টায় এসে পৌছবে।

ভদ্রলোকও নিজের হাতঘড়ি দেখে নিলো, তারপর বললো—ছয়টা চল্লিশ বেজে গেছে তবুও তো এলো না। মিস রীনা, তোমাকে তো সে ফাঁকি দেয়নি?

না, কারণ সে আমাকে বিশেষভাবে কথা দিয়েছে। তা ছাড়া আমার আত্মীয় হয় সে।

কিন্তু.....

কোনো কিন্তু নয় মিঃ হিরন্ময়—এই তো আমি এসে গেছি। স্যুটপরা এক ভদ্রলোক এসে দাঁড়ালো সেখানে। লোকটার হাতে একটা মোটা কালো চামড়ার ব্যাগ। সে ব্যাগটা উঁচু করে ধরে বললো—এতেই সব আছে, চলুন কোথায় যেতে হবে?

হিরন্ময় বললো—আমাদের জাহাজ কিছু দূরেই অপেক্ষা করছে মিঃ সেন। হিরন্ময় শিস্ দিলো।

সঙ্গে সঙ্গে একটা স্পীড বোট দেখা গেলো সাগরবুকে কয়েক রশি দূরে। নিকটে পৌছতেও বিলম্ব হলো না। স্পীড বোটে শুধুমাত্র একজন চালক ছিলো।

স্পীড বোটখানা তীরে ভিড়তেই দ্রুত উঠে বসলো হিরন্ময়, মিঃ সেন ও মিস রীণা।

মিঃ সেনের হাতে রয়েছে ব্যাগটা।

হিরন্ময় বললো—শীঘ্র জাহাজে চলো।

স্পীড বোটখানা তীরবেগে এগিয়ে চললো। অল্পক্ষণেই তারা বেশ দূরে চলে গেলো। এবার জাহাজখানা দেখা যাচ্ছে।

জাহাজখানা স্থির হয়ে ভেসে আছে সাগরবুকে। একটা ভাসমান জন্তুর মত দেখাচ্ছে ওটাকে। জাহাজের চোঙ্গ দিয়ে ধীরে ধীরে কালো ধোয়া বেরিয়ে ছড়িয়ে পড়ছে আকাশের বুকে।

স্পীড বোটখানা এসে জাহাজের পাশে ভিড়তেই দড়ির সিঁড়ি নেমে এলো নীচে। এবার স্পীড বোট থেকে ওরা তিনজন উঠে গেলো উপরে।

কালো ব্যাগটা এখনও মিঃ সেনের হাতেই রয়েছে। ব্যাগ হাতে জাহাজে উঠে এলো মিঃ সেন। তারপর হিরন্ময় এবং মিস রীণা।

জাহাজের এক নিভৃত ক্যাবিনে প্রবেশ করতেই দরজা আপনা আপনি বন্ধ হয়ে গেলো। বিরাট বড় ক্যাবিন।

যে ক্যাবিনের মেঝেতে সেদিন হিরন্ময়কে পায়চারী করতে দেখা গিয়েছিলো এ সেই ক্যাবিন। হিরন্ময় মিঃ সেনকে বললো—আপনি বড় ক্লান্ত, বসুন।

মিঃ সেন হেসে বললো—মোটাই ক্লান্ত নই। আমি আমার পাওনা নিয়ে এশ্ফুগি ফিরে যাবো, কারণ সাগরতীরের অদূরে আমার গাড়ি অপেক্ষা করছে। এই দেখুন, আমি আজ কি পরিমাণ সোনা এনেছি।

মিস রীণার মুখেই শুনেছি, আপনি অত্যন্ত কাজের লোক। আচ্ছা এবার কিছু পানীয় পান করুন, তারপর সোনা নিয়ে আলাপ আলোচনা করা যাবে। হিরন্ময় মিস রীণার দিকে তাকালো।

মিস রীণা বললো—আচ্ছা আমি নিজেই ওর জন্য পানীয় আনছি।

মিস রীণা বেরিয়ে গেলো।

হিরন্ময় বললো—আপনার নামই শুনেছিলাম এতদিন কিন্তু সাক্ষাৎ ঘটেনি।

হাঁ, আপনি ঠিকই বলেছেন, ফাংহা সোনা সংগ্রহ ব্যাপারে আমি মিস রীণাকে বেশি সাহায্য করেছি।

শুধু পরিশ্রম দিয়েই সাহায্য করেননি, আপনি নিজের অর্থ দিয়েও সাহায্য করেছেন। সত্যি, আপনার উপকারের কথা মনে থাকবে চিরকাল। আচ্ছা মিঃ সেন?

বলুন?

আপনি আমার কাছে কত টাকা পাওনা আছেন? অবশ্য হিসেবের খাতায় সব লেখা আছে, সেটা পরে খাতা খুলে হিসাব মিলিয়ে বিল দিবো। তবু আর কি জিজ্ঞাসা করছিলাম?

বললো মিঃ সেন—তিন কোটি সাত লক্ষ পঞ্চাশ হাজার।

ইতিমধ্যে কত পেয়েছেন?

পঞ্চাশ হাজার আপনি আমাকে দিয়েছেন, আর সবই তো বাকি আছে। মিস রীণা আমার আত্মীয়া, তাই.....

এ সোনা কি আপনি শুধু ফাংহা থেকেই সংগ্রহ করেছেন, না অন্য কোথাও থেকে?

শুধু ফাংহা থেকেই এ সোনা আমি সংগ্রহ করেছি।

আপনাকে ধন্যবাদ না দিয়ে আমি পারছি না, সত্যি আপনি কাজের লোক বটে। ফাংহা শহরে এত সোনা ছিলো, আমি এর আগে জানতাম না।

এমন সময়ে মিস রীণা ট্রের উপর কিছু পানীয় ও ফল নিয়ে উপস্থিত হলো।

মিস রীণার হাত থেকে পানীয় ও ফলমূলের ট্রে-খানা নামিয়ে রাখলো হিরন্ময় মিঃ সেনের সম্মুখে। বিপুল অগ্রহ হিরন্ময়ের অতিথি সেবায় তা তার কাজে এবং ব্যবহারেই প্রমাণ পাচ্ছিলো।

মিঃ সেন খুশি হয়েছে এবং সে নিজে ব্যাগ খুলে বের করলো সোনার চাপগুলো। টেবিলে সাজিয়ে রাখলো মিঃ সেন সেগুলোকে।

হিরন্ময় পানীয় ঢাললেন একটা কাঁচপাত্রে। তাকালো সে মিস রীণার দিকে।

মিস রীণার সঙ্গে দৃষ্টি বিনিময় হলো হিরন্ময়ের। মিস রীণা কাঁচপাত্রটি তুলে ধরলো মিঃ সেনের হাতে।

মিঃ সেন হাত বাড়িয়ে সহাস্যে কাঁচপাত্রটি হাতে নিয়ে ঠোটে চেপে ধরলো। ঢক্ ঢক্ করে এক নিঃশ্বাসে পান করলো কিন্তু পরক্ষণেই দু'হাতে নিজের গলা চেপে ধরে আত্ননাদ করে উঠলো—উঃ একি হলো। আমাকে আপনারা কি খাওয়ালেন? কি খাওয়ালেন...কি...খাও...য়া...লে...ন...

কথা শেষ করার সঙ্গে সঙ্গে টেবিলে মুখ খুবড়ে পড়ে গেলো মিঃ সেন। তার সম্মুখস্থ টেবিলে সোনার চাপগুলো থরে থরে সাজানো পড়ে রইলো।

হিরন্ময় হেসে উঠে, হাঃ হাঃ করে। তার হাসির শব্দে দূলে উঠে জাহাজখানা। মিঃ সেনের কানেও গিয়ে পৌছে সেই হাসির আওয়াজ।

মিঃ সেনের চোখে তখন সমস্ত পৃথিবী অন্ধকার, সমস্ত দেহ তাঁর ঘেমে নেয়ে উঠছে। বিন্দু বিন্দু ঘাম ফুটে উঠেছে ললাটে। একবার সোজা হয়ে দাঁড়াবার চেষ্টা করলো, তারপর বললো ... তো... মৃ... রা... আ... মা... কে... কি... খা... ও... যা... লে... সব... অন্ধ... কা... র... দে... খ... ছি... আ... লো... আ..... লো... সব... অন্ধ... কা... র... মুখ খুবড়ে পড়ে গেলো মিঃ সেন ক্যাবিনের মেঝেতে।

হিরন্ময় পুনরায় হেসে উঠলো, তারপর পা দিয়ে চীৎ করে দিলো মিঃ সেনের দেহটা। এবার মিঃ সেন নিস্তব্ধ হয়ে গেছে, তার মুখ দিয়ে গড়িয়ে পড়ছে একরাশ ফেনা।

হিরন্ময় মিস রীণাকে লক্ষ্য করে বললো—তিন কোটি সাত লক্ষ পঞ্চাশ হাজার টাকা.....হাঃ হাঃ, এ টাকা আর কোনোদিন মিঃ সেন নিতে আসবে না বা চাইবে না। মিস রীণা, আপনাকে ধন্যবাদ না দিয়ে পারছি না। হাত বাড়ায় হিরন্ময়, মিস রীণার দিকে।

মিস রীণাও হাত বাড়িয়ে দেয়।

হ্যাণ্ডসেক করে হিরন্ময় মিস রীণার সঙ্গে। এবার সে করতালি দেয়।

সঙ্গে সঙ্গে দু'জন লোক প্রবেশ করে সেখানে।

হিরন্ময় ইংগিত করলো মিঃ সেনের দিকে।

লোক দু'জন এবার মিঃ সেনের দেহটা তুলে নেয়, তারপর বেরিয়ে যায় কেবিন থেকে। জাহাজের ধারে গিয়ে দাঁড়ায় ওরা, মিঃ সেনকে নিষ্ক্ষেপ করে সাগরবক্ষে।

ঝুপ করে একটা শব্দ হলো, নিমিষে তলিয়ে গেলো মিঃ সেনের দেহটা।

হিরন্ময় তখন মিস রীনার চিবুকখানা তুলে ধরে বললো—মিস রীণা, ফাংহায় যে সোনা আমরা সংগ্রহ করেছি, তা প্রায় পাঁচ কোটি টাকা মূল্যের পরিমাণ হবে।

মিস রীনা বললো—ফাংহা ছাড়া বিভিন্ন দেশ থেকে আমাদের যে সোনা আমদানী হচ্ছে, তা বেশ কয়েক শ' কোটি টাকা হবে।

তা তো নিশ্চয়ই, বিভিন্ন দেশের নেতাদের সঙ্গে আমাদের কোম্পানীর গোপন বৈঠক হয়ে গেছে, অচিরেই তারা সোনা তুলে নেবার জন্য অর্ডার জারি করবেন এবং সেই সুযোগের অপেক্ষায় আছে দেশের একদল অধিপতি বা অধিনায়ক। তবে সবাই নয়, যারা আমাদের সঙ্গে কারবার করছেন, শুধু তারা।

এত সোনা যদি দেশ থেকে পাচার হয়, তাহলে দেশ চলবে কি করে হিরন্ময় বাবু?

দেশ! দেশ এখন নেতৃস্থানীয় ব্যক্তিদের নিজস্ব একটা জিনিস। দেশকে যেভাবে তারা চালাবেন, সেইভাবেই চলবে। জানো মিস রীণা, শুধু সোনা নয়, দেশের মূল্যবান যত সম্পদ আছে, তা সব ধীরে ধীরে পাচার হচ্ছে, আর হবে। যেমন খাদ্য শস্য সংগ্রহ অভিযান আমাদের চলেছে, তেমনি চলেছে এবার স্বর্ণ সংগ্রহ অভিযান। জানো মিস রীণা, আমরা এমন চালাকির সঙ্গে কাজ করে যাচ্ছি যাতে দেশের মানুষ কিছু বুঝতেও না পারে, অথচ তারা যেন মনে করে আমরা অত্যন্ত বুদ্ধিমান। হাঃ হাঃ হাঃ, নির্বোধ দেশ-বাসী, সত্যি মাঝে মাঝে দুঃখ হয় এত গর্দভ এরা।

মিস রীণা বলে উঠে—এরা কারা?

এই যে দেশের স্বনামধন্য ব্যক্তিগণ।

কেন, এরা কি করেছে?

বলো কি করেনি। সব করেছে এরা, নিজেদের বাপ-মা-ভাই-বোনদের মুখের খাবার ওরা ছিনিয়ে নিচ্ছে গোপনে আমাদের হাতে তুলে দিয়েছে, তার বিনিময়ে পেয়েছে প্রচুর অর্থ। সেই অর্থ দিয়ে গড়েছে ইমারত, করেছে ঐশ্বর্য প্রাচুর্য, গাড়ি-বাড়ি সোনা-দানা।

সে সোনাও তো এবার তুলে দিচ্ছে?

হাঁ। দিচ্ছে নয়, দিতে বাধ্য হবে, কারণ তারা চালাক কিন্তু বুদ্ধিমান নয়। জানো আমরা বিদেশ থেকে এসে এসব দেশ থেকে কেমনভাবে ওদেরই পরম বন্ধু সেজে গোপনে শুয়ে নিচ্ছি ওদের বুকের রক্ত।

রক্ত!

হাঁ, রক্তই বটে। দেশ যখন নিঃশেষ হয়ে যাবে তখন দেখবে দেশের লোক কারও দেহে এক ফোটা রক্ত নেই। প্রথম মরবে দেশের তৃতীয় শ্রেণীর লোক, তারপর দ্বিতীয় শ্রেণী তারপর আসবে প্রথম শ্রেণীর লোকের পালা। অবশ্য তারা এখন এমন এক অবস্থায় অবস্থান করছে, যেখানে শুধু গোলক ধাঁধা।

গোলক ধাঁধা।

হাঁ, গোলক ধাঁধাই বটে। ঐশ্বর্যের ইমারতে বসে তারা কাচের চাকচিক্য উপভোগ করছে, তারপর যখন সময় আসবে তখন তাদের তাসের ঘর ভেঙে পড়বে.....হাঃ হাঃ হাঃ, পরম বন্ধু সেজে আমরা তাদের বুকের রক্ত শুষে নিচ্ছি—এখন বুঝবে না বুঝবে সেদিন.....হাঃ হাঃ হাঃ আপন মনে হেসেই চলে হিরন্ময়।

মিস রীণার দু'চোখে বিস্ময়।

□

সর্দার, কে এই হিরন্ময়?

বন্ধুরাষ্ট্রের একজন গুপ্তচর, শুধু গুপ্তচরই নয়, একজন চোরাকারবারী। তবে ও একা নয়, বন্ধুরাষ্ট্রের বহু আছে যারা বন্ধু সেজে, বন্ধুর মুখোস পরে এই দেশের অধিনায়কদের হাত করে কার্যসিদ্ধ করে যাচ্ছে—করে যাচ্ছে দেশ ও দেশের সর্বনাশ। বনহর কথা শেষ করে উঠে দাঁড়ালো।

রহমানও সর্দারের সঙ্গে আসন ত্যাগ করলো।

বনহর পকেট থেকে বের করলো একটা ছোট ম্যাপ। ম্যাপখানা টেবিলে মেলে ধরে আংগুল দিয়ে দেখিয়ে বললো—রহমান, এই যে সাগর দেখছো এটার নাম নীলসাগর। এই নীলসাগরের গভীর তলদেশে কোনো এক জায়গায় আছে বন্ধুরাষ্ট্রের গোপন এক ঘাটি। এই ঘাটি এরা তৈরি করেছে পৃথিবীর সোনা সংগ্রহের কারণে। এবার পৃথিবীব্যাপী গুরু হবে স্বর্ণ সংগ্রহ অভিযান। এই অভিযান গুরু হবার পূর্বেই বন্ধুরাষ্ট্র সজাগ হয়ে উঠেছে এবং আত্মনিয়োগ করেছে সোনা সংগ্রহে। হিরন্ময় হলো বন্ধুরাষ্ট্রের একজন বিশ্বস্ত ব্যক্তি, এ কথা আমি একটু পূর্বেই বলেছি।

হাঁ সর্দার, আপনি বলেছেন।

বনহর একটা সিগারেটে অগ্নিসংযোগ করে ফিরে তাকালো রহমানের মুখে, তারপর বললো—এই হিরন্ময় কে এবং কোথা থেকে এসেছে, একথা ফাংহা অধিবাসী কেউ জানে না। একটি জাহাজ নিয়ে সে নীল সাগরের বুকে বিচরণ করে বেড়ায়—একটি নারী নাম মিস রীণা সে তার প্রধান সহকারিণী। মিস রীণা ছাড়াও আরও কয়েকজন আছে তার সহকারিণী এ জাহাজে। শুধু এই হিরন্ময় নয় বন্ধুদেশের বহু বন্ধু সাধুতার মুখোস পরে পৃথিবীর বিভিন্ন দেশে ছড়িয়ে পড়েছে, এবার এদের অভিযান খাদ্যশস্য নয় স্বর্ণ অভিযান। প্রথমে এসেই হিরন্ময় দেখা করেছে ফাংহার নেতৃস্থানীয় ব্যক্তি যাদের সহযোগিতায় তারা এদেশে গোপনে ঘাটি করতে সক্ষম হয়েছে। গোপন বৈঠকে আলাপ হয়েছে কিভাবে সোনা সংগ্রহ অভিযান চলবে।

রহমান বলে উঠে—সদাঁর, এ ম্যাপ আপনি কোথায় পেলেন এবং এসব কথা আপনি কি করে জানলেন?

একটু হাসলো বনহর, তারপর বললো—ফাংহা হত্যা রহস্য উদঘাটন করতে গিয়ে নতুন এক রহস্যের সন্ধান পেয়েছি। রহমান—তাহলে এই নীল সাগরের তলদেশে স্বর্ণাগার, যেখানে জমায়েত হচ্ছে পৃথিবীর অনেক সোনা। কিন্তু এখনও নীল সাগরতলে সেই স্বর্ণাগার খুঁজে বের করতে সক্ষম হইনি—শুধু পেয়েছি এই নকশা। যে নকশা আমাকে পথ দেখিয়ে নিয়ে যাবে সেই দুর্গম নীল সাগরের তলে।

রহমান বলে উঠলো—সদাঁর, এতবড় জালিয়াত এই ফাংহায় বসবাস করে দেশের সর্বনাশ করে যাচ্ছে অথচ কেউ টের পায়নি বা পাচ্ছে না—এটা বড় আশ্চর্য।

হাঁ রহমান, আশ্চর্য বটে—বিদেশী রাষ্ট্রের এই অধিনায়ক এদেশে এমনভাবে পশার জমিয়ে তুলেছে যে, কেউ এদের সন্দেহের চোখে দেখবে না। সাধুতার মুখোস পরে এরা বিচরণ করে ফিরছে সভ্য সমাজে। লোকজনের মধ্যে একটা ভ্রাসের সৃষ্টি করেছে যে, সরকার অচিরে দেশ থেকে সোনা সরিয়ে নেবে এবং তা জোর পূর্বক নেওয়া হবে। এ কথা জন সমাজে প্রচার চালালো, চলার সঙ্গে সঙ্গে সোনা ক্রয় করা ব্যাপারে তারা হয়েছে উৎসাহী।

সদাঁর, এ কথা আমারও কানে এসেছিলো। কে বা কারা বলেছিলো অচিরে দেশের সব সোনাদানা নাকি সরিয়ে নেওয়া হবে।

জানি না একথা কতখানি সত্যি, তবে সরকার সোনা সরিয়ে নেবার পূর্বেই গোপনে চলেছে স্বর্ণ সংগ্রহ অভিযান এবং সে অভিযান দেশকে একেবারে নিঃস্ব করে ফেলবে, তাতে কোন সন্দেহ নাই। দেশের জনগণ, দ্রব্যমূল্য বৃদ্ধি ব্যাপারে একেবারে নাজেহাল—পেরেশান হয়ে যার যা সোনা দানা আছে সব বিক্রি করতে বাধ্য হচ্ছে। তারপর এই একটা নতুন ভয় সবার মনে দানা বেঁধে উঠছে আর সেই কারণে সবাই গোপনে সোনা বিক্রি করে চলেছে বেশি টাকার লোভে।

তা সত্যি সর্দার, দেশ একেবারে সোনা শূন্য হয়ে যাবে.....

হাঁ যাচ্ছে, যাবে কিন্তু এত সহজে দেশ এবং দেশের সর্বনাশ আমি হতে দেবো না রহমান। আনমনা হয়ে যায় বনহর।

রহমান কি যেন চিন্তা করলো, তারপর বললো—সর্দার, ফাংহা হত্যারহস্য উদঘাটন করলেন এবং ফাংহাবাসিগণকে রক্ষা করলেন সদ্য মৃত্যুমুখ থেকে, কিন্তু কেউ জানলো না কার প্রচেষ্টায় আজ ফাংহাবাসী এমন এক কঠিন অবস্থা থেকে পরিত্রাণ পেলো। আবার আপনি সোনা হরণকারীদের বিরুদ্ধে সংগ্রামে ঝাঁপিয়ে পড়ছেন।

হাঁ রহমান।

কিন্তু এতে আপনার কি লাভ সর্দার?

রহমান, হঠাৎ আজ তোমার কণ্ঠে নতুন সুর শুনতে পাচ্ছি, আশ্চর্য হচ্ছি তোমার কথা শুনে।

সর্দার, বহুদিন আমি এ ব্যাপার নিয়ে চিন্তা করেছি। মানুষ চায় নাম অথবা অর্থ। ফাংহা হত্যারহস্য উদঘাটন করতে গিয়ে কোনোটাই আসেনি আমাদের ভাগ্যে, তবুও.....

তবুও কেন আমি সংগ্রাম করছি, তাই না?

হাঁ সর্দার।

রহমান, তুমি কি জানো না তোমাদের সর্দার নাম এবং অর্থের লোভী নয়? সে চায় না মানুষ জানুক তার কাজের কথা। শুধু তার কর্তব্য দেশ ও দেশের জনগণকে বিপদমুক্ত করা। আমি বেঁচে থাকতে পৃথিবীর বুক অন্যায় অনাচারে ভরে উঠবে, এ আমি সহ্য করতে পারবো না। রহমান, তাই— তাই আমি ঝাঁপিয়ে পড়ি পৃথিবীর যে কোনো দেশের অন্যায়ের বিরুদ্ধে। হাঁ তুমি কেন, একথা তোমাদের বৌ-রাণীও বলছে বনহর—কেন কেন আমি এসব করি? সে বোঝে না, তা ছাড়া যে কোনো নারী চায় তার স্বামী

সর্বক্ষণ পাশে থাক...তাই সে অবুঝের মত কথা বলে। আর তুমি, তুমি এভাবে বনাবে আমি ভাবতেও পারিনি। শুধু কান্দাই বাসিগণই আমার আপনজন নয়, সারা বিশ্বের জনগণ আমার মা-বাপ-ভাই-বোন.....

সর্দার জানি সব কথা!

তবুও কেন বলো?

সর্দার, ফাংহা হত্যারহস্য উদঘাটন ব্যাপারে ফাংহায় আমরা অনেকদিন হয় এসেছি। কান্দাই আস্তানা থেকে বারবার সংবাদ আসছে যেতে হবে, কিন্তু.....

আবার আমি নতুন এক সমস্যায় জড়িয়ে পড়লাম। হাঁ রহমান, এ সমস্যা সমাধান না করে আমি কান্দাই ফিরে যেতে পারবো না।

তা জানি সর্দার, কিন্তু.....

কিন্তু কি?

আপনার সেই হাজরা গ্রাম থেকে মোখলেছুর সংবাদ পাঠিয়েছে সেখানে আমাদের যেতে হবে।

বনছুর সোজা হয়ে বসলো—হাজরা গ্রাম!

হাঁ সর্দার, সেই সমিতির ছেলে মোখলেছুর!

মনে আছে ওদের সবার কথা! আমার জন্মভূমি ঐ হাজরা গ্রামের নিকটে। তাইতো ওই গ্রামগুলোর জন্য মন আমার কাঁদে।

সর্দার, শুনেছি সমিতির ব্যাপার নিয়ে গ্রামের মাতব্বর ইকরাম আলী.....

হাঁ, প্রথমে খুব লেগেছিলো সে সমিতি এবং সমিতির ছেলেদের সঙ্গে। এমনকি পুলিশ ফোর্স দিয়ে সমিতি ধ্বংস করে দেবার জন্য উঠেপড়ে লেগেছিলো। এ ব্যাপারে একটা ছেলেও নিহত হয়েছিলো সে সময়। তারপর আমি সেই ইকরাম আলীকে সায়েস্তা করি এবং ভালভাবেই করি। সে যখন চরম অবস্থায়, যখন সে অন্ধ এবং পঙ্গু তখন সে নিজের ভুল বুঝতে পারলো এবং স্বীকার করে নিলো নিজের অপরাধ। অবশ্য তখন ইকরাম আলী সর্বহারা, ভিখারী.....

এসব আমি কিছু কিছু জানি সর্দার, শেষবার আমি আপনার সঙ্গে ছিলাম কিনা।

হাঁ, তুমি আমার সঙ্গে ছিলে এবং কিছু কিছু জানোই বটে।

সর্দার—সেই গোলাপী বৌ যার উপর ইকরাম আলী জঘন্য আচরণ করেছিলো সেই গোলাপী কি শ্বশুরকে ক্ষমা করেছিলো?

হাঁ, অতি সরল সহজ মেয়ে গোলাপী, তাই শ্বশুরকে ক্ষমা করেছিলো এবং শ্বশুর শ্বাশুড়ীকে গ্রহণ করেছিলো নিজ গুণে। সত্যি, রহমান, গোলাপী একটা আদর্শ মেয়ে, শেষ পর্যন্ত সে পাগল বোবা স্বামীকেই সরল মনে নেমে নিয়েছে।

সর্দার মেয়েটিকে আমি দেখেছিলাম। সে অতি মহৎ চরিত্রের মেয়ে তাতে কোনো সন্দেহ নেই। তার চোখেমুখে একটা পবিত্রতার ছাপ আমি দেখেছি।

ঠিক তাই, নাহলে সে অমন পাগল স্বামীর সংসার করতে এগিয়ে যেতো না। রহমান, হাজরা গ্রাম থেকে কে কি সংবাদ পাঠিয়েছে বলতে পারো?

পারি সর্দার।

কে সংবাদ দিয়েছে?

সেই মোখলেছুর নামক ছেলেটা। আপনি যে ঠিকানা তাদের কাছে জানিয়ে বলেছিলেন, তোমাদের কোনো বিপদ এলে বা কোনো প্রয়োজন হলে এই ঠিকানায় চিঠি দেবে—আমি পাবো এবং ছুটে আসবো তোমাদের পাশে।

হাঁ, যেবার হাজরা গ্রাম থেকে বিদায় নিয়ে চলে আসি, সেবার আমি সমিতির ছেলেদের কাছে আমার একটা ঠিকানা দিয়ে এসেছিলাম।

ঐ ঠিকানায় তারা চিঠি দিয়েছে, সেই চিঠির কথাগুলোই কায়স আমাকে ওয়্যারলেসে জানিয়ে গিয়েছে সর্দার।

বনহর একটু চিন্তিত হয়ে পড়ে, হাতের সিগারেটটা এ্যাসট্রের মধ্যে গুঁজে রেখে বলে—মোখলেছুরদের সমিতির কাজ পুরোদমে চলছিলো, এমন কি সরকারের সহায়তাও পাচ্ছিলো তারা.....হঠাৎ আবার কোনো বিপদের সম্মুখীন হয়েছে কিনা কে জানে। তবে ইকরাম আলী একেবারে পঙ্গু হয়ে গেছে, সে আর কোনো কু'কর্ম করতে পারবে না। আমি কান্দাই ফিরে গিয়েই একবার যাবো হাজরা গ্রামে।

রহমান বললো—হাঁ, তাই হবে সর্দার।

বনহর ছোট্ট ম্যাপখানা ভাঁজ করে পকেটে রাখলো।



মিস রীণা, আজ আমার মত চতুর বুদ্ধিমান এ পৃথিবীতে দ্বিতীয় ব্যক্তি নেই বলেই আমি জানি। দেখলে কেমন করে কোটি কোটি টাকার মূল্যের সোনা আমি আত্মসাৎ করলাম। কথাগুলো বলে আসন গ্রহণ করলো হিরন্ময়।

মিস রীণা বললো—আপনি চতুর বুদ্ধিমান জানি, কিন্তু আজও আপনি আমাকে নীল সাগরতলে আপনাদের আসল আস্তানায় নিয়ে গেলেন না অথচ আমি আপনার ডান হাত।

সে কথা অবশ্যি সত্যি মিস রীণা, তুমি না হলে আমার যেন একদণ্ড চলতে চায় না, সত্যি তুমি আমাকে খুব ভালবাসো, তাই না?

আমি তোমাকে ভালবাসি কিনা তার প্রমাণ তুমি বহুবার পেয়েছো।

হাঁ, এমনি করে আমাকে তুমি বলে সম্বোধন করবে, তাতে আমি বেশি খুশি হবো—অত আপনি আর মহাশয় আমার ভাল রাগে না।

হিরন্ময়, তুমি আমার বাবার বয়সী.....

তাই বুঝি দ্বিধা জাগে মনে?

হাঁ, সে কথা অস্বীকার করতে পারি না! মিস রীণা কথাটা বলে আসন গ্রহণ করলো।

হিরন্ময় টেবিল থেকে পানির পাত্র তুলে নিয়ে ঝুঁকে পড়লো মিস রীণার দিকে—নাও, লক্ষ্মী মেয়ে তুমি খেয়ে নাও। তুমি আমার দক্ষিণ হস্তই শুধু নও তুমি আমার.....

চূপ করো, এত বলতে হবে না। তবে মনে রেখো এবার আমাকে যদি তোমার নীল সাগরতলে নিয়ে না যাও, তাহলে.....

তাহলে?

তাহলে আমি তোমাকে কোন কাজে সহায়তা করতে পারবো না।

সত্যি বলছো?

হ্যাঁ।

আচ্ছা, এবার নিশ্চয় নীল সাগরতলে নিয়ে যাবো। কিন্তু সে জায়গা বড় দুর্গম, বড় কঠিন। নীল সাগরের গভীর তলদেশে সে স্থান.....হিরন্ময়ের চোখ দুটো কেমন জ্বলে উঠে জ্বলজ্বল করে।

হিরন্ময়ের হাত থেকে গলাসটা নিয়ে ঢকঢক করে পানীয় পান করলো মিস রীণা।

এমন সময় আর্ম প্রবেশ করলো সেখানে।

কিছুক্ষণ আলাপ-আলোচনা চললো তাদের মধ্যে। মিস রীণাও যোগ দিলো তাদের আলোচনায়। তারপর আর্ম উঠে দাঁড়ালো, মিস রীণাও অনুসরণ করলো তাকে।

গভীর রাত।

জাহাজখানা স্থির হয়ে দাঁড়িয়ে আছে মাঝখানে। এ সাগর নীল সাগর নয়, এটা ফাংহা সাগর। সব সাগরের পানিই নীল কিন্তু এই ফাংহা সাগরের পানি নীল বা কালো নয়, কেমন যেন ঘোলাটে।

বিদেশী বন্ধু হিরন্ময় তাই তার জাহাজ রাখার জন্য বেছে নিয়েছে এই ফাংহা সাগর। অবশ্য ফাংহা সাগর হয়েই তাকে নীল সাগরে যেতে হয়। ফাংহা সাগর এসে মিলিত হয়েছে নীল সাগরে। যেখানে এই দুই সিন্ধুর সঙ্গম হয়েছে, সেখানে পানি কেমন যেন ঝাপসা নীল।

হিরন্ময় মাঝে মাঝে তার স্পীডবোটে জাহাজ ত্যাগ করতো এবং কোথায় যেতো কেউ তা জানতো না। এমন কি মিস রীণাকেও সে কোনোদিন সঙ্গে নিতো না। স্পীডবোট নিয়ে সোজা হিরন্ময় পাড়ি জমাতো যেদিকে ফাংহা সাগর গিয়ে মিলিত হয়েছে নীল সাগরে। অবশ্য হিরন্ময়ের অনুচরবর্গ জানতো সে স্পীড বোটেই যাচ্ছে এবং কোথায় যাচ্ছে এ সন্ধান কেউ রাখতে চেষ্টা করতো না।

আসলে হিরন্ময় কিন্তু স্পীডবোট ব্যবহার করলেও সে সবার দৃষ্টি এড়িয়ে উঠে বসতো ডুবুজোহাজে। ছোট্ট সাবমেরিন জাতীয় ডুবোজাহাজ। এই জাহাজের নাম ছিলো 'হিম্বু' হিম্বুর গতি ছিলো অত্যন্ত বেশি—মিনিটে এক শত মাইল চলতো এই ডুবোজাহাজ গভীর সাগরতল দিয়ে।

যেখানে খুশি যেতো হিরন্ময় এই সাবমেরিনে।

হিরন্ময় স্পীডবোট ও সাবমেরিন ছাড়াও ব্যবহার করে নৌকা এবং বজরা। অবশ্য যখন তার দল গ্রামাঞ্চলে কাজ করে তখন এই সব জলযানের প্রয়োজন হয় তার।

হিরন্ময় যে উদ্দেশ্য নিয়ে ফাংহায় এসেছে, সে উদ্দেশ্য সফলকাম হতে চলেছে। এতদিন দেশবাসীদের চোখে গোলক ধাঁ ধা লাগিয়ে দেশের জনগণের মুখের গ্রাস নিয়ে জাহাজ ভর্তি করে গোপনে পাচার করেছে,

এবার শুরু হয়েছে তার স্বর্ণ অভিযান। সোনা পাচার ব্যবসায় নতুন বা কাঁচা নয়। দেশ থেকে সরকার সোনা সিজ্ করে নেবার কথা চিন্তা করছেন। এমন সময় বিদেশী মহল সজাগ হয়ে উঠলো এবং তারা গুপ্তচর ছড়িয়ে দিলো সোনা সংগ্রহে। এইসব গুপ্তচরের মধ্যেই একজন হলো হিরন্ময়।

হিরন্ময় বাবু যখন শহরে যেতো এবং স্বনামধন্য ব্যক্তিদের সঙ্গে শলাপরামর্শ করতো তখন তাকে বিড়ালতপস্বীর মত দেখাতো। সাধুতার মুখোশ পরে ঘুরে বেড়াতো সে সভ্যসমাজে।

হিরন্ময় জানতে পারলো ফাংহার সব সোনা এখনও সংগ্রহ করা সম্ভব হয়নি। এখনও বহু সোনা রয়েছে ফাংহার ঘরে ঘরে। মিঃ সেনকে হত্যা করে যদিও হিরন্ময় বহু সোনার অধিকারী হতে পেরেছে, তবুও আরও প্রয়োজন। কারণ তাদের কোম্পানী যাতে লাভবান হয় এবং নিজেও যাতে পৃথিবীর বুকে বিরাট একজন ঐশ্বর্যশালী হয়, এদিকে তার সতর্ক দৃষ্টি।

ফাংহার অধিবাসী আংহাবারী ছিলেন বিরাট ধনী। তার ঘরে ছিলো প্রচুর সোনা, একথা জানতে পারে হিরন্ময় আংহাবারী বৃদ্ধ, তার স্বভাব স্বচ্ছ এবং মহৎ দানশীলও বটে। বহু গরিব ফাংহাবাসী তার দয়ায় উপকৃত।

আংহাবারীর ঐশ্বর্যের কথা জানতে পারে হিরন্ময় আর্মের কাছে। লালসায় দু'চোখ তার চক্চক্ করে উঠে, ভাবে কি করে এই আংহাবারীর ঐশ্বর্য এবং সোনা দানা আতুসাৎ করা যায়।

আংহাবারীর একমাত্র কন্যা মালা এই বিশাল সম্পত্তির অধিকারিণী। সুন্দরী শিক্ষিতা মালার জন্য বহু ধনকুবের সন্তান ধন্য দেয় আংহাবারীর বাসভবনের আশেপাশে।

মালা কিন্তু কাউকে পাণ্ডাই দেয়না।

আংহাবারী তাঁর এক বন্ধুসন্তানকে পছন্দ করে রেখেছেন, মালা যখন শিশু তখন থেকে। ছেলেটাকে যদিও মালা দেখেনি তবে বাপের মুখে তার প্রশংসা শুনে শুনে মনে মনে ভালই বেসে ফেলেছে মালা সেই অজানা অচেনা যুবকটাকে।

ওর নাম মাহরুফ। বিদেশে থেকে সে লেখাপড়া করছে, লেখাপড়া শেষ করে ফিরে এলে তার সঙ্গে বিয়ে হবে মালার।

হিরন্ময় এই সুন্দর মালাকে হাত করার জন্য প্রচেষ্টা চালালো, কারণ সে জানে মালাকে কৌশলে হাত করতে পারলে আংহাবারীর সব ঐশ্বর্য তার হাতের মুঠায় চলে আসবে।

নতুন এক পথ ধরলো হিরন্ময়। সে মিস রীণাকে এক সময় বলে
বসলো—মিস রীণা?

বলো হিরন্ময়?

এক কাজ তোমাকে করতে হবে।

এক কাজ কেন, বহু কাজ আমি তোমার জন্য করেছি।

আরও করতে হবে।

বলো কি করতে হবে?

ফাংহা অধিবাসিনী মিস মালাকে তোমার হাত করতে হবে কারণ
মালাকে আমার চাই.....

মিস মালা। অবাক কণ্ঠে বললো মিস রীণা।

হাঁ, ফাংহার অধিবাসী ধন কুবের আংহাবারীর একমাত্র কন্যা মালা।
সুন্দরী, শিক্ষিতা এবং অগাধ স্বর্ণের অধিকারিণী...

ও, এবার তাহলে নতুন এক ফুলের সন্ধান পেয়েছো হিরন্ময় তাই না?

মিস রীণা ফুলের সন্ধান নয়, ফুলের মধুর সন্ধান আমি পেয়েছি।
ফুলটাকে হাতের মুঠায় নিয়ে ফুলের মধু নিংড়ে নেবো, তারপর ছোবড়াটা
ছুড়ে ফেলে দেবো দূরে। তুমিই থাকবে চিরদিন আমার পাশে আমার
সহকারিণী হিসেবে।

ঠিক বলছো তো?

হাঁ, ঠিক বলছি, তুমি ছাড়া কাউকে আমি বিশ্বাস করি না। বিশ্বাস করি
না কোনো নারীকে। তুমি কেমন করে মোহাম্মদ একবাল হোসেনকে
পরপারে পাঠিয়েছিলে! ভালবাসার শিকল পরিয়ে প্রথম হাত করেছিলে
তাকে। তারপর কৌশলে তার মুখে তুলে দিলে সুধার পরিবর্তে বিষ।
তারপর এলো আলী হাসান, তাকেও তুমি কত সহজে পরপারে ঠেলে দিলে,
প্রেমের অভিনয় দেখিয়ে রাতের অন্ধকারে তার বুকে বসিয়ে দিয়েছিলে
সূতীক্ষ্ণধার ছোরা। উঃ, কি রক্ত সেদিন আমি দেখেছিলাম, প্রথমে
ভেবেছিলাম এ কাজ তুমি পারবে না কিন্তু কত সহজে তুমি সে কাজ সমাধা
করেছিলে। হাঁ, মনে আছে রিবন সিংয়ের কথা, কত চালাক ছিলো রিবন
সিং, তাকেও তুমি নিহত করেছো জাহাজের রেলিং থেকে ঠেলে ফেলে
দিয়ে।

মিস রীণা হেসে উঠলো—হাঁ, রিবন সিংয়ের কথা মনে হলে আজও হাসি
পায়। কেমন করে রিবন সিং সেদিন দাঁড়িয়েছিলো আমার দিকে মুখ করে,

পিছনটা ছিলো ওর সমুদ্রের দিকে! গাধাটা ভাবতেও পারেনি আমি তার সঙ্গে মিথ্যা অভিনয় করছি। সে একেবারে মশগুল হয়ে পড়েছিলো আমার প্রেমে। হাসছিলো সে আমার দিকে তাকিয়ে, কি বিশি সে হাসি, আমি বিরক্ত হয়ে উঠলাম, দু'হাতে ঠেলে দিলাম সমুদ্র গর্ভে। আমি জানতাম গর্দভটা সাঁতার জানে না, তাই ওর জন্য ঐ পথ বেছে নিয়েছিলাম।

হিরন্ময় চুরুটে আগুন ধরায়, তারপর বলে উঠে রীণা, তুমি এই বয়সে অনেক কাজ করেছে.....তুমি বাহবা পাওয়ার পাত্রে। আমাদের কোম্পানী তোমাকে মোটা পুরস্কার দান করবে, তাতে কোনো সন্দেহ নেই।

কিন্তু তুমি আমাকে কি পুরস্কার দেবে হিরন্ময়?

যা চাইবে তাই পাবে তুমি।

সত্যি বলছো?

হাঁ, কিন্তু মিস মালাকে কৌশলে তুমি আমার হাতে অর্পণ করবে। অবশ্য এটা তোমার নতুন কাজ।

কিন্তু.....

কোনো কিন্তু নয় মিস রীণা। মিঃ সেনকে হত্যা করে তুমি নতুন রেকর্ড স্থাপন করেছে। জানো মিস রীণা, মিঃ সেন কে এবং কি তার আসল পরিচয় ছিলো?

বিস্ময়ভরা চোখে তাকায় মিস রীণা।

হিরন্ময় বলে—মিঃ সেন আসলে মুসলমান ছিলো, সে হিন্দু নয়।

মিঃ সেন হিন্দু নয়?

না। সে মুসলমান।

সত্যি?

হাঁ, সত্যি সে মুসলমান এবং ফাংহাবাসী। সে আমার দলে যোগ দেবার জন্য নিজ নাম পাণ্টে হিন্দু নাম ধারণ করে আমার দলে এসেছিলো, নাম ছিলো ওর মেহফুজ মাংতী। চালাক মেহফুজ মাংতী মিঃ সেন বনে গেলো এবং উঠেপড়ে সোনা সংগ্রহের কাজে লেগে পড়লো। সে বহু সোনা আমদানী করেছে এবং আমাদের হাতে তুলে দিয়েছে। সে তোমার কাছে বলেছিলো তোমার দূর সম্পর্কের আত্মীয় হয় কিন্তু আসলে সে তোমার কেউ হয় না।

আমি জানতাম তবু তাকে অস্বীকার করিনি।

মিঃ সেন মানে মেহফুজ মাংতী নিজ দেশকে নিঃস্ব করে আমাদের কোম্পানীকে সবল করে তুলেছিলো.....

আর তুমি তাকে তার উপযুক্ত পুরস্কার দিয়েছো?

এ ছাড়া কোনো উপায় ছিলো না মিস রীণা, কারণ যে পরিমাণ সোনা সে আমাদের হাতে তুলে দিয়েছে, তার মূল্য কত তুমিও জানো। কত টাকা যদি আমরা তাকে বুঝিয়ে দিতাম তাহলে...লালবাতি জ্বলতো। মোহাম্মদ একবাল হোসেন, আলী হাসান, তারপর রিবন সিং সবাইকে যদি খতম না করতাম তাহলে আজ নীল সাগরতলে সোনার পর্বত তৈরি হতো না।

এত সোনা, আমাকে দেখাবে না কোনোদিন?

দেখাবো, সময় এলে দেখাবো। সেদিন তুমি হবে আমার জীবনসঙ্গিনী। কত সোনা-দানা আর সুপাকার অর্থ গড়া-গড়ি যাবে তোমার পায়ের তলায়। মিস রীণা, এবার তুমি আংহাবারীর মেয়ে মালাকে আমার হাতের মুঠায় এনে দাও, তারপর কি করতে হয় আমি করবো.....

শেষে মিস মালার প্রেমে পড়বে না তো?

ভ্রুকুঁচকে হাসে হিরন্ময়—জীবনে বিয়ে করিনি। কাউকে জীবনসঙ্গিনী করতেও মন চায়নি। তুমিই শুধু আমার জীবনে একমাত্র.....

তবে আমাকে জীবনসঙ্গিনী করে নিচ্ছে না কেন এতদিন?

নিবো, সময় এলে ঠিকই নেবো, ঘাবড়াবার কিছু নেই। মিস রীণা, হাতে হাত মিলাও.....

মিস রীণা হাত বাড়িয়ে দেয়।

হিরন্ময় হ্যাগুসেক করে রীণার।

বলে মিস রীণা—তোমাকে আমার বিশ্বাস হয় না হিরন্ময়।

কারণ?

কারণ আজও তুমি নীল সাগরের তলে তোমাদের স্বর্ণাগার দেখালে না।

দেখাবো এবং ভালভাবেই দেখাবো.....সেদিন আর বেশি দূরে নয় মিস রীণা।

সত্যি বলছো?

হাঁ সত্যি। তুমি হবে নীল সাগরতলের স্বর্ণাগারের নীল কমল!

নীল কমল!

হাঁ।

এমন সময় হিরন্ময়ের কয়েকজন সহকারী এসে উপস্থিত হলো। উঠে পড়লো হিরন্ময়, জরুরি বৈঠক আছে তাদের।



সর্দার!

বলো রহমান?

আপনি বলেছিলেন কোথাও যাবেন?

হাঁ, আমাকে অনেক দূরে যেতে হবে, ফাংহা সাগরের অনতিদূরে একটা বাংলা আছে, সেই বাংলায় আজ রাত চারটায় গোপন বৈঠক আছে হিরন্ময় ও তার দলবলের। তা ছাড়াও সেখানে থাকবেন ফাংহার কয়েকজন নেতৃস্থানীয় লোক।

সর্দার, এই বৈঠকে আপনি.....

হাঁ, আমি উপস্থিত থাকবো।

বনছুর প্রবেশ করলো ড্রেসিংরুমে।

একটু পরে যখন সে বের হলো তখন তার শরীরে জমকালো ড্রেস। এটা বনছুরের নিজস্ব ড্রেস তাতে কোনো সন্দেহ নেই। মাথায় জমকালো পাগড়ি, কোমড়ের বেলেটে রিভলবার রয়েছে।

বাংলার কক্ষে আয়নার সম্মুখে এসে দাঁড়ালো।

রহমান দাঁড়িয়ে আছে এক পাশে।

বনছুর আয়নায় নিজের পাগড়ীটা ঠিক করে নিয়ে ফিরে তাকালো দেয়ালঘড়িটার দিকে। রাত তখন দুটো বাজে বনছুর বললো—তাজ না থাকায় আমাকে অনেক অসুবিধা পোয়াতে হচ্ছে.....

সর্দার, আমি একটা অশ্ব সংগ্রহ করেছি।

অশ্ব সংগ্রহ করতে সক্ষম হয়েছো?

হাঁ, সর্দার।

বনছুর বললো—রহমান, তুমি সজাগ এবং সতর্ক থাকবে, কারণ এ ডাকবাংলো এখন আমাদের জন্য মোটেই নিরাপদ নয়।

জানি সর্দার।

বনছুর বেরিয়ে এলো ডাকবাংলো থেকে।

রহমানও তার পিছনে পিছনে ডাকবাংলো থেকে বেরিয়ে এলো এবং অন্ধকারে অন্তর্হিত হলো। কয়েক মিনিট অতিক্রম হতে না হতে ফিরে এলো একটি অশ্বের লাগাম ধরে।

বনহর তখন বাংলোর বারান্দায় অপেক্ষা করছিলো।

রহমান অশ্ব নিয়ে আসতেই বনহর এসে দাঁড়ালো অশ্বের পাশে। অশ্বের পিঠে হাত বুলিয়ে আদর করে নিলো সে, তারপর উঠে বসলো।

রহমান কুর্গিশ জানিয়ে একপাশে সরে দাঁড়ালো।



ফাংহা অধিবাসীরা গভীর রাতে শুনতে পেলো অশ্বপদ শব্দ। আতঙ্কিত, হলো তারা রাত্রির নিকম অন্ধকার ভেদ করে কোথাথেকে অশ্ব পদশব্দ শোনা যায় ভেবে পায় না তারা।

কিন্তু সবাই সজাগ হয়ে উঠলো।

ফাংহা অধিবাসীরা বহু অশ্ব পদশব্দ শুনেছে কিন্তু এমন শব্দ তারা কোনোদিন শোনেনি। কেউ যেন হাওয়ার বেগে অশ্বপৃষ্ঠে শক্ত মাটিতে প্রতিধ্বনি জাগিয়ে কোথাও চলে গেলো।

শুধু ফাংহা অধিবাসীদের মধ্যেই কথাটা আলোড়ন সৃষ্টি করলো না, ফাংহা পুলিশ মহলেও সাড়া জাগালো। পুলিশ মহল তটস্থ হয়ে ভাবছে, এভাবে অশ্বচালনা করে গভীর রাতে কে কোথায় চলে যায়—নিশ্চয়ই কোন অজ্ঞাত ব্যক্তির অশ্ব পদশব্দ।

পুলিশ মহল বহু গবেষণা করেও কোনো স্থির সিদ্ধান্তে উপনীত হতে পারলো না। পুলিশ মহল শহরে-বন্দরে—গ্রামে পুলিশ প্রহরী মোতায়েন করলো।

এই অশ্ব পদশব্দ সবাই শুনতে পেলোও স্বচক্ষে কেউ অশ্বারোহীকে দেখেনি বা বলতে পারে না কোনো কথা তার সম্বন্ধে।

নানা জনের নানা কথা চলছে ফাংহা শহরে এই অশ্ব পদ শব্দ নিয়ে।

তখন বনহর তার নির্দিষ্ট জায়গায় গিয়ে উপস্থিত হয়েছে।

গোপন বৈঠক চলেছে হিরন্যয়ের সঙ্গে ফাংহার কর্মকর্তাদের।

বিরাট কক্ষের মাঝখানে একটা গোল টেবিল। টেবিলে নানাবিধ খাদ্যসম্ভার থরে থরে সাজানো। চারপাশ ঘিরে বসেছে বুদ্ধিমান অতিথিগণ। চলেছে অতি গোপনীয় আলোচনা।

দেশের যারা হর্তাকর্তা, যারা দেশের রক্ষক তারাই গোপনে সোনা পাচারের জন্য প্রস্তুতি নিচ্ছে রাতের অন্ধকারে গোপনভাবে। কেউ জানবে না, কেউ বুঝবে না এরা দেশের কতবড় সর্বনাশ করার জন্য প্রস্তুতি নিচ্ছে। তবে হ্যাঁ, পূরণ হবে নিজেদের স্বার্থ, নিজেদের ইমারত গড়ে উঠবে আকাশ চুম্বি হয়ে। ঐশ্বর্যের প্রাচুর্যে বলমল করবে ইমারতের প্রতিটি কক্ষ। দেশের সোনা বিদেশে পাচার করে এই কর্মকর্তা দল হবে এক একজন ধনকুবের। নিঃশেষ হবে দেশ ও দেশের জনগণ।

দেশকে নিঃশেষ করার এ এক নতুন অভিযান।

বৈঠক চলছে, এমন সময় একখানা ছোরা এসে বিদ্ধ হলো টেবিলের বুকে।

চমকে উঠলো অতিথিবৃন্দ।

হিরন্ময় লাফিয়ে উঠে দাঁড়ালো।

আর্ম বলে উঠলো—স্যার, আমাদের গোপন বৈঠকের সন্ধান কেউ পেয়েছে তাহলে?

হিরন্ময় ছোরাখানা তুলে নিলো একটানে, ছোরার বাটে শুধু মাত্র একটা সাংকেতিক চিহ্ন ছাড়া কিছু নেই।

দেশের কর্মকর্তা যারা ঐ গোপন বৈঠকে উপস্থিত আছেন, তারা ঘাবড়ে যায় ভীষণভাবে। এ ছোরা কোথা থেকে এলো, কে নিষ্ক্ষেপ করলো? তবে কি কেউ তাদের এই গোপন বৈঠকের সন্ধান পেয়েছে?

বললেন একজন মহান অধিপতি—হিরন্ময় বাবু, আপনাকে বলেছিলাম অত্যন্ত গোপন স্থানে এই বৈঠকের আয়োজন করবেন।

অপর একজন মহান নেতা বললেন—আপনার জাহাজে এ বৈঠক হওয়া উচিত ছিলো।

প্রথম মহান অধিপতি বললেন—জাহাজে বৈঠক না দিয়ে এ স্থানে বৈঠক দিলেন কেন?

হিরন্ময় বললো—সেখানেও আমি নিশ্চিত নই।

বিস্ময়ভরা কণ্ঠে বললেন একজন— বলেন কি হিরন্ময় বাবু?

হ্যাঁ, ঠিকই বলেছি, কারণ একজন আমার পিছু নিয়েছে এবং সে সর্বক্ষণ আমাকে ফলো করে চলেছে। এ ছোরাখানা সেই নিষ্ক্ষেপ করে আমাকে জানিয়ে দিলো যে আমি তোমার গোপন বৈঠকের সন্ধান পেয়েছি।

কেউ আমাদের ফলো করছে, এ কথা সত্যি?

হঁ।

তা হলে উপায়?

উপায় একটা পথ আমাদের বেছে নিতে হবে। হিরন্ময় দাঁতে দাঁত পিষে বললো—আমিও দেখে নেবো তাকে।

ছোরাখানা যদিও শয়তান ব্যক্তিদের মনে ভয়ের সঞ্চার করলো তবুও তারা দমে গেলো না। নতুনভাবে স্বর্ণ অভিযান চালাবার পরামর্শ করে চললো।

বললো হিরন্ময়—ছোরা নিক্ষেপকারীকে আপনারা না জানলেও আমি জানি। তার পরিচয় আপাততঃ আমি গোপন করে যাবো, কারণ তার মূল উদ্দেশ্য কি জানতে চাই আমি। যদি কৌশলে তাকে হাত করতে পারি তাহলে আমাদের স্বর্ণ অভিযান সার্থক হবে তাতে কোনো ভুল নেই।

বললো আর্ম—মেহফুজ মাংতীর মত ব্যক্তিকে আপনি করায়ত্ত করেছিলেন। কলের পুতুলের মত সে আপনার কথায় উঠতো বসতো, আর রিবন সিং যার প্রচণ্ড দাপটে বাঘ আর ছাগলে একঘাটে পানি খেতো, সেই লোক আপনার কাছে কুঁকড়ে গিয়েছিলো—আপনি তাকে.....

শুধু এরাই নয়, এমনি বহু ব্যক্তিই আমার হাতের পুতুল বনে গেছে, যারা দেশের মহান অধিপতি। কথাগুলো বলে আড়নয়নে তাকালো হিরন্ময় ফাংহা অধীশ্বরদের দিকে। একটু থেমে সে বললো—নতুন এক ব্যক্তির সন্ধান পেয়েছি, যার ঐশ্বর্যের তুলনা হয় না..আমি তাকে আমার মুঠায় নিয়ে আসতে চাই।

মহান অধিপতিদের একজন বললেন—কে তিনি, কি তাঁর নাম হিরন্ময় বাবু?

হিরন্ময় একবার আর্মের মুখে দৃষ্টি নিক্ষেপ করে বললো—তিনি ফাংহার ধনকুবের আংহাবারী। শুধু ধন কুবেরই নয়, তাঁর কাছে যে মজুত সোনা আছে তা বহু ধনবানের ঘরে নেই। আমি এই আংহাবারীকে হাতের মুঠায় আনতে চাই। তাকে করায়ত্ত করতে হলে চাই অসীম সাহস। আপনারা আরও একটা সুযোগ লাভ করবেন, সে হলো আংহাবারীর একমাত্র কন্যা মিস মালা।

মালা নামটা শোনামাত্র ফাংহা অধিপতিদের চোখগুলো চক-চক করে উঠলো, একজন বললেন—আংহাবারী একদিন আমাকে অপমান করেছিলো। হিরন্ময়, তাকে শায়েস্তা করার ব্যাপারে আমি আপনাকে সহায়তা করবো সর্বাস্তবরণে।

অপর একজন বললেন—আংহাবারীর ধনের গর্ব আছে, তিনি কোনোদিন আমাদের পরামর্শ নেন না বা কোনো কাজে আমাদের সহায়তা চান না। এমন কি আংহাবারী সরকারকে.....

প্রথম স্বনামধন্য ব্যক্তি অপরজনের মুখের কথা কেড়ে নিয়ে বললেন—মানতেই চান না।

হাঁ, সেই কারণেই আমি তাঁকে হাতের মুঠায় নিয়ে আসতে চাই এবং আংহাবারীকে হাতের মুঠায় আনতে হলে তাঁর একমাত্র কন্যা মিস মালাকে হাত করতে হবে। কথাগুলো বলে হিরন্ময় তাকালো সেদিনের বৈঠকে যারা উপস্থিত ছিলেন তাদের মুখের দিকে।

স্বনামধন্য ব্যক্তিদের একজন বললেন—আজকের বৈঠক শেষ করে দেওয়া হোক, কারণ আমাদের বৈঠক সম্বন্ধে কোনো গুপ্তচর জ্ঞাত হয়েছে, ঐ ছোরাখানাই তার প্রমাণ।

হিরন্ময় বললো—ঠিক বলেছেন স্যার, আমাদের আজকের এ বৈঠক সুষ্ঠুভাবে সম্পন্ন হলো না।

নতুনভাবে গোপন বৈঠক দেবার কথা চিন্তা করে, সেদিনের মত বিদায় গ্রহণ করলো সবাই।

আড়ালে আত্মগোপন করে বনছর সব লক্ষ্য করলো। অশ্ব তার অদূরে অপেক্ষা করছিলো।

মহান অধিপতিগণ যারা ঐ বৈঠকে উপস্থিত ছিলেন এবং হিরন্ময়ের স্বর্ণ অভিযানের সঙ্গে জড়িত আছেন তারা ছোরার এবং অশ্ব পদ শব্দ নিয়ে গভীরভাবে চিন্তিত হয়ে পড়লেন। পুলিশ মহলকে কঠিনভাবে সজাগ করে দিলেন এ অশ্বপদশব্দ কোন দিকে শোনা গিয়েছিলো আর কোন পথে অশ্বপদ চিহ্ন দেখা গিয়েছিলো।

সন্ধানী পুলিশবাহিনী ছড়িয়ে পড়লো গোটা শহরে।

আর্ম নিজে পুলিশবাহিনী নিয়ে ডাকবাংলো অভিমুখে রওয়ানা দিলো। সে সাধুতার মুখোস পরে যোগ দিলো পুলিশ মহলে।

ফাংহা পুলিশ প্রধান মিঃ লাভালডকে হাত করলো সে কৌশলে।

লাভালড প্রথমে বিশ্বাস করতে চাননি আর্মের কথাগুলো।

লাভালড ফাংহাবাসী নন, তিনি হলেন লেবাননী। তবে চাকরীকালীন বেশ কিছু দিন যাবৎ ফাংহায় অবস্থা করছেন।

আর্ম এলো লাভাল্ডকে সাহায্য করতে। সে এসে জানালো, গভীররাতে যে অশ্বারোহী ফাংহাহার বুকে বিচরণ করে বেড়ায় সে সাধারণ লোক নয় এবং সে একজন দস্যু। ফাংহা অধিবাসীদের সুখ, শান্তি বিনষ্ট করার জন্য সে প্রতিজ্ঞাবদ্ধ।

মিঃ লাভাল্ড উত্তেজিত হয়ে উঠলেন এবং আর্মের সহায়তা কামনা করলেন।

আর্ম বললো—স্যার, আমাকে কিছু সংখ্যক পুলিশ দেন, আমি তাদের নিয়ে অভিযান চালাবো, রাত্রির অন্ধকারে যে দস্যু অশ্ব নিয়ে বিচরণ করে বেড়ায়, তাকে আমি খুঁজে বের করবো।

মিঃ লাভাল্ড খুশি হলেন আর্মের কথায় এবং তাকে পুলিশবাহিনী দিয়ে সাহায্য করবেন।

আর্ম সেখান থেকে বিদায় হয়ে সোজা সে চলে এলো বাংলোর মালী বিহাগীর বাড়িতে। বিহাগী তখন কিছু সুস্থ হয়ে উঠেছে।

আর্ম এসে বললো—বিহাগী তুমি এখন সুস্থ?

হাঁ বাবুসাব, এখন আমি একটু চলতে পারি।

শোন, তোমাকে একটা কথা বলবো বলে এসেছি। তোমাকে একটা কাজ করতে হবে?

বলুন বাবু সাব, কি করতে হবে?

বাংলায় যে বাবু থাকে তাকে তুমি দেখেছো?

দেখেছি, কিন্তু তার সঙ্গে আমার কোন কথাবার্তা হয়নি। তবে কুমার মুখে শুনেছি বাবু খুব ভাল মানুষ.....

বিহাগীর কথায় আর্মের মুখ গম্ভীর হয়ে উঠলো। আপন মনে বললো— ভাল মানুষই বটে। তারপর স্পষ্ট গলায় বললো—বিহাগী তুমি কবে থেকে কাজে যাচ্ছে?

বাবু শরীরটা এখনও দুর্বল, তাই কুমা আমাকে কাজে যেতে দেয়না।

তোমাকেই কাজে যেতে হবে। কুমার আর কাজে যাওয়া চলবে না।

কেন বাবু?

সে কথা পরে বলবো। বিহাগী শোন—যে বাবুর জন্য কুমা রোজ কাজে যায়.....

বাবুর জন্য কুমা রোজ কাজে যায়?

হাঁ, তুই জানিস না বিহাগী, ঐ বাবু তোর মেয়ে বুমার ইজ্জৎ নষ্ট করার জন্য তাকে কৌশলে হাত করছে।

তুই কি বলছিস বাবু?

হাঁ, ঠিক কথাই বলেছি, তোর মেয়ে বুমাকে সে হাত করার জন্য উঠে পড়ে লেগে গেছে। দেখছিস না তাই তো বুমা এসে তোর কাছে তার এতো প্রশংসা করে। শোন, বুমাকে আর যেতে দিবি না ডাক বাংলায়।

আচ্ছা বাবু, আচ্ছা?

শোন বিহাগী।

বল বাবু?

তুই কাল কাজে যাবি, এই নে এই ওষুধটা এটা লুকিয়ে রাখবি যখন বাবুর খাবার টেবিলে সাজিয়ে রাখবে তখন তুই ঐ খাবারের মধ্যে এই ওষুধ মিশিয়ে দিবি। খবরদার, বুমাকে যেন বলবিনা।

ঠিক বুমা ঐ সময় আড়ালে এসে দাঁড়ায়, সে শুনতে পায় আর্মের কথাগুলো। আর্ম তার বাবার হতে একটা কাগজের ছোট্ট মোড়ক দিয়ে বললো—তাকে মোটা বখশীস দিবো, কাজ শেষ হলে বুঝলি?

বাবু আমি এ কাজ পারবো না। বললো বিহাগী মালী।

আর্মের চোখ দুটো জ্বলে উঠলো, বললো সে—কি বললি বিহাগী?

আমি—আমি এ কাজ পারবোনা বাবু.....

কি বললি! আর্ম পিস্তল বের করে চেপে ধরলো বিহাগী মালির বুকে। দাঁতে দাঁত পিষে বলে—পারবি না?

বাবু!

তাকে পারতে হবে।

বিহাগী ওষুধের মোড়কটা হাতের মুঠায় চেপে ধরলো।

বেরিয়ে গেলো আর্ম।

বুমা সরে দাঁড়ালো দরজার আড়াল থেকে।

আর্ম চলে গেলে বুমা প্রবেশ করলো কুঠরীর মধ্যে। বুমাকে দেখেই বিহাগী ডাকলো—বুমা!

বুমা এগিয়ে এলো, সে একটু পূর্বে শুনেছিলো তার বাপু আর বাংলোর সেই বাবুর কথাগুলো। রাগে সে ফুলছিলো কাল নাগিনীর মত।

বাপুর পাশে এসে দাঁড়ালো কিন্তু কোন কথা সে বললো না।

বিহাগী বললো—বুমা, কাল থেকে তুই বাংলায় কাজে যাবি না।

কেন যাবো না?

এখন আমার অসুখ সেরে গেছে, তোর আর যেতে হবে না।

আচ্ছা যাবোনা। কথাটা বলে ঝুমা বেরিয়ে গেলো কুঠরী থেকে।

পরদিন তার বাবা কাজে যাবার পূর্বেই ঝুমা গিয়ে হাজির হলো। বাগানের মধ্যে ফুল ঝাড়ের আড়ালে আত্মগোপন করে দেখতে লাগলো সে।

ঝাড়ু আর খুরপাই হাতে এলো বিহাগী। অসুখে ভুগে ভুগে হাড় জির-জিরা হয়ে উঠেছে তার দেহখানা। চুল কক্ষ, চোখ ঘোলাটে। বিহাগী ঝাড়ু হাতে বাংলো পরিষ্কার করে চলেছে।

ঝুমা দেখছে তাকিয়ে তাকিয়ে।

বাবু ঘরে নেই, বাইরে গেছে কোনো কাজে।

সরাইখানা থেকে বয় এসে টেবিলে খাবার চাপা দিয়ে রেখে গেলো।

সব দেখছে ঝুমা।

তার বাপু এবার প্রবেশ করলো বাবুর ঘরে।

ঝুমা আর স্থির থাকতে পারলো না, সে ফুল ঝাড়ের আড়াল থেকে বেরিয়ে এসে দাঁড়ালো জানালার পাশে, দৃষ্টি নিক্ষেপ করলো কক্ষ মধ্যে। সে দেখতে পেলো তার বাপু খাবারের টেবিলের দিকে এগিয়ে যাচ্ছে। ঝাড়ুখানা সে বগলে চাপা দিয়ে রেখেছে।

টেবিলের পাশে দাঁড়িয়ে ঢাকনা খুলে ফেললো তার বাপু, তারপর কাগজের মোড়ক থেকে গুড়া ওষুধ ফেলে দিলো খাবারের মধ্যে। এবার বিহাগী বেরিয়ে এলো আলগোছে ডাক বাংলোর কক্ষ থেকে।

যেমন বিহাগী দরজার কাছে এসেছে, ঠিক সেই মুহূর্তে বনহর বাইরে থেকে ফিরে এলো। কক্ষ মধ্যে প্রবেশ করতেই ছালাম জানালো বিহাগী।

বনহর বললো—তুমি বুঝি ঝুমার বাবা?

হাঁ বাবু।

তোমার অসুখ সেরে গেছে।

হাঁ, অসুখ সেরে গেছে।

ঝুমা আজ কাজে আসেনি?

না বাবু, ও আর কাজে আসবেনা। কথাটা বলে দ্রুত বেরিয়ে গেলো বিহাগী মালী।

ঝুমা আর আসবে না.....আপন মনে কথাটা বনহর উচ্চারণ করলো। বার বার ওর বাপুর কথার প্রতিধ্বনি হতে লাগলো কানের কাছে, না বাবু ও আর কাজে আসবে না.....

কথাটা শোনার পর কেমন যেন আনমনা হয়ে গেলো বনহর। অন্যমনস্ক ভাবে বসে পড়লো সে একটা চেয়ারে। এই নির্জন বাংলায় মাঝে মাঝে আসতো ঝুমা, চঞ্চল হরিণীর মত তাকাতে, কথা বলতো উচ্ছলভাবে, ভাল লাগতো বনহরের কত কথা বলে তাকে হাসাতে চেষ্টা করতো, আর আসবে না সে.....উঠে দাঁড়ালো বনহর ওদিকের মুক্ত জানালার পাশে গিয়ে দৃষ্টি নিষ্ক্ষেপ করলো সে নীল আকাশের দিকে।

রহমান গেছে আজ কাজে, সে এখনও ফিরে আসে নি। একা নির্জন বাংলায় বড় নিঃসঙ্গ লাগছে বনহরের। বাথরুমে প্রবেশ করে ঠাণ্ডা পানিতে বেশ করে হাত-মুখ ধুয়ে ফিরে এলো কক্ষ মধ্যে।

ঝুমা কিন্তু আড়াল থেকে সব লক্ষ্য করছিলো, সে দেখেছে তার বাপু বাবুর খাবারে বিষ ছড়িয়ে দিয়েছে। বাবু জানে না তার খাবারে বিষ আছে। নিশ্চয়ই বাবু বাথ রুম থেকে বেরিয়ে খাবার খেয়ে নেবে।

ঝুমা অপেক্ষা করছে, তার বাপু বাংলোর কাজ শেষ করে চলে গেলেই সে খাবার সরিয়ে ফেলবে কিন্তু তার পূর্বেই বনহর খাবার টেবিলে এসে বসলো।

ঝুমা চঞ্চল হয়ে উঠেছে, যেমন করে হোক বাবুকে বাঁচাতে হবে।

এমন সময় বিহাগী বাংলোর কাজ শেষ করে নেমে পড়লো নিচের পথে। এদিক ওদিক তাকিয়ে দেখে নিলো সে একবার, মনের মধ্যে ঝড় শুরু হয়েছে তার। লোকটা গরিব বটে কিন্তু শয়তান নয়। পরের অন্যায় করা সে পছন্দ করে না, বরং সে ঘৃণাই করে। আজ সেই বিহাগীকে এত বড় অন্যায় কাজ করতে হলো। বিহাগী মালী পথ চলছে আর বার বার ফিরে তাকাচ্ছে বাংলোর দিকে। বাবুটি হয়তো এতক্ষণ খাবার টেবিলে বসে গেছে! এবার তিনি খেয়ে ফেলবেন খাবারগুলো, তারপর ঢলে পড়বেন চেয়ারের উপরে.....

বাপুকে ডাকবাংলো থেকে নেমে যেতে দেখেই ঝুমা প্রবেশ করলো ভিতরে, ঠিক ঐ মুহূর্তে বনহর খাবার টেবিলে বসে মাত্র খাবার তুলে মুখে নিতে গেছে।

ঝুমা ছুটে এসে খাবার সহ হাতখানা চেপেধরে বনহরের, বাবু ও খাবার তুই খাস্নে.....বাবু.....

বনহর বিস্ময় ভরা চোখে তাকালো ঝুমার দিকে। একটু পূর্বে বলে গেলো বিহাগী মাঝি, ও আর বাংলোর কাজে আসবেনা। খাবার সহ বনহরের হাত খানা তখনও ঝুমার হাতের মুঠায়। বনহর স্থির চোখে তাকিয়ে আছে ওর দিকে।

ঝুমা বললো—বাবু ওতে বিষ আছে ও খাবার তুই খাস্ না।

বনহর বললো—বিষ!

হাঁ বাবু বিষ! ঐ খাবারে বিষ আছে.....

তুমি কি করে জানলে ঝুমা?

বাবু ও কথা তুই জিজ্ঞাসা করিস্ না, আমি বলবো না। আমি বলবো না বাবু, তুই ঐ খাবার খাস্ না।

বনহর হাত থেকে খাবার নামিয়ে রাখলো।

ঝুমা বললো—বাবু আয় আমার সঙ্গে।

কোথায়?

দেখবি আয়। ঝুমা খাবারের থালাটা তুলে নিলো হাতে তারপর বেরিয়ে এলো বাংলোর বারান্দায়।

বারান্দায় পাশেই একটা বেওয়ারিশ কুকুর বসে বসে হাঁপাচ্ছিলো। ঝুমা এক মুঠো খাবার নিয়ে কুকুরটার সামনে ফেলে দেয়।

কুকুরটি ক্ষুধার্তছিলো সে গোত্রাসে খেয়ে ফেলে খাবারগুলো। বনহর আর ঝুমা তাকিয়ে আছে কুকুরটার দিকে। মাত্র কয়েক সেকেণ্ড কেটে গেলো। কুকুরটা কেমন যেন অদ্ভুত স্বরে আওয়াজ করে উঠলো তারপর গড়া-গড়ি দিতে শুরু করলো ঘাসের উপর। কেটে গেলো কয়েক মিনিট ধীরে ধীরে নিস্তেজ হয়ে এলো কুকুরটা তারপর নীরব হয়ে গেলো। ওর মুখ দিয়ে গড়িয়ে পড়লো একরাশ ফেনাযুক্ত লাল।

ঝুমা বললো—বাবু দেখলি, ঐ খাবার খেলে তোর অবস্থা অমনি হতো।

বনহর বুঝতে পারলো ঝুমা তাকে সদ্য মৃত্যুর কবল থেকে রক্ষা করেছে। সে যদি খাবারগুলো খেতো তা হলে আর রক্ষা ছিলোনা। বললো বনহর—ঝুমা তোমাকে কি বলে যে ধন্যবাদ জানাবো ভেবে পাচ্ছি না।

বাবু তোকে বাঁচাতে পেরেছি এই তো আমার আনন্দ। বাবু.....

বনহর নির্বাক দৃষ্টি মেলে তাকায় ঝুমার দিকে।



বিহাগী সবে মাত্র শয্যায় শয়ন করতে যাবে ঠিক ঐ মুহূর্তে অন্ধকারের মধ্যে কে যেন নড়ে উঠলো। বেরিয়ে এলো আর্ম হাতে তার পিস্তল, দাঁতে দাঁত পিষে বললো—বিহাগী!

চমকে উঠলো বিহাগী, সম্মুখে যমদূত দেখার মত ভয়ে ভীত হলো সে।

বিহাগী মালীর বুকটা কেঁপে উঠলো থরথর করে। বললো বিহাগী—বাবু আপনি.....

হাঁ। শয়তান তোকে যে কাজ করতে বলেছিলাম করেছিস?

করেছি বাবু, আপনি যে ওষুধ আমাকে দিয়েছিলেন সেই ওষুধ আমি বাবুর খাবারে মিশিয়ে দিয়েছি।

বিহাগীর বুক পিস্তল চেপে ধরলো আর্ম, কঠিন কণ্ঠে বললো—জানিস, মিথ্যা কথা বললে মরতে হবে?

জানি বাবু, তাই তো আমি আপনার দেওয়া ওষুধ বাবুর খাবারে মিশিয়ে দিয়েছি।

মিথ্যা কথা।

বাবু মিথ্যা আমি বলি না।

তবে তোর সেই বাবু বেঁচে আছে কেন?

বেঁচে আছে? বিহাগীর মুখটা এতক্ষণ বিষাদময় ছিলো, সে জানতো, তার দেওয়া বিষ খেয়ে বাবুটি এতক্ষণ মারা পড়েছে, তাই বুকটা তার দুঃখবনায় অস্থির ছিলো। এখন কথাটা শোনা মাত্র দ্বীপ্ত হয়ে উঠলো মালির চোখ দুটো। আশুন মনেই বললো—বাবু তা হলে মরেনি?

না।

কিন্তু আমি তো বাবুর খাবারে বিষ ঢেলে দিয়েছিলাম।

সত্যি করে বল?

হাঁ, সত্যি করে বলছি।

তবে সে মরলো না কেনো?

জানি না।

সব তোর চালাকী—সব মিথ্যা কথা।

না, না, বাবু আমি চালাকি করিনি, মিথ্যা কথা বলিনি। বাবু কেন মরেনি তাও আমি জানি না।

আর্ম চেপে ধরেছিলো পিস্তলখানা ওর বুকে। এবার সে পিস্তলখানা সরিয়ে নিয়ে শ্লে—যা তোকে এবারের মত মাফ করলাম। পকেট থেকে পুনরায় একটা প্যাকেট বের করে বিহাগী মালির হাতে গুজে দিলো—এই নে, এবার যে ওষুধ দিলাম এটা মিশিয়ে দিবি বাবুর খাবারের সঙ্গে। যদি ঠিক মত কাজ করতে না পারিস, তাহলে এই পিস্তলের একটা গুলী তোকে হজম করতে হবে।

ঝুমা ঐ মুহূর্তে বাড়ি ছিলো না, যখন আর্ম বেরিয়ে যাচ্ছে ঠিক ঐ সময় ঝুমা প্রবেশ করে সেখানে। আর্মকে দেখেই ঝুমা বুঝতে পারে এবং সঙ্গে সঙ্গে শিউরে উঠে, তার দেহের লোম গুলো খাড়া হয়ে যায়। ঐ বাবু যে অহেতুক এখানে আসেনি এটা সত্য।

আর্ম ঝুমার দিকে লোভাতুর দৃষ্টি মেলে তাকায়, তারপর বাঁকা চোখে টিপ্পনী কেটে বলে—আবার আসবো, তোমাকে আমার চাই.....কথাটা চাপা গলায় বলে বেরিয়ে গেলো সে।

ঝুমা ক্রুদ্ধ চোখে তাকালো তারপর দ্রুত কুঠরীমধ্যে প্রবেশ করলো।

বিহাগী মালীর হাতের মুঠায় তখনও কাগজের মোড়কখানা ধরা আছে। ঝুমার দৃষ্টি এড়ায় না, সে বলে উঠে—বাপু তোর হাতে ওটা কি?

বিহাগী মালী তাড়াতাড়ি হাতের মোড় লুকিয়ে ফেলার চেষ্টা করে, বলে—ও কিছু না।

ঝুমার কাছ থেকে সরে যায় বিহাগী।

ঝুমার চোখে মুখে একটা ক্রুদ্ধ ভাব ফুটে উঠে। সে দাঁতে দাঁত পিষে আপন মনে বলে—বুঝেছি, ঐ বাবু তোকে আবার বিষ দিয়েছে, হাঁ, আমিও দেখে নেবো তুই কি করে বাবুকে বিষ খাওয়াস।

ঝুমার চোখের ঘুম ছুটে গেলো, সে সব সময় তার বাপকে পাহারা দিয়ে চলতে লাগলো। কখন বিহাগী মালী কোথায় যায়, সেদিকে রইলো তার খেয়াল।

পরদিন বিহাগী মালী যখন কাজে বের হলো তখন ঝুমাও আড়ালে আত্মগোপন করে বের হলো। সে তার বাপু পৌছবার পূর্বেই পৌছে গেলো ডাকবাংলোয়।

যে কক্ষ বনহর থাকে সেই কক্ষের দরজার আড়ালে এসে লুকিয়ে পড়লো সে।

বনহর তখন রহমানের সঙ্গে কোনো ব্যাপার নিয়ে আলোচনা করছিল, কথা শেষ হলে বেরিয়ে গেলো রহমান।

বনহর বালিশটা বুকের নিচে রেখে উবু হয়ে শুয়ে একটা পত্রিকা টেনে নিলো।

ঝুমা দাঁড়িয়ে আছে আড়ালে, তার দৃষ্টি রয়েছে কক্ষ মধ্যে, বাবুকে সে লক্ষ্য রেখেছে আর লক্ষ্য রেখেছে কক্ষের প্রতিটি জিনিসের প্রতি।

হঠাৎ ফিস ফিস শব্দে ফিরে তাকালো ঝুমা। দেখলো তার বাপু বাংলোর বয়ের সঙ্গে গোপনে কথা বলছে। বয়ের হাতে ট্রে, ট্রের উপরে দু'কাপ চা।

বিহাগী বললো—লিমু এই ওষুধ বাবুর চায়ের সঙ্গে মিশিয়ে দে তোকে বখশীস দিবো।

লিমু ডাকবাংলোর নতুন বয়ের নাম!

লিমু কিছু বুঝতে না পেরে ফ্যাল ফ্যাল করে তাকিয়ে থাকে।

বিহাগী একটা চায়ের কাপে কাগজ থেকে গুঁড়ো গুলো ঢেলে দেয়, তারপর বলে—এই চাটা বাবুকে দিবি আর এই কাপ দিবি বাবুর বন্ধুকে, বুঝলি?

লিমু বললো—আচ্ছা।

বিহাগী কাজে মনোযোগ দিলো।

লিমু চায়ের ট্রে হাতে প্রবেশ করতে যাচ্ছিলো বনহরের কক্ষে। ঝুমা কিন্তু সব দেখেছে, বয় ট্রে হাতে এগিয়ে আসতেই সে আড়াল থেকে বেরিয়ে সম্মুখে দাঁড়ায়। একটু হেসে বলে ঝুমা—লিমু দে, আমার কাছে চায়ের ট্রে দিয়ে দে, আমি বাবুকে চা দিয়ে আসি।

না তুই যা আমি দেই।

লিমু কথা শোন, তুই যা কাজ করগে। আমি বাবুর ঘরে যাচ্ছি তাকে চাটা আমিই দিবো। জানিস, বাবু আমাকে পিয়ার করে।

ও.....বলে একটু হেসে চায়ের ট্রেটা ঝুমার হাতে দিয়ে নিজের কাজে চলে যায় লিমুবয়।

ঝুমা চায়ের ট্রে হাতে কক্ষমধ্যে প্রবেশ করে।

বনহর তখন আপন মনে সংবাদ পত্র পড়ছিলো। সে মনে করে বয় বুঝি চা নিয়ে এলো কারণ একটু পূর্বে রহমান বয়কে চা আনতে বলেছিলো।

সংবাদ পত্র থেকে চোখ না তুলেই বলে বনহর—দে চা এনেছিস।

ঝুমা কোন কথা না বলে পরিস্কার চাটা তুলে দেয় বনহরের হাতে আর যে চায়ে বিষ মিশানো ছিলো ঐ চা সে নিজের হাতে তুলে নেয়।

বনহর চায়ের কাপে চুমুক দিতেই ঝুমা বলে উঠে—বাবু।

কে, ঝুমা!

হাঁ বাবু।

বনহর সোজা হয়ে বসে বলে—অসময়ে তুমি?

এলাম বাবু। একটু থেমে বলে—বাবু তুই চা খেলি।

বনহর অবাক কণ্ঠে বলে—কেনো?

চায়ে বিষ ছিলো।

বিষ!

হাঁ বাবু, এখানে তুই আর থাকিস না, তোকে ওরা বিষ খাওয়াবে। এই কাপে বিষ দিয়েছিল তোকে মেরে ফেলবে বলে। এই কাপ পাল্টে তোকে দিয়েছি। বাবু চলে যা, বাবু আমার কথা শোন তুই, চলে যা।

ঝুমা!

হাঁ বাবু, আমি দেখেছিলাম বলে তোকে বাঁচাতে পারলাম— নাহলে তুই মরে যেতিস, মরে যেতিস।

বনহর চায়ের কাপটা নামিয়ে রাখলো টেবিলে। ঝুমাও বিষ দেওয়া চা জানালা দিয়ে ফেলে দিলো।

আড়ালে দাঁড়িয়ে সব দেখলো আর্ম।

প্রথম দিন বিষ দেওয়া সত্ত্বেও কি করে বাঁচলো তার শত্রু ভেবে পায়নি এ জন্য পরদিন আর্ম নিজে আত্মগোপন করে সব দেখছিলো। দেখলো ঝুমার এ সব কাজ, তার বাপ ঠিকই খাবারে বিষ মিশিয়ে দিয়েছিলো কিন্তু ঝুমাই সব নষ্ট করে দিয়েছে।

আড়ালে দাঁড়িয়ে দাঁতে দাঁত পিষলো আর্ম। মিঃ আলম তার বোনকে হত্যা করেছে, নষ্ট করেছে বোনের সমস্ত সাধনা বিনষ্ট করেছে আলোক স্তম্ভ.....না ক্ষমা নয়, ওকে আমি কিছুতেই ক্ষমা করবো না! আপন মনেই কথাগুলো বলে আর্ম, চোখ দুটো দিয়ে যেন আগুন ঠিকরে বের হলো তার।

বনহর ঝুমাকে লক্ষ্য করে বলছে তখন—ঝুমা তোমাকে কি দিবো যা দিয়ে তোমার এ ঋণ শোধ হবে।

বাবু তুই আমাকে ভালবাসিস্ এই তো আমার পুরস্কার। আমি কিছু চাই না বাবু।

তবু দিবো কারণ তুমি আমার জীবন রক্ষা না করলে আমি এতক্ষণ পরপারে চলে যেতাম। এই নাও ঝুমা আমার এই আংটি তোমাকে দিলাম। বনহর নিজের আংগুল থেকে আংটি খুলে পরিয়ে দিলো ঝুমার আংগুলে। ঝুমার চোখ দু'টো চকচক করে উঠলো আনন্দে।



ঝুমা বেরিয়ে আসতেই একটা ঝোপের আড়াল থেকে সম্মুখে এসে দাঁড়ালো আর্ম, দৃঢ় মুষ্টিতে চেপে ধরলো ঝুমার একখানা হাত।

ঝুমা চিৎকার করে উঠলো, কিন্তু সঙ্গে সঙ্গে ওর মুখ চেপে ধরলো আর্ম, ঝুমার কণ্ঠ থেমে গেলো মুহূর্তে।

ঝুমার কণ্ঠস্বর ডাকবাংলো কাঁচের শালী ভেদ করে বনহরের কানে পৌঁছায় না। বনহর নিশ্চিত মনে সংবাদপত্র পাঠ করে চলে।

ওদিকে তখন আর্ম ঝুমাকে টেনে নিয়ে চলে অন্য দিকে। মুখে তার রুমাল গুঁজে দিয়েছে মজবুত করে, তাই সে আর কোনো শব্দ করতে পারে না।

কক্ষের অভ্যন্তরে এক পাশে একটা কাঠের আলমারী ছিলো। বহুদিনের পুরোন আলমারীটা। কাজেই এ আলমারী কেউ ব্যবহার করে না। আর্ম ঝুমাকে টেনে এনে ঐ আলমারীর মধ্যে বন্দী করে ফেললো, তারপর একটা তালা বন্ধ করে দিলো আলমারীর গায়ে। বেশিক্ষণ বিলম্ব করার সাহস আর্মের ছিলো না। সে ঝুমাকে পুরোন আলমারীটার মধ্যে আটকে রেখে দ্রুত বেরিয়ে গেলো। যাবার সময় বললো—এবার দেখবো কেমন করে বাবুকে তুই বাঁচাস।

আর্ম চলে গেলো।

ঝুমার ক্ষীণকণ্ঠে বেরিয়ে এলো বাবু...বাবু...বাঁচা.... বাবু...বাঁচা.....

আর্ম ঝুমাকে আলমারীর মধ্যে আটকে ফেলতেই—ঝুমার হাত মুক্ত হয়েছিলো, সে মুখের ভিতর থেকে রুমালখানা টেনে বের করে ফেললো। প্রাণপণে ঝুমা চিৎকার করে ডাকলো—বাবু.....বাবু.....বাবু, বাঁচা.....বাবু বাঁচা.....

কিন্তু আলমারীর মধ্যে থেকে শব্দ বাইরে শোনা গেলো না।

ঝুমার কণ্ঠ এক সময় থেমে গেলো।

বিহাগী আর খুঁজে পায় না তার প্রিয় কন্যা ঝুমাকে। মা-মরা মেয়েটিকে বুকে করে বেঁচে ছিলো বিহাগী কিন্তু দু'দিন হলো, আর তাকে খুঁজে পায় না। কোথায় গেলো তার ঝুমা, সে জানে না। পাড়া প্রতিবেশীদের ঘরে ঘরে জিজ্ঞাসা করে বেড়ায় বিহাগী—আমার ঝুমাকে তোরা দেখেছিস?

সবাই বলে—না তোর ঝুমা তো এদিকে আসেনি, তাকে আমরা কেউ দেখিনি।

তবে ঝুমা গেলো কোথায়?

বিহাগী মালী ছুটলো ডাকবাংলো অভিমুখে। বনহর তখন বাইরে বের হবার জন্য তৈরি হচ্ছিলো। বিহাগী এসে দাঁড়ায় বাবু.....

বাবুর সঙ্গে কথা বলতে গিয়ে কেঁপে উঠে বিহাগীর গলা। বাবুর খাবারে বিষ দিয়েছিলো তবু বাবু মরেনি। চায়ের সঙ্গে বিষ মিশিয়ে দিলো তবু বাবু মরলো না। তাজ্জ্বব হয়ে গেছে বিহাগী! বাবু এত বিষ খেয়েও হজম করে ফেললো। বাবু কি তবে যাদু জানে.....

বিহাগীকে নিশ্চুপ দাঁড়িয়ে থাকতে দেখে বনহর জিজ্ঞাসা করে—কিছু বলবে বিহাগী?

হাঁ বাবু।

বলো?

বাবু আজ দু'দিন হলো ঝুমাকে খুঁজে পাচ্ছি না। ঝুমা এখানে এসেছিলো বাবু?

বনহরের মনে পড়লো সেদিনের কথা, ঝুমা তাকে সদ্য মৃত্যুর মুখ থেকে রক্ষা করেছিলো। কেউ তাকে চায়ের সঙ্গে বিষ মিশিয়ে খেতে দিয়েছিলো, ঝুমা সে চা ফেলে দিয়েছিলো জানালা দিয়ে বাইরে। তার পূর্বে একদিন খাবারের সঙ্গে বিষ দিয়েছিল, সে খাবারও ঝুমা তাকে খেতে দেয়নি। সেদিনও ঝুমা তাকে রক্ষা করেছে। বনহর খুশি হয়ে তার আগুলে পরিয়ে দিয়েছিলো তার নিজের আগুলের আংটি। ঝুমার চোখ দুটো খুশিতে দ্বীপ হয়ে উঠেছিলো, তারপর সে বেরিয়ে গিয়েছিলো তার কক্ষ থেকে। ঝুমা সেদিনের পর থেকে আর আসেনি। আজ দু'দিন কেটে গেছে ঝুমা আসেনি। বনহরের মনে পড়েছে ঝুমার কথা কেন সে আসে না, হয়তো কাজে সে ব্যস্ত আছে। ওর বাবা বিহাগী রোজ কাজে আসে, তাকে জিজ্ঞাসা করবে মনে

করেছে বনহর কিন্তু জিজ্ঞাসা করেনি। আজ বিহাগী তাকেই এসেছে জিজ্ঞাসা করতে। ঝুমা তাহলে সেই দিন বাড়ি ফিরে যায়নি। বনহর যখন এসব কথা ভাবছে তখন বিহাগী বলে উঠে। বাবু ঝুমা সেই যে দু'দিন আগে বাড়ি থেকে এসেছে আর সে বাড়ি ফিরে যায়নি.....কথাটা বলতে বলতে গামছায় চোখ মোছে বিহাগী।

বনহর বললো—হাঁ এসেছিলো ঝুমা।

বাবু!

কিছুক্ষণ সে এখানে ছিলো, তারপর সে চলে গিয়েছিলো ডাকবাংলো থেকে।

বাবু মিথ্যে কথা—সে যায়নি.....

বিহাগী মিথ্যে নয় সত্যি।

বাবু আমি ঝুমার জন্য সারাদিন বসেছিলাম, তবু সে যায়নি।

তবে সে গেলো কোথায়?

হাঁ বাবু ঐ এক কথা আমারও, মা-ঝুমা আমার কোথায় হারিয়ে গেলো। বাবু আজ দু'দিন হলো আমি তাকে জঙ্গলে জঙ্গলে পাহাড়ে পাহাড়ে খুঁজে বেড়াচ্ছি তবু তার চিহ্ন পাইনি।

বনহর অন্যমনস্ক ভাবে কিছু চিন্তা করে, তারপর বিহাগীর মাথায় হাত বুলিয়ে বলে—বিহাগী তুমি কেঁদোনা, আমি কথা দিলাম তোমার মেয়েকে খুঁজে বের করে তোমার হাতে তুলে দেবো।

বাবু!

হাঁ বিহাগী তুমি বাড়ি ফিরে যাও।

বাবু.....বিহাগী চোখ মোছে। মনে পড়ে এই বাবুটিকে সে বিষ খাইয়ে হত্যা করতে যাচ্ছিলো, কত মহৎ প্রাণ তার।

বিহাগী চলে যায়।

বনহর একটা সিগারেট বের করে তাতে অগ্নিসংযোগ করে। একরাশ চিন্তা জটলা পাকায় তার মাথার মধ্যে। ঝুমা বেরিয়ে গেলো তার কক্ষ থেকে, তারপর সে গেলো কেথায়।

পায়চারী করে চলে বনহর।

রহমান বেরিয়ে গেছে কাজে। পুলিশ মহল অশ্বারোহীকে খুঁজে বেড়াচ্ছে, কে সেই অশ্বারোহী, যার অশ্বের খুরের শব্দ ফাংহাবাসীর মনে দ্বন্দ্বের সৃষ্টি করেছে—পুলিশ মহলকে সজাগ করে তুলেছে।

বনছুরের হাসি পায়, পুলিশ মহল আসল এবং নকল চেনেনা। তারা অনেক সময় আসল দোষীকে ছেড়ে নির্দোষী ব্যক্তির পিছু ধাওয়া করে। যেমন ফাংহায় কারা অপরাধী তাদের সন্ধান না করে রাতের অন্ধকারে কোনো অশ্বারোহীর অশ্ব-পদশব্দ শোনা গেলো তারই সন্ধান নিয়ে ব্যস্ত হয়ে পড়েছে সবাই।

রহমান তাই গোপনে খোঁজ নিয়ে চলেছে, কোনো পুলিশ মহল কখন তার সর্দারের সন্ধান করছে এবং কিভাবে তারা অগ্রসর হচ্ছে।

বনছুর যখন বুমার কথা নিয়ে ভাবছে তখন কক্ষমধ্যে প্রবেশ করে রহমান।

বনছুরকে দেখেই কুর্গিশ জানিয়ে বললো রহমান—সর্দার।

বনছুর ফিরে তাকাতেই ব্যস্তভাবে বলে রহমান—পুলিশ অশ্ব খুরের সন্ধান নিয়ে ডাকবাংলোর দিকে অগ্রসর হচ্ছে। তারা অঁচিরে এখানে এসে পড়বে।

বনছুরের ঙ্কুঞ্চিত হলো, বললো সে—পুলিশ মহল তা হলে অশ্ব খুরের দাগ ধরে এদিকে আসছে?

হাঁ সর্দার, শীঘ্র আমাদের সরে পড়তে হবে।

কিন্তু ডাকবাংলো ছেড়ে আমার যাওয়া চলবেনা রহমান। তুমি জানো না নতুন এক সমস্যা এসেছে, বুমা হারিয়ে গেছে এই ডাকবাংলো থেকে।

বুমা বিহাগী মালীর মেয়ে?

হাঁ রহমান! বুমার উপকারের কথা কোনোদিনই ভুলবো না। রহমান তুমি জানানো সে আমাকে একবার নয় দু'বার মৃত্যু থেকে রক্ষা করেছে। সংক্ষেপে বুমার উপকারের কথা বললো, সে কেমন করে বার বার তাকে বিষ থেকে রক্ষা করেছে।

রহমানের চক্ষুস্থির, সর্দারকে সে নিপুন দৃষ্টির মধ্যে রেখে পাহারা দিয়ে এসেছে। কিন্তু এমন কঠিন মৃত্যুর মুখ থেকে সর্দার রক্ষা পেয়েছে, ভাবতেই তার বিস্ময় লাগছে। বেশিক্ষণ ভাববার সময়ও নেই। পুলিশ মহল অশ্বপদ চিহ্ন লক্ষ্য করে এগুচ্ছে। আর কিছু সময়ের মধ্যেই তারা ডাকবাংলোর নিকটে এসে পড়বে।

রহমান বললো—সর্দার এখন ভাববার সময় নেই, যা হয় তাড়াতাড়ি করতে হবে।

বনছুর বললো—তুমি আপাততঃ বাংলো ছেড়ে চলে যাও।

আর আপনি?

আমার জন্য ভেবোনা, যাও রহমান।

রহমান বেরিয়ে গেলো।

ওদিকে সন্ধানী পুলিশ বাহিনী অশ্বপদ-চিহ্ন লক্ষ্য করে এগিয়ে আসছে। অশ্বপদ-চিহ্ন ক্রমান্বয়ে ডাকবাংলোর দিকে এগুচ্ছে।

পুলিশ প্রধান পুলিশ বাহিনীকে ডাকবাংলো ঘিরে ফেলার জন্য নির্দেশ দিলো।

সঙ্গে সঙ্গে পুলিশ বাহিনী পুলিশ প্রধানের নির্দেশ পালন করলো, ঘেরাও করে ফেললো ফাংহা ডাকবাংলো। পুলিশ প্রধান প্রবেশ করলো ডাকবাংলোর অভ্যন্তরে। তার পিছনে কয়েকজন পুলিশ।

কক্ষ মধ্যে প্রবেশ করতেই দেখলো—একজন বৃদ্ধ ব্যক্তি বসে আছে সোফায়, তার সম্মুখে কিছু ধর্মীয় পুস্তক। মনোযোগ সহকারে একটি ধর্মীয় পুস্তক পাঠ করে চলেছেন বৃদ্ধ।

পুলিশ প্রধান কক্ষমধ্যে প্রবেশ করে থ' হয়ে দাঁড়িয়ে পড়লেন, সম্মুখে সৌম্য সুন্দর এক জ্যোতিষী মূর্তি। ললাটে তার চন্দনের আল্পনা।

পুলিশ প্রধান মুহূর্ত স্থির হয়ে দাঁড়ালো, শ্রদ্ধায় নত হয়ে উঠলো তাঁর মাথাটা। পুলিশ প্রধান ভাবতেও পারলেন না এই কক্ষে কোনো অসৎ ব্যক্তি আত্মগোপন করে থাকতে পারে।

পুলিশ প্রধানের পিছনে আরও কয়েকজন পুলিশ সেই কক্ষ মধ্যে প্রবেশ করে ছিলো। তারা পুলিশ অধিনায়কের আচরণে বিস্মিত হয়ে গেলো। তারাও এক পা এগুবার সাহস পাচ্ছিলো না।

চোখ মেললেন বৃদ্ধ জ্যোতিষী, অর্ধ মেলিত আঁখি ধীর শান্ত সে দৃষ্টি, বললেন বৃদ্ধ জ্যোতিষী—বৎস তোমরা যে কারণে এখানে আসিয়াছো আমি বুঝিতে পারিয়াছি। অপরাধ তোমাদের নয় অপরাধ আমারই, কারণ দেবদূতকে আমিই বলিয়াছিলাম সে যেন অশ্বযোগে আমার বাংলায় আগমন করে।

পুলিশ প্রধান বিস্ময় ভরা কণ্ঠে বললেন—কে আপনি? আর দেবদূতই বা কে? আমি আপনার কথা বুঝতে পারছি না।

ঠিক ঐ একই প্রশ্ন জাগিতো আমার মনে, যদি না আমি গণনা শাস্ত্রে দীক্ষা লাভ করিতাম। প্রশ্ন জাগিত, কে আপনারা এবং কেনই বা এই নির্জন বাংলোর মধ্যে প্রবেশ করিয়াছেন। কিন্তু সে প্রশ্ন আমাকে আর বিচলিত করিতে সক্ষম নহে। আসুন ইন্সপেক্টর সাহেব—আসন গ্রহণ করুন।

পুলিশ প্রধান থ' হয়ে গেছেন, তার মুখ দিয়ে একটি কথাও উচ্চারণ হচ্ছে না। তিনি যন্ত্র চালিত পুতুলের মত আসন গ্রহণ করলেন। যে সব পুলিশ বাহিনী তাকে অনুসরণ করে কক্ষে প্রবেশ করেছিলো— তারা কিংকর্তব্যবিমূঢ় হয়ে দাঁড়িয়ে আছে।

পুলিশ প্রধান আসনে উপবেশন পূর্বক কোমল কণ্ঠে বললেন—আপনার পরিচয় আমরা জানি না, আর জানি না বলেই আমরা এখানে এসেছি.....

জানি, আপনারা মিথ্যা এক ছলনার পিছনে ধাওয়া করিয়া এখানে আসিয়াছেন। অশ্বারোহীর অশ্বের পদচিহ্ন আপনাদিগকে এখানে টানিয়া আনিয়াছে। বলুন ইসপেক্টর, সত্যি কিনা?

পুলিশ প্রধান বললেন—হাঁ, জ্যোতিষী বাবাজী আপনার কথা সত্য, আমরা অশ্বপদচিহ্ন লক্ষ্য করেই এখানে এসেছি। আমরা.....

হাঁ, আপনাদের ভুল পথে পরিচালিত করা হইয়াছে। আপনারা যে সন্দেহ পোষণ করিতেছেন, তাহা সত্য নহে। যে অশ্বপদ শব্দ ফাংহাবাসী গভীর রাত্রিতে শ্রবণ করিয়াছে, তাহা আমার দেবদূতের অশ্বপদশব্দ। গভীর রাত্রিকালে দেবদূত শহরে-বন্দরে-নগরে অশ্বপৃষ্ঠে ভ্রমণ করিয়া থাকেন।

দেবদূত!

হাঁ, সে এক অশরীরী আত্মা.....একটু থেমে বললেন বৃদ্ধ জ্যোতিষী—আপনারা নিঃসন্দেহে ফিরিয়া যাউন। বিলম্বে বিপদের সম্ভাবনা আছে।

চোখ মুদিলেন জ্যোতিষী।

পুলিশ প্রধান এবার দলবল সহ বিদায় গ্রহণ করিলেন। তাঁর বৃকের মধ্যে আলোড়ন হচ্ছিলো কারণ তিনি জ্যোতিষীগণকে যথেষ্ট শ্রদ্ধা এবং বিশ্বাস করেন।



গভীর রাতে এলো রহমান।

কড়া নাড়তেই দরজা খুলে দিল বনহর।

কক্ষমধ্যে প্রবেশ করে কর্ণিশ জানিয়ে বললো—রহমান—সর্দার, পুলিশ বাহিনীসহ পুলিশ ইসপেক্টর ফিরে গেছেন সত্য, কিন্তু একদল কুচক্রিদল আমাদের ডাকবাংলোর উপর কড়া পাহারা রেখেছে, অবশ্য এরা আর্মের লোক, তাতে কোনো সন্দেহ নেই।

আমি জানি আর্ম আমাদের পিছু লেগে রয়েছে। এই ডাকবাংলোয় আমরা আর বেশিদিন থাকতে চাই না, তবে ঝুমা কোথায় গেলো যতদিন তার সন্ধান না পাওয়া গেছে ততদিন আমাদের এই ডাকবাংলোতেই থাকতে হবে। রহমান তোমাকে এক কাজ করতে হবে।

বলুন সর্দার?

পুলিশ যখন আমাদের পিছু লেগেছে তখন আমরা সম্পূর্ণ নিরাপদ নই। যে কোন মুহূর্তে পুলিশ পুনরায় এসে পড়তে পারে। কাজেই তোমাকে সর্বক্ষণ এই ডাকবাংলোয় থাকতে হবে জ্যোতিষীর বেশে।

সর্দার।

হাঁ, আমার জ্যোতিষী ড্রেস তোমাকেই পরতে হবে। আমি চুপচাপ এখানে থাকতে পারছি না কারণ নীল সাগরের তলে কোথায় আছে সেই স্বর্ণগুহা সেটা আমাকে খুঁজে বের করতেই হবে।

আচ্ছা সর্দার আপনার নির্দেশ মতই আমি কাজ করবো।

বনহর রহমানকে নিয়ে পাশের ড্রেসিং রুমে প্রবেশ করলো। তাকে নিজের হাতে জ্যোতিষীর সাজে সাজালো বনহর। আয়নার পাশে দাঁড় করিয়ে মনোযোগ সহকারে দেখলো, সত্যি ঠিক তারই মত মানিয়েছে।

বললো বনহর—চমৎকার, এবার ঠিক চলবে।

বনহর শিখিয়ে দিলো, পুলিশের লোক এলে তাদের সঙ্গে কিভাবে আলাপ আলোচনা করবে। সে যে ভাবে যে সব কথা বার্তা বলেছিলো ঠিক তেমনি ভাবে বলতে হবে।

রহমান বনহরের দক্ষ সহকারী তাকে বেশি করে শেখাতে হবে না, কেমন ভাবে চলতে হবে জানে সে।

বনহরের জন্য অদূরে কোনো এক গোপন স্থানে অশ্ব অপেক্ষা করছিলো, বনহর রহমানের কাছে বিদায় নিয়ে বেরিয়ে পড়লো।

গভীর রাত।

আবার ফাংহার পাথুরে মাটিতে অশ্বপদ শব্দের প্রতিধ্বনি জাগলো। ফাংহা অধিবাসীরা শিউরে উঠলো, নতুন কোনো বিপদের সংকেত ধ্বনি যাওয়া এটা।

পুলিশ মহল এবার ঘাবড়ালো না, কারণ তারা জানে এটা দেবদূতের অশ্বখুরের শব্দ।

আর্ম কিন্তু নিশুপ ছিলো না, সে পুলিশ প্রধানের কাছে গিয়ে হাজির হলো, এবং জানালো, অশ্বপদশব্দ সম্বন্ধে গভীরভাবে সন্ধান করুন, নিশ্চয়ই এটা কোনো শয়তান লোকের চক্রান্ত।

কিন্তু পুলিশ মহল আর্মের কথায় কান দিলো না। বরং আর্মকে তারা অপমান করে তাড়িয়ে দিলো।

আর্ম আরও ক্রুদ্ধ হলো, সে বিমুখ হয়ে চলে গেলো সেখান হতে।

সোজা সে হিরন্ময়ের কাছে এসে হাজির হলো। কে এই অশ্বারোহী, এই নিয়ে গভীরভাবে পরামর্শ চললো।

আর্ম গলায় জোর দিয়ে বললো—আমাদের গোপন বৈঠকে যে ব্যক্তি ছোরা নিক্ষেপ করেছে, সে অন্য কেউ নয় ঐ অশ্বারোহী। কারণ আমাদের গোপন বৈঠকের অদূরে কাদায় অশ্বপদ চিহ্ন দেখা গেছে।

হিরন্ময় নিজেও এই অশ্বপদ চিহ্ন লক্ষ্য করেছিলো। তাই সে মেনে নিলো, বললো—হাঁ, আর্ম তোমার কথা মিথ্যা নয়, অশ্বারোহীই আমাদের শত্রু এবং ছোরা সেই নিক্ষেপ করেছিলো। কিন্তু কে এই অশ্বারোহী আমি জানি।

আর্ম বিস্মিত হলো, বললো—স্যার আপনি জানেন তবু নিশুপ আছেন? বলুন, কে সে দুষ্টো লোক, যে আমাদের পিছু নিয়েছে।

হিরন্ময় বললো—আর্ম আমি নিজেও তার পিছু নিয়েছি। সে যেমন আমার পিছু নিয়েছে.....একটু থেমে বললো হিরন্ময়—ফাংহা ছেড়ে আমি সরে পড়তাম কিন্তু যতদিন আংহাবারীর ঐশ্বর্য আমি আত্মসাৎ করতে না পেরেছি ততদিন আমাকে ফাংহায় অবস্থান করতেই হবে। জানো আর্ম, গুপ্ত নিজেদের ব্যবসা বাঁচিয়ে রাখার জন্য আমি জাহাজে আস্তানা নিয়েছি, যেন কেউ আমাদের কোনো ক্ষতি সাধন করতে না পারে।

স্যার।

বলো আর্ম?

এখন তা হলে আমার কি কাজ আদেশ করুন?

মিস মালাকে কৌশলে হাত করতে হবে, এ ব্যাপারে আমাদের সবাইকে নানা ভাবে প্রচেষ্টা চালাতে হবে, যেন আংহাবারীর ঐশ্বর্য আমাদের হাত ছাড়া না হয়।

বলুন কি ভাবে আমি অগ্রসর হতে পারি?

মিস রীণা আমাকে এ ব্যাপারে সহায়তা করবে। হিরন্ময় কথাটা বলে কিছুক্ষণ নিশ্চুপ সিগারেট পান করলো—এসো তোমার সঙ্গে গোপনে আলোচনা আছে।

আর্ম বললো—চলুন স্যার।

মোটর বোটে চেপে বসেলো হিরন্ময় আর আর্ম। সমুদ্রের উত্তাল তরঙ্গ ভেদ করে মোটর বোটখানা এগিয়ে চললো। হিরন্ময় নিজে মোটর বোট চালনা করে চলেছে তার পাশে বসে আছে আর্ম।

আর্মের মাথায় ক্যাপ, পরনে ঢিলা প্যান্ট এবং শার্ট! পায়ে বুট জুতা। দেহের রং লালচে এমন কি চোখের রং ওর লাল।

হিরন্ময় খাটি বাঙ্গালি, তার বাড়ি বিদেশে, ভাল ইংরাজি জানে, তাই তার দলের সবার সঙ্গে সে সচ্ছভাবে কথা-বার্তা বলতে পারে।

আর্মের সঙ্গে মিঃ হিরন্ময় ইংরেজিতেই কথাবার্তা বলছিলো।

আর্ম বললো—স্যার আপনার সঙ্গে অনেক দিন ব্যবসা করছি কিন্তু আজও আপনি আমাকে প্রথম সহকারী দলে গ্রহণ করলেন না।

হিরন্ময়ের মুখে একটা মৃদু হাসির রেখা ফুটে উঠলো। সে আর্মের কথার কোনো জবাব না দিয়ে তাকিয়ে আছে সম্মুখে সমুদ্রের ফেন নীভ জলরাশির দিকে।

সমুদ্রের ঘোলাটে জল রাশির মতই অপরিষ্কার তার মনটা। নানা রকম কুৎসিত চিন্তায় আচ্ছন্ন তার হৃদয়। বললো হিরন্ময়—শুধু তুমি নও আর্ম তোমার মত আরও অনেক সহকারী আছে—যাদের আমি আজও প্রথম সারীর সহকারী হিসেবে গ্রহণ করতে পারিনি।

তবে কি চিরদিন.....

না, আরও কিছু সময় আছে তারপর তোমরা হবে আমার বিশ্বস্ত অনুচর।

আর্ম খুশি হতে পারলো না।

কিছুক্ষণের মধ্যে হিরন্ময়ের মোটর বোট এসে পৌঁছে গেলো তার জাহাজের পাশে।

জাহাজের পাশে মোটর বোটখানা ভিড়ার সঙ্গে সঙ্গে জাহাজের গায়ে একটি দরজা বেরিয়ে এলো। হিরন্ময় এবং আর্ম সেই দরজা দিয়ে প্রবেশ করলো জাহাজের ভিতরে।

ঠিক যেন একটা সুড়ঙ্গ পথ।

ঐ পথ বেয়ে উপরে উঠে গেলো হিরন্ময় আর আর্ম।

জাহাজের উপরে এসে পৌছতেই হিরন্ময়ের সহকারীগণ ঘিরে দাঁড়ালো তাকে ।

ডেকে দাঁড়িয়ে হিরন্ময় সহকারীদের নির্দেশ দিলো, কে কোথায় কোন কাজে যাবে এবং কিভাবে কাজ করবে ।

হিরন্ময়ের প্রধান সহকারী কর্ণেল হিপটনকে লক্ষ্য করে বললো হিরন্ময়—
হিপটন তোমার জাহাজ “মুঙ্গের” কি প্রস্তুত?

হাঁ স্যার প্রস্তুত ।

মাল ঠিকভাবে তুলে নিয়েছো?

হাঁ স্যার, কয়লার তলায় কক্ষ দুটো বসিয়ে নিয়েছি । কোনো পুলিশ গোয়েন্দা এর সন্ধান পাবে না ।

খুব সাবধানে যাবে । সন্ধানী পুলিশ, গোয়েন্দার জাহাজ, যদি সন্ধান চালায় তোমরা ঘাবড়াবে না । নীল সাগরের গোপন পথ তোমাদের জানা আছে তো?

আছে স্যার ।

যাও তবে ।

হিপটন চলে যায় ।

অপর একজনকে লক্ষ্য করে বলে হিরন্ময়—তুমি যাবে স্পীডবোট নিয়ে ।
আংহাবারীর কন্যা মালার ভাবী জামাতা কোন তারিখে বিদেশ থেকে ফিরে আসবে—সেই সন্ধান নিয়ে আসবে । আংহাবারী ছাড়া তার ভাবী জামাতাকে কেউ চেনে না এমন কি মিস মালাও তাকে দেখেনি কোনোদিন ।

আর্ম বললো—মিস মালা ও তার ভাবী স্বামীকে দেখেনি?

না, কারণ তার ভাবী স্বামী বিদেশী । আংহাবারী যখন লণ্ডন ছিলেন তখন তিনি তার বন্ধুর ছেলে মাহরুফকে পছন্দ করেন এবং তার সঙ্গে একমাত্র কন্যা মালাও বিয়ে দেবেন কথাবার্তা পাকা করেন ।

তা হলে মালাও দেখেনি মাহরুফকে আর মাহরুফও দেখেনি মালাকে? বললো আর্ম ।

হিরন্ময় বললো—এ কারণেই আমি আংহাবারীর বিপুল অর্থ এবং সোনা নিজেদের আয়ত্তে আনবার নতুন এক পথ আবিষ্কার করেছি । যাও মাংসু আর বিলম্ব করো না । তুমি সংবাদ নিয়ে এলে তারপর আমার কাজ শুরু হবে ।

মাংসু চলে যায় ।

এবার হিরন্ময় বললো—আর্ম, চলো ভিতরে গিয়ে বসে তোমার সঙ্গে আলাপ করি।

হিরন্ময় আর্ম এবং তার আরও কয়েকজন অনুচরসহ ক্যাবিনে এসে বসলো। জাহাজখানা ফাংহা সাগরের মাঝামাঝি স্থির হয়ে দাঁড়িয়ে আছে। এক পাশে হিংগু পাহাড়, অপরদিকে নীল সাগরের মোহনা। এমন জায়গায় হিরন্ময় তার জাহাজখানা রেখেছে যেখান দিয়ে কোন জাহাজ চলাচল করে না। লোকচক্ষুর দৃষ্টি এড়িয়ে গোপন ব্যবসা চালিয়ে চলেছে হিরন্ময়।

জাহাজের নির্ভৃত ক্যাবিনে গিয়ে বসলো, হিরন্ময় দলবলসহ। আর্ম তার সম্মুখে একটি চেয়ারে বসলো।

ততক্ষণে মাংসু একখানা স্পীডবোট নিয়ে রওয়ানা দিয়েছে ফাংহা শহর অভিমুখে। সে আংহাবারীর কন্যা মিস মালার ভাবী স্বামীর সন্ধান নিয়ে ফাংহা এরোড্রামে পৌছবে।

প্রথম অনুচর বিজয়বিহারী রওয়ানা দিয়েছে তার কয়লা বোঝাই জাহাজ নিয়ে। কয়লার নিচে আছে কোটি কোটি টাকার সোনা। বিজয়বিহারী পাকা ধূর্ত ব্যবসায়ী। বহুদিন থেকে সে চোরাকারবার করে আসছে। দেশ-বিদেশ থেকে নানা রকম খাদ্যদ্রব্য সংগ্রহ করাই ছিলো তার কাজ। অবশ্য প্রকাশ্য ব্যবসা তার কয়লার। নিচে চলতো তার গোপন কারবার। এমন কি শিশুখাদ্য নিয়েও বিজয় বিহারী বহবার কয়লা চাপা দিয়ে দেশের বাইরে চালান দিয়েছে। এবার চলেছে সে কয়লার নিচে সোনা নিয়ে।

হিরন্ময় এখন নিশ্চিত, জাহাজে যে সোনা জমা হয়েছিলো সব সে আজ নীল সাগরের তলে গোপন আস্তানায় পাঠাতে সক্ষম হয়েছে। বিজয়বিহারী তার বিশ্বস্ত অনুচর। বিজয়বিহারী নাম তার ছদ্মনাম। প্রকাশ্য তাকে কর্ণেল হিপটন বলেই ডাকে হিরন্ময়। হয়তো হিরন্ময়-এরও কোনো একটা গোপন নাম আছে যে নাম সে গোপনে করে ফাংহায় হিরন্ময় নামে ব্যবসা চালিয়ে চলেছে। তবে সবাই হিরন্ময়কে এ নামেই জানে।

ক্যাবিনে বসে বললো হিরন্ময়—আর্ম, তোমাকে যে-কাজ দেবো তা যেমন সহজ তেমনি কঠিন। তোমাকে পারতেই হবে বুঝলে?

বলুন স্যার কি কাজ?

আমি জানতে পেরেছি আংহাবারীর জামাতা অচিরেই ফিরে আসছে। এলেই বিয়ে হবে মিস মালার সঙ্গে। কিন্তু এ বিয়ে বন্ধ করতে হবে.....

বিয়ে বন্ধ করতে হবে?

হাঁ। তবে বিয়ে হবেই.....

তার মানে? বললো আর্ম।

বিয়ে হবে কিন্তু মাহরুফের সঙ্গে নয়।

স্যার, তবে কার সঙ্গে বিয়ে হবে?

বিয়ে হবে অপর এক যুবকের সঙ্গে। শোন আর্ম, তোমরা সবাই শোন, আমি নতুন এক পথে অগ্রসর হচ্ছি। আর্ম অবশ্য তোমাকেই এ কাজ করতে হবে।

বলুন স্যার?

এমন এক যুবককে খুঁজে বের করো যাকে আমরা মাহরুফ সাজাতে পারবো।

হিরন্ময়ের কথা শুনে অবাক হয়ে তাকিয়ে থাকে সবাই। বলে চলেছে হিরন্ময়—আসল মাহরুফ ফাংহা বিমান বন্দরে অবতরণ করার পর-পরই তাকে সরিয়ে ফেলতে হবে এবং তারই স্থানে আমাদের সংগ্রহ করা যুবকটিকে স্থাপন করতে হবে। মালার সঙ্গে পরিচয় ঘটান পূর্বেই আসল মাহরুফকে সরাতে হবে এ কথা কেউ যেন ভুলে যেওনা।

আর্ম বলে উঠলো—মিস মালা ছাড়াও তার বাবা আংহাবারী থাকবে বিমান বন্দরে, তাঁর চোখে কি করে ধুলো দেবেন স্যার?

আর্ম সে কাজ আমিই করবো। একটু চুপ করে ভেবে নিলো হিরন্ময় তারপর বললো—আংহাবারীকে সর্বপ্রথম সরাতে হবে।

সরাতে হবে?

হাঁ, একেবারে পৃথিবী থেকে সরিয়ে ফেলতে হবে, না হলে আমাদের সব অভিসন্ধি নষ্ট হয়ে যাবে। আমাদের বশীভূত যুবককে মাহরুফ সাজিয়ে তারই দ্বারা মিস মালাকে আয়ত্বে আনতে হবে, তারপর ধীরে ধীরে চলে আসবে আংহাবারীর সমস্ত ধন সম্পদ এবং প্রচুর সোনা। সব কাজ কৌশলে সমাধা করতে হবে। মাহরুফ বিমান বন্দরে পৌছবার পূর্বেই আংহাবারীকে.....বুঝেছো তোমরা?

হাঁ, বুঝেছি।

বলো, কে এই কাজ করতে সক্ষম হবে?

সবাই এ ওর মুখ চাওয়া-চাওয়ী করে নিলো।

আর্ম বললো—যদি আমাকে মোটা অংক দেন তাহলে আমিই এ কাজ সমাধা করবো।

হিরন্ময় বললেন—বেশ তাতেই রাজি আছি। কিন্তু মনে রেখো, যদি এ কাজে অসমর্থ হও তবে আমি তোমাকে ক্ষমা করবো না।

আর্ম বললো—আমি কারো ক্ষমার ভিখারি নই স্যার।

যাও আর্ম তুমি আংহাবারীকে পৃথিবী থেকে সরিয়ে ফেলার জন্য প্রস্তুত হও।

আর্ম হাতে হাত মিলালো হিরন্ময়ের সঙ্গে। তারপর বললো—স্যার আমি তাকে কি ভাবে পৃথিবী থেকে সরিয়ে ফেলবো তার বর্ণনা একটু শুনুন!

বলো আর্ম?

শুনুন, আমি প্রথমে তার বাড়িতে ড্রাইভারের কাজ নেবো। তারপর একদিন সুযোগ বুঝে গাড়িসহ নিষ্ক্ষেপ করবো তাকে হিলড্রগের নিচে।

হিলড্রগ ফাংহার সবচেয়ে উঁচু এবং দুর্গম গিরিপথ। এই পথে ফাংহার যানবাহন চলাচল কালে অত্যন্ত ভীত-আতঙ্কিতভাবে চালক গাড়ি চালনা করে থাকে। আর্ম এই হিলড্রগ থেকেই আংহাবারীকে নিষ্ক্ষেপ করে হত্যা করার অভিপ্রায় প্রকাশ করে।

কিন্তু এ কথায় খুশি হতে পারে না হিরন্ময়। সে বলে উঠলো—না, হিলড্রগ থেকে নিষ্ক্ষেপ করে তাকে হত্যা করা চলবে না, এতে অসুবিধা আছে; বরং তুমি এক কাজ করো।

বলুন স্যার?

তুমি বরং আংহাবারীকে কৌশলে নিয়ে এসো আমার জাহাজে। এখানে তাকে কোনো ব্যবসা ব্যাপারে আলোচনার জন্য নিয়ে আসবে। আলোচনা চলবে জাহাজের ডেকে। যখন কথাবার্তা শেষ হয়ে আসবে, তখন পিছন থেকে আংহাবারীকে টেনে ফেলে দিবে সমুদ্রগর্ভে। বাস্, তাহলে কেউ জানবে না, কোথায় গেলেন আংহাবারী.....সমুদ্রের গহ্বরে তলিয়ে যাবে ফাংহার ধন কুবের। হাঃ হাঃ হাঃ আর্ম তুমি এইভাবে কাজ করবে বুঝলে?

বুঝেছি স্যার। বললো আর্ম।

আরও কিছুক্ষণ চললো হিরন্ময়ের গোপন মিটিং। তারপর বিদায় গ্রহণ করলো আর্ম।

এবার হিরন্ময় নয় আর্ম এসে বসলো স্পীডবোটে। চালক পূর্ব হতেই স্পীডবোটে বসেছিলো, আর্ম এসে বসতেই স্পীডবোট চলতে শুরু করলো।



গভীর রাতে ফিরে এলো বনহর ডাকবাংলোয়। দরজায় মৃদু টোকা দিতেই রহমান দরজা খুলে দিলো। বনহর রহমানকে জ্যোতিষীর বেশে দেখে খুশি হলো, কারণ তাকে ঐ বেশেই বনহর থাকার জন্য নির্দেশ দিয়েছিলো।

রহমান নত মস্তকে দাঁড়িয়ে রইলো।

বনহর শরীর থেকে জামাটা খুলে বিছানার উপর ছুড়ে ফেলে দিয়ে বসে পড়লো, তারপর বললো—রহমান যাত্রা শুভছিলো।

সর্দার!

হাঁ।

সর্দার আপনি ঠিক জায়গায় পৌছতে সক্ষম হয়েছিলেন তো?

একেবারে ঠিক জায়গায় পৌছতে পেরেছি। রহমান অনেক কথা আছে তোমার সঙ্গে?

বলুন সর্দার। কিন্তু তার পূর্বে আপনি খেয়ে নিন। টেবিলে আপনার খাবার সাজিয়ে রেখেছি।

বনহর খাবার টেবিলে এসে বসলো।

রহমান এসে প্রতিটি খাবার থেকে একটু একটু করে খেয়ে নিলো, তারপর বললো—এবার খেয়ে নিন সর্দার।

রহমানের কাজ দেখে হাসলো বনহর, বললো—মৃত্যু যখন আসবে তখন কেউ রোধ করতে পারবে না রহমান। মৃত্যুকে আলিঙ্গন করতেই হবে! খেতে শুরু করলো বনহর।

খেতে খেতে বললো—বসো কথা আছে।

রহমান পাশের আসনে বসলো—প্রশ্ন ভরা দৃষ্টি তুলে ধরলো সে সর্দারের মুখে।

বনহর কিছুটা খাবার খেয়ে নিয়ে বললো—আমি আর্মকে অনুসরণ করে ঠিক জায়গায় গিয়ে হাজির হয়েছিলাম। ইচ্ছা করলে হিরন্ময়ের নীল সাগর তলের ঘাটির সন্ধান আজই করে আসতে পারতাম কিন্তু হলোনা। রহমান, আংহাবারী বলে এক ধন কুবেরু আছেন। শুধু ধন-সম্পদ নয়, তার আছে প্রচুর সোনা। সেই ঐশ্বর্য আর সোনার লোভে আংহাবারীকে হত্যার ষড়যন্ত্র

চলেছে। একটু থেমে বললো বনহর—শুধু তাই নয়, আংহাবারীর ধন-সম্পদ হস্তগত করার জন্য তার কন্যা মিস মালার ভাবী স্বামীকেও সরিয়ে ফেলার চক্রান্ত চলেছে, এবং এ সব চক্রান্তকারী একই ব্যক্তি, যিনি সীমান্তের ওপর থেকে এসে সাধুতার মুখোস পরে এদেশের স্বনামধন্য ব্যক্তিদিগকে নাচের পুতুল বানিয়ে দেশের সম্পদ লুটে নিচ্ছে।

সর্দার একি সেই মহামান্য হিরন্ময়?

হাঁ রহমান, বন্ধু রাষ্ট্রের একজন মহানায়ক হিরন্ময়। শিয়ালের মত ধূর্ত আর শাদ্দুলের মত নিষ্ঠুর। ব্যবসার খাতিরে এই ব্যক্তি শত শত নর হত্যা করে চলেছে। এ দেশের স্বনাম ধন্য ব্যক্তিদের সঙ্গে এমন সুমধুর ব্যবহার করে থাকেন এই কুচক্রি যার জন্য তাকে কেউ অসৎ ব্যক্তি মনে করতেই পারেন না, তাছাড়া ইনি বন্ধু রাষ্ট্রের একজন অধিনায়ক।

সর্দার।

হাঁ, আমি আসল কথা ভুলেই গিয়েছি। যেমন করে হোক আংহাবারীও তার ভাবী জামাতাকে রক্ষা করতেই হবে। তা ছাড়াও রক্ষা করতে হবে আংহাবারীর ধন-সম্পদ।

সর্দার আপনি বললেন আংহাবারীর কন্যা মিস মালার ভাবী স্বামীকে সরিয়ে ফেলার চক্রান্ত চালানো হচ্ছে। আমি ঠিক বুঝতে পারছি না সর্দার আংহাবারীর ভাবী জামাতাকে সরিয়ে ফেলে চক্রান্তকারীর কি লাভ হবে।

সে এক ভীষণ ষড়যন্ত্র! থামলো বনহর, খাওয়া শেষ করে উঠে দাঁড়ালো। এসে বসলো—ভাবী জামাতাকে সবার অগোচরে সরিয়ে ফেলে—চক্রান্তকারী নিজেদের নির্বাচিত কোনো এক যুবককে ভাবী জামাতা সাজিয়ে মালাকে কৌশলে হাতের মুঠায় নিয়ে আসবে তারপর আংহাবারীর ঐশ্বর্য আত্মসাৎ করবে।

সর্দার, এ একটা নতুন কারসাজি দেখছি।

হাঁ, নতুন কারসাজিই বটে। বনহর কথাটা বলে গলার স্বর খাটো করে নিয়ে বললো—রহমান চক্রান্তকারীর সব চক্রান্ত বানচাল করতে হবে। আর্ম এসেছে আংহাবারীর বাস ভবনে তাকে কৌশলে নিয়ে যাবে হিরন্ময়ের জাহাজে। হাত ঘড়ির দিকে তাকায় বনহর—আমি বিলম্ব করতে পারছি না।

সর্দার, আপনি এখনই বের হবেন?

হাঁ রহমান আজ আমার বিশ্রাম হবে না। একটা সিগারেটে অগ্নিসংযোগ করে কয়েক মুখ ধুঁয়ো উপরের দিকে ছুঁড়ে দিয়ে বললো—ঝুমা কোথায়

জানি না। ঝুমাকে খুঁজে বের করতেই হবে। ঝুমাকে না পেলে ওর বৃদ্ধ পিতা বাঁচবে না। রহমান আমি দু'টো সমস্যায় পড়েছি, একটি হলো ঝুমাকে খুঁজে বের করা আর একটা হলো আংহাবারীর জীবন ও তার ঐশ্বর্য রক্ষা করা.....জানি না এ দুটো সমস্যা উদ্ধার করতে পারবো কি না।

সর্দার, আমার মনে হয় ঝুমাকে শয়তান আর্ম সরিয়েছে।

হাঁ, আমারও তাই মনে হয়। ফুলের মত নিষ্পাপ ঝুমাকে ঐ নর পশু.....কথা শেষ না করে বনহর দাঁতে দাঁত পিষিলো।

রহমান বললো—আর্ম কোনো গোপন স্থানে তাকে আটকে রেখেছে.....

শুধু আটকেই রাখেনি, সে তার উপর চালাচ্ছে অমানুষিক অত্যাচার। ঐ পাপিষ্টকে আমি.....

সর্দার, ঝুমাকে উদ্ধার করাই আমাদের প্রথম কাজ। বেচারী সাঁওতাল কন্যা ঝুমা বড় ভাল মেয়ে ছিলো।

হাঁ রহমান, মেয়েটি বড় ভাল ছিলো, তা ছাড়া তার জন্যই আমি সদ্য মৃত্যুর হাত থেকে দু'বার রক্ষা পেয়েছি।

ঠিক বলেছেন সর্দার, ঝুমার উপকারের কথা কোনোদিন আমরা ভুলবোনা।

বনহর আনমনা হয়ে যায়।

রহমান বলে উঠে—সর্দার, আপনি বের হবেন বলেছিলেন যে?

হাঁ রহমান, বেরুতে হ'। উঠে দাঁড়ালো বনহর। ড্রেসিং টেবিলের সম্মুখে দাঁড়িয়ে পোষাক পাল্টে নেয়। কোমরের বেলেটে রিভলবারটা গুঁজে নিয়ে বলে—রহমান, তোমাকে যে ভাবে বলেছি ঠিক ঐ ভাবে কাজ করবে। দিনের বেলায় জ্যোতিষী বেশে থাকলেও রাতের বেলা তুমি ঝুমার সন্ধান করবে। তবে ফল হবে না আমি জানি, কারণ আর্ম এখন আংহাবারী ও তার কন্যা মালাকে নিয়ে ব্যস্ত আছে।

কিছুক্ষণ গোপনভাবে আলোচনা চলে রহমানের সঙ্গে তারপর রাতের অন্ধকারে বেরিয়ে পড়ে বনহর।

জমাট অন্ধকারে ডাকবাংলোর অদূরে একটি টিলার পিছনে এসে দাঁড়ায়। বনহর। নিকটে একটি পাথরের সঙ্গে বাঁধা আছে অশ্বটি লাগামসহ। বনহর অশ্বের লাগাম খুলে নেয়।

তারপর চেপে বসে অশ্ব পৃষ্ঠে।

ফাংহার পাথুরে মাটিতে জেগে উঠে অশ্ব পদশব্দ। পুলিশ বাহিনী মনে করে জ্যোতিষীর দেব দূতের অশ্ব খুরের আওয়াজ। ফাংহাবাসী মনে করে হয়তো কোনো অজানা আগন্তুক ফাংহার বুকে বিচরণ করে বেড়াচ্ছে। তবু তারা আতঙ্কিত হয়, ভীত হয় অজানা আশঙ্কায়।



আর্ম প্রচুর উপটোকন নিয়ে হাজির হলো আংহাবারীর প্রাসাদে। পুরোন আত্মীয়ের পরিচয় দিয়ে আংহাবারীকে বশীভূত করার চেষ্টা করলো সে।

সরল মন ব্যক্তি আংহাবারী খুশিই হলো আর্মকে দেখে, তার আচরণে মুগ্ধ হলেন তিনি। পরম যত্ন সহকারে অন্তপুরে নিয়ে গিয়ে বসালেন।

ধূর্ত আর্ম অন্তপুরে প্রবেশ করে অত্যন্ত নিজের মত করে নানা কথা জিজ্ঞাসাবাদ করতে লাগলো। এমন কি তাঁর ভাবী জামাতা মাহরুফ কবে, কোন প্লেনে, স্বদেশ প্রত্যাবর্তন করছে, সে কথাও জেনেছিলো সে কৌশলে।

আংহাবারী এবং আর্ম যখন অন্তপুরে বসে আলাপ আলোচনা করছিলো তখন মালা এসে উপস্থিত হলো সেখানে। পিতার সঙ্গে কোনো কথার জন্যই সে এসেছিলো হঠাৎ করে। পিতার পাশে একজন অপরিচিত ব্যক্তিকে দেখে মালা বেরিয়ে যাচ্ছিলো কক্ষ থেকে।

আর্ম মালাকে দেখা মাত্র বলে উঠলো—এই বুঝি মালা?

আংহাবারী বললেন—হাঁ, আমার একমাত্র কন্যা মালা এসো মা এসো, ইনি আমাদের আত্মীয় হন।

মালা অবাক চোখে তাকালো আর্মের মুখের দিকে। কোনোদিন সে এই আত্মীয়কে দেখে নাই। এমনকি নামও শোনে নাই।

মালা যখন অবাক হয়ে আর্মের দিকে তাকিয়ে আছে, তখন আর্ম পকেট থেকে একটি মূল্যবান অংগুরী বের করে মালার সম্মুখে বাড়িয়ে ধরে বলে—তোমার জন্য এই অংগুরী এনেছি। বহুদিন পর এলাম কিনা তাই আমাকে চিনতে পারছোনা মালা। সত্যি, কত ছোটটি দেখেছিলাম তোমাকে,—আমি নিজেই অন্য কোথাও হলে তোমাকে চিনতে পারতামনা।

আংহাবারীও আর্মের ব্যবহারে কম অবাক হয়নি? তিনি এই ব্যক্তিকে কোনোদিন দেখেছেন কিনা তাঁর মনে পড়ে না। কিন্তু ভদ্রলোকের আচরণ

এবং কথাবার্তায় তাকে পরম আত্মীয় বলেই মনে হচ্ছে। এমন কি অনেক কথাই ভদ্রলোক বলছেন যা তাঁর জীবনের অনেক ক্ষেত্রেই ঘটেছে।

মালা অংগুরী হাতে না নিয়ে বললো—ওটা বাবার কাছেই রেখে দিন।

আর্ম একটু বিব্রত ভাব মুখে টেনে বললো—বুঝেছি, তুমি আমাকে এখনও আপন জন মনে করতে পারছেন না মালা।

আংহাবারী হেসে বললেন—মা মালা, উনি আরও বহু মূল্যবান জিনিসপত্র এনেছেন। এই দেখো, উপটোকনের সামগ্রীর উপর থেকে আবরণ সরিয়ে ফেলেন আংহাবারী।

মালা সেদিকে না তাকিয়ে বললো—ওটাও আপনি উপটোকনের বস্তুগুলোর সঙ্গে রেখে দিন বাবা। আমার কাজ আছে চলি?

মালা বেরিয়ে গেলো, কতকটা সে ক্রুদ্ধ হলো পিতার আচরণে। কে এই অজানা অচেনা লোক যার উপটোকন বিনা দ্বিধায় তার সরল পিতা গ্রহণ করেছেন।

মালা বেরিয়ে যেতেই আংহাবারী বললেন—একমাত্র মেয়ে কিনা তাই বড় জেদি, আপনি কিছু মনে করবেন না।

আর্ম বললো—না না, আপনার মেয়ে আমার বোনের মত, আমি তার ব্যবহারে মোটেই অসন্তুষ্ট হতে পারি না। তাছাড়া আপনারা তো আমার আপনজন নন।

আংহাবারী নিপুণ যত্ন সহকারে আর্মকে নিজের শয়ন কক্ষে বসিয়ে তার সঙ্গে নানা রকম কথাবার্তা বললেন এবং তার খাবারের ব্যবস্থা করলেন।

বিদায় মুহূর্তে আর্ম একটা আন্ডার জানিয়ে বসলো— আপনি আমার কাকা সমতুল্য যেহেতু আমার বাবা আপনার বন্ধু ছিলেন। আমার একটি অনুরোধ, আপনি আমাদের ওখানে যাবেন।

আংহাবারী বললেন—তা কেমন করে হয়। অসময়ে আমি বাড়ি ছেড়ে কোথায় যাইনা। তাছাড়া মালা এ বাড়িতে সম্পূর্ণ একা। ওর পাশে এমন কেউ নেই যে তার কাছে ওকে রেখে আমি যাবো।

আর্ম হেসে বললো—মালা কচি শিশু নয় তাই আপনি তাকে সব সময় আগলে রাখবেন।

যদিও মেয়ের বয়স হয়েছে তবু ও কচি শিশুর মতই কতকটা। আমাকে ছাড়া ও কিছু বোঝে না। শিশুকালে মা মারা গেছে, এ যাবৎ মালা আমার বুকেই আছে।

হোক, তবু তো তার বোঝার বয়স হয়েছে। আপনি যাই বলুন কাকা আপনাকে একবার আমার ওখানে যেতেই হবে। আর্ম নাছোড় বান্দা, আংহাবারীকে নিয়েই যাবে সে।

আংহাবারীকে শেষ অবধি রাজি হতেই হলো। তিনি বললেন—আমি বৃদ্ধ হয়েছি আজকাল মোটেই বাড়ির বার হই না।

বললো আর্ম—তাতে কি আছে, আমি নিয়ে যাবো আবার আমিই আপনাকে পৌঁছে দেবো। বাবা নাই, তাই বড় সাধ আপনি আমার ব্যবসা কেন্দ্রস্থান দেখবেন।

মালার অলক্ষ্যে আংহাবারী বেরিয়ে গেলেন আর্মের সঙ্গে।

ধূর্ত আর্ম নিজের গাড়ি এনেছিলো। গাড়ি অপেক্ষা করছিলো আংহাবারীর গাড়ি বারেন্দায়।

আর্ম আংহাবারী সহ এসে বসলো গাড়িতে। গাড়ির দরজা সে নিজ হাতে বন্ধ করে দিলো। তারপর ড্রাইভারকে বললো—চলো।

গাড়ি ছুটে বেরিয়ে গেলো আংহাবারীকে নিয়ে তাঁর বাড়ির সদর গেট পেরিয়ে।

ফাংহা শহর অতিক্রম করে গাড়ি ছুটে চললো। রাজপথে অগণিত যানবাহন চলেছে, চলেছে অগণিত মানুষ। আংহাবারীর মুখে মৃদু-মৃদু হাসির আভাস লেগে রয়েছে। পাশে বসে আছে আর্ম।

আংহাবারী বহুদিন বাড়ি ছেড়ে বাইরে বের হননা কারণ তিনি এখন বৃদ্ধ হয়েছেন, কোনো প্রয়োজন হয়ত তার বাইরে বের হবার। অনেক দিন পর বাইরের মুক্ত বাতাসে তার ভালই লাগছে তাকিয়ে তাকিয়ে তিনি উপভোগ করছেন প্রকৃতির সৌন্দর্য।

আর্ম মাঝে মাঝে বৃদ্ধের মুখে তাকিয়ে দেখছে। একটা ক্রুর হাসি ফুটে উঠছে তার মুখে।

গাড়ি যখন শহরের রাজপথ অতিক্রম করে ফাংহা সাগর অগিয়ে চললো—তখন বৃদ্ধ আংহাবারীর হুস হলো। বললেন সি আপনি আমাকে কোথায় নিয়ে যাচ্ছেন?

কেন আমার বাস ভবনে।

এ তো সমুদ্র তীর অভিমুখে গাড়ি যাচ্ছে।

আপনি আমার বাবার বন্ধু তাই প্রথমে আপনাকে নিয়ে যাচ্ছি। আপনি দেখবেন কি ভাবে আমার ব্যবসা

এক
অনেক
আছে
কিনো
কিংবা

সমুদ্র তীরে আপনার ব্যবসা স্থল?

সমুদ্র তীরে নয় সমুদ্র বুকে বলতে পারেন, কারণ ব্যবসা স্থল আমার জাহাজে।

জাহাজে?

হাঁ, জাহাজেই আমার ব্যবসা চলে।

তাহলে আপনি আমাকে.....

হাঁ, জাহাজেই আপনাকে নিয়ে যাবো। আপাতত জাহাজেই আমি বাস করি।

কিন্তু?

কোনো কিছু নেই, আপনি চুপ চাপ বসে থাকুন, আমি আপনাকে ঠিক জায়গায় নিয়ে যাবি।

আর্মের কথায় আংহাবারী খুব খুশি হতে পারলেন না, তিনি বির্মষ মুখে বসে রইলেন।

আর্ম বুঝতে পারলো আংহাবারীর মনে সন্দেহের ছোয়া লেগেছে। বললো আর্ম—আপনি কিছু ভাববেন না, চুপ করে শুধু দেখে যান আমি আপনাকে কোথায় নিয়ে যাই।

আংহাবারীর কথা যেন ফুরিয়ে এসেছিলো, তিনি কি করবেন বা কি বলবেন ভেবে পাচ্ছিলেন না। নিশ্চুপ থাকতেও পারছিলেন না, কারণ এখন আর্মের কথাগুলো কেমন যেন অগোছানো মনে হচ্ছিলো তাঁর।

অলক্ষ্যের মধ্যেই গাড়িখানা পৌঁছে গেলো সমুদ্র উপকূলে। নির্জন সমুদ্র তীর, কোনো জন-প্রাণী এদিকে নেই।

গাড়ি থেকে প্রথমে আর্ম নেমে দাঁড়ালো, গাড়ির দরজা খুলে ধরলো সে—নেমে আসুন।

আংহাবারী ঢোকগিলে বললেন—এ আপনি আমাকে কোথায় নিয়ে এলেন বলুন তো?

বললো আর্ম—চিন্তার কোনো কারণ নাই, নেমে আসুন। কোথায় নিয়ে এলাম বুঝতে পারবেন।

আংহাবারী নেমে এলেন যন্ত্র চালিত পুতুলের মত। তাকিয়ে দেখলেন অদূরে সমুদ্রের ধারে একটি স্পীডবোট অপেক্ষা করছে। একজন চালক বসে আছে স্পীডবোটে।

আর্ম হাত তুলে স্পীডবোটের চালককে স্পীডবোট এগিয়ে আনার জন্য ইঙ্গিত করলো।

স্পীডবোট নিকটে এগিয়ে এলো।

আর্ম বললো—আসুন এবার আমার সঙ্গে।

আংহাবারী এগিয়ে চললেন আর্মের সঙ্গে। মুখমণ্ডল তার বিমর্ষ মলিন। একটা ভীতিভাব ফুটে উঠলো তার চোখে-মুখে। আর্ম তাকে কোথায় নিয়ে চলেছে কি তার উদ্দেশ্য, কিছুই তিনি বুঝতে পারছে না। এখন তিনি ভাবছেন কেন এসেছিলেন। কেন তিনি এই আগন্তুককে বিশ্বাস করে ছিলেন। এই মুহূর্তে তার করবারই বা কি আছে।

আর্ম আংহাবারীকে নিয়ে স্পীডবোটে চেপে বসলো।

চালক আর্মের ইঙ্গিত পেয়ে স্পীডবোট ভাসিয়ে দিলো।

দ্রুতগামী স্পীডবোট তীর বেগে ছুটে চলেছে। চালক অত্যন্ত সতর্কতার সঙ্গে বোট চালনা করছে।

আর্মের মুখে হাসির আভাস, দুষ্টোমির হাসি হাসছে সে মৃদু মৃদু।

আংহাবারীর মুখ মলিন, তিনি কোনো কথা বলতে পারছেন না। তার চোখ যেন ঝাপসা হয়ে আসছে। অসহায়ভাবে তাকিয়ে আছে তিনি সমুদ্রের অঁথে পানির দিকে।

মাথার উপরে সীমাহীন নীল আকাশ।

সূর্যের প্রখর তাপ দগ্ধ করছে বৃদ্ধ আংহাবারীকে। ঘেমে নেয়ে উঠছেন তিনি।

প্রায় সন্কার কাছাকাছি স্পীডবোটখানা হিরন্ময়ের জাহাজের পাশে এসে পৌঁছালো। স্পীডবোট জাহাজের পাশে এসে লাগতেই জাহাজের গায়ে একটি দরজা বের হলো যেন একটি সুড়ঙ্গ পথ।

আর্ম আংহাবারীকে লক্ষ্য করে বললো—চলুন।

আংহাবারীর অবস্থা তখন নিতান্ত শোচনীয়, তিনি ঘেমে নেমে উঠেছেন তাকে সঙ্গে করে আর্ম জাহাজের গায়ে সুড়ঙ্গ পথে অগ্রসর হলো।

স্পীডবোটের চালক বসে রইলো তার জলখানে।

আংহাবারীকে নিয়ে আর্ম হাজির হলো হিরন্ময়ের সামনে।

আংহাবারী মনে করলেন হয়তো এই ব্যক্তি আর্মের বাবা। হয়তো কোনো কালে এর সঙ্গে তার পরিচয় ছিলো। বয়স প্রায় তারই সমান হবে কিংবা

দু'চার বছরের ছোটই হবে তাঁর চেয়ে। তবু হাত বাড়ালেন আংহাবারী, মুখে হাসি টেনে বললেন—আপনি বুঝি.....

হাঁ, আপনি যা মনে করেছেন তাই! বসুন! গম্ভীর কণ্ঠে বললো হিরন্ময়।

আংহাবারীর বুকে এতক্ষণে একটু সাহস এলো। যা হোক এখানে তবু তার বয়সী একজনকে তিনি পেলেন। হাসি ভরা মুখে আংহাবারী প্রতিশ্রুতি করতে লাগলেন তার সঙ্গে আলাপ করার জন্য।

ফাংহার ধন কুবেরু আংহাবারী এ মুহূর্তে অসহায়।

আংহাবারী আসন গ্রহণ করার পর তাঁর চারপাশে এসে দাঁড়ালো বলিষ্ঠ চেহারার কয়েকজন লোক। হিরন্ময় বসে আছেন পূর্ব হতেই একটি আসনে। আর্ম বসলো আংহাবারীর ঠিক পাশে।

আংহাবারীর চেয়ারখানা রাখা হয়েছিলো একেবারে জাহাজের রেলিং এর পাশে।

সবার মুখের দিকে ফ্যাল ফ্যাল করে তাকাচ্ছেন আংহাবারী। ফ্যাকাশে হয়ে উঠেছে তাঁর মুখখানা। আর্মের দিকে তাকাতে তার ঘৃণা বোধ হচ্ছিলো, কারণ ঐ ব্যক্তি তার পরম আত্মীয় সেজে তাকে নানাভাবে ফুসলিয়ে নিয়ে এসেছে এখানে। শয়তান ছাড়াও ও ব্যক্তি কিছু নয় বুঝতে পেরেছেন তিনি।

আংহাবারী জাহাজে এসে সবার আচরণ দেখেই সন্দেহ হয়েছে তার মনে, তবু মিঃ হিরন্ময় বাবুর দিকে করুণ চোখে তাকিয়ে বললেন—আপনারা আমাকে কেন এখানে নিয়ে এলেন? কি চান আপনারা?

হিরন্ময় বললো—আপনাকে এখানে কেন আনা হয়েছে তা একটু পরই জানতে পারবেন। তার পূর্বে একটি প্রশ্নের জবাব আমাকে দিতে হবে।

বলুন, একটি কেন শত প্রশ্নের জবাব দেবো। বলুন আপনারা কি জানতে চান? তবু আমাকে আমার কন্যা মালার কাছে ফিরিয়ে দিয়ে আসবেন তো? অসহায় করুণ কণ্ঠে বললেন আংহাবারী।

হিরন্ময় আর্মের দিকে তাকিয়ে বললো—এর ভাবী জামাতা কবে বিদেশ থেকে ফিরে আসছেন তুমি তা জেনে নিয়েছো আর্ম?

হাঁ, জেনে নিয়েছি।

হিরন্ময় এবার বললো—তাহলে আর কিছু জানার নেই।

আংহাবারী বলে উঠলেন—আমার মাহরুফ কবে বিদেশ থেকে ফিরে আসছে জেনে আপনারদের লাভ কি?

লাভ! প্রচুর লাভ আছে, আপনার বিপুল ধন-সম্পদ আপনার কন্যা মিস মালার তাই না?

হাঁ, আমার অভাবে আমার সব সম্পত্তি মালার।

তাহলে আপনার জামাতা এই সম্পত্তির মালিক হচ্ছে, তাই না?

হাঁ, আমার মাহরুফই আমার ছেলের মত।

আচ্ছা মাহরুফ ছাড়া অন্য যদি কেউ আপনার জামাতা হয়—তাহলে সেই কি আপনার ধন-সম্পদের মালিক হবে না? বলুন? হিরন্ময় আসন ত্যাগ করে উঠে দাঁড়ালো, তার চোখে মুখে ফুটে উঠেছে একটা পৈশাচিক ভাব।

আংহাবারীর অবস্থা করুন, তিনি ঢোক গিলে বললেন—এ সব আপনারা কি বলছেন?

অট্টহাসি হেসে উঠলো হিরন্ময়।

জাহাজে তখন রাতের অন্ধকার ঘন হয়ে এসেছে। লাইটের বদলে চার পাশে চারটা মশাল জ্বলছে। মশালের আলোতে হিরন্ময়কে শয়তান দলের নেতা বলে মনে হচ্ছে।

বললেন আংহাবারী—আপনারা যা চাইবেন আমি তাই দেবো। আমাকে পৌছে দিয়ে আসুন আমার বাড়িতে।

হাঁ, আপনাকে এক্ষুণি আপনার বাড়িতে পৌছে দেওয়া হবে। সে বাড়ি থেকে আর কোনোদিন আপনার মেয়ে মালার কাছে যেতে পারবেন না।

কেন, আমার কি অপরাধ?

অপরাধ মোটেই নেই।

তবে কেন আমাকে আপনারা.....

হিরন্ময় ইঙ্গিত করতেই আর্ম স্বহস্তে বৃদ্ধ আংহাবারীকে ঠেলে দিলো জাহাজ থেকে নিচে সমুদ্র গর্ভে।

অন্ধকারে আংহাবারীর ক্ষীণ কণ্ঠ শোনা গেলো কিন্তু কি বললেন তিনি বোঝা গেলো না।

হিরন্ময় আর্মের দিকে হাত বাড়িয়ে করমর্দন করলো।

হাসলো হিরন্ময়।

এমন সময় এসে দাঁড়ালো মিস রীনা।

গভীর তার মুখমণ্ডল, বললো সে আর কতদিন তোমাদের এই লীলাখেলা চলবে?

হিরন্ময় বললো—যতদিন পৃথিবী বেঁচে থাকবে।

কি বললে? মিস রীনা আজ হিরন্ময়কে তুমি বলে সম্বোধন করে চললো।

হিরন্ময় একটা চেয়ারে বসে বললো—কেনো, আমার সহজ কথাটা তুমি ঝুতো পারছো না রীনা?

পারছি কিন্তু যা তুমি বললে তা কি সত্য? পৃথিবী যত দিন বেঁচে থাকবে—ততদিন তোমার পাপ লীলা চলবে?

হাঁ রীণা, চলবে। আমি মরে যাবো আমার প্রতিটি রক্ত বিন্দু থেকে জন্ম নেবে লাখো হিরন্ময় হাঃ হাঃ হাঃ তারা আমার চেয়ে কোনো অংশে কম হবে না। কাজেই আমি যা বললাম তা মিথ্যা নয়।

রীণা! বলে উঠলো—কিন্তু তোমার মত হিরন্ময়কে নিঃশেষ করার জন্যও জন্ম নেবে লাখো লাখো.....

বলো চুপ করলে কেন? বলো?

লাখো মহৎ প্রাণ ব্যক্তি।

রীণা! তোমার মুখে এ ধরনের কথা শোভা পায় না। তুমিও আমার এ পাপ লীলার সহকারিণী।

তুমিই আমাকে পাপ কাজে লিপ্ত করছো। তোমার কথায় আমি খুন করেছি একটি নয়, দুটি নয়, বহু নিরীহ মানুষকে, আজও তুমি আমাকে ডেকেছিলে, আমি আসিনি। পিতার বয়সী একজন অসহায় বৃদ্ধকে আমি সাগর বক্ষে নিক্ষেপ করতে পারবো না।

তুমি এই প্রথম আমার অবাধ্য হলে মিস রীণা। কিন্তু মনে রেখো তুমি ভাল কাজ করো নি।

এমনি ভয় দেখিয়েই তুমি আমাকে হাতের মুঠায় রেখেছো হিরন্ময়। আমিও ভয় পেয়ে ভীত হয়ে তোমার সব কাজে সহায়তা করেছি কিন্তু.....

চুপ করো, আজ এর বেশি কোনো কথা উচ্চারণ করো না। তা হলে তুমি নীল সাগর তলে নীল কমল হতে পারবে না।

নীল কমল?

হাঁ, তোমাকে আমি নীল সাগর তলের নীল কমল করবো।

সিম রীণার চোখ দুটো জ্বলে উঠলো।



বৃদ্ধ আংহাবারী সাগর বক্ষে নিক্ষিপ্ত হবার সঙ্গে সঙ্গে স্পীডবোট থেকে চালক ঝাপিয়ে পড়লো, শব্দ লক্ষ্য করে। অন্ধকার হলেও আবছা আবছা দেখা যাচ্ছিলো সবকিছু। চালক আংহাবারীর দিকে সঁতার কেটে এগুলো এবং কৌশলে আংহাবারীকে ধরে ফেললো।

আংহাবারী সাগরবক্ষে নিক্ষিপ্ত হবার পর পরই সংজ্ঞা হারিয়ে ফেলেছিলেন, তলিয়ে যাচ্ছিলেন তিনি দ্রুত গতিতে।

স্পীডবোটের চালক তাকে তুলে নিলো কাঁধে এবং স্পীডবোটের দিকে সঁতার কেঁটে এগিয়ে চললো।

স্পীডবোটখানা পূর্ব হতেই জাহাজের সঙ্গে মজবুত করে বাঁধা ছিলো, তাই চালক আংহাবারীর সংজ্ঞাহীন দেহটা নিয়ে অতি সহজেই স্পীডবোটে চেপে বসলো।

সাগরবক্ষ শান্ত এবং স্থির ছিল, তাই সহজেই স্পীডবোটের চালক আংহাবারীকে উদ্ধার করতে সক্ষম হলো।

আংহাবারীর সংজ্ঞাহীন দেহটা স্পীডবোটে তুলে নিয়ে রশি খুলে দিলো চালক দ্রুত হস্তে। রশি খুলে দেবার সঙ্গে সঙ্গেই স্পীডবোট স্টার্ট দিলো সে।

স্পীডবোটখানা উচ্চ বেগে ছুটে চললো অন্ধকার সাগরবক্ষ ভেদ করে।

তখন হিরন্ময় দলবল নিয়ে ফুটি করে চলেছে।

আর্ম বললো—স্যার, প্রথম কাজ শেষ হলো আমার পাওনাটা?

পাবে পাবে এইত সবে শুরু। প্রথম কাজ শেষ হলো এবার দ্বিতীয় কাজ, মাহরুফ বিদেশ থেকে আসার সঙ্গে সঙ্গে তাকে উধাও করা এবং আমাদের নির্বাচিত কোন যুবককে মাহরুফ বানিয়ে মিস মালার পাশে তার ভাবী স্বামীর বেশে অভিনয় করা.....

আর তৃতীয় কাজ?

তৃতীয় কাজ হলো আংহাবারীর সব ঐশ্বর্য ধীরে ধীরে আত্মসাৎ করা। তখন শুধু তুমি নও আমার সব সহকারীগণকে পাওনা মিটিয়ে দিবে। সিম্বো, আর্ম আর হিরোসু তোমরা তিনজন মিলে খুঁজে বের করো এমন এক যুবক, যে আমাদের কথায় রাজি হবে। অবশ্য যে রাজি না হবে তার জন্য আছে রিভলবারের একটি গুলী। হাঁ, তাকে আরও বলে দিও, আমাদের হাতের পুতুল হয়ে তাকে কাজ করতে হবে।

সিম্বো, আর্ম আর হিরোসু সম্মতি জানালো।



এরোড্রামে প্লেন পৌঁছতেই দু'জন লোক এগিয়ে গেল।

প্লেন থেকে নেমে এলো মাহরুফ।

ফাংহায় তার আপনজন কেউ নেই। শুধু আছে তার ভাবী বধু মালা ও তার বাবা আংহাবারী। মাহরুফ মালাকে দেখে নাই কোনোদিন, আংহাবারীকে সে জানে এবং চেনে। এরোড্রামে আংহাবারী তার কন্যা মালা সহ উপস্থিত থাকার কথা আছে কিন্তু মাহরুফ কাউকেই দেখতে পায় না।

কু'চক্রি হিরন্ময়ের চক্রান্তে মাহরুফের পৌছবার পূর্বেই কৌশলে আর্ম মালার যাত্রা বন্ধ করে দিয়েছে। কালো পোশাক পরে হঠাৎ এসে উপস্থিত হয়েছে আর্ম মালার বাড়িতে।

মালা তখন এরোড্রামে যাবার জন্য প্রস্তুত হচ্ছিলো, ঠিক ঐ মুহূর্তে আম চোখে রুমাল চাপা দিয়ে হাজির হলো। যদিও মালা আর্মকে দেখবা মাত্র ক্রুদ্ধ হয়ে উঠেছিলো তবু সংযত হলো সে পিতার সংবাদ জানার জন্য। মালা জানতো ঐ লোকটির সঙ্গে তার বাবা বেরিয়ে গিয়েছিলেন কিন্তু আর তিনি ফিরে আসেন নি।

তিন সপ্তাহ কেটে গেছে, মালা কেঁদে কেটে অস্থির হয়ে পড়েছে। সংবাদপত্রে পিতার নিরুদ্দেশ ব্যাপার নিয়ে নানাভাবে বিজ্ঞপ্তি দিয়েছে, তবুও পিতার কোনো সন্ধান সে পায়নি।

আজ সেই আগন্তুকটিকে সম্মুখে পেয়ে মালার অবস্থা অবর্ণনীয় হয়ে উঠলো, তবু সে স্থিরভাবে এসে দাঁড়ালো আর্মের সম্মুখে।

আর্ম মালাকে দেখবা মাত্র হাউ-মাউ করে কেঁদে উঠলো, তারপর বাষ্পরুদ্ধ গলায় বললো—বোন, আমি দুঃখিত, সেদিন এক দুর্ঘটনায় পিতৃসমতুল্য আংহাবারী নিহত হয়েছেন। এমন কি তার লাশও খুঁজে পাওয়া যায়নি।

কোথায় কি ভাবে তার বাবা নিহত হয়েছেন এবং কেনই বা তার লাশ পাওয়া যায়নি এর কিছুই শোনার জন্য মালা আগ্রহ প্রকাশ করে নি। শুধু তার কানে পৌছেছিলো পিতৃসমতুল্য আংহাবারী নিহত হয়েছেন.....এর বেশি মালা আর কিছু শুনতে পারেনি। কারণ ছুটে চলে গিয়েছিলো অন্তপুরে এবং আছাড় খেয়ে পড়েছিলো পিতার শূন্য বিছানায়। তারপর সংজ্ঞা হারিয়ে ফেলেছিলো মালা।

সেই সুযোগ নিয়ে আর্ম এসে উপস্থিত হয়েছিলো এরোড্রামে। গাড়িখানা প্রস্তুত ছিলো এরোড্রামের বাইরে।

মাহরুফ এগিয়ে আসতেই আর্ম তাকে অভ্যর্থনা জানিয়ে চোখে রুমাল চাপ দিয়ে কেঁদে উঠলো। মাহরুফ প্রথমে অবাক হলো তারপর জিজ্ঞাসা করলো—আপনি কে এবং কেনই বা কাঁদছেন?

আর্ম রুমালে চোখ মুছতে মুছতে বললো—দুঃসংবাদ, গত কয়েক দিন পূর্বে আপনার ভাবী স্বশুর আংহাবারী কোনো এক দুর্ঘটনায় নিহত হয়েছেন এ কারণে মালাও আসতে পারেনি। আমি এসেছি আপনাকে নিয়ে যাবার জন্য।

মাহরুফ কথাটা শুনে উচ্ছসিতভাবে কেঁদে উঠলো। পর মুহূর্তে নিজেকে সংযত করে নিয়ে এগুলো সে আর্মের সঙ্গে সঙ্গে।

গাড়ি অদরে অপেক্ষা করছিলো।

আর্ম গাড়ির পাশে এসে দাঁড়াতেই ড্রাইভার গাড়ির দরজা খুলে ধরলো।

আর্ম বললো—উঠুন।

মাহরুফ গাড়িতে উঠে বসলো।

গাড়ি জনমুখর রাজপথ বেয়ে এগিয়ে চললো। নির্জন একটি বাড়ির সম্মুখে এসে থামলো গাড়িখানা। মাহরুফ অবাক হলো, সে জানতো তার ভাবী স্বস্তুর বাড়ি সাধারণ বাড়ির মত নয়। রাজ প্রাসাদ সমতুল্য বাড়িই হবে কিন্তু একি এমন অন্ধকারময় জনহীন বাড়ি ব্যাপার কি। মাহরুফ কম অবাক হলো না।

ড্রাইভার গাড়ির দরজা খুলে ধরতেই নেমে দাঁড়ালো আর্ম, বললো— আসুন।

মাহরুফ নেমে দাঁড়ালো। কেমন যেন সন্দেহ পূর্ণ দৃষ্টি নিয়ে তাকাতে লাগলো সে বাড়িখানার দিকে। বাড়ির গেটে কোনো প্রহরী নাই বা নেই কোনো লোহার ফটক। সে জানতো আংহাবারী ফাংহা শহরের সবচেয়ে ধনবান ব্যক্তি অথচ.....

মাহরুফের চিন্তা ধারায় বাধা পড়ে বলে উঠে আর্ম— দাঁড়িয়ে রইলেন কেন ভিতরে চলুন।

হুস হলো মাহরুফের সে আর্মের সঙ্গে ভিতর বাড়ির দিকে পা বাড়ালো।



আর্ম এবং তার সঙ্গীদ্বয় একটি ভদ্র সন্তানকে পাকড়াও করে নিয়ে এলো। তাকে চাকরি দেবে বলে নিয়ে এলো তারা নিজেদের আস্তানায়।

যুবক সবে মাত্র পাশ করে বেরিয়েছে। চেহারা সুন্দর, ব্যবহার অমায়িক। চাকরির সন্ধানে ঘুরে বেড়াচ্ছিলো এমন সময় আর্মের সঙ্গে দেখা এবং পরিচয়।

যুবকের নাম আলমা হক।

আর্ম বললো—শোন আলমা তোমার চাকরি হবে কিন্তু প্রথমেই তোমাকে নাম পাল্টাতে হবে রাজি আছো?

আলমা এখন অসম্মত চাকরি তার চাই। পৃথিবীতে তার কেউ নেই। অনেক কষ্ট করে লেখাপড়া শিখেছে কিন্তু আর পারছে না কতদিন উপোস দিয়ে কাটানো যায়। আলমা আর্মের কথায় রাজি হলো।

আর্ম এরপর বললো—নাম পাল্টে তোমার নাম হবে মাহরুফ। তোমাকে আংহাবারীর কন্যা মিন মালার সঙ্গে তার ভাবী স্বামীর অভিনয় করতে হবে।

এবার আলমা অকস্মাৎ আঁতকে উঠলো। চোখ দুটো স্থির হলো আর্মের মুখের উপর।

আর্ম বুঝতে পারলো তার কথাটা ঠিকমত গ্রহণ করতে পারছে না। আর্ম সঙ্গীদের দিকে তাকালো তার দুজন সঙ্গী সিম্মো আর হিরোনু।

তারা সজাগ হয়ে দু'জন দুপাশে দাঁড়ালো আলমার! আলমা-এর ওর মুখে তাকাতে লাগলো।

বললো আর্ম—আমি আমার কথায় রাজি না হও তবে...একখানা ছোরা বের করে টেবিলের মাঝখানে গেঁথে ফেললো।

চমকে উঠলো আলমা।

আর্ম বললো—রাজি?

আলমা অসহায়ভাবে তাকালো আর্মের দিকে, তারপর দৃষ্টি তার ফিরে এলো টেবিলে গাঁথা ছোরাখানার দিকে। ঢোক গিলে বললো আলমা—আচ্ছা আমি রাজি আছি, আপনারা যা বলবেন তাই করবো।

আর্ম এবার বন্দী মাহরুফের পোশাক পরিচ্ছদ এনে পরিয়ে দেয় আলমার দেহে। তাকে মাহরুফ সাজিয়ে পুনরায় ওরা গাড়িতে বসিয়ে নিয়ে চলে আংহাবারীর বাস ভবনে।

মালা তো কেঁদে কেটে অস্থির হয়ে পড়েছে, পিতার নিহত হবার সংবাদ তাকে একেবারে শোকাভূর করে তুলেছে।

মাহরুফ বেশী আলমাকে নিয়ে আর্ম এক সময় পৌঁছে গেলো আংহাবারীর বাসভবনে।

মাহরুফকে দেখে বাড়ির সবাই খুশি হবার কথা। মহা ধুম-ধাম সহকারে আজ সে এ বাড়িতে আসবে তা নয় একটা অনাড়ম্বর পরিবেশে এলো মাহরুফ।

বাড়ির সবাই তাকে সানন্দে অভ্যর্থনা জানালো। মালাও এলো অশ্রু ভারাক্রান্ত নয়নে মাহরুফকে অভিনন্দন জানালো।

আলমা তো আসলে মাহরুফ নয় তাই তার মনে দ্বন্দ্ব-দ্বিধা আর সঙ্কোচিত ভাব। আর্ম তাকে সাহায্য করে চললো, কিভাবে কেমন আচরণ করবে, কিভাবে সে কথাবার্তা বলবে। কিভাবে সে খাবার টেবিলে বসে কাটা চামচে বিদেশ ফেরতাদের মত খাবে।

আলমা বিব্রত বোধ করছিলো। তবু সে আর্মের রক্ত চক্ষুর ভয়ে নীরবে তার নির্দেশ পালন করে চললো।

মালা শোকে মুহ্যমান, তাই তেমন করে তার ভাবী স্বামীকে সমাদর জানাতে পারছিলো না। এমনকি খাবার টেবিলেও সে এসে বসতে পারছিলো না। সব সময় অশ্রুসিক্ত নয়নে পিতার কথা চিন্তা করছিলো।

ধূর্ত আর্ম সুযোগ খুঁজছিলো কি করে আলমার সঙ্গে মালার মিলন করবে সে।

মালা যখন নিজের ঘরে বসে গভীর চিন্তায় মগ্ন তখন আর্ম আলমাকে নিয়ে হাজির হলো সেখানে।

মালা এলোমেলোভাবে বসেছিলো, আর্মের সঙ্গে তার ভাবী স্বামীকে তার কক্ষে প্রবেশ করতে দেখে বিরক্ত বোধ করলো কিন্তু প্রকাশ্যে কিছু বললো না সে।

আর্ম হেসে বললো—বোন আপনি পিতার শোকে কাতর, তাই মাহরুফ এসেছে আপনাকে সান্ত্বনা দেবার জন্য।

মালা দৃষ্টি তুলে ধরলো আলমার মুখের দিকে।

আর্ম আলমার পিঠে মৃদু চাপ দিয়ে কিছু ইংগিত করে বেরিয়ে গেলো সেই কক্ষ থেকে।

মাহরুফবেশী আলমা মাথা নত করে দাঁড়িয়ে রইলো।

আর্ম বেরিয়ে যাবার পর মাহরুফ কোনো কথা না বলে বা তাকে সান্ত্বনা বাক্য না জানিয়ে নীরবে দাঁড়িয়ে রইলো। মালা অবাক হলো, বিদেশ থেকে ফিরে এসেছে অথচ এমন আচরণ বিস্ময়কর বটে। সেই যে আসার পর থেকে কয়েক বার সামনা-সামনি হয়েছে মালা ওর কিন্তু এখন পর্যন্ত একটি কথাও হয়নি তাদের মধ্যে।

অগত্যা মালাই এগিয়ে এলো, রুমালে নিজের চোখ মুছে বললো—জানি আপনি বাবার জন্য দুঃখ পেয়েছেন। সত্যি বাবার মৃত্যু একেবারে বিস্ময়কর, আমরা কেউ ভাবতে পারিনি যে তিনি আমাদের এভাবে ছেড়ে যাবেন।

আলমা পুনরায় চোখ তুললো, আর্ম তাকে শিখিয়ে দিয়েছে মালাকে সান্ত্বনা দিতে হবে। বললো আলমা—বাপ-মা কারো চিরদিন থাকে না, বাবা মারা গেছেন তাতে দুঃখ করে লাভ নেই.....

মালা আলমার কথায় সন্তুষ্ট হতে পারলো না, সে চুপ করে দাঁড়িয়ে রইলো।

বললো আলমা—যদিও আমি আপনার বাবাকে স্বচক্ষে দেখিনি.....

এঁ্যা কি বললেন?

সঙ্গে সঙ্গে নিজের ভুল স্বরণ হলো, বললো আলমা—দেখেছি কিন্তু.....

থাক্ সে কথা, আপনি বসুন।

বসলো আলমা।

মালাও এসে বসলো তারপাশে একটা চেয়ার টেনে।

আড়াল থেকে সব লক্ষ্য করছিলো আর্ম। সে ভাবছে কোন রকমে মালার সঙ্গে মিলন হলেই বিয়ের দিনটা ঠিক করে ফেলবে। আলমার সঙ্গে যদি

মালা চিরদিনের জন্য আবদ্ধ হয় তাহলে আংহাবারীর ঐশ্বর্য ধন-সম্পদ করায়ত্ত করতে বেশি সময় লাগবে না।



চোখ মেলে তাকালেন আংহাবারী। পাশে উদ্ভিগ্ন দৃষ্টি নিয়ে তাকিয়ে আছে একটি লোক। কে এই ব্যক্তি আর কোথায়ই বা তিনি এখন শুয়ে আছেন।

আংহাবারীকে চোখ মেলতে দেখে বললো লোকটি—আপনি চূপ করে শুয়ে থাকুন।

আংহাবারী বললেন—আমি এখন কোথায়?

ফাংহার কোন এক নির্জন স্থানে আপনি এখন শুয়ে আছেন!

আপনি কে? এবং কি আপনার পরিচয়? আপনি কি সেই নরপশুদের দলের কোন লোক?

বললো সে—আমি যেই হইনা কেনো, আপনার বন্ধু লোক। আপনার কোন ক্ষতি সাধন করবোনা। আপনি নিশ্চিন্তে ঘুমান।

কিন্তু যতক্ষণ আপনার পরিচয় জানতে না পারবো—ততক্ষণ আমি নিশ্চিন্ত হতে পারছি না। বলুন আপনি কে?

আংহাবারী নাছোড়বান্দা হয়ে পড়লেন। তিনি আরও বললেন—যে শয়তান আমাকে সঙ্গে করে নিয়ে গিয়েছিলো, আপনি তার দলের লোক নন আমি বুঝতে পেরেছি। আরও বুঝতে পেরেছি আপনি কোন মহৎ ব্যক্তি।

স্পষ্টভাষী বৃদ্ধ আংহাবারী এতোগুলো কথা এক সঙ্গে বলে থামলেন। রীতিমত হাঁপাচ্ছিলেন বৃদ্ধ ভদ্রলোক। তিনি যতক্ষণ জানতে না পারছেন, সেই দুঃস্থলোকের কবল থেকে রক্ষা পেয়েছেন, ততক্ষণ আশ্বস্ত হতে পারছেন না। তাই পাশে যে ব্যক্তি বসেছিলো সে বললো—আমিই আপনাকে সদ্য মৃত্যুর হাত থেকে উদ্ধার করে নিয়েছি—কাজেই আমি আপনার বন্ধুজন একথা কি আপনার মনকে নিশ্চিন্ত করতে পারেনা?

আংহাবারী বললেন—না, আমি জানতে চাই কে আপনি, যার ক্ষমতা অসীম! সাগর গহ্বরে আমি তলিয়ে গিয়েছিলাম কিন্তু সেই অতল গহ্বর থেকে কি করে আপনি আমাকে রক্ষা করতে সক্ষম হলেন, নিশ্চয়ই আপনি সাধারণ ব্যক্তি নন.....

আপনি বেশি ভাবছেন কিন্তু আসলে আপনাকে উদ্ধার করতে আমার বেশি বেগ পেতে হয়নি কারণ আমি তখন সাগর বক্ষেই ছিলাম।

তাহলে আপনি.....

আমি সেই স্পীড বোট চালক।

আপনি...আপনি এতো মহৎজন?

মহৎ কিনা জানিনা তবে লোকের বিপদ মুহূর্তে আমি নিশ্চুপ থাকতে পারিনা। আপনি সুস্থ হয়ে উঠুন আমি আপনাকে সব বলবো।

এখানে যখন মৃত্যুপথের যাত্রী আংহাবারী কথা-বার্তা বলছিলেন তখন হিরন্ময় ও মিস রীণা আলাপ আলোচনায় মগ্ন। বললো হিরন্ময়—মালা এখন অনেকটা সামলে নিয়েছে বলে জানিয়েছে আর্ম। আলমা নামক যুবক তার সঙ্গে মাহরুফের অভিনয় করে চলেছে। অবশ্য প্রথম নাকি আলমা এ ব্যাপারে রাজি হচ্ছিলো না। কিন্তু আর্ম তাকে কৌশলে বাগে এনেছে.....

হিরন্ময় তোমরা শুধু আলমাকেই নয় সবাইকে কৌশলে বাগে এনে কার্যসিদ্ধ করে নাও। নিজেদের স্বার্থসিদ্ধ ছাড়া তোমাদের কোন চিন্তা নাই।

সে কথা অবশ্য সত্য, মিস রীণা।

কিন্তু কতদিন চলবে তোমাদের এই পৈশাচিক কাণ্ড? না আর আমি সহ্য করতে পারছি না। তোমাদের কাথায় আমি বহু নরহত্যা করেছি.....

কিন্তু তুমি আংহাবারীকে হত্যা করতে রাজি হও নি।

হাঁ, তাকে দেখে আমার খুব মায়া হচ্ছিলো, এমন একজন অসহায় বৃদ্ধকেও তোমরা রেহাই দিলে না। কি নিষ্ঠুরভাবে তাকে তোমরা হত্যা করলে।

জানো, এ হত্যার পিছনে আমাদের কত বড় স্বার্থ সিদ্ধ হয়েছে।

হিরন্ময় মনে রেখো তোমাদের এই জঘন্য ব্যবসা একদিন ধ্বংস আছে।

রীণা!

হাঁ, আমাকে ভয় দেখিয়ে, লোভ দেখিয়ে, নানাভাবে তোমাদের কাজে টেনে নিয়েছিলে কিন্তু.....

থামলে কেন, বলো কিন্তু কি?

কিন্তু বেশি দিন তোমাদের এই ব্যবসা টিকবে না।

সত্যি? দাঁতে দাঁত পিষে বললো হিরন্ময়।

হাঁ সত্যি। বললো রীণা।

এমন সময় সেখানে এলো আর্ম, মুখে তার হাসির আভাস। বললো—স্যার মিস মালাকে আমি হাতের মুঠায় এনেছি। এখন সে আলমার সঙ্গে মেলামেশা করতে শুরু করেছে। তবে ঘনিষ্ঠভাবে এখনও সে মিশতে চায় না কারণ পিতার শোক এখনও তার মন থেকে মুছে যায়নি।

হিরন্ময় বললো—মাহরুফ এখন কোথায়?

তাকে আমাদের শহরের গুদামে আটকে রেখেছি।

দেখো পালিয়ে না যায়।

না স্যার, পালাতে পারবে না, তার হাতে পায়ে শিকল বাধা আছে।

হিরন্ময় বলে উঠলো—আসল মাহরুফ আজ অন্ধকারময় জেলে পঁচে মরছে আর নকল মাহরুফ আজ মিস মালার হৃদয় জয় করবার চেষ্টায় মেতে উঠেছে। কিন্তু মনে রেখো আর্ম, যখনই আলমা ও মালার মধ্যে প্রেম জমে উঠবে তখনই আলমাকে সরিয়ে ফেলতে হবে পৃথিবী থেকে। অবশ্য ততদিনে আংহাবারীর ঐশ্বর্য এবং সোনাদানা আমরা আত্মসাৎ করে ফেলতে সক্ষম হবো কি বলো?

রীণা বললো—এমন নরপশু তুমি হিরন্ময়? একটা তরুণ-তরুণীর জীবন তরঙ্গ প্রথম শুরুতেই ভেঙ্গে চুরমার করে ফেলতে চাও।

হাঁ মিস রীণা, কিন্তু তাদের জন্য তোমার এত দরদ কেন? বুঝেছি, আমার প্রেমে তোমাকে সন্তুষ্ট করতে পারে নি। আমি তোমার লাবার বয়সী তাই.....

চুপ করো হিরন্ময়, সব সময় তোমার নোংরা কথা আমার ভাল লাগে না।

সত্যি বলছো?

দৃঢ়কণ্ঠে বলে রীণা—হাঁ।

কথাটা বলে বেরিয়ে যায় মিস রীণা।

হিরন্ময় বাঁকা চোখে তাকায় আর্মের দিকে। গম্ভীর কণ্ঠে বলে—আর্ম, মিস রীণার কাজ শেষ হয়ে গেছে, এবার তাকে নীল সাগর তলে নীল কমল বানাতে চাই।

আর্ম বিস্ময় ভরা কণ্ঠে বললো—নীল সাগর তলে নীল কমল সে কেমন স্যার?

আজ নয় পরে বলবো, যেদিন আংহাবারীর সব কিছু আমার হাতের মুঠায় চলে আসবে আর আসবে মিস মালা। সেদিন রীণার কাজ শেষ হবে তাকে বানাবো নীল সাগর তলে নীল কমল।



অর্ধ শায়িত অবস্থায় সিগারেট পান করে চলেছে বনহর। দৃষ্টি তার সন্মুখের জানালা দিয়ে অনেক দূরে ফাংহা পর্বতের সুউচ্চ চূড়ায় গিয়ে আটকা পড়েছে। গভীরভাবে কিছু চিন্তা করছে সে।

রহমান অনেকক্ষণ থেকে তার পিছনে এসে দাঁড়িয়ে আছে কিন্তু কথা বলার সাহস সে পাচ্ছে না।

বনহর অন্যমনস্ক।

রহমান সজাগ।

এক সময় রহমান বলে উঠলো—সর্দার!

বনহর সিগারেট-টা এ্যাসট্রের মধ্যে গুজে রেখে সোজা হয়ে বসে চোখ তুললো—বলো?

আজ এক সপ্তাহকাল আপনি ছিলেন না।

তাই তুমি চিন্তিত হয়ে পড়েছিলো বুঝি?

সর্দার ঝুমার কোনো সন্ধান পেয়েছেন কি?

হতাশ কণ্ঠে বললো বনহর—না, ঝুমার কোন সন্ধান আমি পাইনি রহমান। জানি তুমিও তার কোনো খোঁজ পাওনি। কত জায়গায় আমি তাকে খুঁজেছি.....একটু থেমে বললো বনহর—আশ্চর্য, আর্ম ঝুমাকে কোথায় নিয়ে গেছে বুঝতে পারলাম না।

সর্দার, ঝুমাকে আর্ম নিয়ে গেছে?

তাছাড়া ঝুমার কোনো শত্রু ছিলো না।

সর্দার আর কতদিন আমাদের এখানে থাকতে হবে?

ঠিক বলতে পারছি না তবে মনে হয় কাজ আমার শেষ হয়ে এসেছে।

আহাবারী এখন কেমন আছেন?

অনেকটা ভাল তবে কন্যা মালার জন্য খুব দুঃচিন্তায় আছেন তিনি।

মিস মালার সংবাদ কি, জানতে পারি কি?

হাঁ পারো, মিস মালা যদিও পিতার শোকে মুহ্যমান তবু সে তার ভারী স্বামী মনে করে আলমার সঙ্গে গভীরভাবে মেলামেশা করছে। তবে এখনও তাদের মধ্যে প্রকৃত প্রেম ঘটে উঠেনি। হয়তো মালা আলমাকে ভালবেসে ফেলেছে কিন্তু আলমার এখনও দ্বিধা কেটে উঠেনি। কারণ সে জানে মালার মত মেয়েকে পাওয়া তার কোনোদিন ভাগ্যে ঘটবে না বা এটা সম্ভবও নয়।

আশ্চর্য বটে! বললো রহমান।

বললো বনহর—আশ্চর্য মোটেই নয়। জানো না রহমান আগুন আর পানি কোনোদিন এক হয় না। আহাবারী শুধু ধন কুবেরুই নন তিনি একজন মহৎ প্রাণ মানুষ। কন্যাকেও তিনি সেইভাবে গড়ে তুলেছেন। মিস মালার সঙ্গে আলমার কোনোদিনই মিলন ঘটতে পারে না। মাহরুফ মিস মালার যোগ্য পাত্র.....

কিন্তু শুনছি সে নাকি নিহত? তাকে আর্মের দল হত্যা করেছে?

না তাকে হত্যা করেনি তবে অচিরে তাকে হত্যা করবে বলে তারা মনোস্থির করে নিয়েছে। রহমান তোমার সঙ্গে কিছু গোপন আলাপ আছে, বসো আমার পাশে।

রহমান সর্দারের নির্দেশ মত বসে পড়লো।

বনহর আর রহমান মিলে চললো কিছুক্ষণ আলাপ আলোচনা ;
বনহর উঠে পড়লো ।

রহমান বললো—সর্দার আপনি এক্ষুণি বের হবেন?

বললো বনহর—হাঁ আমাকে এক্ষুণি বের করতে হবে । তুমি সকাল বেলা বের হবে এবং যে ভাবে তোমাকে কাজের নির্দেশ দিলাম সেই ভাবে কাজ করবে । মনে রাখবে আমাদের হাতে সময় এখন অতি সামান্য ।

আচ্ছা সর্দার । রহমান কুর্গিশ জানালো ।

বনহর ততক্ষণে বেরিয়ে গেছে ।

রহমান দরজায় হাত রেখে দাঁড়িয়ে আছে ।

বনহর অন্ধকারের মধ্যে হারিয়ে গেলো, আর তাকে দেখা যাচ্ছে না ।

হঠাৎ চমকে উঠলো রহমান কেউ যেন তার কাঁধে হাত রাখলো ।

ফিরে তাকিয়েই বিস্মিত হলো রহমান দেখলো আর্ম দাঁড়িয়ে আছে তার কাঁধে হাত রেখে । রহমান মুহূর্ত বিলম্ব না করে আর্মের চোয়াল লক্ষ্য করে বসিয়ে দিলো এক ঘুষি ।

আর্ম টাল সামলাতে না পেরে পড়ে গেলো হুমড়ি খেয়ে ভূতলে । সে ভাবতেও পারেনি এই লোকটা তাকে আচম্বিত মেরে দেবে । যদি জানতো তাহলে আর্ম প্রথমেই আক্রমণ করতো ভীষণভাবে ।

রহমান মুহূর্তে টেবিল থেকে তুলে নিলো পিস্তলখানা তারপর আর্মের বুক লক্ষ্য করে উঠিয়ে ধরলো । বললো—খবরদার এক পা এগুবেনা শয়তান ।

আর্ম অস্ত্র শূন্য ছিলো না, তার প্যান্টের পকেটেই ছিলো একটি গুলী ভরা রিভলবার কিন্তু আর্ম সে রিভলবার বের করার সুযোগ পেলো না ।

রহমান দ্রুত তার পিস্তলখানা আর্মের বুকে চেপে ধরলো ।

আর্ম ততক্ষণে ভূতল শয্যা থেকে উঠিয়ে দাঁড়িয়েছে । কিন্তু বুকে আগ্নেয় অস্ত্রের অস্তিত্ব অনুভব করায় স্থবিরের মত হতবাক হয়ে যায় ।

রহমান বললো—তোমাকে খুঁজছিলাম, যদিও আমার মালিক তোমার সন্ধান জানে । তোমাকে আমি এত সহজে আয়ত্ত্বের মধ্যে পাবো ভাবতেও পারি নি । বন্ধু, এবার বলো বুমা কোথায়?

আর্ম যেন অবাক হলো, বললো সে—বুমা! কে সে বুমা? আমি তো বুমা বলে কাউকে চিনি না?

রহমান পিস্তলের আগা আরও বেশি শক্ত করে চেপে ধরলো তারপর বললো—বুমাকে তুমি চেনো না বন্ধু? সত্যি তুমি তাকে দেখেনি কোনদিন?

যদি বলি হাঁ তাকে চিনি, আর দেখেওছি বহুবার ।

তবে বলো—কোথায় সে?

জানি না।

তুমি মিথ্যা কথা বলছো। জানো আজ তোমার রক্ষা নেই। পিস্তলের একটা গুলী তোমাকে হজম করতেই হবে।

বিশ্বাস করো, আমি তোমার কোনো অন্যায় করতে আসিনি...

এসেছিলে বন্ধুত্ব স্থাপন করতে, তাই না? দাঁত পিষে বললো—রহমান।

আর্ম বুকে চেপে ধরা পিস্তলের আগার দিকে তাকিয়ে বললো—তুমি তুমি বিশ্বাস করবে না কিন্তু শপথ করে বলছি আমি তোমার সঙ্গে দূশমনি করতে আসিনি।

তবে বন্ধুজনের মত বলো বুমা কোথায়।

তুমি তা হলে তোমার দক্ষিণ হস্তখানা আমার বুক থেকে সরিয়ে নেবে?

সে কথা এ মুহূর্তে আমি ঠিক করে বলতে পারবো না। কারণ যতক্ষণ আমি বুমার সন্ধান না পাবো।

বুমা বাংলাতেই আছে.....

বুমা বাংলাতেই আছে?

হ্যাঁ।

মিথ্যে কথা।

না সত্যি বলছি।

কোথায় সে বলো?

পাশের কামরায়.....

ঠিক ঐ মুহূর্তে রহমান অন্যমনস্ক হয়ে যায়। সেই সুযোগে আর্ম রহমানকে এক ধাক্কায় সরিয়ে পালিয়ে যায় সে জানালা উপকে বাইরে।

রহমান সন্ধিৎ ফিরে পায় এবং সঙ্গে সঙ্গে জানালা দিয়ে গুলী নিষ্ক্ষেপ করে গাইরের অন্ধকারে।



মিস রীণা এই সেই নীল সাগর তলে আমার স্বর্ণ গুহা। জানো—এখানে আমাদের কত সোনা আছে? কথাগুলো হিরন্ময় রীণাকে লক্ষ্য করে বললো।

রীণা দু'চোখে বিশ্বয় নিয়ে তাকিয়ে দেখছিলো, গভীর সাগর তলে অদ্ভুত নীল সুড়ঙ্গ পথ। সেই সুড়ঙ্গ পথে হিরন্ময় তাকে নিয়ে এসেছে এখানে। নীলদিকে থম থমে ভাব। বিরাট গুহা, সাগরের তলে এমন একটি গোপন খাতানা আছে, কেউ কোনোদিন ভাবতেও পারবে না।

রীণাকে অবাক হতে দেখে হিরন্ময় মৃদু হাসে। বলে উঠে সে—রীণা এই নীল সাগর তলে তুমি হবে নীল কমল। যুগ যুগ ধরে তুমি থাকবে এখানে.....

আর তুমি! বললো রীণা।

হিরন্ময় বললো—আমি! আমিও থাকবো—তোমার পাশে। এসো রীণা, স্বর্ণ গুহার ভিতরে চলো। দেখবেনা ভিতরে কত সোনা।

দেখাবে? আমাকে স্বর্ণ গুহার ভিতরে নিয়ে যাবে তুমি? সত্যি বলছো তো?

হাঁ, এতদূর যখন এনেছি তখন স্বর্ণগুহার মধ্যে তোমাকে না নিয়ে গিয়ে পারি। এসো আমার সঙ্গে।

রীণার দু'চোখে আনন্দ ধরে না।

নীল সাগর তলে, দুর্গম সুড়ঙ্গ পথে হিরন্ময় তার হাত ধরে নিয়ে এসেছে। অদ্ভুত এ সুড়ঙ্গ পথ চারিদিকে। অপূর্ব, সুন্দর শুধু সোনাদানা আর মূল্যবান হীরা পাথর। রীণা দু'নয়ন ভরে দেখছে। এ সব নাকি তারই হবে সে হবে নীল সাগর তলের নীল কমল।

হাঁ, তুমি হবে নীল সাগর তলে নীল কমল.....হাঃ হাঃ হাঃ.....হাঃ হাঃ হাঃ.....হাঃ হাঃ হাঃ.....

হিরন্ময়ের হাসির শব্দে শিউরে উঠে মিস রীণা, সে ফিরে তাকাতেই ভীত হয়ে উঠে। হিরন্ময়ের হাত দু'খানা ঠিক সাড়াশির মত তার গলার দিকে এগিয়ে আসছে।

রীণা চিৎকার করে উঠে—হিরন্ময় তুমি আমাকে হত্যা করবে?

হিরন্ময় বলে উঠে—না হত্যা নয়, তোমাকে আমি বানাবো নীল কমল বুঝলে? ততক্ষণে হিরন্ময়ের কঠিন হাত দু'খানা রীণার গলায় শক্ত হয়ে চেপে বসেছে।

রীণা আর্ত কর্তে চিৎকার করে উঠে—বাঁচাও, বাঁচাও আমি নীল সাগর তলে নীল কমল হতে চাইনা.....।

পরবর্তী বই
ঘোলা জল